

1-3203-5
عماد، میر -*

اعظم خطاطیندن و سادات حسینیہ-دن اولوب، قزوینلیدر. وطننده عیسای رنک انکاردن و مالک دیلمیدن تلمذ ایتدیکدن صکره، تبریزه عزیزه، ملا محمد حسیندن و باباشاه اصفهانیدن مشق آلمش، و علی واضع ایله میر علی کاتب و قبله الکتاب کبی مشاهیر خطاطینک آثارینی تتبع ایده-رک، استعداد طبیعیسی و کثرت توغلی قوتیله جمله-سنه تفوق ایتمشدی. تبریزدن روم جهتنه و بعده هرات و خراسانه سیاحت ایدوب، غزنینه عودت، و 1008 تاریخنده اصفهانه انتقال ایتمش؛ و اوراده ملوک صفویه-نک التفات و احسانلرینه نائل اولمش ایدی. کندیسی شیعیلک و سنیلک ناملریله بین الاسلام واقع اولان اختلافک رفعی فکر و مسلکنده بولنمغله، خصماسی کندیسنه شاه عباس یالنده سعایت ایتدکلرندن، و ذاتاً شاه عباس علی رضای عباسی-یه زیاده حرمت ایتمکله، صاحب ترجمه قیصقانونب، شاه مشارالیه حقنده سردهجه بعض اشعار سویلمش اولدیغندن، 1024 تاریخنده، احبابندن برینک ضیافتنه کیدرکن، بعض اوباش یدیله قتل اولمشدر. وفاتنده 63 یاشنده ایدی. استانبولده شهید علی پاشا کتبخانه-سنده صاحب ترجمه-نک خطیله محرر مولانا جامینک بر ((تحفة الاحرار))ی موجوددر. طبیعت شعریه-سی دخی وار ایدی.

2-3203-5
عماد الدوله، ابو الحسن علی بن بویه

آل بویه دولتتک مؤسس و برنجی حکمداری اولوب، بویه اسمنده دیلی بر بالقجینک اوچ اوغلندن بیوکیدر. دیگر ایکسی رکن الدوله حسن و معز الدوله احمددر. صاحب ترجمه برادرلریله برابر مرداویجک خدمتنده بولنوب، کرخ حکومتنه تعیین اولنمشیدی. مرداویجک اصفهانده قتلی وقوعنده صاحب ترجمه عراق و فارس و دیلمی ضبط ایله، 321 تاریخنده اعلان سلطنت ایدوب، عماد الدوله لقبیله تقلب ایتمش؛ و 17 سنه-یه قریب مدت سلطنت سوردکن صکره، 338ده شیرازده وفات ایتمشدر. اولادی اولمدیغندن، وفاتنده برادری رکن الدوله حسنله بالاتفاق بونک اوغلی عضد الدوله-یی شیراز تختنده یراقمش؛ و برادرلری بغداده میرالامرالق و اصفهانده والیک ایتمشلردر. عماد الدوله-نک وفاتنده سنی 57 ایدی.

3-3203-5
عماد الدین، ملک عزیز -* و ملک صالح -*.

[[عزیز]] و [[صالح]] ماده-لرینه مراجعت بیوریله.]

4-3203-5
عماد الدین

فرس شعراسندن اوچ ذاتک اسمیدر:
برنجیسی %خواف\$ تابع %زورن\$ قصبه-سندن اولوب، شاه سنجرک معاصری و طغانشاهک مداحی ایدی. 791 تاریخنده وفات ایتمشدر. شو بر ایکی بیت جمله اشعارندندر:

@@@
شکفته چون کل نوروز دوز عید آن ماه

بینده خانه خرامید با مداد بیکاه
ز جای جسته و سویش دویده برپایش
چه بو سهاکه زدم لا اله الا الله
\$

*- ایکنجیسی غزینلی اولوب، بعضلرک ظننجه حکیم سنائی معاصرلرندن مختارینک اوغلی، و
دیکرلرک اعتقادنجه عمادی شهریارینک عینیدر. شورباعی اونکدر:

@@@

چون چهره کشود صبح کافور عذار
شد نوش لبم ز خواب نوشین بیدار
کفتم که بیار بوسه کفتا که بکیر
کفتم که بکیر باده کفتا که بیار

\$

*- اوچنجیسی طوس ساداتندن اولوب، مخلصی موسویدر. شو بیت اونکدر:

@@@

یار کفت از غیر ما پوشان نظر کفتم بچشم
و آنکهی دزدیده در ما می نکر کفتم بچشم

\$

*- هندستان شعراسندن دخی بر عماد الدین اولوب، ((کلدسته)) عنوانیله بر اثرک صاحبیدر. 1075ده
وفات ایتمشدر.

1-3204-5

عماد الدین بن المشطوب

[[(ابن المشطوب) ماده-سنه مراجعت بیوریله.]]

2-3204-5

عماد الدین بن یونس، ابو حامد محمد

مشاهیر فقهاء شافعیه-دن اولوب، فقه و اصول و خلافة زماننک فریدی ایدی. اقطار بعیده-دن درسنه
طلبه کلوب، بونلر میاننده بر چوق مشاهیر یتشمشدر. اربله دنیایه کلوب، پدرندن تحصیل ایتدکن
صکره، بغداده عزیمتله، مدرسه نظامیه-ده اکمال تحصیل ایتمش؛ و بعده موصله عودتله، بر قاچ
مدرسه-ده تدریسه و تألیف کتبله اشتغال ایده-رک، ((المحیط)) عنوانیله بیوک و مکمل بر کتاب و سائر
بر خیلی آثار یازمش؛ و غزالینک ((وجیز)) ینی شرح ایتمش ایدی. نور الدین آرسلا نشاهک زماننده قدر
و اعتباری زیاده اولوب، مشار الیه طرفندن مکرراً سفارتله بغداده کوندلرلمش؛ و حضور خلیفه-ده
مباحثه ایتمشدی. بر آره-لق موصلده قاضی اولمش؛ و حاکم مشار الیهک وفاتندن صکره دخی اوغلی ملک
قاهر مسعودک عننده قدر و اعتباری زیاده بولنمشدر. 608 تاریخنده موصلده وفات ایتمشدر. عائله-سی
افرادندن ده بر قاچ مشاهیر یتشمشدر.

3-3204-5

عماد الدین دنیسری، ابو عبد الله محمد بن القاضی الخطیب تقی الدین عباس

مشاهير اطباى اسلامدن و فقهاء شافعيه و ادبا و شعرا دن اولوب، 605 تاريخنده دنيسر قصبه-سنده طوغمش؛ و فنون طبيه ايله علوم شرعيه و ادبيه-يى بعد التحصيل، ديار مصره سياحت، و بعده شامه عودتله، دمشقده بعض ملوك خدمتده و %بيمارستان كبير نوري\$ طبابتده بولنمشدر. ابن ابى اصيبعه ((طبقات الاطبا))سنده بو ذاتله 667ده دمشقده كوريشديكى بيانله، و فرت ذكاسنى، حسن اخلاقنى و هر علمده-كى مهارت و معلوماتنى مدح ايديور. ((المقالة المرشدة فى درج الادوية المفردة))، ((كتاب نظم الترياق الفاروق))، ((كتاب فى المتروديوس))، ((كتاب فى تقدمه المعرفة لابقراط))، و ((ارجوزة)) عنوانريله بش كتابى و مرتب ديوان اشعارى واردر. شو بر ايكى بيت اونكدر:

@@@

بالله يا قارئاً شعري و سامعه
اسبل عليه رداء الحلم و الكرم
و استر بفضلك ما تلقاه من ذللى
فان علمى قد اثرى من العدم
\$

4-3204-5

عماد الدين زكى، بن أفسنقر

موصل و حلبده حكومت سورن اتابكان دولتتك مؤسسى و برنجى حكمدارى اولوب، عن اصل دولت سلجوقيه امراسندن اولديغى حالده، 521 تاريخنده سلطان محمود بن محمد بن ملكشاه سلجوقى طرفندن بغداد و موصل حكومته تعيين اولنمش؛ و بر مدت صكره حلبى دخى ضبط ايتمش ايدي. 524ده دمشق قرينده اهل صليبيله محاربه ايديوب، غالب كلديكى كى، 528ده دخى رها يعنى اورفه-يى بونلرك النذن تخليص، و 534ده دياربكرى دخى ضبط ايتمش؛ و بو وجهله اكتساب قوت ايديوب، قلمروى دائره-سنى توسيع ايتمكله، 19 سنه مستقل بر حالده حكومت سوردكن صكره، 540 تاريخنده جعبر قلعه-سنى محاصره ايله مشغول ايكن وفات ايلمشدر. كنديسندن صكره ملكى ايكى يه تقسيم اولنه-رق، بيوك اوغلى نور الدين محمود حلبى و بعده دمشقى پايتخت اتخاذ ايتمش؛ و ايكنجى اوغلى سيف الدين غازى دياربكر و موصلده حكومت سوروب، وفاتنده بر ادرى قطب الدين مودود خلفى اولمشدر. دمشق و حلبده-كى حكومت چوق سورميوب، منقرض اولمش ايسه-ده، موصلده-كى شعبه مغوللرك خروجه-دك دوام ايتمشدر.

5-3204-5

عماد الدين كاتب، ابو عبد الله محمد بن صفى الدين ابى الفرج محمد الاصبهانى

اعظم علما و ادباى اسلامدن و فقهاء شافعيه-دن اولوب، 519 تاريخنده اصفهانده طوغمش؛ و كوچك ياشده ايكن بغداده انتقال ايده-رك، مشهور مدرسه نظاميه-ده فقه و حديث و علوم ادبيه-يى تحصيل ايتدكن صكره، وزير عون الدين يحيى بن هبيرة-يه انتسابله، بصره و بعده واسط ناظرلغنه تعيين اولنمش؛ و وزير مشار اليهك وفاتنده حاميسز قالوب، پريشان حال اولمغله، 562 تاريخنده دمشق شامه كيده-رك، اوراده حكم سورمكده اولان ملك عادل نور الدين محمود بن عماد الدين زكينك متولئ امورى قاضى كمال الدين ابو الفضل بن الشهر زورى ايله و امير كبير نجم الدين ايوبله كسب معارقه ايتمش؛ و قاضى مشار اليه علم و فضلنى تقدير ايتديكى كى، صلاح الدين ايوبينك پدرى اولان امير مشار اليه دخى تكرينده صاحب ترجمه-نك عمى عزيزى طانيمش اولديغندن، بونلرك فوق العاده التفات و

معاونت‌رینه مظهر اولمش، و قاضی مشار الیهک توسیه و تقدیم‌یه، ملک عادلک منشیسی اولوب، عربی و فارسی انشاده آز زمان طرفنده کسب ممارسه و اشتهار ایتمش ایدی. بو آره-ده امیر کبیرک اوغلی صلاح الدین ایوبی ایله بینلرنده بیوک بر محبت و مخالفت حاصل اولمشدی. ملک عادلک عندنده قدری کوندن کونه برتر اولوب، محرم اسراری اولمش؛ و خلیفه مستجدک زماننده سفارت مخصوصه ایله بغداده اعزام اونهرق، عودتنده کندی اسمنه اضافتله مدرسه عماد تسمیه اولنان مدرسه-نک مدرسلی دخی عهده-سنه تفویض اولنمش؛ و 568 تاریخنده اشراف دیوانه یعنی مجلس خاصه داخل اولمش ایدی. ملک عادلک وفاتنه-دک بو وجهله دولت و اعتبارده بولنوب، اوغلی ملک صالح تخت نشین اولنجه، خصما و رقباسی بونک صباوتندن استفاده ایله، علیهنده تزویر نه باشلاقلرندن، عماد الدین نائل اولدیغی جاه و دولتی ترکله، بغداد عزیمت ایتمش ایسه-ده، موصله و وصولنده آغر و اوزون بر خسته‌لغه دوچار اولمغله، اوراده اقامت ایتمکده ایکن، مصرده دولته نائل اولمش اولان سلطان صلاح الدین ایوبینک شامی استیلابه کلدیکنی خبر ألمغله، 570 تاریخنده او طرفه عودت ایدوب، بر خلی وقت سلطان مشار الیهک مسافر خاصی اولهرق، سفرلرنده معیتنده بولنمش؛ و بعده وزیر و معتمدی و مشا و رخاصی اولوب، سلطان مشار الیهک رفاننه-دک بو حالده قالدقندن صکره، مشار الیهک وفاتنده ینه حامیسز قالمش؛ و کرشه انزوایه چکیلوب، تألیفاتله مشغول اولدیغی حالده، 597 تاریخنده دمشقده وفات ایده-رک، مقابر صوفیه-ده دفن اولنمشدر. ساده-جه کاتب اصفهانی و ابن اخی العزیز دینمکله دخی معروفدر. صلاح الدین ایوبی و سائر اکابر زمانی حقنده بر چوق قصاید و مداخلی و آنف الذکر قاضی فاضل ایله بر چوق مکاتبات بلیغه و ملاطفات نکته آمیزی وارددر. درت جلد اوزره مرتب دیوان اشعاری و مفرداتی حاوی بر دیوانیله دیوان مراسلاتی یعنی مجموعه منشاتی مرتبدر. بوندن ماعدا بر وجه آتی پک قیمتدار و نافع تألیفاتی وارددر: ((خریده القصر و جریده العصر))، که ثعالبینک ((یتیمه الدهر)) ینک ذیلنک ذیلی اولوب، 500 تاریخندن 572 تاریخنه-دک ظهور ایدن شعرانک تراجم احوال و بعض اشعارینی حاوی و اون جلدن مرکبدر؛ ((البرق الشامی)) که کندی ترجمه حالنی و ملک عادل نور الدین محمود ایله صلاح الدین ایوبینک احوالنی و بونک فتوحاتنی حاکی اولوب، یدی جلدن مرکبدر؛ ((کتاب الفتح القدسی فی الفتح لقدسی))، که صلاح الدین ایوبینک قدسی اهل صلیبک لندن صورت ضبطنی مبین اولوب، ایکی جلد اوزره-در؛ ((کتاب السیل علی الذیل)) که مذکور ((خریده القصر)) ینک ذیلیدر؛ ((کتاب نصره الفترة و عصرة لقطرة فی اخبار الدولة السلجوقية)) که ملوک سلجوقیه-نک مکمل تاریخیدر. صاحب ترجمه ایله قاضی فاضلک و فرت ذکا و بهره ادبیلرینه دلالت ایتمک اوزره، شو فقره-نک ایرادی کافیدر: عماد اسب سوار کیتمکده اولان قاضی فاضله: ((سر فلا کبابک الفرس)) دیوب، قاضی فاضل بداهه ((دام علا العماد)) دیه جواب ویرمش، که بو جمله-لرک ایکیسی-ده یوقاریدن و آشاعیدن قرائت اولنور. شو ایکی بیت جمله اشعارندن اولوب، وفاتنن اول خسته ایکن زیارتنه کیدنلردن برینه خطاباً سویلمشدر:

@@@

انا ضیف بر بعکم این این المضیف
انکرتنی معارفی مات من منت کنت اعرف
\$

1-3205-5
عماد الملك

[[عماد شاه]] ماده-سنه مراجعت بیوریله.]

2-3205-5
عماد زوزنی

ایران مشاهیر شعرا سندن اولوب، امام غزالی‌نک معاصر لر ننددر. امام مشار الیهک اشارتیله ترک آرایش دنیا ایدوب، طریق زهد و تصوفه سلوک ایتمش اولدیغی مرویدر. امامک مجلسنه دخولی استیذان معرضنده سویلمش اولدیغی شو رباعی جمله اشعار ننددر:

@@@

خرد را دوش می‌گفتم که این کهنه جهان از کی
شد از غوغای شیطان وز سوید ای هوا خالی
خرد گفتا عجب دارم که میدانی و میپرسی
بعهد علم غزالی بعهد علم غزالی
\$

1-3206-5

عماد شاه، فتح الله -* -

دکنده دولت عماد شاهینک مؤسسی اولوب، عن اصل برهمنی المذهب اولدیغی حالده، برار حاکمی خان جهانک الینه اسیر دوشوب، شرف اسلامه مشرف اولمش؛ و محمد شاه بهمنینک خدمتنه کیروب، خواجه محمود کاوانک دلالتیله عماد الملک عنوانیله برار والی و قوماندانی اولمشیدی. محمود شاه بهمنینک جلوسنده وزارت تعیین اولنوب، بعده نظر دن دوشمکله، 890 تاریخنده براره چکیلوب، اعلان استقلال ایدو-رک، (الیچبور) پایتخت اتخاذ ایتمشیدی. 919ده وفات ایدوب، اوغلی علاء الدین عماد شاه خلفی اولمشدر. بعده بونک اوغلی دریا عماد شاه و اوندن صکره برهان عماد شاه حکومت سوروب، بونک وزیر ی طفیل خان حکومتی ضبط ایتمش؛ و 976ده دولت عماد شاهی منقرض اولمشدر.

2-3206-5

عماد فقیه، خواجه -* -

ایران مشاهیر شعرا سندن و علما و مشایخدن اولوب، کرمانلیدر. وطننده خانقاهی و خیلی مریدانی وار ایدی. آل مظفردن شاه شجاعک زماننده یاشایوب، خواجه حافظ شیرازینک معاصر لر ننددر. ((محببت نامه)) و ((محنت نامه)) عنوانیله ایکی منظومه-سی و سائر مثنویاتی و روایت کوره اون ایکی بیگ بیته بالغ اشعاری واردر. 773ده وفات ایدوب، خانقاهی خطیره-سندده مدفوندر. شو بیت جمله اشعار عارفانه-سندندر:

@@@

کردر جهان دلی ز تو حرم نمیشود
باری چنان مکن که شود خاطری حزین
\$

3-3206-5

عماد کاتب و عماد کرمانی

[[عماد الدین کاتب]] و [[عماد فقیه]] ماده-لرینه مراجعت.]

4-3206-5

عماد الدین الله، عز الملوك ابو کالیجار مزربان

[[مزربان]] ماده-سنه مراجعت بیوریله.]

5-3206-5

عمادُر

ایران شعرا سندن و خواجه شمس الدین محمدک معاصر لرندندر.

6-3206-5

عمادی

ایران شعرا سندن اولوب، %ری\$ شهرنده نشأت ایتمشدر. دولت سلجوقیه امراسندن اولوب، طغرل بن آرسلانک مداحی و سید حسن غزنوی ایله اوحد الدین انورینک ممدوحی بولنمش؛ و 587ده وفات ایتمشدر. شو بیت اونکدر:

@@@

مرا از شکستن چنان درد ناید
که از ناکسان خواستن مومیایی

\$

*- عمادی مخلصیه متخلص غزینلی بر شاعر دخی بولندیگی مرویدر.

7-3206-5

عمادی، محمد امین

ایرانک مشاهیر خطاطیندن اولوب، خطاط شهیر میر عمادک تورونی و شاه عباسک حافظ کتبی ایدی. خطی جدیدک خطندن فرق اولنمیه-جق درجه-ده ایدی. 1120 تاریخنده 45 یاشنده اصفهانده وفات ایتمشدر.

8-3206-5

عمادیه

وان ولایتک حکاری سناغانده ولایت و سناغانک منتهای جنوبنده قضا مرکزی بر قصبه اولوب، وانک 150 کیلومتره جنوبنده و موصلک 80 کیلومتره شمالنده، کوزل و منبت بر وادینک اوستنده کائن مستحکم بر تپه-نک اوزرنده واقعدر. 5000 اهالیسی اولوب، 1900 ی یهودی، 600 ی کلدانی و قصوری، اکثریت اوزره کرد اولمق اوزره، مسلمدر. سکسان دکانی حاوی بر چارشیزی و مشهور باغ و باغچه-لری واردر. قلعه-سی قدیم اولوب، دولت اتابکیه مؤسسی عماد الدین زنکی طرفندن بنا و نامنه نسبتله

تسمیه اولنمشدر. مع هذا اليوم معمور اولوب، اوچ قیوسی واردر. یازین هواسی پک صیجاق اولمغله، اکثر اهالیسی باغره چیقار. قیشین ایسه ملایم و پک لطیفدر.

*- عمادیه قضاسی شمال غربی جهتندن بیت الشباب، شمالاً چال، شمال شرقی جهتندن اورامر، شرقاً شمیدان قضالریله، جنوباً و جنوب غربی جهتندن دخی موصل ولایتیله محاطدر، اراضیسی عارضه-لی اولوب، ژاب اعلایه و طوغریدن دجله ایرماغنه دوکیلور بر قاچ چایی و خیلی اورمانلری واردر. قضا 5 ناحیه و 366 قریه-یی حاوی اولوب، 23940 اهالیسی واردر، که بو مقدارک نصفندن زیادهسی کرد و سنی اولوب، قصوری کلسانی، نسطوری، یهوری و یزیدین مرکبدر. طاغلرینک اکثری اورمانلرله مستور اولدیغی کبی، وادیلریله اووه-لری دخی خیلی منبت اولوب، بغدای، آرپه، مصر، داری، پرنج و سائر محصولاتی واردر. زیتون، طوت، بادم، شفتالی، زردالی، نار، اریک، آرمود، الما و سائر میوه-لریله اوزومی دخی چوق و پک مقبولدر. توتون و پاموق محصولاتی ده چوقدر. فضلّه محصولاتی باش قلعه-یه نقل اولنه-رق، اورادن ایرانه و روسیه-یه سوق اولنور. علی الخصوص تورو اوزومیله توتونی و بالی ایرانده پک مقبولدر.

1-3207-5
عمار بن علی

مشاهیر کحالین اسلامدن اولوب، موصلیدر. کحالقده مهارت فوق العاده-سی وار ایدی. ملوک فاطمیه-دن حاکم بامر الله زماننده بر مدت مصرده اقامت ایتمشدی. مشار الیهک نامنه ((کتاب المنتخب فی علم العین و عللها و مداواتها بالادویه و الحديد)) عنوانیله کوزل بر کتاب یازمشدر.

2-3207-5
عماد بن یاسر، ابو الیقظان -*- بن عامر المذحجی العنسی

قدماى صحابه-دن اولوب، پدری و والده-سیله برابر اک اول اسلامه کلنلردندر. کندیسى قدم اسلامجه صحابه-نک اوتوزنجیسیدر. صهیب بن سناتله برابر اسلامه کلمشدر. پدری یاسر عن اصل یمنلی اولوب، مکة مکرمه-یه ورودله، ابو حدیفه-نک بر جاریه-سنی تزوج ایده-رک، صاحب ترجمه بو ازدواجدن تولد ایتمشدر. کندیسى و پدر و والده-سی اسلاملرندن طولایی پک چوق عذاب و جفا کوروب، حتی کرها فخر کائنات (صلعم) افندمزک علیهنده اداره لسانله قریشک الهه کاذبه-سنی تصدیق ایتمکه مجبور اولمش؛ و بونی جانب نبویه نقل ایتمکده، او ثناده قلبی نصل بولدیغی سؤال بیورلمغله، قلبمده اطمئنان بر کمال ایدی جوابنی ویرمش؛ و بونک اوزرینه حقنده ((من کفر بالله بعد ایمانه الا من اکره و قلبه مطمئن بالایمان)) آیت کریمه-سی نازل اولمشدر. والده-سی عذاب تحتنده جان ویرمشدر. فضائلی چوق اولوب، حقنده بر قاچ حدیث شریف وارد اولمشدر. ((من عادى عماراً عاداه الله و من ابغض عماراً ابغضه الله)) حدیث شریفی او جمله-دندر. معیت حضرت نبویه مدینه منوره-یه هجرت ایدوب، بدر واحد و خندق غزالرنده و سائر غزواتله رضوان بیعتنده بولنمشدر. مدینه منوره-یه وصولنی متعاقب حضرت نبی ذی شان (صلعم) افندمز ایچون بر عبادت و استراحت محلنه لزوم اولدیغنی بیانله، اسلامده برنجی اوله-رق مسجد بناسنه تشبیت ایدن عمار بن یاسر اولوب، مسجد قبایی کندیسى یاپمشدر. مسیلمه الکذایه قارشى یمامه وقعه-سنده دخی بولنوب، بو محاربه-ده بر قولاغی کسپله-رک، قانلری آقمقده اولدیغی حالده، بر قیانک اوزرینه چیقوب، عسکر مسلمینی حربه تشویق ایدر، و کندیسى هجومدن کرى طورمازدی. نوبت خلافت فاروق اعظمه کلنجه، صاحب ترجمه کوفه و الیکنه نصب بیورلمش؛ و بعد العزل حضرت علی (رضه) افندمز انتساب ایده-رک، جمل و صفین محاربه-لرنده معیت جناب مرتضویه بولنمش؛ و هله صفین محاربه-سنده طقسان درت یاشنده اولدیغی حالده، شیرانه حمله-لر ایده-رک، و اکثر صحابه

کندیسنه تابع اوله-رق، شهید اولنجه-یه قدر مجاهده ایتمشدر. فخر کائنات (صلعم) افندمز کندیسنه ((ابشر عمار تقتلك الفئة الباغية)) بیورمش اولمغله، بو حدیث شریف جمله-جه معلوم اولدیغندن، جناب عمارك شهدتی معاویه ایله طرفدارننك بغینده شبهه بر اقامغله، او وقته قدر جمل و صفین محاربه-لرنده حاضر بولنوب-ده سلاح استعمال ایتمین حزیمه بن ثابت حضرتلری سل سیف ایدوب، شهید اولنجه-یه قدر قلیچ چالمش؛ و عمرو بن العاص بیله: کاشکه یکر می سنه اول اوله ایدم-ده بوکونی کورمیه ایدم، دیمش ایدی. حضرت علی (رضه) جناب عمار ای ائوابیله و شرط شهدا اوزره بلا غسل دفن ایدوب، جنازه نمازینی کندیلری قیلمشدر. اوزرن بویلی، بغدادی رنکلی، آق صقاللی و باشنک تپه-سی قیلسز نورانی بر پیر روشن ضمیر ایدی. کندیسندن بر خیلی احادیث شریفه مروی اولوب، علی بن ابی طالب، ابن عباس و سائر صحابه ایله اوغلی محمد و محمد بن الحنفیه و سائر تابعین کندیلرندن روایت ایتمشدر.

3-3207-5

عمار

صحابه-دن بر قاچ ذاتک اسمی اولوب، اک مشهورلری عم جناب نبوی حضرت حمزه بن عبد المطلب (رضه)ک او غلیدر، که برادری یعلی ایله برابر رحلت حضرت رسالتینا هیله کوچک یاشده ایدیلر. ذریتلری قالمشدر.

4-3207-5

عمار

بصره ولایتده و بصره-نک 170 و قرنه-نک 100 کیلومتره شمال غربیسنده و بغدادک 300 کیلومتره جنوب شرقیسنده اوله-رق دجله-نک ساحل شرقیسنده واقع همنامی اولان سنجاغک مرکزی بر قصبه اولوب، 9500 اهالیسی، اوچ جامع شریفی، بر رشديه ایله 6 اسلام و 4 غیر مسلم صبیان مکتبی و بر اوفق چارشیسيله خیلی تجارتي واردر. اهالیسنک قسم کلیسی سنی و شیعی اوله-رق، مسلم اولوب، 600 قتولیک، 1000 صابئین و 900 موسوی دخی واردر. پک یکی بر قصبه اولوب، یقین و قتلره کلنجه-یه قدر اورالری عربان عشایرینک جولانکاهی ایکن، بوندن اتوز بش سنه اول اورالرجه اجرا اولنان اصلاحات صره-سنده الیوم قصبه-نک بولندیغی موقعده بر قشله انشا ایله، بر مقدار عسکر اقامه ایدلمش؛ و در عقب بغداد و بصره-دن بعض تجرا و اصناف و سائر اهالی طویلانوب، بر قصبه تشکل ایتمش؛ و بصره-نک بغداددن تفریقده متصرفلق مرکزی اتخاذ اولنمشدر. *- عماره قضاسی همنامی اولان سنجاغک مرکز قضاسی اولوب، لوانک شمال غربی قسمندن عبارتدر. اراضیسی دوز اولوب، اسقا اولنه-بیان یرلری منبتدر. مرعالری چوقدر. امام علی الشرقی و امام علی الغربی ناحیه-لرینی حاوی اولوب، 41000 اهالیسی واردر، که بونلرک مرکزده بولنان 2500 نفوس غیر مسلمه-دن ماعداسی مسلم و ینه مرکزده موجود 5400 سنیدن ماعداسی کاملاً شیعی المذهبدر. خیمه نشین عشایری دخی اولوب، اک جمعیتلیسی بنی لام عشیرتیدر.

1-3208-5

عمار

سنجایی. بصره ولایتی ترکیب ایدن درت سناغک بری اولوب، ولایتک شمال شرقی گوشه-سنده و دجله-نک ایکی جهتده واقعدر. شمال شرقی جهتندن و شرقاً حدود ایرانیه ایله، شمال غربی جهتندن بغداد ولایتک مرکز سناغایله، غرب جنوبی جهتندن منتفک سناغایله، جنوباً بصره مرکز سناغایله محاط و محدوددر. مرکزی همنامی اولان آنف البیان عماره قصبه-سیدر. سناجق: عماره، شطره، زیبر و دوبریج اسملریله 4 قضان مرکب اولوب، 150000 اهالیسی واردر، که باشلیجه مرکزده بولنان 2900 صابئین و یهودی و قتلکیدن ماعداسی کاملاً مسلم و بولنردن 6050 سی سنی و قصوری شیعیدر. اهالیسی زراعت و حیواناتله مشغول اولوب، اکثری عشرتله منقسم ایسه-ده، کوچیه حالنده یاشامیوب، ساکندرلر. و مع هذا ینه سناجق داخلنده اکثریا محل دکیشدیرلر. بو عشایرک باشلیجه-لری: بنی لام، البودراج، السوید، البو محمد، السودان و الابزر ج عشرتلی اولوب، شعبه-لره منقسمدرلر. اراضیسی دوز اولوب، دجله ایرماغی شمال غربیدن جنوب شرقی-یه طوغری سناغی اورتهدن شق ایدر؛ و شرق طرفنده حدود ایرانیه-یی تشکیل ایدن طاغردن بر چوق چاپلر کلوب، ایرماغه دوکلدیکی کبی، غرب طرفنده دخی دجله-یی فراته ربط ایدر بر قاچ جدولی واردر. طوپراغی پک منبت اولوب، اروا اولنه-بیلن یرلرده پرنج، بغدای، آرپه، مصر، داری، سوسام، ماش، پاموق، کتن، آفیون و سائره-دن خیلی محصولاتی واردر. خرما، پورتقال، لیمون، قایصی، الماء، آبوه، نار، انجیر، اوزوم، طوت، و سائر میوه-لرده چوقدر. حیوانات اهلیه-سی چوق اولوب، درون لواده سنوی 60000 صیغیر، 40000 مانده، 20000 ات، 30000 اشک، 30000 دوه و 300000 قیون که جمعاً 480000 حیوان یتیشدیریلیر. بو جهتجه دوبریج قضاسی برنجی، شطره ایکنجی و عماره قضاسی اوچنجی درجه-در. اک ایی قیونلری بنی لام عشرتتک کیلر اولوب، بولنرک یموشاق و اینجه بیاغیلریله یاغلری و جودی دینلن دوه-لریله رستاقیه تعبیر اولنان اینکاری تجارتده پک مقبولدر. اینکلری موصل طریقله مصره قدر سوق اولنور. کرک محصولات ارضیه-دن و کرک حیوانات محصولی اولان یاغ، بیایغی و دری ایله صاغ حیوانلردن خیلی مقدار بغداد و بصره طریقله اخراج اولنیور. وقتیله بو یرلر اورمانلره مستور ایکن، شمدیکی اورمانلری معموره-لره قریب اولان خرماقلرله بعض بطاقلر جوارنده اوفق تفک آغاج کومه-لرندن عبارتدر. هنوز کشف اولنمش هیچ بر معدنی دخی یوقدر. حیوانات وحشیه-سی-ده آز و یاشلیجه تیلکی، چقال و طوموزدن عبارت اولوب، وقتیله بولنان آرسلان جنسندن اثر قالمامشدر. سناجق داخلنده طوزی حاوی اوچ کول بولنوب، خیلی طوز چیقار. صنایع محلیه حصیر و قایق کبی شیلر اعمالیه قیومجیلغه متعلق معمولاتدن و سائر حوایج ضروریه-یه عائد عادی بعض ایشلردن عبارتدر. دجله وادیسی قریلرنده بر خیلی بطاقلر و سازقلر بولنیور، که هوایی عفو نئلندیروب، صیتمه-یی و بعض علل ساریه-یی تولید ایدرلر. بو بطاقلردن اوزاق یرلرده و از آن جمله عماره قصبه-سنده هوا صیجاق ایسه-ده، صاغلاددر.

1-3209-5

عمارة الیمنی، ابو محمد نجم الدین -*-. بن ابی الحسن علی

مشاهیر شعرا سندن و فقهاء شافعیه-دن اولوب، یمنک تهامه-سنده واقع %مرطان\$ قصبه-سنده تولد، و 531 تاریخنده زبید شهرینه انتقال ایدوب، اوراده درت سنه قدر علم فقه ایله اشتغال ایتمش؛ و 549ده ایفای حج ایدوب، مکه حاکمی قاسم بن هاشم بن فلیته طرفندن سفارتله مصره اعزام اولنه-رق، سلطان مصر بولنان فائز بن ظافر فاطمی ایله وزیر صلیح بن زبیدی بعض قصائدله مدح ایتمله، التفات و احسانلرینه نائل اولمش؛ و مکه-یه و اورادن زبیده عودت ایدوب، ایرتسی سنه ینه قاسم طرفندن مأموریت مخصوصه ایله مصره اعزام اولندقد، قاهره-ده اختیار اقامت ایتمش ایدی. فاطمیونک حکومتی زائل اولوب، سلطان صلاح الدین ایوبی مصرده حکم سورمکه باشلاینجه، بونی و اقربا و امراسنی دخی قاصید بلیغه ایله مدح ایده-رک، احسانلرینه نائل اولمش ایدی. ((کتاب اخبار الیمن)) عنوانیله خطه

یمانیه-نک تاریخی و ((النکت العصرية فی اخبار الوزراء المصرية)) عنوانیله دیکر بر کوزل کتابی و دیوان اشعاریلله سائر بعض آثاری وارد. شو بر ایکی بیت جمله اشعارندندر:

@@@

اذا لم يسالمك الزمان فحارب
و باعد اذا لم تنتفع بالاقارب
و لا تحتقر كيد الضعيف فرما
تموت الافاعي من سموم العقارب الخ
§

2-3209-5

عمالقه

#1

عرب اقوام قديمه-سندن اولوب، حجازك شمالنده و فلسطينك جنوبنده ساكن ايديلر. ظن اولنديغنه كوره بنی اسرائیلک بابلستاندن ارض مقدسه وصولرندن اول فلسطينك دخی صاحبلى و اهالیسی بونلر ایدی. بونلر وادی شریک و کفرده ثابت بولندقلرندن، بنی اسرائیل ایله کندیلری آره-سنده من القديم منافرت و خصومت اکسیک اولمازدی. پک ایری بویلی و قوت و جسارت صاحبلى اولمغله مشهور ايديلر. فرعونیلر زماننده بر آره-لق مصری ضبط ایله مصر قديم تاریخنده (هیكسوس) اسم غریبیلله یاد اولنان عربلرک دخی عمالقه-دن اولملری محتملدر.

3-3209-5

عُمان

جزیره العربک جنوب غربی گوشه-سنده بیوک بر خطه و مستقل بر حکومت اسلامیه اولوب، حکومت مذکورده مسقط امامتی نامیلله دخی معروفدر. موقعی، حدود و مساحه-سی. -*- عمان خطه-سی شمال شرقییه طوغری ممتد غیر منتظم بر مستطیل شکلنده اولوب، اک شمال شرقی اوجی ایرانک کرمان خطه-سی ساحلنه و بر کورفزک ایچنه طوغری ممتد بر برون تشکیل ایده-رک، بحر فارسی بحر عماندن آیریور، و بو آره-ده هر مز بوغازی تحصل ایدیور. بو وجهله عمان خطه و امامتی شمالاً بحر فارسله یعنی بصره کورفزیه، جنوب شرقی جهتندن دخی بحر عمانله محاطدر. قره-دن بحر فارس ساحلنده بصره ولایتک نجد سنجاغی یعنی الحسا خطه-سیله و بحر عمان ساحلنده حضرموت خطه مستقله-سیله محدود اولوب، ایچ طرفی ایسه دهنا صحرای واسعه-سنه ملاسق اولمغله، او طرفدن غیر معیندر. اصل معمور و مضبوط یرلری سواحلی و سواحله قریب محللری اولوب، ساحلن چوله قدر اولان معمور یرلرینک اک کنیش محلنده وسعتی 140 کیلومتره-دن زیاده دکلدر. سواحلی بحرین جزیره-سنک قارشیسنده و قطر شبه جزیره-سنک اوست طرفنده کی کورفزک ایچندن حضرموت حدودنده-کی %مربطه اسکله-سنه-دک 2200 کیلومتره-دن زیاده اولوب، بحر فارسده (بحر البنات) اسمیلله واسع بر کورفز تشکیل ایدیور؛ عمان کورفزنده-کی سواحلی دوز اولوب، مرکزی اولان مسقط شهر و اسکله-سی دخی بونده-در؛ بحر عمانده کی سواحلی ایسه خیلی کیرینتلی چیقینتیلی ایسه-ده، لیمان و اسکله-لری یوق کبیدر. خوریاں موریاں قوی و جزیره-لری انکلیرلرک تخت اشغالنده بولنیور. اصل عمان خطه-سی عمان کورفزی سواحلنده-کی یر اولوب، دهنا بریه-سنک شمال و جنوبنده بحر فارسده و بحر عمانده-کی طار ساحلر ایسه ادارهء عمانه یعنی مسقط امامته ملقدر. اک شمالی نقطه-سی یعنی هر مز بوغازینی تشکیل ایدن برونک اوجی '25°25 و اک

جنوبيسى يعنى مربوط اسكله-سنگ آلت طرفى $16^{\circ}55'$ عرض شمالیده، الك شرقى نقطه-سى يعنى رأس الحاد نقطه-سى $20^{\circ}57'$ و الك غربيسى $20^{\circ}47'$ طول شرقیده واقعدر.

حال طبيعىسى، جبالى. -* - اصل عمانده يعنى هر رمز بوغازندن رأس الحاده قدر اوزانان ساحل بويىنجه بر سلسله جبال ممتد اولوب، جبال الفلوح اسميله معروفدر. بو سلسله-نك اتكلرى مسقطك جنوبده پك ديك اوله-رق ساحله اينوب، امواج بحرك جريانيله چبلاق و قبالق بر ساحل تشكيل ايدر. مسقطك شمالنده ايسه طاغلك اتكلرى بر سطح مائل تشكيل ايدوب، ساحل بحر ايله، جبال آره-سنده 30 ايله 65 كيلومتره آره-لرنده بر وسعتده و باطنه اسميله بر تهامه حاصل اولور، كه يمن و حجاز تهامه-سنه مشابه اولميو، بعض مياہ جاريه-سى واردر، و خيلى معموردر؛ مع هذا هواسى پك صيجاقدر. مسقطك جنوبده جبال مذكوره-نك ارتفاعى 1000 متره-يى متجاوز اولميو، شهر مذكورك شمالنده ايسه 2000 متره-يى متجاوزدر، و الك يوكسك ذروه-سى 3018 متره-يه بالغ اولوب، قيشين قار ايله مستور بولنور. مذكور سلسله-نك باطنه-نك الك واسع محلنك غربنده بولنان قسمى اورمانلرله مستور اولوب، الجبل الاخضر اسميله ياد اولنور. بو سلسله جبال بر قاچ صره-دن مركب اولوب، غربه طوغرى بر قاچ قول اوزانير، و آره-لرنده منبت و هواسى معتدل بر طاقم واديلر بولنور، كه وقتيله عمانك باشليجه معموره-لرى اورالرده ايدى. سلسله جبالك ذروه-لرنندن غرب طرفنده-كى دهنا صحراسى كوز كوره-بيليدىكى قدر پايانسز بر قوم درياسى صورتده كورينوب، يقين محللرنده مسكون بعض واحلى واردر. كرك ساحلده-كى باطنه-ده و كرك سلسله جبالك غرب جهتنده خرما آغاجلى پك چوق و ميوه-لرى مشهوردر. اهاليسى موجود صولرى (فلج) تعبير ايندكلرى جدولر و سدلر و بندلر واسطه-سيه حسن استعمال و اداره ايدوب، سقى اراضى قوتيله خيلى محصولات آليرلر.

اقليم و هواسى، محصولات معادن و حيواناتى. -* - عمان خطه-سى مدار سرطانك تحتنده بولنمغله، عرضاً حجازه معادل ايسه-ده، بحر محيط هندينك تأثيراتنه تابع اولوب، كانونلرده جبالك شرقى اتكلرنده و سواحلنده كليلى ياغور ياغار، آنجق سلسله مذكوره-نك صيرتى بلوطلك دها ايلرى كچمسنه مانع اولمغله، سلسله جبالك غرب جهتنده هوا قيشين دخى پك يابس و يازين پك صيجاقدر. واديلرده ايسه نباتاتك چوقلغى لزو مندن زياده رطوبت حفظ ايدوب، هواجه و خامتى موجب اولور. مسقطده يازين ميزان الحراره 40 درجه-يه قدر چيقار. سواحلنك طوپراغى پك ايبى دكل ايسه-ده، سلسله جبال اتكلرينك و واديلرينك طوپراغى سيل ويا قيو صوبيله اروا اولندقد خيلى محصولات ويرر. برنجى محصولى خرما اولوب، ايكنجى درجه-ده بغدادى، مصر، آريه، دارى، يونجه، چويت و ممالك حاره-يه مخصوص ميوه و سبزه-لرلك انواعى حاصل اولور. پاموق پك كوزل يتيشه-بيليرسه-ده، زرعى عادت اولمامشدر. قهوه-سنگ جنسى يمنك كندن دون اولوب، شكر قامشى-ده عاديذر. جبل احضرك اتكلرنده كليلى باغلى بولنوب، كوزل اوزوملر حاصل اولور. و شراب ياپيلير. باطنه-ده خرماقلردن بشقه بر خيلى اورمانلر دخى بولنوب، ميشه، چنار و بنق آغاجلى يتيشير و ابنى و سفانن اعمالنده قوللانيله-جق كراسته كسيلير معادنى و على الخصوص دمير و قورشون معدنلى چوق اولوب، وقتيله اخراج اولندقلرى بعض آثارندن استدلال اولنيورسه-ده، شمديكى حالده يالكز باقير معدنى چيقارلمقده-در. كوكورد دخى بر قاچ محلده چيقاريلوب، اهالى طرفندن باروت اعمالنده قوللانيلير. قيا طوزى دخى بر قاچ محلده بولنوب، اخراج اولنيور. بحر بنده او قدر استفاده-لى اولان اينجى صيدى عمانده بولنميو، سواحله طالغله-لرلك آتدقلرى خيلى مقدار كهريا اهالى طرفندن طوپلانيلير. آتلى نجدك كيلر قدر ايبى دكل ايسه-ده، هجين دوه-لرى مشهوردر. صيغيرلرى دخى آز ايسه-ده، جنسلرى مقبولدر. قيون و كچيلرى پك چوقدر. مسقط مركب و استرلرى مشهور ايسه-ده، يرلى اولميو، ايران و بلوختانندن كتير بيلير. سواحلده باليغى پك چوق و پك لذيق اولوب، كليلى مقدارده قوروديله-رق هنده و آستراليه-يه قدر كوندر بيلير. بعض دفعه او قدر چوق باليق چيقار، كه اينكلرينه يدير مكه و كوبره برينه تارله-لرينه آنمغه مجبور اولورلر. حيوانات وحشيه-سى چقال، تيلكى، طاوشان، غزال، و طاغلرده صيرتلان، كوچك بر جنس قپلان، طوموز، طاغ كچيسى و سائره-دن عباتدر. جغرافيون عرب آثارنده ميمونلرينك دخى كترتندن بحث اولنور.

اصول اداره-سى، تقسيمات ملكيه-سى، مقدار اهاسى. -* - عمان خطه-سى مسقطده مقيم بر امامك تحت حكمنده اولوب، مملكتك عسكريله بحريه-سى و ماليه-سى و مأمورين ادراه-نك عزل و نصبى امامه عائد

ایسه-ده، امور عدلیه-ده قاضیلر مستقل اولدقلری کیی، هر قصبه ویا مملکتک اداره داخلیه-سی دخی محلی شیخ ویا رئیسنه عائد اولوب، امام بونلرک برینی عزل ایتدیکی وقت، خلفنی ینه او عائله-نک افرادی ایچندن انتخاب ایتمک مجبوریتنده-در. وارداتی باشلیجه کمرك و سائر رسومات ایله حکومت مرکزیه-یه عائد اولان بعض انحصارلردن عبارت اولوب، 27 ملیون فرانغه بالغ اولور، یعنی بر ملیون انگلیز لیراسندن زیاده-در. اهالیسنک مقدارینه نسبتله یوز بیك عسکر چیقاره-بیله-جک بر حالده ایکن، سلاح آلتنده طوتدیغی عسکرک مقداری بش آلتیوز کشیدن زیاده اولمیوب، بونلرک-ده چوغی ایرانی و بلوجدر. عمانک اهالیسی اسکیدن بری کمیجیلکه آلیشیک اولوب، هنده، آفریقانک سواحل شرقیه-سنه و جاوه، سوماتره، مداغسقار جزایرینه قدر ایشلر خیلی کمیلری وار ایسه-ده، مقدارینه دسترس اولنه-مدی. بوندن مقدم زنکبار دخی مسقط امامنک تحت اداره-سنده بولنوب، عمانلیلر اوراسنی مهجر اتخاذ ایتمشلردی؛ و اورادن آفریقای وسطینک ایچلرینه صوقیلوب، اجرای تجارت ایتمکده-لر ایکن، بعده امامک برادری اورانک مستقل حاکمی اولمش؛ و عاقبت بسبتون استقلالنی غائب ایدوب، عالم اسلام ایچون بر پارلاق استقبال و پک چوق اهمیتی اولان او کوزل مملکت آوروپالیلرک ید ضبطنه کچمشدر. بوندن اول بحر فارسده هر مز و کیش و بحرین جزیره-لری فارس و مکرانک برر مقدار ساحلی و عدن کورفرزنده سقطره اطه-سی دخی عمانک ایکن، بونلر دخی الندن چیقمشدر. شمیدیکی حالده عمان اداره 9 دائره-یه منقسم اولوب، بونلرک مساحه سطحیه-لریله معموره-لرینک و نفوسلرینک مقداری بر وجه آتیدر:

####

مربع کیلومتره

معموره

اهالی

قطر

43500

35

100000

شرجه

8645

30

80000

رؤوس الجبل

3579

60

78000

باطنه

13215

75

650000

جبل احضر، مسقط

34029

65

500000

ظهیره

17125

30

30000
سور
10958
30
70000
جیلان
79401
40
90000
ظفار
00000
00
10000
جمعاً
210452
365
1608000
\$

عمان کورفزنده مسقط، سور، مطره، سیب، برکه، سوق، صحار و شیناس؛ بصره کورفزنده البیضا، و کره، سباره، ساحل جنوبیده دخی مربط اسملریله 12 اسکله-سی واردر. داخنده-کی قصبه-لرینک ایسه باشلیجه-لری %نسوه \$ و %رستاق \$ اولوب، سائرلری بیوک قریه-لر حالنده-در. اهاالیسی ایکی صنف اولوب، عشیرت حالنده و خیمه نشین اوله-رق، یاشانانلری سیما و اخلاق و اطوارجه خالص عرب یعنی بنی اسماعیلدن عرب مستعربه، و متمکن اولانلری عمانی نامیله عرب عاربه-دن یعنی اولاد قحطاندن قالمه-در. بو ایکنجی صنف هندلیلر و سائر اقوامله دخی قاریشه-رق، سیمالری برآز دکیشمشدر. و لسانلرده فرقلیجه-در. ظفرده یعنی ساحل جنوبیده-کیلر ایسه حضر موتک دخی بعض یرلرنده سویلنیان و (عقیلی) دینلن اصلی مجهول بر لسانله متکلمدرلر. عمانده آفریقای شرقیدن نقل اولنمش، و کوله-لکدن اطلاق اولنمش بر چوق زنجیلر دخی بولنوب، بونلر عموم اهاالینک بر ربغنی تشکیل ایدرلر. عمانلیلر اوته-دن بری خوارج مذهبیک اباضیه شعبه-سنی محافظه ایتمشلردر. کندیلری کوزل و تمیز کینملریله، خانه-لرینک اوچ درت قاتلی و پک تمیز و قوللانیشلی اولمسيله، طور و معامله-لرینک نزاکت و ظرافتیه، نهایت درجه-ده اولان مهماننواز لقلریله و الحاصل تمدنه اولان استعدادلریله سائر عربلردن فرق و تمیز اولنورلر.

احوال تاریخیه-سی. *- عمانک اهاالیسی تا وقت سعادتده اسلامه کلوب، آنجق بعده مرکز خلافت دمشق و بغداده نقل اولنتجه، عمان بعید و منفرد بر حالده قالب، وقوعات جاریه-یه پک قاریشمامش اولدیغندن، تواریخ اسلامده عمان اسمنه پک نادر تصادف اولنور. آکلاشلدیغنه کوره، او وقتلرده خارجیلر بو خطه بعیده و منفردیه چکیلرک، بر نوع استقلال ایله کندی حاللرنده یاشامشلردر. آنجق عمانک بو طرفده و برآ نه قدر اهمیتی اولمامش ایسه، بحرأ اهمیتی او قدر بیوک اولوب، قرون وسطاده، کیمسنه-نک خبری اولمقسزین، دین اسلامی جاره و سوماتره و سائر جزایر بحر محیطه و آفریقانک سواحل شرقیه-سنه قدر نشر و توسیع ایدن و ملاییلرله زنجیلرک طمالرینه عرب قانی قاریشدیران عمان عربلریدر؛ چونکه کندیلری کمیجیلکده پک ماهر اولوب، مملکتلری بحر محیطک بر اوچنده بولنمغله، اورادن بحر محیطه طالب، دائماً تجارتله اشتغال ایده-کلمشلردر.

پورتکیزلیلر عربلرک تحت حکمندن قورتلوب ده، بونلردن آلمش اولدقلری درس اوزرینه، اوزاق دکیزلرده کشفیات و فتوحاتله اوغراشدقلری صره-لرده عمانه دخی مسلط اولوب، مسقط و سائر اسکله-لرینی بر خیلی وقت تحت حکملرنده طوتمشلر؛ و هر نه قدر قانونی سلطان سلیمان خان دورنده و بعده

عثمانلی دوننماسی بر ایکی دفعه اورالرده پورتکیز دوننماسنه غلبه چالمش ایسه-ده، هر نصلسه عمانک اداره عثمانیه آنته آلمسی دوشونلمیه-رک، پورتکیز لیلر چکلدکن صکره عمان ینه اسکی حالنده یعنی بر طاقم مشایخ و ائمه-نک اللرنده قالمشدر. یوقاریده دیدیکمز کبی، عمانک هر بر جهت و قصبه-سی بر شیخک تحت حکمنده اولوب، مسقط امامنک بو شیخلرک اوزرینه دائما حکم و نفوذی بولنمشدر.

1163 تاریخده عمان ایچون بر دور ترقی آچیلوب، تاریخ مذکورده مسقط امامنته کچن سید احمد بن سعید امامتک حدودینی شمالاً بصره کورفرزنده الحسایه قدر توسیع ایده-رک، قطر شبه جزیره-سنی و اینجی صیدیله شهرت و اهمیتی اولان بحرین آطه-سنی دخی تحت اداره-سنه آلمش؛ و سواحل جنوبیه-ده حدودینی حضر موته قدر توسیع ایدوب، ظفر خطه-سنی ده ضبط ایتمش؛ و داخلی صلح و اسایش و انتظامی تقرر ایتدیرمشیدی. 1221 تاریخده امامته کچن تورونی سید سعید عمانک موقعا استقبالی قوه بحریه-سنه مربوط اولدیغنی درک ایله، بو جهته حصر همت ایدوب، اورپا طرز جدیدنده 30 فرقتین انشا ایتدیره-رک، طوپرله تجهیز؛ و هر مز بوغازی جوارلرنده-کی جزایر و سواحلک ترکنه ایران و بلوچستان حکومتلرینی مجبور ایتدیکی کبی، سقطره جزیره-سنی و زنگبار آطه و سواحلنی دخی ضبط ایده-رک، امامنتی عادتاً بر دولت بحریه حالنه قویوب، کرک بصره کورفرزنده و کرک بحر محیط هندیده کسب قوت ایتمشدی. کندیسندن اول عمانه مسلط اولوب، اهالیسنه صورتاً و هابیلکی و حکومته جزیه اعطاسنی قبول ایتدیرمش اولان عبد الوهابک وفاتی اوزرینه، سید سعید ذاتاً بو تسلطن قورتلمش؛ و دوننماسیله ایدندیکی یرلری بالذات زیارت ایدوب، تجارت بحریه-نک ترقیسی یوللرینی آچمشدی.

مساعدا ترقی پرورانه-سندن بالاستفاده، هندستان و ایران و جاوه و سائر طرفلردن بر چوق تجار طوپلانوب، مسقط و سائر عمان اسکله-لرنده بیوک تجارتخانه-لر آچمش؛ و بو وجهله عمان مملکتی هند، جزایر بحر محیط، آفریقا، ایران، بصره و مصر آره-سنده اجرا اولنان تجارتک مرکزی حکمنه کچمشیدی. آنجق سید سعید وفاتنه یقین بو مساعیسنی کاملاً امحا ایده-جک بر حرکتده بولنوب، ممالکنی اوچ اوغلنه تقسیم ایتمش؛ و حصه-سنه زنگبار درشن سید مجید آفریقاده مستقلاً حکومت سورمهک باشلادیغی حالده، بری عمانک قسم شمالیسنی و دیکری جهت جنوبیه-سنی آلان برادرلری طفیل ایله امجد بینلرنده نزاع و محاربه-یه طوتیشوب، بو مقاسمه و نفاق دولتک صغنی انتاج ایتمش؛ و عبد الوهابک اوغلی بو حالدن بالاستفاده، یکیدن عمانه مسلط اولوب، جزیه-یه ربط ایتمشدی. نهایت عمانک ایکی پارچه-سی برلشوب، ینه بر حکومت تشکیل ایتمش، و وهابیلرک جزیه-سندن قورتلمش ایسه-ده، امام دوننماسنک قسم کلیسنی صاتمغه مجبور اولوب، مملکت اهمیت تجاریه-سنی و ثروت و ساماننی غائب ایتمشدر.

1-3212-5

عمان

شامده بلقاء خطه-سنک مرکزی بولنمش بر شهر قدیم اولوب، الیوم خراب ایسه-ده، مشهود اولان آثار جسیمه مصنعه-سی معموریت قدیمه-سنه شاهدر. سلطک 28 کیلومتره شرق جنوبیسنده و قلعه الزرقانک 18 کیلومتره جنوب غربیسنده واقعدر. اسکی زمانلرده بیوک و مشهور بر شهر اولوب، کتب بنی اسرائیلده (رباط عمون) اسمیله مذکوردر. ماکدونیا لیلر طرفندن بر قات دها اعمار و توسیع اولنه-رق، % فیلا دلفیا\$ تسمیه اولنمشدی. رومالیلر زماننده ینه بو اسمی محافظه ایدوب، بونلر طرفندن الیوم خرابه-لری موجود بر طاقم جسیم تیاترولر و معبدلر و سائر ابنیه مصنعه انشا اولنمشدی. یاننده نهر عمان اسمیله بر چای آقوب، خرابه-لرک بر قسمی بو نهرک ایکی کنارنده و بر طاقمی اوستنده-کی تپه-ده و بر سور خرابه-سی داخلنده-در. اوائل دور اسلامده دخی معمور اولوب، بعض آثار اسلامییه-سی-ده موجوددر.

1-3213-5

عمان دکزی

بحر عمان #1 بحر محیط هندینک شمال غربی قسمندن عبارت بیوک بر کورفز صورتنده واسعه بر دکیز اولوب، جنوب جهتی آچیق اولدیغی حالده، شمال شرقی جهتندن هندستانک سواحل غربیه-سیله، شمالاً بلوختان و ایران یعنی مکران سواحلیله، شمال غربی جهتندن جزیره العربک سواحل جنوبیه-سیله یعنی عمان و حضر موتله، غرباً دخی آفریقانک سومالی سواحلیله محاطدر. بحر عمانک غرب جهتنده عدن کورفزی بولنوب، اورادن باب المندب بوغازندن بحر احمره کیرلدیکی کبی، شمال غربی قسمنده دخی % عمان کورفزی بولنوب، اورادن هر مز بوغازندن بحر فارسه یعنی بصره کورفزینه کیریلیر. بو وجهله بحر عمان باشلیجه جزیره العرب ایله هند آرہ-سندہ واقع اولوب، ملحقاتی اولان بحر احمر و بحر فارس واسطه-سیله یمن، حبش، حجاز، مصر، عراق و ایران سواحل و اسکله-لرینہ دخی حاکم اولمغله، اسکیدن بری اهمیت تجاریه-سیله مشهوردر. مذکور ملحقاتیله برابر جزیره العربی احاطه ایتدیکندن، اساساً عرب دکیزی عد اولنوب، جزیره العربک-ده او طرفده اسکله-لری و کمیجی اهالیسی اولان بری عمان خطه-سی اولدیغندن، بو خطه-نک اسمیله شهرت بولمشدر. اصل بحر عمان تقریباً 25° عرض شمالیدن 10° عرض شمالی-یه قدر ممتد اولوب، بو ایکنجی خط عرضینک خارجی بحر محیط هندی عد اولنیورسه-ده، اسکیدن بحر عمانک درجه و سعنتی و مسلاماسنک حدود جغرافیہ-سی پک-ده معلوم و محدود اولدیغندن، بحر عمان پایانسز بر دکز عد اولنور، و اسمی بحر محیط معناسیله استعمال اولنوردی. بحر عمانک تابع اولدیغی بحر محیط هندی قطب متجمد جنوبی-یه قدر ممتد اولوب، او جهتندن حائل اوله-جق قره-سی بولنمدیغندن، کره ارضک نصف جنوبیسنده قیش اولدیغی موسمه و علی الخصوص شتاء جنوبینک میدئی اولان نیسان و مایس آیلرنده بحر عمانده بیوک فرطونه و قاصیر غه-لر اولور. قیشین ایسه پک ساکندر. بحر عمان تابعلریله برابر اسکیدن بری اینجی و صدف و تجارت و ثروت مخرجی عد اولنه کلمشدر.

2-3213-5

عمان کورفزی

#1

هر نه قدر بو تعبیری ماده آنفه-ده بیان اولنان بحر عمان یرینه قوللانلر وار ایسه-ده، اصل عمان کورفزی بحر عمانک شمال غربی قسمنده بر کورفزدر، که عمان خطه-سیله ایرانک مکران خطه-سی سواحلی آرہ-سندہ اوجی سیوری و یوقاری دونمش بر آیاق قابی شکلنده غرب شمالی-یه طوغری ممتد اولوب، منتهای غرب شمالیسنده واقع هر مز بوغازندن بحر فارسه یعنی بصره کورفزیله اختلاط ایدر. بحر احمره کوره عدن کورفزیله نصل ایسه، بحر فارسه کوره-ده عمان کورفزی عین حال و موقعده-در. عمان کورفزینک آغزی عمان خطه-سنک (الرأس الحاد) دینلن برونیله ایران و بلوختان خط حدودی آرہ-سندہ اولوب، تقریباً 250 کیلومتره وسعتنده-در. ایچریسی طارلشوب، 200 کیلومتره-یه اینر. سواحل شمالیہ-سی خفیف صورتده محدب و سواحل جنوبیہ-سی مقعردر. ایران سواحلنده اهمیتلی بر اسکله-سی یوغیسه-ده، عمان ساحلنده مسقط، برکه، صحاری، شیناز و فرجه اسکله-لری بولنوب، بونلرک آز چوق اهمیت و تجارت بحریه-لری واردر.

3-3213-5

عمایم

مشاهیر محدثان عالمه بر قادیان اولوب، شریف نسایه لقبیله ملقب مولانا حسام الدین حسن بن محمد الحسینیک قیزیدر. امام سیوطی صاحبه ترجمه-دن استماع حدیث ایتمشدر.

4-3213-5

عمتا

شامده طبریله ایله عمان آره-سنده و ایکیسندن-ده 12 فرسخلق مسافه-ده بر قریه اولوب، عشره مبشره-دن ابو عبیده الجراح (رضه)ك تربه-سنی حاوی اولمغله مشهوردر.

5-3213-5

عمر، ابو حفص -*- بن الخطاب بن نفیل بن عبد العزی بن رباح بن عبد الله بن قرط بن رزاح بن عدی بن کعب بن لؤی القرشی العدوی

کبار صحابه-دن و عشره مبشره-دن اولوب، خلیفه ثانی جناب نبویدر. نسبی طقوز بطن یوقاریده یعنی کعب بن لؤیده نسب پاک جناب نبوی ایله برلشیر. والده-سی حنتمه بنت هاشم بن المغیره المخزومیله اولوب، ابو جهلک عم زاده-سی و بر روایتده همشیره-سی ایدی. وقعه فیلدن 13 سنه صکره و هجرت نبویه-دن 40 سنه اول دنیایه کلوب، زمان جاهلیتده اشراف قریشدن معدود و ایفای سفارت و مفاخراته جواب اعطاسنه مأمور ایدی. فخر کائنات (صلعم) افندمه نبوت کلدیکنده، ابتدای امرده عمر نبی ذیشانک و مسلمینک پک علیهنده بولنمش ایکن، بعثک آلتنجی سنه-سی ارککلر بیننده قرقنجی و بر روایتده قرق بئنجی اوله-رق، اسلامه کلوب، بو ذاتک اهتداسیله دین اسلام ظاهره چیقمشدر. حضرت عمرک سبب اسلامی مختلف صورتده روایت اولنوب، هر حالده الینه کچن ویا کندیسندن اول اسلامه کلمش اولان همشیره-سنک الله بولدیغی مصحف شریفدن بر صحیفه-ده ((سیح الله ما فی السموات)) سورة شریفه-سنی او قومغله، بردن بره قلبنه هدایت کلوب، طوغریجه نزد جناب نبویه کیده-رک، اسلامی قبول ایتمش؛ و سائر مسلمین کبی اسلامندن طولایی عذاب کورمک آرزوسیله، ابتدا دایبسی ابو جهله و بعده بتون کفار قریشه اسلامنی کندیسسی تبلیغ و اعلان ایتمش ایدی. رسول الله (صلعم) افندمک بوندن اولجه ((اللهم اعز الاسلام بعمر بن الخطاب)) ديه دعا ایتمش اولدقلری مرویدر. فخر کائنات (صلعم) افندمک معینده مدینه منوره-یه هجرت ایدوب، سائر صحابه مکه-دن خفياً چیققلری حالده، حضرت مشار الیه مسلح اوله-رق علناً چیقمش؛ و نبی ذیشانک اوکنجه مدینه-یه داخل اولوب، رسالتپناه افندمک و رودلرینی تبشیر ایتمشدر. بدر، احد، خندق، خیبر، مکه، حنین غزالرنده و سائر غزواتله رضوان بیعتنده حاضر بولنمش؛ و کفار قریشه اولان شدتنی اظهارله، شیرانه حرب ایدوب، احد وقعه-سنده معیت حضرت نبویه صوک درجه-یه قدر ثبات ایتمشدر. حقی باطلدن تقریقه قوه خارق العاده-سی و کمال عدالت و حقانیتی سببیه جانب نبویدن (فاروق) لقب شرف افزاسیله تقلیب بیورلمشدر. ارتحال حضرت نبویه جناب عمر (رضه) حضرت ابابکر صدیق (رضه)ک مقام خلافته کچمسنه جهد و غیرت ایدوب، وفاق و اسایشک محافظه-سنه موفق اولمش، و اک اول کندیسسی خلیفه مشار الیه بیعت ایتمشدر. حضرت صدیق اکبرک مدت خلافتلرنده فاروق اعظم هر بر ایشده معاونتدن کری طورمیوب، اهل رده-نک تنکیلنده و روملره قارشی شاه جهتنه عسکر سوقنده پک چوق خدمتی اولمشدر.

حضرت ابابکر (رضه) ارتحالندن اول کبار صحابه کرامله بعد الاستشاره حضرت عمر (رضه)ی خلافته تعیین ایتمش اولمغله، 13نجی سال هجرینک جمادی الاخری شهرینک اون آلتنجی کونی مقام خلافت اسلامی-یه قعودله، خلیفه ثانی رسول الله (صلعم) اولمش؛ و برنجی اوله-رق (امیر المؤمنین) لقبیله تلقب ایلمشدر.

حضرت عمر ك زمان خلافتلرنده فتح و ممالك اسلامه ضم اولنان يرلرك وسعتى او قدر آز زمان ظرفنده حصوله كلمسى داخل حوصله امكان اوله-ميه-جق درجه-ده-در. ابتدا ابو عبیده بن الجراح و خالد بن ولید (رضهما) قيادتلريله شامده باشلانمش اولان فتوحاته دوام بيوريله-رق، شام و فلسطين تماميله فتح اولنمش؛ و روملرك كليتلى عسكرينه غلبه چالنامش؛ و فلسطينك فتحنى متعاقب حضرت فاروق اعظم بالذات قدسه عزيمت بيور-رق، عدالت و حقانيتى و احوال فقر اشتماليه عالمى حيران ايتمشدى. بر طرفدن دخى سعد بن ابى و قاص (رضه)ك قيادتيه او وقت دنياك اك قوتلى دولتلرندن اولان ايرانه قارشى عسكر سوق اولنه-رق، قادسيه مظفريت عظيمه-سى اوزرينه، دولت مذكوره-يه غلبه چالنامغله، ممالك ايران برر برر فتح اولنه-رق، جرجان و جيحون و اديلرينه قدر اولان بلاد و اسعه خلافت اسلاميه دائره-سنه ادخال اولنمشدى. جزيره و موصل و ديار بكر جهتلرى دخى خالد بن ولید و عياض بن غنم و سائر مجاهدين اسلام معرفتيله فتح اولنديغى كى، مصر و برقه و طرابلس غرب-ده عمرو بن العاص يديله ضبط اولنمشدر.

فاروق اعظم ممالك اسلاميه-يى جزيرة العربه منحصر بولمشيكن اجراى خلافت ايتديكى اون سنه ظرفنده بر وجه مذكور شام، فلسطين، عراق، جزيره، بتون ممالك ايران، مصر، برقه و طرابلس غرب فتح اولنه-رق، خلافت اسلاميه-نك حدودى جيحون و اديسندن افريقيه %يعنى تونس\$ قدر توسعيله، پك بيوك بر دولت حالنه كچمش؛ و بصره و كوفه شهرلرى بنا و درت بيكدن زياده جامع و مسجد تأسيس اولنمشدر. يزيد بن ابى سفيانندن صكره برادرى معاويه بن ابى سفيان جانب فاروقيدن شام و ايلكنه تعيين بيورلنش؛ و حضرت فاروق مدينه-ده جناب مرتضايى توكيل ايده-رك، بالذات شامى زيارت، و مدت خلافتنده بهر سنه مكه مكرمه-يه عزيمتله ايفاي حج شريف ايتمشدر.

اون بچق سنه ايله يدى كون او وقته قدر دنيايه مثلى كورلمه-مش بر عدالت و حقانيتله اجراى خلافت و حكومت ايدوب، 23 سال هجريك ذى الحجه-سى اوخرنده صباح نمازينه كيدركن مغيره بن شعبه-نك كوله-سى ابو لؤلؤ فيروز نام خبيث طرفندن مبارك قارننه بيچاقله اوريله-رق، مجروح اولمش؛ و يكرمى درت ساعت صكره تسليم روح ايدوب، روضه مطهره-ده حضرت ابا بكر صديق (رضه)ك يانلرنده دفن اولنمشدر.

حضرت عمر (رضه) طريق عدل و حقانيتندن سرمو انحراف ايتمز و امور عباده موكل بيوك و كوچك كافة عمال و مأمورينى طريق عدل و انصافده طوتمغه مقتدر، جري، عابد، زاهد، فوق العاده مرحمتلى، متواضع، فقر و فاقه ايله مفتخر بر ذات ايدى. همت و عدالتى ثمره-سيه خلافت اسلاميه او قدر توسيع ايتمش، و او قدر معمور يرلر ضبط اولنه-رق، واردات و غنائم تصورك مافوقنده چوغالمش ايكن، حضرت عمر ينه بر پلاش پاره ايله و بر پارچه آرپه اكميله قناعت ايده-رك، پك فقيرانه ياشامقندن و از كچمه-مشدى. قدسه كيدركن كوله-سيه مناوبه بينوب، كاه دوه-نك اوكنده يايه يورويه-رك، و كاه اوت و آرپه-سنى دخى حامل اولان دوه-نك اوستانده بولنه-رق، قدسه بو حالده كيرمش؛ و قوت و مكنتى عالمى ديترتمكده اولان خليفه اسلامى كورمك اوزره استقباله چيقمش اولان خلقى و بتون عالمى حيرته بر اقمشدى. عدالتى بر درجه-ده ايدى، كه كندى او غلرندن برى تاديب شرعى-يى موجب بر حركتده يولننجه، ضرب اولنمسنى امر ايدوب، اصحاب كرامك توسط و التماسلريله برابر، بردكك اكسيك اورلمسنه بيله رضا ويرميه-رك، او غلنك بوندن متأثراً وفاتى دخى تأسفنى موجب اولمش ايسه-ده، ندامتنى دعوت ايتمه-مشيدى. اداره امورده-كى اقتدارى بر درجه-ده ايدى كه فخر كائنات (صلعم) افندمك ارتحالى حس ايديرميوب، كنديسى صاغ اولدقجه اسلام امور و مصالحى اصلا سكته-دار اولمامش، و بلكه كيتدكجه اصلاح و ترقى ايتمشدر. حقتده پك چوق احاديث شريفه نبويه صادر اولوب، ((ماطلعت الشمس على رجل خيراً من عمر)) و ((لو كان بعدى نبى لكان عمر بن الخطاب)) حديث شريفلى قدر و منزلتنى ارائه-يه كافيدير. مناقبى جلدلر طولديره-جق درجه-در. اصحابه درجه-لرينه كوره معامله ايدوب، اصحاب بدرى سائرلرينه و بونلر مياننده-ده هاشمىلرى تقديم ايدر. و جناب مرتضايى جمله-دن مقدم طوته-رق، معضلات اموره كنديلريله استشاره ايدر. حقتده-كى حديث شريفلك اكثرى حضر على (رضه)دن مروى اولديغى حالده، حضرت مشار اليه طرفدارلق ادعاسنده

بولنارلك حضر عمر (رضه)ه بغض و خصومت كوسترملرى شبيهه-سز حضرت مرتضانك روحنى خشنود ايتيميه-جك حركاتك اشديدر. ارتحالنده 63 ياشنده ايدى.
حضرت عمر (رضه) كنديلرندن صكره عشره مبشره-دن اولان على، عثمان، طلحه، زبير، سعد بن وقاص، عبد الرحمن بن عوف (رضهم) حضراتندن برينك خلافته انتخابنى و كندى اوغلى عبد الله (رضه)ك دخى انتخابده رايى اولوب، انتخاب اولمغه حقى اولمامسنى وصيت ايتمشدر. اولادينك اشهر و افضللى مشار اليه عبد الله اولوب، فضائلى ترجمه حالنده ذكر اولنمشدر. قيزى حفصه (رضها) ازواج مطهره جناب نبويدندر.

1-3215-5

عمر

صحابه كر امدن جناب فاروقدن بشقه بر قاچ ذاتك اسمى اولوب، اك معروفلى بر وجه آتيدر: (ابو حفص عمر بن ابى سلمة القرشى المخزومى) كه پدر و والده-سك حبشه هجرت ايتمش اولملىله، اوراده دنيايه كلوب، پدرينك وفاتندن صكره والده-سى ازواج مطهره جناب نبوى زمره-سنه داخل اولمغله، فخر كائنات (صلعم) افندمرك اوكى اوغللريدر. ارتحال حضرت نبويده طقوز ياشنده اولوب، بعض احاديث شريفه روايت ايتمشدر. جمل وقعه-سنده معيت حضرت مرتضويده اولوب، بعده خليفه مشار اليه جانبدن بحرين و فارس واليلكنه تعيين بيورلمش؛ و عبد الملك بن مروان زماننده 83 تاريخنده مدينه-ده وفات ايتمشدر. *- (عمر بن بكرمه) كه ابو جهلك تورونى اولوب، يرموك و بر روايتده اجنادين محاربه-سنده شهيد اولمشدر. *- (عمر بن مالك القرشى الرهري) كه خلافت جناب فاروقيه دمشق فتحنده حاضر بولنمش؛ و امر خليفه ايله ابو عبيده بن الجراح (رضه) طرفندن اهل جزيره-يه قارشى سوق اولنه-رق، قرقيسييلى صلحا ضبط ايتمشدى.

1-3216-5

عمر، ميرزا *-.

جلال الدين امير انشاهك اولادندن اولوب، پدرينك شعورينه خلل كلديكنده، جدى امير تيمورك قرمانيله آذربيجان حكومتنه نصب اولنمشدى. جدينك وفاتندن صكره برادرى ابو بكر ميرزا ايله محاربه ايدوب، مغلوب اولمغله، عمى شاهرخ نزيدينه قاچمش؛ و بر مدت صكره بوكا قارشى عصيان ايتمكله، ايتديكى محاربه-ده مجروح و اسير اولوب، جريحه-سندن متأثراً 809 تاريخنده وفات ايتمشدر.

2-3216-5

عمر

[[حسام الدين عمر]] ماده-سنه مراجعت بيوريله.]

3-3216-5

عمر، ابو حفص *- المرتضى بن يوسف بن ابراهيم

مغربده حکومت سورن موحدین دولتک اون ایکنجی حکمداری اولوب، اون طقوز سنه-یه قریب مدت حکومت سورمش؛ و 664 تاریخنده بنی مرینله ایتدیکی محاربه-ده مغلوب اولمغله، فرار ایدوب، خلفی ابو دبوسک یاننه کوتورلدکده قتل اولنمشدر.

4-3216-5

عمر

بنی حفص ملوکندن ایکی کشینک اسمیدر. [(ابو حفص)) ماده-لرینه مراجعت.]

5-3216-5

عمر، تاج الدین -* - بن مسعود

مشاهیر شعراء ایراندن و علمادن اولوب، قلیچ طغماج خانک مداحلرندن بولنمش؛ و عرفی شیرازی ایله صحبت ایتمشدر. شو رباعی اونکدر:

@@@

جوری که بدین دل شده پیوست رود

زان طره جعد و نرکس مست رود

از پای رود آدمی بنده تو

روزی که ترا بیند از دست رود

\$

6-3216-5

عمران

حضرت موسی و هارون (عما) ایله همشیره-لری مریمک پدیری اولوب، بو مناسبتله مشار الیهمه آل عمران دیرلر.

7-3216-5

عمران

صحابه-دن بر قاچ ذاتک اسمی اولوب، اک معروفلری بر وجه آتیدر: (ابو نجید عمران بن حصین الخزاعی الکعبی) که خیبر فتحی سنه-سی اسلامه کلوب، اوندن صکره-کی غزواتده معیت نبویده بولنمش؛ و حضرت عمر (رضه) جانبندن تعلیم فقه ایچون بصره-یه اعزام بیورلمش؛ و فضلی صحابه-دن اولوب، عبد الله بن عامر طرفندن شهر مذکور قاضیلغنه نصب اولنمش؛ و بعده استعفا ایدوب، 52 تاریخنده وفات ایتمش؛ و ذریتی اوراده قالمش ایدی. حسن بصری و ابن سیرین کندیسندن روایت ایتمشلردر. -* - (عمر بن طلحة القرشی التمیمی) که عشره مبشره-دن حضرت طلحه (رضه)ک اوغلی اولوب، عهد جناب نبویده دنیاپه کلمش؛ و جمل وقعه-سندن صکره بصره-یه عزیمتله، جناب حیدردن پدرینک املاکنی ایستیوب آلمش ایدی. اولاد و احفادی وار ایدیسه-ده، منقرض اولوب، ذریتی قالمامشدر.

8-3216-5

عمران

یمن ولایتک صنعا سنجانده و مرکز ولایتک شمالنده بر قصبه اولوب، مرکزی اولان عمران قصبه-سی صنعادن 10 ساعتق مسافه-ده و بر اووه-نک و سطنده واقعدر. عمران قضاسی جنوباً صنعا، غرباً حجه قضالریله، شمالاً و شرقاً دخی اراضی غیر مضبوطه ایله محاطدر. اراضیسی طاغلق اولوب، جبال سرا اوزرنده بولنمغله، میاه جاریه-سی قسماً بحر احمره و قسماً داخلی چوله طوغری آقار. هواسی معتدلدر. محصولاتی آز مقدارده بغدای ایله آریه، دوره، بلقه و سائر حبوباتله اوزوم، بادم، زردالی و سائر میوه-لردن عبارتدر. قهوه-سی پک آزدر. قیونلری ایری اولوب، آنجق اتلری لذتسزدر.

9-3216-5

عمران الاسرائیلی، حکیم اوحد الدین -*- بن صدقه

مشاهیر اطبا و حکمای عربدن اولوب، 561 تاریخنده دمشقده طوغمش؛ و پدیری دخی مشاهیر اطبادن بولنمش ایدی. اجرای طبابتده فوق العاده مهارتی اولمغله، ملوک و اکابر عنندنه قدر و اعتباری پک زیاده اولوب، لزومی تقدیرنده جلب اولنوردیسه-ده، هیچ برینک خدمتنه دخول و اختصاص ایتمیوب، ملک عادل ابو بکر بن ایوب و ملک ناصر داود بن الملك المعظم کنديسنه کلیتی تخصیصات تکلیف ایتدکلری حالده، ینه خدمتلرینه دخول قبول ایتمه-مش؛ و دمشقده بیمارستان کبیرده اجرای طبابتله مشغول اولوب، محیر عقول بعض مداواته موفق اولمش ایدی. حمص ملکنه مداوات ایتمک اوزره جلب ایدلمش اولدیغی حالده، 637 تاریخنده شهر مذکورده وفات ایتمشدر.

1-3217-5

عمر بک

اونجی قرن هجری عثمانلی شعراسندن اولوب، خیالی بک اوغلیدر. زعامتله کوشه قناعه چکلمش ایکن، آرنأود احمد پاشانک مسند صدارته کچمسی اوزرینه، منسوبیتی جهتیله، معینته آنه-رق، بر چوق حالرده آتش غضبنی اطفایه و حرکات شدت کارانه-سنی تعدیله چالیشمش؛ و بعده بعض دفتردار لقلرده بولنمشدر. شو بیت جمله اشعارندندر:

@@@

هب سیل سرشکن یولکه ایلسون ایثار

ای دوست بنم دیده غم دیده ده نم وار

\$

2-3217-5

عمر بن ثابت الثمانینی، ابو القاسم

مشاهیر ادبادن اولوب، ابن جنینک ((لمع)) و ((مکردی)) سنی شرح ایتمشدر. کرخده ابو القاسم بن بر هانه معارضه-لری اولوردی.

3-3217-5

عمر بن حفص، بن برتق

مشاهیر طبای اسلامدن اولوب، قیروانه سیاحتله بر مدت ابو جعفر بن الجزارک یاننده قالمش؛ و اورادن اندلسه کچه-رک، ملک ناصرک و بعده نجم بن طرفه-نک خدمت طبابتنده بولنمش؛ و ((زاد المسافر)) کتابنی اندلسه ادخال و نشر ایتمشدر.

4-3217-5

عمر بن الخطاب

[[عمر]] ماده-لرینک برنجیسنه مراجعت.]

5-3217-5

عمر بن شبه، ابو زید -*- بن رابطه النمیری

مشاهیر مورخین و قراءدن اولوب، بصره-لیدر. و بصره-نک مکمل تاریخی یازمشدر. 173 تاریخنده طوغوب، 263 سنه-سنده (سر من رأی) ده وفات ایتمشدر.

6-3217-5

عمر بن عبد العزیز، امیر المؤمنین ابو حفص -*- بن مروان بن الحکم الاموی

خلفای امویه-نک سکزنجیسی و آب رویی اولوب، والده-سی ام عاصم بنت عاصم بن عمر بن الخطاب (رضه) اولمغله، والده طرفندن جناب فاروق اعظمک حفید زاده-سیدر. مصر والیلکنده بولنمش اولان پدری عبد العزیز بن مروان دخی سائر بنی امیه و آل مروانک خلافتنه اوله-رق عدل و انصاف و دیانتله متصف بر ذات ایدی. عمر بن عبد العزیز 60 سال هدجریسنده یعنی معاویه-نک وفاتی سنه-سی مدینه منوره-ده دنیایه کلوب، پدریله برابر مصره کیتمش، و بعده تحصیل علوم و تفقه ایچون پدری طرفندن مدینه-یه کوندریله-رک، انس بن مالک و عبد الله بن جعفر بن ابی طالب و سعید بن المسیب و سائر معاصرینیله صحبت و عندیلرندن استماع احادیث شرفه ایتمشدر. پدرینک وفاتنده عمی عبد الملك بن مروان، تخت حکومتده ایکن، کندیسنی دمشق شاهه جلبله، قیزی فاطمه-یی تزویج ایده-رک، کندیسنی داماد ایتمش؛ و بونک زماننده وافر نعمت و ثروته نائل اولوب، طبیعتنده مرکوز اولان سماحت و مروتنی اجرا ایتمه باشلامشیدی. 99 تاریخنده عم زاده-سی سلیمان بن عبد الملك وفاتی اوزرینه مقام خلافته کچنجه، خلفای راشد بن (رضهم) مسلکنه سلوکلله، اجرای عدل و داد ایده-رک، بحق عمر ثانی دینمکله کسب استحقاق ایتمشدر. بنی امیه تا معاویه زمانندن خطبه-ده حضرت علی (رضه) افندمزه لعنت اوقومغی عادت ایتمش اولدقلری حالده، صاحب ترجمه مقام خلافته کچنجه، اک اول بو عادتی رفع ایله، عالم اسلامی بویله بر شیندن قورتارمش؛ و اهل بیت نبی حقتده حرمت و تعظیمده قصور ایتمه-مشدر. بو معاملات دیانت کارانه-سی بنی امیه-یی دلکیر ایدوب، ایکی سنه ایله بش بچق آی خلافتدن صکره، 101 تاریخنده دیر سمعانده بر کوله-سی یدیه تسمیم ایتمشلردر. ارتحالنده سنی 41 ایدی. بیاض چهره-لی، اینجه و نازک یوزلی، نحیف بدنلی، چقور کوزلی، کوزل صقاللی، ملیح و سویملی بر

ذات ایدی. آتله و بینجیلکه زیاده مراقی اولوب، کنجکنده آتک بری آننه تکمه اورمش اولمغله، یاره- سنک اثری قالمش؛ و بو سببله (اشج بنی امیه) لقبیله تلقیب اولنمشدی. صحابه-دن انس بن مالک (رضه) دیمشدر که: امامت ایتمه-ده فخر کائنات (صلعم) افندمزه عمر بن العزیزدن زیاده بکزه بن کیمسه کورمدم. صفه قصبه-سنی بنا و ملاطیه-یی روملردن یوز بیک اسیر مقابلنده مباحه ایتمشدر. مناقبی پک چوق اولوب، ابن الجوزی مشار الیهک مناقبتی جمع ایده-رک، بیوک بر جلد یازمشدر.

1-3218-5

عمر بن عبد العزیز

[[ابو الحفص شطرنجی]] ماده-سنه مراجعت.]

2-3218-5

عمر بن یونس، بن احمد الحرانی

اندلس مشاهیر اطبا سندن اولوب، برادری احمد بن یونس ایله برابر شرقه رحلتله، بغداده داخل اولمش؛ و اوراده ثابت بن سنان بن ثابت بن قره-دن جالینوسک کتب طبیه-سنی اوقویوب، کوز امراضی عملیاتندن ابن و صیفدن استفاده ایتمش؛ و 301 تاریخنده اندلسه رجعتله، مستنصر باللهک حسن قبول و التفاتنه مظهر اوله-رق، خدمت طبابتنه کیرمش؛ و زهراده اسکان اولنمشلردی. طوز خسته-لقلرینی ایی ایتمه-ده مهارتلی پک چوق اولوب، کندیسی چوق یاشامامش ایسه-ده، برادری احمد خیلی وقت معمر اوله-رق، اکتساب شهرت ایتمشدر.

3-3218-5

عمر پاشا، فرنک -*.

متأخرین مشیران دولت عثمانیه-دن اولوب، عن اصل اوستریانک خرواستان اهالی سندن اولدیغی حالده، دولت عثمانیه-نک خدمت عسکریه-سنه کیرمش؛ و اهتدا ایتمش ایدی. قابلیت و استعداد طبیعیسی و اقتدار عسکریسی اقتضاسنجه قطع مراتب ایده-رک، مشیریت رتبه-سنی احراز ایتمش؛ و دور سلطان عبد العزیز خانیده خیلی وقت سردار بولنوب، ظهور ایدن مسانلک جمله-سنده ابراز آثار اقتدار ایتمش؛ و عساکر عثمانیه-نک تنسیق و تنظیمنده پک چوق خدمتی کورلمشدر. 1280 تاریخلرنده وفات ایتمشدر.

4-3218-5

عمر پاشا، ویریونلی -*.

آرناودلقده برات سنجاق و قضا سنده کائن و بریون قریه-سندن اولوب، عسکر لکله مصره کیتمش؛ و اوراده قطع مراتب ایده-رک، محمد علی پاشانک مصر و الیلکنده دخی میر میرانلق رتبه-سیله معیننده بولنمش؛ و بعده پاشای مشار الیه ایله بوزیشه-رق، یانیه-یه عزیزمتله، تپه-دلنلی علی پاشانک خدمتته کیرمش؛ و علی پاشا قرمانلی اولدیغنده، بونی دخی ترکله، علی پاشانک اوزرینه کوندریلن خورشید پاشا ایله برلشمش؛ و علی پاشادن صکره 1237 تاریخنده رتبه وزارتله یانیه والیسی اولوب، درت سنه

بومأموریتده قالمشدر. اوغللری حسین و قهرمان پاشالر براتده و سائر الویه-ده متصرفلق ایتمشدر. شمدیکی برات بکلری صاحب ترجمه-نک احفاد و متعلقاتنددر.

5-3218-5
عمر حسام الدین افندی

[[حسام الدین افندی]] ماده-سنه مراجعت بیوریله.

6-3218-5
عمر خلوصی افندی

[[صمانی زاده]] ماده-سنه مراجعت.

7-3218-5
عمر خیام، شیخ محمد -*- بن محمد

مشاهیر شعرای ایرانندن و علما و حکامان اولوب، حکمت و هیئت و سائر فنونده بد طولی صاحبی ایدی. استر اباد مضافاتندن دهستانه تابع فیروز ناحیه-سنگ %دهک\$ قریه-سنده دنیایه کلوب، حکیم سنائینک استادی اولان شیخ الاسلام ناصر الدین محمد منصوردن و سائر عصری مشاهیرندن تحصیل ایتمش؛ و کنجکنده اکثریا بلخده، بعده نیشاپورده امرار عمر ایتمشدر. مدرسه نظامیه صاحبی وزیر شهیر نظام الملك و ملاحدۀ اسماعیلیه-نک باشی اولان حسن صباح یانته کیده-رک، مطلوبلری سؤال اولندقدۀ، حسن صباح خدمته کیرمک آرزوسنی بیان ایتمکله، همدان والیلکنه تعیین اولنمش، و عمر خیام بقیه عمرینی نیشاپورده کچیرمک اوزره، معیشتنه مدار اوله-جق جزئی بر معاش طلبیله قناعت ایتمشدی. عمرنده تأهل ایتمیوب، ایامنی مطالعه ایله و اشتغالات ذهنیه ایله کچیرمشدر. ملوک و اکابر زمانی عندنده قدر و اعتباری زیاده اولوب، علی الخصوص سلطان سنجر سلجوقی کندیسنی کندی تختی یاننده بر کرسی مخصوصه اتورته-رق، صحبت ایدردی. مناهیدن پک-ده مجتنب اولمدیغی حالده، کندیسندن بعض احوال فوق العاده منقولدر. اشعاری رباعیاتدن عبارت اولوب، بونلرک اکثری حقایق علمیه-یه و حکمت و اخلاقه متعلقدر. بونلرک بعضلرنده افکار متعصبینه قارشی بر طاقم تنقیدات و تعریضات مستهزیانه مندرج اولوب، صحبتنده دخی بو مسلك و طریقى التزام ایتمدیکندن، بعض آوروپالیلر کندیسنه شرک و ولتری دیمشدر. رباعیاتی انکلیزجه-یه و سائر آروپا لسانلرینه ترجمه و نشر اولنمشدر. عصرمز ادباسندن معلم فیضی بعض منتخباتنی ترکجه ترجمه-سیله برابر شهرمزده نشر ایتمشدر. 515ده و بر روایتده 517ده نیشاپورده وفات ایتمشدر. شو رباعی اونکدر:

@@@

کر کوهر طاعت نسفتم هرکز
ور کرد کنه زرح نرفتم هرکز
نومید نیم زبارگاه کرمت
زیراکه یکیرا دو نکفتم هرکز
\$

1-3219-5

عمر دده

و عمر سکینی. شیخ بیرام ولی مریدانندن اولوب، شیخ مشار الیهک وفاتنده آق شمس الدین خلفی اولمش ایسه-ده، قطیبت صاحب ترجمه-یه انتقال ایتمشدر. بروسه-لی اولوب، 926 تاریخنده وفات ایتمش، و کوینکده دفن اولنمشدر.

2-3219-5

عمر سهلان ساوجی

[[قاضی میر]]-ماده-سنه مراجعت.]

3-3219-5

عمر شیخ، معز الدین -*.

تیمورلنکک اوچنجی اوغلی اولوب، جهانگیر مشار الیه آل مظفری اصفهان قربنده قتل و استیصال ایتمکده، فارس حکومتی صاحب ترجمه-یه ویرمشیدی. بر سنه صکره یعنی 799 تاریخنده پدریله کوریشمک اوزره، دیاربکر طرفنه کیتمکده ایکن، اثنای راهده کردستانده قتل اولنمش؛ و نعشی ماوراء النهره نقل ایله، %ککش\$ قصبه-سنده قبه خضراده دفن اولنمشدر. بش اولادی اولوب، بونلردن بایقرانک تورونی سلطان حسین سلطنته نائل اولمشدر.

4-3219-5

عمر شیخ، میرزا -* بن سلطان ابی سعید بن میرزا محمد بن جلال الدین امیرانشاه بن تیمور

تیمورلنکک احفادنندن اولوب، هندستان دولت تیموریه-سنی تأسیس ایدن بابرک پدردر. 860 تاریخنده سمرقندده طوغوب، پدربنک سلطنتی زماننده فرغانه و الدجان والیکنه نصب اولنمش؛ و 873ده واقع اولان پدربنک وفاتندن صکره دخی بو حکومتده قالوب، 26 سنه بالاستقلال اجرای حاکمیتدن صکره 899ده 39 یاشنده وفات ایتمشدر.

5-3219-5

عمرو

صحابه-دن بر قاچ اسمی اولوب، اک معروفلری بر وجه آتیدر: (عمرو بن ابی اثاثه) که حبشه هجرت ایدنلردن اولوب، والده-سی طرفندن عمرو بن العاصک برادریدر. -* (ابو امیه عمرو بن امیه الکنانی الضمری) که قدامدن اولوب، حبشه هجرت ایتمشیدی. بدر و احد غزالرندن صکره حبشندن مدینه-یه کلوب، بئر معونه غزاسنده حاضر بولنمشدر. بر روایتده-ده بدر و احد غزالرنده مشرکین میاننده بولنمش؛ و بعده اسلامه کلمشدر. جانب نبویدن سفارتله اطرافه اعزام بیوریلوب، نجاشی-یی دین اسلامه دعوت، و ام حبیبه بنت ابی سفیان نبی ذی شان ایچون طلب ایتمکه کوندریلن دخی بو ذاتدر. -* (عمرو بن الاهتم التیمی) که طقوزنجی سال هجریده قومی طرفندن مبعوثاً نزد حضرت نبویه-ی کله-رک،

شرف اسلامه مشرف اولمش؛ و بعده (نجاح) ادعای نبوت ایتدیکنده کندیسنه تبعیت ایدنلردن بولنمش ایسه-ده، ینه اسلامه رجوع ایتمشدر. شعرادن اولوب، شو بیتلر جمله اشعارندندر:

@@@

ذریتی فان البخل یا ام هاشم
لصالح اخلاق الرجال سروق
لعمرك ماضاقت بلاد با هلهما
ولكن اخلاق الرجال تضيق

\$

*- (عمرو بن الجموح الانصاری السلمی) که انصارک صکره ایمانه کلنی اولوب، زیاده طوپال اولدیغندن، بدر غزاسنه کیتمسنه اولادی مانع اولمش ایسه-ده، احد محاربه-سنه کیتمسنه مانع اوله-میوب، اذن رسول الله (صلعم) ایله کیتمش؛ و شهید اولوب، انیشته-سی و جابرک پدیری اولان عبد الله ایله بر مزاره دفن اولنمشدر. *- (عمرو بن الحارث بن ابی ضرار الخزاعی المصطلق) که ازواج مطهره-دن جویره بنت الحارثک برادری و فخر کائنات (صلعم) افندمزک قاینی اولوب، ترکه جناب نبوی حقنده روایتی وارد. *- (ابو سعید عمرو بن حریث القرشی المخزومی) که خالد بن ولید (رضه) ایله ابو جهلک اقرباسندن اولوب، رحلت جناب نبویده اون ایکی یاشنده ایدی. بعده کوفه-ده ساکن اولمش؛ و کلینلی ثروت و سامانه نائل اولمشیدی. قادیسیه محاربه-سنده بولنوب، مجروح اولمشیدی. 85 تاریخنده وفات ایتمشدر. *- (ابو الضحاک عمرو بن حزم الانصاری الخزرچی النجاری) که خندق غزاسنده و اوندن صکره کی غزواتده حاضر بولنوب، 17 یاشنده ایکن، جانب نبویدن اهل نجرانه والی اعزام بیورلمش؛ و 54 تاریخنده وفات ایتمشدر. یزیدی ولی عهد ایتمک ایستدیکنده معاویه-یه قارشی شدتلی لسان قولانمش ایدی. *- (عمرو بن الحمق الخزاعی) که حدیبیه وقعه-سندن صکره نزد حضرت نبوی-یه هجرتله، بر چوق احادیث شریفه ضبط، و بعده مصره و اورادن کوفه-یه انتقال ایتمش ایدی. یوم الدار دینلن شهادت عثمان (رضه) وقعه-سنده حاضر بولنوب، خلیفه مشار الیهک خانه-سنه داخل اولان درت کشینک بری بولنمش؛ و بعده جناب مرتضایه انتسابله، جمل و صفین و نهران محاربه-لرنده معیتلرنده بولنمش؛ و مؤخرأ حجر بن عدیه یاردم ایدوب، اصحابندن اولمش؛ و صکره زیادک قورقوسندن موصل جهتنه قاچوب، بر مغاره-یی مسکن اتخاذا ایتمش ایدی. بر مدت صکره معاویه موصل عاملندن عمرو بن الحمق طلب ایتمکله، مغاره-سنده آرادقلرنده بر بیلانک صوقمسیله وفات ایتمش اولدیغنی کوروب، باشنی قطع و شامه ارسال ایتمشلردر. اسلامده اک اول کله-سی آنان بو ذاتدر. موصلک خارجنده قبری زیارتگاه اولوب، سیف الدوله-نک برادری سعید بن حمدان طرفندن تربه-سی انشا اولنمش؛ و بو تربه-نک انشاسندن طولایی سنیلرله شیعیلر بیننده منازعه ظهور ایتمشدی. *- (عمرو بن سعید بن العاص بن امیه القرشی الاموی) که خالد بن ولید حضرتلرینک همشیره زاده-سی اولوب، برادری خالدله برابر حبشه و بعده مدینه-یه هجرت ایتمش؛ و خلافت جناب صدیقده اجنادین محاربه-سنده شهید اولمشدر. *- (ابو الاعور عمرو بن سفیان السلمی) که صحبتی مختلف فیه اولوب، بعده معاویه-نک خواص اصحابندن اولمش؛ و صفین محاربه-سندن عسکری ترتیب و تعبیه ایدن کندیسینی بولنمشدر. *- (عمرو بن شاس الاسدی) که شعرادن اولوب، حجاج بن یوسفک معیتنده بولنمش اولان عرارک پدیردر. بر سبیدن طولایی حضرت علی (رضه) دن شکایت ایتمش اولمغله، مسجد نبوییه دخولنده فخر کائنات (صلعم) افندمز: ((یا عمرو و الله لقد آذینتی)) بیورمش؛ و عمرو انکار ایدنجه: ((بلی من آذای علیاً فقد آذانی)) بیورمش ایدی. *- (عمرو بن العاص) ((عمرو بن العاص)) ماده-سینه مراجعت. *- (ابو الفتح عمرو بن عبسه السلمی) که جاهلیتده بتلرک عبادتی علیهنده بولنمغله، مکه-ده عبادت اصنامی منع ایدر بر نبی ظهورینی خبر الوب، مکه مکرمه-یه کیده-رک، فخر کائنات (صلعم) افندمزی کیجه کوره-بیلمش؛ و یانلرنده قالمق ایستمش ایسه-ده، دین اسلامک اظهارنده کلمسی امر بیورلمغله، مملکتته عودت، و بعده مدینه منوره-یه هجرت ایدوب، مؤخرأ شامده ساکن اولمش؛ و روایت احادیث شریفه ایتمشدر. *- (ابو ثور عمرو بن معدی کرب الزبیدی المذحجی) که سعد العثیره قومنه منسوب اولدیغی حالده، مراد قبیله-سنه نازل اولمش، و بونلرک مبعوثلری میاننده نزد جناب نبوییه

كلوب، شرف اسلامه مشرف اولمش؛ و ارتحال حضرت رسالتپناهيده اسود عنسی ايله ارتداد ايدوب،
جانب صديق اكبردن اعزام بيورلمش اولان خالد بن سعيد بن العاص ايله محاربه ايتمش ايسه-ده، مشار
اليهه جانب خليفه-دن امداد كلديكنی آكلاينجه، اسلامه وجوعله، مهاجر بن ابی اميه-يه تسليم اولنمش؛ و
مربوطاً حضور خليفه-يه كوتوريله-رك، توبه ايتمكله، مملكتنه اعاده بيورلمش؛ و بعده مدينه-يه كلوب،
جانب صديقدين شام فتوحنه اعزام بيوريله-رق، يرموك غزاسنده حاضر بولنمش؛ و عهد جناب
فاروقيده، سعد ابن ابی وقاصك معيتنده اولمق اوزره، عراقه اعزام بيوريله-رق، قادسيه محاربه-سنده
شهيد اولمش، و بر روايتده صوسزلقندن وفات ايتمشدر. بعضلريده 21 تاريخنده نهاوند محاربه-سنى
كوردكندن صكره %روده\$ قريه-سنده وفات ايتديكنی بيان ايتمشلردر. طبيعت شعريه-سى دخى اولوب،
شو قطعه جمله اشعارندرنر:

@@@

امن ريخانه الداعى السميع
يؤرقنى و اصحابى هجوع
اذا لم تستطع شيئاً فدعه
و جاوزه الى ما تستطيع
\$

1-3220-5

عمرو

بو اسمله يمنده-كى تبايعه-دن بر، حيره ملوكندن اوچ، حرهم ملوكندن ايكي و كنده ملوكندن بر حكمدار
كلمشدر.

2-3220-5

عمرو بن العاص، ابو عبد الله بن وائل بن هاشم بن سعيد بن سهم بن عمرو بن هصيصى بن كعب بن
لؤى القرشى السهمى

صحابه-دن اولوب، قبل الاسلام كفار قريش طرفندن حبشده-كى مهاجرين اسلامى تسليم ايتمسنى تكليف
ايچون، نجاشينك ياننه كوندرلمش؛ و نجاشى بو تكليفى رد ايتدكندن بشقه، فخر كائنات (صلعم) افندمرك
نبوتتى تصديق ايله، كنديسنك بو تكليفنى تعييب ايتديكندن، عمرو بن العاص حبشده ايكن اسلامه كلوب،
اورادن مدينه منوره-يه هجرت ايتمش؛ و بر روايتده سكرنجى سال هجریده و فتح مکه-دن آلتى آى
اسلامه كلمشدر. خالد بن وليد و عثمان بن طلحة العبدري ايله برلكده مدينه منوره-يه كیده-رك، كچمش
حركاتى عفو بيورلمق رجاسيله اهتدا ايتمشدر. متعاقباً جانب نبويدن بر سريه ايله پدريتك دايبلىرى اولان
بلى بن عمر بن لحاف قبيله-سنه قارشى اعزام بيوريله-رق، ذات السلاسل موقعنه وارنجه، استمداد
ايتمكله، ابو عبيده بن الجراحك تحت قيادتنده و حضرت ابو بكر و عمر (رضى الله عنهما) دخى داخل
اولمق اوزره قدامى مهاجريندن مركب بر سريه امداده اعزام بيورلمشدى. بعده صاحب ترجمه عمانه
عامل اولوب، ارتحال جناب نبويه-دك اوراده قالمش؛ و جناب صديقك زماننده شام فتوحنه مأمور
اولوب، خلافت جناب فاروقيده فلسطين و اليلكنه نصب، و بعده خطه مصريه-نك فتحنه مأمور بيورلمش
ايدى. مصرى فتح ايتمكله، اورانك و اليلكنه تعيين اولندقدن صكره، عزل اولنمغله، فلسطينه چكيلوب،
آره-صره مدينه-يه كيدر. و حضرت عثمانه اولان دلكيرلكنى اظهار ايدوب، طعن ايدردي. حضرت
عثمانك شهادتندن صكره، شامده معاويه-نك ياننه كيدوب، بونك حضرت على (رضى الله عنه)ه قارشى
اولان كين و غرضى تشديد و مخاصماتنه معاونت ايتمش؛ و صفين محاربه-سنده برلكده بولنوب، بعده

معاويه طرفندن حکم نصب اولنه-رق، حضرت حيدرک حکمی اولان موسی الاشعريی اغفال ایتمشدر. جانب مرتضویدن مصر والیسی بولنان محمد بن ابی بکر (رضها)یی اخراجله مصری تحت اداره-سنه ألمغه، معاويه طرفندن مأمور اولوب، آخر عمرینه-دک بو والیلکده قالمش؛ و 43نجی سال هجریده وفات ایتمشدر. اوغلی عبد الله خلفی اولمش ایسه-ده، متعاقباً معاويه اونى عزل ایدوب، کندی برادری عتبه بن ابی سفیان نصب ایتمشدی. عمرو بن العاص قیصه بویلی، جسور، دهاتدن عد اولنه-رق، درجه-ده ذکی و او نسبتده حيله-کار، فصیح اللسان و شاعر یدی.

1-3221-5

عمرو بن العبد

[(طرفه)) ماده-سنه مراجعت.]

2-3221-5

عمرو بن عثمان

[(سیبویه)) ماده-سنه مراجعت.]

3-3221-5

عمرو بن عمرو الکندی

مؤلفیندن اولوب، ((فضائل مصر)) عنوانيله بر اثر معتبری وارد.

4-3221-5

عمرو بن کلثوم

((معلقات سبعة)) صاحبلى اولان شعرای سبعة عربك یدنجیسیدر.

5-3221-5

عمرو بن لیث صفار

دولت صفاریه-نک ایکنجی حکمداری اولوب، مؤسس دولت اولان برادری یعقوب بن لیثک وفاتی اوزرینه، 265 تاریخنده تخت موروثنه جلوسله، 23 سنه حکومت سوره-رک، خراسان، غزنین، سیستان، کرمان، مازندران، فارسی و عراق عجمه یعنی بتون ایران ایله افغانستانه حاکم اولدیغی و بغدادده خطبه-ده خلیفه-دن صکره کندی نامنی اوقوتدیرمغه باشلامش ایکن، قناعت ایتمیوب، خوزستان ایله عراق عربی دخی ضبط ایتمک اوزره، عسکر سوق ایتمش اولدیغندن، خلیفه معتضد ماوراء النهر والیسی بولنان امیر اسماعیل سامانی-یه فرمان ارسالله، امداده دعوت ایتمش؛ اسماعیل سامانی اون ایکی بیگ سواری ایله کلوب، صاحب ترجمه-نک سکسان بیگ سواریسی وار ایکن، حربه باشلايه-جقلری زمان عمروک آتی اورکوب، کندیسینی اسماعیل سامانینک اردوسی ایچنه کوتورمکله، بلا حرب اسیر دوشمش،

و عسکری طاغلمشدر. عمرو بن لیث بغداده کوتوریله-رک، ایکی سنه محبوس قالدقندن صکره، 289 تاریخنده معتضد خلیفه-نک وفاتی کونی اعدام اولنمش؛ و بر روایتده اوچ کوریمکسز اونودیلوب، آجلقندن وفات ایتمشدر. بر کوزی کور، غدار و خونخوار بر آدم ایدی. شیرازده جامع عتیق دینمکله معروف بیوک جامع شریف بونک بنا کرده-سی ایدی. توروئی ظاهر سیستانده بر آر مدت حکومت سورمش ایسه-ده، اجدادینک دولتنی احیایه موفق اوله-میوب، صفاریلرک ملکی سامانیلرک الینه کچمشدر.

6-3221-5

عمرو

اونجی قرن هجری عثمانلی شعراسندن اولوب، اسمی (عمرو)در. آرقداشی زید ایله برابر مولانا عبد الکریمک کوله-لری اولوب، ایکیسیده شاعر اولمش ایدی. اشعاری ساده لکن اولدقجه سلیس و معنیداردر. شو بیت اونکدر:

@@@

سودم یوزمی پایکه باغ ارمکده
رفعتله باشم طوبییه ایردی قدمکده

\$

7-3221-5

عمره

صاحبیاتدن بر قاچ خاتونک اسمی اولوب، از آن جمله (عمره بنت معاویه الکندیه)نک جانب نبویدن تزوج بیورلدیغی، و آنجق نزد نبویلرینه کتیریلنجه-یه قدر رحلت جناب رسالتیناهی وقوع بولدیغی مرویدر.

1-3222-5

عمره بنت النعمان

صحابه-دن نعمان بن بشیرک قیزی اولوب، وقعه دلسوز کربلایه ذی مدخل اولان بنی امیه طرفدارانندن انتقام ألمغی وظیفه ایدنمش اولان مشهور مختار بن ابی عبیده الثقفینک زوجه-سی ایدی. مصعب بن الزبیر مختاری قتل ایتمکدن صکره، زوجه-لرینی اله کچیروب، بونلردن ام ثابت بن سمره-یه مختار حقنده-کی فکرینی صوردهده، مطلوبنه کوره جواب ویرمش ایسه-ده، صاحب ترجمه مختارک لهنده اداره لسان ایتمکله، مصعب برادری عبد الله بن زبیره بو قادینک مختارک نبوتنه قائل اولدیغنی یازه-رق، قتلی امرینی بالاستحصال، وحشیانه بر صورته اعدام ایتمشدر.

2-3222-5

عمق، مولانا -*.

مشاهیر شعرای ایرانندن اولوب، بخارالیدر. ترکستان خانی مرشد خانک منظوری و ملک الشعراسی ایدی. بتون ماوراء النهر شعراسی کندیسنی استاد و رئیس طانیوب یالکز خانک باش خاتونک مداحی اولان رشیدی عمقعه رقابت ایدردی. ایکی بحر اوزره اوقونه-بیله-جک صورته بر ((یوسف و ذلیخا))

منظومه-سی یازمشدر، که اک مقبول آثار ادبیه-دندر. یوز یاشلرینه قدر یاشایوب، 540 تاریخندن صکره وفات ایتمشدر. مرثیه سویلمه-ده دخی مهارتی اولوب، سلطان سنجر سلجوقینک زیاده سودیکی قیزی ماه ملک خاتون وفات ایتمکده، پادشاه مشار الیه مرثیه سویلتمک اوزره، عمقی دعوت ایتمش ایسه-ده، او وقت پک اختیار و کورلری کورمز اولدیغندن، بیان اعتذارله برابر، بر مرثیه یازوب، اوغلی حمیدی ایله کوندرمشیدی. شو ایکی بیت او قصیده-سندندر:

@@@

هنکام آن که کل دمد از صحن بوستان
رفت آن کل شکفته و درخاک شد نهان
هنکام آن که شاخ شجر تم کشد زابر
بی آب ماند نرکس آن تازه بوستان
§

3-3222-5

عمواس

فلسطینده رمله-دن 8 میللک مسافه-ده و قدس طریقنده بر ناحیه اولوب، عهد جناب فاروقیده 18نجی سال هجریده وقوع بولان طاعون ابتدا بو ناحیه-ده ظهور ایتمکله، طاعون عمواس دینمکله مشهوردر. بو طاعوندن فتوح شامله مشغول اولان عساکر مسلمیندن یکرمی بش بیک کشی تلف اولوب، ابو عبیده الجراح (رضه) ایله یزید بن ابی سفیان، معاذ بن جبل، فضل بن العباس و سائر صحابه-دن بر چوق ذوات دخی بو مرضه طوتیلوب وفات ایتمشدر.

4-3222-5

عموجه زاده

[[حسین پاشا]] ماده-سنه مراجعت.]

5-3222-5

عموریه

#1

أناتولیده ازمنه قدیمه-ده %غالاتیه\$ دینلن آنقره جهتنده خیمانه اووه-سنگ غربنده و سقاریه کنارنده بر شهر اولوب، رومالیردن صکره خیلی اهمیت آلمش، و او جهتلرک مرکز تجارتی اولمش ایدی. بو مناسبتله شرقیون عموریه-یی روملرک مرکز و پایتختی ظن ایدوب، مثلا شاهنامه-ده فلیب و اسکندرک دخی پایتختلری عموریه نامیله یاد اولنور. بعده خراب اولوب، نام و نشانی قالمامشدر. خلفای عباسیه-دن معتصم 223 تاریخ هجریسنده بو شهری فتح ایتمشدی.

6-3222-5

عمید الملك الکندری، ابو نصر محمد بن منصور

سلاطین سلجوقیه-دن طغرل بک وزیر اولوب، ادبیات و کتابتده-کی اقتداری و سخاوت و کرم و سائر فضائلی سببیله پادشاه مشار الیهک توجهنی قزانمش؛ بیوک بر دولت و ثروته نائل اولمشیدی. دولت سلجوقیه-ده اک اول وزیر اولان بو ذاتدر. دائره-سی مرجع علما و شعرا اولوب، شعرا و معاصرینی مدحنده بر چوق قصیده-لر سویلمشدر. شافعیلرک و رافضی و اشعریلرک پک علیهنده اولوب، آلب ارسلانک زماننده رافضیلره منبرلرده لعنت اوقومتق ایچون، پادشاه مشار الیهک فرماننی استحصال ایتمش؛ و بونک ایچون خراساندن بر چوق ائمه و علما ترک وطن ایده-رک، حجازه و سائر جهاته هجرت ایتمشدر ایدی. طغرل بکک وفاتندن صکره تخته کچن مشار الیه آلب ارسلان کندیسینی وزارته ابقا ایتمش ایسه-ده، بعده خوارزمشاهک قیزینی طلب ایتمک ایچون خوارزمه کوندردیکی حالده، صاحب ترجمه-نک قیزی کندی نفسیچون طلب ایتمک شیع بولمش؛ و اثنای عودتنده بو شایعه-یی خبر آلمغله، مدار عفو و تکذیب اولمق اوزره، صقالنی تراش و خایه-لرینی قطع ایتمش؛ و بر روایتده آلب ارسلان طرفندن بو جزایه دوچار و بعده عزل اولنه-رق، یرینه مشهور نظام الملک تعیین اولمش؛ و بونک امریله صاحب ترجمه حبس، و 456 تاریخنده اعدام اولنمشدر. قتلنده قرق یاشلرنده ایدی.

1-3223-5

عمیر

صحابه-دن بر قاچ ذاتک اسمی اولوب، اک معروفلری بر وجه آتیدر: (عمیر بن سعد الانصاری الاوسی) که زهاد و فضالی صحابه-دن اولوب، بدرغزاسنده حاضر بولنمش؛ و خلافت جناب فاروقیده شام فتوحاتنه اعزام بیوریله-رق، فلسطینده ساکن اولمش؛ و بر چوق احادیث شریفه روایت ایتمشدر؛ جانب فاروقیدن حمص عاملکنه نصب بیورلمشیدی. صدق و استقامتی سببیله خلیفه مشار الیه نزدنده اعتباری زیاده ایدی. *- (عمیر بن ابی وقاص القرشی الزهری) عشره مبشره-دن سعد بن ابی وقاص حضرتلرینک برادری اولوب، بدرغزاسنه کیتیمک ایستدیکنده، اون آلتی یاشنده اولمغله، جانب نبویدن استصغار بیورلمش ایسه-ده، آغلامغه باشلا دیغندن، نهایت مساعده بیوریلوب، بو محاربه-ده شهید اولمشدر. *- (ابو امیه عمیر بن وهب القرشی الجمحی) که اشراف و شجعان قریشدن اولوب، صفوان بن امیه-نک عم زاده-سیدر. بدرده مشرکین میاننده بولنوب، حضرت نبی ذیشانه و مسلمینه اولان شدت بغض و خصومتنی اظهار ایله، کفاری تشویق و تهییج ایدردی. بو محاربه-ده او غلی وهب اسپر دوشمکله، مکه-یه کیتدکن صکره، او غلنی فدیله ایله آلمق بهانه-سیله مدینه-یه کیدوب، رسول الله (صلی الله تعالی علیه و سلم) افندمزی شهید ایتمکی عم زاده-سی مرقوم صفوانه و عد ایتمش؛ و بیلنمش وسم سورلمش بر قلیج آلب، مدینه-یه ورود ایتمکله، حضرت عمر (رضه) طرفندن طانیلوب، جانب نبویه خبر ویرلمکله، حضورینه چاغرلدقده، مقصدینی انکارله، او غلنی قورتارمغه کلدیکنی سویلمش ایسه-ده، جانب نبویدن صفوانله شویله بر مقاوله-ده بولنمدک می بیوریلنجه، درحال اسلامه کلوب، شهادت کتیرمش؛ و قریشی دین حقه دعوت ایچون، مکه-یه عودت رخصت ایستیوب، فی الواقع بر قاچ کشینک اهداسنه واسطه اولمشدر.

2-3223-5

عمیق

حلب ولایتک مرکز قضااسنده بر اووه اولوب، حاوی اولدیغی قریه-لر بر ناحیه صورتنده ادراه اولنور.

3-3223-5

عنان

عباسیلر زماننده بیتیشن شاعره-لردن اولوب، ناطقی اسمنده برینک جاریه-سی ایدی. ابو انواسله بر چوق
مشاعره و ملاطفه-لری وارد. هارون الرشید کندیسنه طالب اولوب، افندیسی یوز بیک دیناردن
آشاغییه راضی اولمامش؛ و بعده خلیفه مشار الیه کندیسنی ورته-سندن چوق دها اوجوز صاتین آلمش
ایدی. شو بیت جمله اشعارنددر:

@@@

کتمت هواهم فی الصدر منی
و لكن الدموع علی نمت
\$

4-3223-5

عنايت

ایران شعراسندن ایکی کشینک مخلصیدر:

برنجیسی (عناية الله) عن اصل دیلملی اولوب، بخاراده نشو و نما بولمشدر. شو بیست اونکدر:

@@@

خواهم که ناله بر سانم بکوش یار
از ضعف چون کنم که بجایی نمیرسد
\$

*- ایکنجیسی (میرزا *-) عن اصل اصفهانلی اولوب، هندستانده نشو و نما بولمشدر. شو بیت اونکدر:

@@@

عقدهای مشکل از طول امل پیدا شود
کی کره درکار افتد رشته کوتا هرا
\$

5-3223-5

عناية الله

اونجی قرن هجری شعرا و علماسندن اولوب، قدر چلبینک اوغلی و صاحب تذکره قنالی زاده-نک
داییسی ایدی. طریق قضایه سالک اولوب، جزایرده قاضیلق ایتدکن صکره، اثنای عودتنده فرنک
قورصانلرینک الینه اسیر دوشمش؛ و قورتلدقن صکره، ینه او طرفه میل ایدوب، تلمسان قاضیسی
اولمشیدی. شو قطعه هنگام اسارتنده شویلدیکی اشعارنددر:

@@@

بیله ویردی خرمن صبر و قرارم حاصلی
بینه کرداب غمه آندی فلک فلک تنی
ای عنایت قول ایکن بر کافره عشق ایله دل
کافره قول ایتدی دوران بودل لایعقلی
\$

6-3223-5

عنيسة الفيل، بن معدان المهري

قدمای نحويوندن و علم نحوك واضعلرندن اولوب، ابو الاسود الدؤلينك تلامذه-سندندر. برنجى قرن هجریده بصره-ده ياشايوب، حريرله معاصر ايدى. و شاعر مومى اليهك صاحب ترجمه حقنده بعض ابياتى واردر.

7-3223-5

عنتر

جاهليت دورينك عرب قهرمان و شعراسندن اولوب، معشوقه-سى اولان عم زاده-سى آبله-يى تزوج ايديه-بيلمك ايچون بر چوق خارق العاده ايشلره كيريشه-رك، و دفعاتله حياتنى تهلكه-يه قويه-رق، مرآمنه نائل اوله-جغى وقت هجرت نبويه-دن يدى سنه مقدم بر دشمنى طرفندن قتل اولنمشدر. بشنجى قرن هجرى ادباسندن مؤبدين الصايغ بونك حكايه-سنى مفصل صورتده يازوب، كوزل بر اثر ادبى وجوده كتيرمشدر. كه اخيراً بر قاچ جلد اوزره بيروتده طبع و نشر اولنمشدر.

1-3224-5

عنتره بن شداد

شعراى جاهيلتندن اولوب، مشهور معلقات سبعة-دن برينك صاحبيدر.

2-3224-5

عنترى، ابو المؤيد محمد بن المجلى الجزى

مشاهير اطبا و ادباى اسلامدن اولوب، كرك فنون طبييه و حكمتده و كرك علوم ادبيه-ده يد طولى صاحبي ايدى. اديب و شاعر و فيلسوف بر ذات ايدى. عماد الدين زكى زماننده جزيره-ده ياشامشدر. اوغلى مؤيد الدينه خطاباً حكمت و اخلاق و طب و حفظ صحتنه دائر نصيحت آميز بر چوق اقوال و اشعار حكيمانه-سى واردر. ديوان اشعارندن بشقه بر وجه آتى تأليفاتك صاحبيدر: ((نور المجتنى من روض الندباء))، ((تذكار الفضلاء الحكماء و نزهة الحياة الدنيا))، ((كتاب الاقربادين))، ((رسالة الشعري اليمانية الى الشعري الشامية))، ((رسالة حركة العالم))، ((رسالة الفرق مابين الدهر و الزمان و الكفر و الايمان))، ((رسالة العشق الالهى و الطبيعى))، شو ايكى بيت جمله اشعارندندر:

@@@

من لزم الصمت اكتسى هيبه

تخفى عن الناس مساويه

لسان من يعقل فى قلبه

و قلب من يجهل فى فيه

\$

3-3224-5

عَنْدَل

حضر موت ساحلنده بيوك بر قصبه اولوب، چيقان صدفنك كثر تيله مشهور اولديغنى ياقوت حموى بيان ايدبور.

4-3224-5

عندليبى

اونجى قرن هجرى عثمانلى شعر اسندن ايكي كشينك مخلصى اولوب، برى استانبوللى و ديكري قسطمونيليدر. شو بيت برنجيسنكدر:

@@@

نه صفا صفه-سى وار كوشه ميخانه كبي

نه مصاحب بولنور باده و يميايه كبي

\$

5-3224-5

عزّه

اليوم موجود و جزيره ايله عراق و شام جهترينه مسلط اولان عرب عشايرينك اك جمعيتلى و اك قوتليلرندن اولوب، يالكز شمر عشيرتندن دوندرلر. بونلر باشليجه جزيره-ده موصل ايله زور آره-لرنده و برية الشامك شمال جهتده جولان ايدوب، اكثر يا شمر عشيرتيله مخصصاتده بولنورلر. وطن اصليلرى اولان نجدده و حجازك خيبر جهتده دخى بولنورلر. اصللرى قبل الاسلام يمامه-ده ساكن بولنمش اولان ربيعه قبيله-سى اولديغى مظنون اولوب، كنديلرى دخى بو ادعاده بولنيورلر. يالكز نجدده-كى عزه قبيله-سى و هابيلر مسئله-سنده 3700 عسكر چيقاروب ايچلرندن 1200 سوارى ايدى. جزيره و برية الشامده كيلر تخميناً 350000 نفوس راده-لرنده اولوب، يازين شام، حلب و سائر شهر و قصبه-لره تقرب ايتدكلرى حالده، قيشين چولك ايچنه چكيليرلر؛ بعضاً عراق جهته دخى كچرلر. سائر عشاير كبي آت، دوه، قيون و سائر حيوانات سوريلريله ياشايوب، بينيجيلكده مهارتلى مشهوردر. اسمر چهره-لى، چقور كوزلى، آز صقاللى و اوزون صاچلى آدملر اولوب، صاچلرينى اورمك عادتلريدر. قاريلرى خيلى بياض و كوزلدر.

6-3224-5

عنصرى، ابو القاسم حسن بن احمد

قدمای شعراى ايراندن اولوب، بلخليدر. سلطان محمود سبكتکينه انتساب و محبت و توجهنى تحصيل ايدوب، ملك الشعراسى اولمشيدى. پادشاه مشار اليه تقديم اولنه-جق اشعار و اثار ادبیه ابتدا صاحب ترجمه-نك نظرندن كچوب، بونك معرفتيله تقديم اولنديغندن، كنديسى مرجع شعرا و ادبا اولوب، بر قاچ يوز شاعر معيتنده بولنوردى. فراوان ثروت و سامانه و جاه و اقتداره-ده مالك اولمشيدى. اكثر اشعارى سلطان مشار اليهك و خانداننك مدحنه دائر اولوب، ((وامق و عذراء)) عنوانلى بر منظومه دخى يازمش ايسه-ده، نسخه-سى بايابدر. 431 تاريخنده غزنيده وفات ايتمشدر. شو بر ايكي بيت جمله اشعارندندر:

@@@

چهار و قتش پیشه چهار کار بود
کسی ندید و نبیندش از چهار جدا
بوقت قوت رحم و بوقت ذلت عفو
بوقت تنگی بخشش بوقت عهد وفا
\$

7-3224-5
عنقا، حسین -*

اونجی قرن هجری شعراسندن اولوب، عن اصل شیرازلی اولدیغی حالده، دیار رومه هجرتله استانبولده
توطن ایتمشدی. تذکره صاحبی قنالی زاده کندیسيله و پدريله صحبت و مودنتی بیان ایدیور. فارسی و
ترکی اشعاری وارد. شو بیت اونکدر:

@@@
رقیب زاغ نیلر کلشن کویکده ای غنچه
خصوما اول یرک عنقا اوله مرغ خوش الحانی
\$

1-3225-5
عنوان، محمد رضا

ایران شعراسندن اولوب، تبریزلیدر. شو بیت اونکدر:

@@@
بیا که بیتوز سرمایه حیات مرا
بدیده مانده نگاهي و برزبان سخنی
\$

2-3225-5
عنه

بغداد ولایت و سنجاغنده و بغدادک 250 کیلومتره شمال غربیسنده اوله-رق فراتک ساحل یمین یعنی
جنوبیسنده واقع قضا مرکزی بر قصبه اولوب، 3000 اهالیسی، اون جامع شریفی، بر کوچک
حاوراسی، فراتک ایچنده واقع بر کوچک آطه-نک اوزرنده قدیم و خراب بر قلعه-سی، باغچه-لری و بز
معمولاتی وارد. بو قصبه فرات بوینجه 6 کیلومتره-لک مسافه-ده ممتد بر تک سوقاقدن عبارت اولوب،
خانه-لری بربرلرندن آیری و بر ویا ایکی قاتلی و سردابلی اولدقلری حالده، آرقه-لرنده بر طرفندن
ساحل نهره و دیگر طرفدن چوله قدر ممتد باغچه-لری وارد. اهالیسندن یالکز یکر میسی یهودی اولوب،
قصوری کاملاً مسلم و عربدر. قصبه-نک بر آز آشاغیسنده و فراتک اوپر یانه-سنده رومالیلرجه (آنانو)
اسمیله معروف مدینه قدیمه-نک خرابه-لری کوریللیور، که بو اسمک-ده (عنه) اسم عربیسندن غلط
اولدیغی آکلاشیللیور.

-* - عنه قضاسی بغداد ولایت و سنجاغنگ منتهای غرب شمالیسنده و فراتک ایکی جهتنده واقع اولوب،
شمالاً و شمال شرقی جهتندن موصل ولایتیله، شرق جنوبی جهتندن دیلم قضاسیله، جنوب غربی جهتندن

چول ایله، غرباً دخی زور مستقل متصرفلغیله محاطدر. مساحه سطحیه-سی تقریباً 15000 مربع کیلومتره اولوب، اراضی مزروعه-سی 750 فدان یعنی 20677 یکی دونمدر. فراتک فربنده واقع اولوب، طولابله اروا اولنان یرلرندن بشقه، نهردن اوزاق و یاغور صوبینه محتاج اراضی مزروعه-سی دخی واردر. اوتوز ایکی دونم قدر خرمالغی دخی اولوب، اوچ بیک خرما آغاجی بولنیور. محصولاتی بغدای، آرپه، سیسام، پاموق ایله زردالی، اریک، نار، انجیر، و آز مقدارده پورتقال ایله سائر میوه و سبزه-لردن عبارتدر. اهالیسی 15000 نفوس راده-لرندن اولوب، مرکزده-کی 20 یهودیدن ماعداسی کاملاً مسلم و عربدر. اهالیسی باشلیجه زراعتله مشغول اولوب، بغدادک بتون سقالری دخی عنه-لیدر. حیوانات اهلیه-سنگ سنوی تولداتی تقریباً 4500 صیغیر، 700 مانده، 2500 آت، 6500 مرکب، 2000 دوه، 90000 قیون و 100 کچیدن عبارتدر. بو قضا جزیره خطه-سی داخلنده اولوب، معموریتیه استعدادی زیاده-در.

3-3225-5

عوادر

یمنده جند بلده-سک شرق جهتنده بر قصبه اولوب، فقهادن عبد الله بن زید الویقی بو قصبه-ده یکی بر مذهب اظهار ایله، تارک صلاة حقنده پک شدتلی و متعصبانه معامله-ده بولنور؛ و اهالی-یی دخی کندینه تابع ایده-رک، اجرای تعصب ایدر ایدی. نهایت معزفاطمی عسکر کوندروب، کندیسینی استیصال ایتمشدر.

4-3225-5

عواصم

حلب ایله آنطاکیه آره-سنده و آنطاکیه-نک جوارلرنده-کی یرلرک اسمی اولوب، مرکزی آنطاکیه قصبه-سیدر. بعضلری آطنه و سیس طرفلرینی دخی عواصم مسامنه ادخال ایدرلر. عربلر زماننده روملرک حدودینه قریب و مستحکم یرلر اولمغله، وجه تسمیه-سی بودر.

5-3225-5

عوام، بن خویلد الزهری

عشرة مبشره-دن زبیر (رضه)ک پدری و ام المسلمین حضرت خدیجة الکبری (رضها)نک برادری اولوب، شرکده وفات ایتمشدر. -* (عوام بن جهیل المسامی) صحابه-دن اولوب، یمنلیدر. روایتیه کوره بر بتخانه-ده خدمت اصنامله مشغول ایکن، هاتفدن ایشیتدیکی بر اخطار و تنبیه اوزرینه، فخر کائنات (صلی الله تعالی علیه و سلم) افندمزک خدمتته واصل اولمق اوزره چیقوب، همدان و مدینه التحاق ایله، مدینه منوره-یه کلمش؛ و شرف اسلامله مشرف اولدقن صکره، جانب نبویدن کسر اصنامه مأمور اولمش ایدی.

6-3225-5

عورتا

نابلس قربنده بر كوچك قصبه اولوب، عزيز (عم)ك قبريني و روايته كوره يتمش نيينك قبوريني حاوی اولديغي ((معجم البلدان))ده مسطوردر.

7-3225-5

عورتحصاری

سلانیک ولایت و سنجاغنده و سلانیک شمالنده بر قضا اولوب، شرقاً لتغظه قضا سیله و سیروز سنجاغیله، شمالاً تیمور حصار و طویران، غرباً یکجه و اردار، جنوباً دخی نفس سلانیک قضا لر یله محاط و محدوددر. مرکزی سلانیک 8 ساعت شمالنده واقع % قلفش قصبه-سیدر. شرقدن غربه وسعتی 19 و شمالدن جنوبه 12 ساعتک مسافه-دن عبارتدر. ملحق اولان قره طاغ و کوکلی ناحیه- لر یله برابر 141 قریه-یی حاوی اولوب، 41860 اهالیسی وارددر. بو مقدارک 30300 سی اسلام، 26740 اورتودوقس و قتولیک مذهب لرینه منقسم بلغار، 1920 سی روم، 2900 سی ده اسلام و خرستیان اوله-رق چنکانه-در. (بو رقم لر کوکلی ناحیه-سی دخی عورتحصارینه ملحق اولدیغی زمانه کوره اولوب، شم دی ایسه ناحیه مذکوره آیریجه بر قضا اتخاذ اولندیغندن، بو مقدار دن خیلی تنزیل اولنمق اقتضا ایدر-سه-ده، بر یکی استاتستیقه دسترس اوله-مدق) اراضیسی عمومیت اوزره طاغلق اولوب، شمال جهتنده غربدن شرقه ممتد اولان قوریشنه بالقانی قضانک جهت جنوبیه-سنه قدر بر طاغ شعبه-لر اوزادیر. بو شعبه-لرک آره-لرنده بر طاغ نهر لر و دره-لر آقوب، اک بیوکی % غالیق نهریدر، که قضانک اکثر میاه جاریه- سنی جمع ایله، جنوبه طوغری آقه-رق، سلانیک کورفرزینه دوکیلور. آرجون و اکشی صو چایلری دخی قضانک قسم غربیسنده آماتوه کولنه دوکیلور لر. واردار ایرماغی دخی قضانک حدود غربیه-سنی تشکیل ایدر. بو وجهله اراضیسی طاغلق اولمغله برابر، منبت یرلری دخی چوق اولوب، بغدادی، آرپه، چاودار، یولاف، مصر، سیسام و سائر حبوباتله، پاموق، آفیون، توتون و سائر-یه متعلق خیلی محصولات آلنیر. باغلری دخی چوق اولوب، سنوی اتوز بیک قیه قدر شراب یاپیلیر. آر یلریله ایپک بوجکلری اولوب، بال و ایپک قوزه-سی چیقار. حیوانات اهلیه-سی صیغیر، قیون، کچی، بیکیر، دوه و سائر-دن عبارت اولوب، خیلی مقدار پیاغی و قیل و دری و سائر چیقار. اهالی قضا طوقومه و کلیم، یلکن بزى، آلاجه، کوملکک، بیکیر کبی بعض منسوجاتله معمولات سائر عادیه ییار لر. محصولات ارضیه-دن و حیوانات محصولندن سنوی ایکی بیک لیرالق اخراجات اولیور.

1-3226-5

عوزیا

یهود ملوکنک اوننجیسی اولوب، قبل المیلاد 808 تاریخنده 856 تاریخنه-دک 48 سنه حکومت سورمش؛ و آخر عمرنده عبده اصنامدن اولمش ایدی.

2-3226-5

عوف

صحابه-دن بر قاچ ذاتک اسمی اولوب، اک معروفلری (ابو عباد عوف بن اثاثه بن عباد بن المطلب بن عبد مناف بن قصی)در، که والده-سی حضرت ابا بکر صدیق (رضه)ک تیزه-سی ریطه بنت صخرک قیزی سلمی ایدی. حضرت عایشه (رضها) حقدنه-کی افتزاده ذی مدخل اولوب، حضرت صدیق اکبر اوندن اولی کندیسنه حسب القرابه نفقه ویرمکه ایکن، بو وقعه اوزرینه، نفقه-سنی کسمش؛ و ((و لا یأتل

اولو الفضل منكم و السعة ان يأتوا اولى القربى و المساكين و المهاجرين فى سبيل الله) آيت كريمه-سى نازل اولنجه، كمافى السابق نطقه-سنى ويرمكه دوام ايتمشلردى. صاحب ترجمه بدر غزاسنده و بعده معيت حضرت مرتضويده صفين محاربه-سنده بولنمشدر.

3-3226-5

عون

صحابه-دن ابي ذاتك اسمى اولوب، برى جعفر طيار بن ابى طالب (رضه)ك و ديكرى عم جناب نبوى حضرت عباس (رضه)ك او غليدر. برنجيسى تستر غزاسنده شهيد اولمشدر.

4-3226-5

عون الدين بن هيبه

[[ابن هيبه)) ماده-سنه مراجعت بيوريله.]

5-3226-5

عونى

متأخرين شعراء عثمانيه-دن ايكى كشينك مخلصيدر:
برى بروسه-ده ايوب افندى زاويه-سى شيخي اولوب، 1150 تاريخنده وفات ايتمشدر. شيخانه اشعارى واردر. شو مقطع بر نعت شريفنددر:

@@@

يتر عزت بو عونى درد منده

حبيب حضرتك جاك رهيدر

\$

*- ديكرى ينه بروسه-لى اولوب، (ياغجى زاده) دينمكله معروفدر. 1242 تاريخنده وفات ايتمشدر. شو بيت اونكدر:

@@@

مقصد اصول عشق ايسه قانون سينه-ده

مضراب آهى اور رك خانه برر برر

\$

6-3226-5

عويف، بن الاضبط الديلى

صحابه-دن اولوب، غزاء حديبيه سنه-سى اسلامه كلمش؛ و حضرت رسول الله (صلى الله تعالى عليه و سلم) افندمز عمرة القضاءه عزيزمترنده كنديسنى مدينه-ده استخلاف بيورمشلردى.

7-3226-5

عويم، بن ساعدة الانصاری الاوسی

خيار صحابه-دن اولوب، عقبه بيعتلرنده و بدر، احد، خندق غزالرنده و سائر غزواتده حاضر بولنمش؛ و خلافت جناب فاروقیده 65 ياشنده ارتحال ایتمشدر. حضرت عمر (رضه)ك بو ذاتك قبری اوزرنده طوره-رق یر یوزنده-کی انسانلرك هیچ بری بو قبرك صاحبندن ایی اولمق ادعاسنده بولنه-ماز؛ زیرا رسول الله (صلی الله تعالی علیه سلم) افندمز هیچ بر سنجاق دیکمدی، که عویم اونك سایه-سی آلتنده بولنمسون، بیورمش اولدقلری صاحب ترجمه-نك قیزی عبیده طرفندن مره-یدر. *- (ابو تمیم عویم) دخی صحابه-دن و بنی سعد بن هزیلدندر.

1-3227-5

عهدی

اونجی قرن هجری شعراسندن اوچ ذاتك مخلصدر:
برنجیسی ادرنه-لی اولوب، سلطان بایزید خان ثانی زماننده دیوان کتابتدن و خطاطیندن ایدی. شو بیت اونکدر:

@@@

قنده و اره-م سایه سرو بلندم وار ایکن
کیمه قول اوله-م سنك کبی افندم وار ایکن
\$

*- اوچنجیسی (احمد *-) بغدادلی اولوب، شعرای مجیدیندندر. خیلی وقت در سعادتده بولنمشدر.
زماننك شعراسی تراجم احوالی جامع بر تذکرة الشعراسی واردر. شو بیت اونکدر:

@@@

عهدی دیار رومه کلوب ایده-لی نظر
کورنمز اولدی کوزمه ملک عجم بنم
\$

2-3227-5

عهدی

فرس شعراسندن دخی درت کشینك مخلصدر:
برنجیسی عن اصل تورانلی اولوب، کوپ آبادده نشات ایتمش؛ و سلطان ابراهیم میرزایه انتساب ایتمش ایدی. ائمه اثنا عشر حقنده نعوت و قصایدی واردر. شو بیت اونکدر.

@@@

نباشد قطره خون بر کنار چشم کربانم
که بهر دیدنت از گوشه دل کرد سربیرون
\$

*- ایکنجیسی قزوینلی اولوب، فن طبه دخی انتسابی اولمغله، حکیم عهدی دینمکله معروف ایدی. شاه عباسك اطباسندن ایدی. شو بیت اونکدر:

@@@

بیار من سخن از حال زار من مکنید

باين بهانه تكلم بيار من مكنيد

\$

*- اوچنجيسى ساوه-لى اولوب، شاه طهماسب ماضى زماننده ياشامشدر. شو بيت اونكدر:

@@@

رفته رفته از كفم آن زلف شبكون ميرود
دوستان رحمى كه كار از دست بيرون ميرور

\$

*- دردنچيسى (بلا عهدى نا كوى) ايرانلى اولوب، بعده كابله عزيمتله احمد خان كيلانى يه انتساب ايتمشيدى. نستعليق خطنى كوزل يازاردى. 965ده وفات ايتمشدر. شو بيت اونكدر:

@@@

زبان از سوز دل شد همچو آتش دردهان من
مكن اى مدعى كارى كه افتى بر زبان من

\$

3-3227-5

عياش، ابو عبد الرحمن ياخود ابو عبد الله *- بن ابى ربيعه عمرو بن المغيرة المخزومي

صحابه-دن اولوب، ابو جهلك عم زاده-سى و والده-سى طرفندن برادريدر. اسكيدن اسلامه كلوب، حبشه هجرت ايتمش؛ و اوراده عبد الله اسمنده بر اوغلى دنيايه كلمش ايدى. بعده مكه-يه عودت ايدوب، حضرت عمر بن الخطاب (رضه) ايله برلكده مدينه-يه هجرت ايتمشدر. والده-سى طرفندن برادرلرى اولان ابو جهل حارث مدينه منوره-يه كيدوب، كنديسنى والده-سى ايسنديكنى بيانله، اغفال ايدو-رك، مكه-يه آلمش، و اوراده باغلايوب، حبس ايتمشلر ايدى. بعده جانب نبويدن تخلص بيوريله-رق، يرموك غزاسنده شهيد اولمش؛ و بر روايتده مكه-ده وفات ايتمشدر. اوغللرى عبد الله و حارث كنديسندن روايت ايتمشلردر. *- (عياش بن ابى ثور) دخى صحابه-دن اولوب، جانب فاروقيدن بحرين واليلكنه تعيين اولنمشدى.

4-2327-5

عياض، قاضى ابو الفضل بن موسى الحصبى السبتي

مشاهير علمادن اولوب، فقه و حديث و تاريخ و ادبياتده عصرينك فريدى ايدى. 476 تاريخنده مغربك سبته قصبه-سنده طوغمش؛ و مملكتنده و قرطبه-ده تحصيل علوم و فنون ايدوب، حفظ و جمع احاديث شريفه-ده زياده اهمتام ايتمشيدى. خيلى وقت سبته-ده و بعده غرناطه-ده قاضيلق ايدوب، قاضى عنوانيله شهرت بولمشدر. علم حديثده صحيح مسلمه ((كتاب الاكمال)) عنوانيله مكمّل بر شرح يازديغى كى، غريب الحديث حقنده ((مشارك الانوار)) عنوانيله پك معتبر بر كتاب يازمشدر. ((التبهيّات)) عنوانيله مشهور بر اثرى دخى واردر. 544 تاريخنده مراكشده وفات ايتمشدر. طبيعت شعريه-سى دخى اولوب، كوزل اشعارى واردر. شو ايكي بيت او جمله-دندر:

@@@

انظر الى الزرع و خاماته
تحكى و قدماست امام الرياح
كثيية حضراء مهزومة
شقائى النعمان فيما جراح

1-3228-5

عیاض بن غنم، بن زهیر بن ابی شداد بن ربیعہ بن ہلال القرشی الفہری

صحابہ-دن و غزاة مسلمیندن اولوب، ابو عبیدہ بن الجراح (رضہ)ك اقرباسندن و بر روایتده اوکی اوغلی ایدی. حدیبیہ غزاسندن اولجه اسلامه کلوب، غزاه مذکورده حاضر بولنمش؛ و بعده مشار الیه ابو عبیدہ بن الجراح معینتده فتوح شامده بولنوب، جزیره-نك فتحه مأمور اولمش؛ و خطه مذکورہ-نك بعض برلرینی حرباً و بعضلرینی صلحاً فتح ایتمشدر. ابو عبیدہ (رضہ) وفاتنده یرینه صاحب ترجمه- پی ترک و تعیین ایدوب، حضرت عمر (رضہ) دخی تصدیق ایتمله، آخر عمرینه-دك شام و جزیره-ده و الیلک و قوماندانلق ایدوب، یکرمنجی سال هجریده 60 یاشنده اولدیغی حالده، اوراده ارتحال ایتمشدر. صالح و فاضل و کرم و سخاوت صاحبی اولوب، اثنای سفرده دائماً زادینی آرقداشلریله مقاسمه ایتمه عادتی اولدیغندن (زد الרכب) لقبیله شهرت بولمشدر. *- صحابه میانندن (عیاض بن زهیر) اسمیله بری دخی مذکور اولوب، بعضلری عیاض بن غنمک عمی اولدیغنی و بدر و احد غزالرنده بولنوب، مدینه-ده وفات ایتدیکنی بیان، و بعضلری عیاض بن غنمک عینی اولوب، جدینه نسبتله عیاض بن زهیر دینلدیکی التزام ایتمشلردر. *- عیاض اسمیله صحابه-دن دیگر بر قاچ ذات دهها واردر.

2-3228-5

عیانی

اونجی قرن هجری عثمانلی شعراسندن اوچ کشینک مخلصیدر:
برنجیسی (سلیمان *-) مناسترلی اولوب، طریق علمه سالک ایدی. کنج یاشنده وفات ایتمشدر. شو مقطع اونکدر:

@@@

ای عیالی دل پز مرده-می احیا ایتدی
توله کر یاره دیسه-م وار ایسه عیسی سنسک

\$

*- ایکنجیسی (مظفر *-) حلب مفتیسنک اوغلی اولوب، طریق علمه سالک ایدی. شو مقطع اونکدر:

@@@

کچمدن دلدن خیال ناوک مژکان دخی
بشفه بر سودایه صالدی زلف مشک افشان دخی

\$

*- اوچنجیسی بروسه-لی اولوب، شو بیت اونکدر:

@@@

علی قالدی ای پری آشفته حالک اولمیه
یا غم زلفکله بردم پایمالک اولمیه

\$

*- فرس شعراسندن دخی بر عیانی اولوب، ینه شعرادن ملا رفیعینک اوغلیدر. شو بیت اونکدر:

@@@

فصاد چوزدنیشترم درتیب هجران
آتش زرکم سرزد و درنیشتر آویخت

انبیای مرسلیندن اولوب، هجرت نبویه-دن سنه شمسیه حسابیله 622 بیل اول فلسطینک بیت لحم قصبه- سنده دنیایه کلمشدر. والده-سی حضرت مریم (عم) سلیمان بن داود (عم) نسلندن پاکیزه و صالحه بر قیز اولوب، ینه نسل مذکور دن یوسف تجاره نشانلی اولدیغی حالد، هنوز ارکک کورمه-دن، بحکمة الله تعالی و جبرائیلک نفعیله حامل قالمش؛ و یهودیلر بونی خبر آنجه، حضرت مریمک سوزینه اینانمیوب، علیهنه قالمش-رق، علایم بکارتنی کوردکلری حالد، ینه کندیلرینه قناعت کله-مامشدی. نشانلیسی یوسف ابتدا مشار الیهایی ترک ایتمک ایستمش ایسه-ده، بعده، حقیقت حاله واقف اولمغله، بالعکس کندیسینی حمایه و تصاحبه باشلامش؛ و حضرت عیسی (عم) بر خرما آغاجنک آلتنده، و نجیله کوره بر آخورک یملکنده، تولد ایتمشدر. تولدنده یکیدن یهودیلر طرفندن حضرت مریم حقنده تضییقاته باشلامغله، حضرت مشار الیها طفل شیرخوار اولان اوغلنه اشارت ایدوب، حضرت عیسی بالذات جواب ویره-رک، ایلک معجزه- سنی بو یولده ایفا ایتمشدر. نجیلده مذکور اولدیغنه کوره، او وقت یهود دولتنده حکمفرما اولان هروده بعض منجملر او سنه کتب سمائیة سی اسرائیلده مذکور مسیحک تولد ایده-جکنی خبر ویرمش اولدقلرندن، ملک مذکور او سنه طوغان چوجقلری آرایوب هلاک ایتمکله، یوسف نجار حضرت مریم و حضرت عیسی (عم) ی آله-رق، مصره عزیمت ایتمش؛ و جناب مسیح اون یاشنه کلنجه-یه قدر مصرده اقامت ایده-رک بعده ینه برلکده فلسطینه عودتله، ناصره قصبه-سنده اقامت ایتمشلردی. اون اوچ یاشنده ایکن نبوته نائل اولدیغی مروی ایسه-ده، 30 یاشنده اعلان نبوتله دعوته باشلاوب، حضرت یحیی بن زکریا (عم) له کوریشمش؛ و حواریون نامیله معروف اون ایکی تلامذه ویا اصحاب ایدینوب، بونلرله برلکده فلسطینده شهر دن شهره کزه-رک، خلقی طریق حقه دعوت و بر چوق معجزه-لر ارائه ایتمشدی. خسته-لری و برص علتته مبتلا اولانلری ابی ایتمک اک صیق اجرا ایتدیکی معجزه-لردن اولوب، احیای اموات ایتدیکی دخی منقولدر. اوچ سنه بو حال ایله اجرای نبوت ایتدکن صکره، یهودیلر روما دولتی طرفندن قدسده والی بولنان (پونس پیلات) ی حضرت عیسانک روما دولتی علیهنده بولندیغنه و فلسطینده یکی بر حکومت تأسیسنه چالیشدیغنه قاندیروب، کندیلرینک دینلری علیهنده بولندیغندن دخی شکایت ایتمکله، اصحاب عیسی (علیه السلام) دن الده ایتمش اولدقلری یهودانک داللتیله حضرت مسیحی توفیق ایتدکلرنده، والی مومی الیه محاکمه-سنی یهودیلرک رؤساء روحانیه-لرینه و مجلس مذهبیلرینه حواله ایتمکله بونلر، حق نبویلرنده انواع اشکنجه-لرله اعدام حکمنی و برمشلردر. بزجه بونلر حکمی اجرایه موفق اوله-میوب، نظرلرنده حضرت عیسی کبی تمثیل ایدن مرقوم یهودا ویا کندی ایچلرندن برینی صلب ایتدکلری حالد، حق جل و علا حضرتلری جناب مسیحی سمایه رفع ایتمشدر؛ و او وقتدن بری سماده بولنمقده اولوب، قیامتده یره نزول ایده-رک، دجالی امحا ایده-جکدر. رفعنده 33 یاشنده ایدی. خرسیتیانلرک اعتقادینه کوره ایسه حضرت عیسی ویریلن حکم موجبجه صلب و دفن اولنه-رق، بعده دیریلوب، سمایه عروج ایتمش. یهودیلر حضرت مریم و عیسی (علیه السلام) حقلرنده افتراده بولندقلری کبی، خرسیتیانلر دخی الوهیتنه و حاشا ابن الله اولدیغنه معتقد اولوب، متأخرین ملاحظه-نک بعضلرده نبی مشار الیهک بسبتون وجودینی و دنیایه کلدیکنی انکارله، هند براهمه-سنک ینه تثلیث قاعده-سنه مستند اولان (ویشنوقریشنا) معبود موهومنک اسمنی حواریونک (یسوس قریستوس) ه تحویل ایله، بو حکایه-یی ایجاد ایتدکلرینی ادعا ایدیورلر.

حضرت عیسانک رفعدن صکره حواریون و بونلره تابع پاولوس کبی بعض ذوات دنیانک هر طرفه طاغیلوب، مختلف صورتده ضبط ایتدکلری انجیلی نشر ایله، خلقی دین عیسایه دعوت ایدرلردی. آنجق حضرت عیسی یکی شریعت وضع ایتمیوب، انجیل دخی احکامی حاوی اولمدیغندن، و نبی مشار الیه آنجق یهودیلری احکام توراته مغایر حرکتلرندن و بعض معاملات تعصب کارانه-دن منع ایله قناعت

ایتدیکندن، دین عیسی او زمانلرده پک ساده و وحدانیت قاعده-سی اوزرینه مؤسس ایدی. بر چوق سنه- لر صکره از نیقده و سائر طرفلرده انعقاد ایدن مجالس روحانیه شمديکی خرسٲیانلق دیننک اصول و احکامنی وضع ایتمشلردر. بناءً علیه، خرسٲیانلق حضرت عیسی (علیه السلام) ه منسوب ایسه-ده، نبی مشار الیه بو دینک واضعی دکلدر.

1-3229-5

عیسی

ملوک فاطمیه-نک اون اوچنجیسیدر. ((فایز بنصر الله)) ماده-سنه مراجعت.]

2-3229-5

عیسی

مشاهیر اطباى عربدن اولوب، خلفای عباسیه-دن قاهر باللهک طبیبی و منظور و معتمدی ایدی. 271ده طوغوب، 358ده بغدادده وفات ایتمشدر.

3-3229-5

عیسی

اونجی قرن هجری علماسندن اولوب، علوم حکمیه-یه و فن طبه دخی وقوفی اولمغله، حکیم عیسی افندی عنوانیله معروف اولوب، ادرنه-ده و استانبولده بیمارستان طبیبی بولنمشدر.

4-3229-5

عیسی

ایران شعراسندن ایکی کشینک اسمیدر:

برنجیسی (عیسی مسیح) شیراز خرده فروشانندن اولوب، امی بر آدم ایدی. شو بیت اونکدر:

@@@

در روز کار حق نمک کم نمیشود

چینی هنوز یاد زغفور میکند

\$

-* - ایکنجیسی (امیر-*) یزدلی اولوب، بر آره-لق هندستانه سیاحت ایتمشیدی. شو بیت اونکدر:

@@@

ما چون جرس بناله و فریاد زنده ایم

شر کز سر بریده من بی فغان نبود

\$

5-3229-5

عیسی بن اسحق

[[ابو علی بن زرعه]] ماده-سنه مراجعت.]

6-3229-5

عیسی بن البطریق

مشاهیر اطباء عربدن اولوب، مصرده اجرای طبابت ایدردی. نصرانی المذهب اولوب، سالف الترجمه سعد بن البطریق بر ادریدر.

7-3229-5

عیسی بن حکم

مشاهیر اطباء اولوب، دمشقلیدر. مسیح دینمکله دخی معروفدر. هارون الرشیدک زماننده بر حیات اولوب، مداواة ایچون دفعاتله بغداده کیتمشدی. طیده-کی معلوماتی و طبابتده-کی مهارتی حقنده بر چوق نوادر منقولدر. ((الکناش الکبیر)) عنوانیله بیوک و معتبر بر تألیفی و ((کتاب منافع حیوان)) عنوانیله بر اثری واردر.

1-3230-5

عیسی بن سنجر

[[حاجری]] ماده-سنه مراجعت بیوریله.]

2-3230-5

عیسی بن شهلا

مشاهیر اطباء عربدن اولوب، نصرانی المذهب ایدی. مشهور جورجس بن جبریلک تلمیذی اولوب، بونک طرفندن کندی اختیارلغنده خلیفه ابو جعفر منصورک طبابتنده براغلمش ایکن، حرص و طمع ایدوب، راهیلردن کلیسا تزییناتنه وارنجه-یه قدر آلمغه باشلا دیغندن، خلیفه مشار الیه کندیسنی طرد و تبعید ایتمشدی.

3-3230-5

عیسی بن عبد العزیز

[[جزولی]] ماده-سنه مراجعت.]

4-3230-5

عیسی بن علی

دولت عباسیه-نک اوائلنده یتیشن مشاهیر اطباء سریانیه-دن اولوب، علم حکمنده دخی ید طولاسی وار ایدی. خلیفه معتمد علی اللهک خدمت طبابتنده بولنمشدر. ((کتاب المنافع التي تستفاد من اعضاء الحيوان)) و ((کتاب السموم)) عنوانرله ایکی تألیفی واردر.

5-3230-5

عیسی بن عمر، ابو سلیمان ویا ابو عمرو *- الثقفی

مشاهیر ادبا و قراءدن اولوب، علم نحوک واضعلرندندر. ابو الاسود الدؤلی صاحب ترجمه-دن اول او علمده کتاب یازمش ایسه-ده، بونک کتابی یالکز فاعل و مفعول بابلرینی حاوی اولوب، حالبوکه صاحب ترجمه بو علمی ابواب و فصوله تقسیمله ترتیب ایتمشدر. قرائتی عبد الله بن اسحق و عبد الله بن کثیر و ابن مخیض و حسن بصریدن اخذ ایدوب، بو علمده کندینه مخصوص بر طریق آچمشدر. خلیل بن احمد و اصمعی و سائر مشاهیر کندیسندن روایت ایتمشدر. مشهور سیبویه نحوه شاکرداندندر. الفاظ غریبه استعمال ایتک مرقی اولوب، حتی بر کون ضیق صدردن سواغه دوشوب، اطرافنه بر چوق خلقی طویلانمغله، عقلی باشنه کلوب، بونلری کورنجه: ((مالکم تکا کاتم علی تکاکؤکم علی ذی جنة افرانقعوا عنی)) دیدیکی مشهوردر. کندیسنه امانت براغلمش اولان بعض اثوابدن طولایی عراق امیری یوسف بن هبیره طرفندن بصره-دن آیاغنده یرانغه ایله جلب اولنه-رق، قیرباجله ضرب ایدلدیکنده، جان آحبیسيله دخی تعبیرات غریبه-یی اونوتمیه-رق: ((ایها الامیر و الله انما کانت اثباباً فی اسیغاط قبضها عشاروک)) دیمش. مذکور علتیه بو ضربک سببيله اوغرامش اولدیغی کندیسندن مرویدر. بصره عاملی کندیسنی عراق امیرینه کوندرمک اوزره، دمیرجی کتیرتوب، آیاغنه پرانغه اوردیرمقده ایکن، تسلی خاطر ایچون ((امیر سزی اوغلرینک تربیه-سیچون ایستیور)) دینجه؛ عیسی بن عمر: ((فما بال لقیذاذن)) دیمش؛ و بو سوز بصره-ده ضرب مثل قالمش ایدی. صاحب ترجمه-نک خالد بن ولید (رضی الله عنه)ک کوله-سی اولوب، بنی ثقیف عندنده ساکن اولدیغیچون ثقفی دینلدیکی مرویدر. نحوه ((الاکمال)) و ((الجامع)) عنوانرله ایکی تألیفی اولوب، شاکردی اولان سیبویهک بو علمده یازدیغی کتاب مشهورک عیسی بن عمرک تألیف کرده-سی اولان اشبو جامعک تفصیل و اکمال اولنمشی اولدیغی مرویدر. 149 تاریخنده ابو جعفر منصورک عهد خلافتنده وفات ایتمشدر.

6-3230-5

عیسی بن ماسه

اوائل خلافت عباسیه-ده یتیشن اطباء سریانیه-دن اولوب، لسان عربیده بر وجه آتی کتب طبیه-یی یازمشدر: ((کتاب قوی الاغذیه))، ((کتاب من لایحضره الطیب))، ((مسائل فی النسل و الذریه))، ((کتاب الرویا بخبر فیه بالسبب الذی امتنع به من معالجة الحوامل))، ((کتاب فی طلوع الکواکب التي ذکرها ابقراط))، ((کتاب فی الفصد و الحجامه))، ((رسالة فی استعمال الحمام)).

7-3230-5

عیسی بن مریم

[[عیسی]] ماده-لرینک برنجیسنه مراجعت.]

8-3230-5

عیسی بن محمد

[[ضیاء الدین هکاری]] ماده-سنه مراجعت].

9-3230-5

عیسی بن الملك العادل

[[معظم (ملك -*-))] ماده-سنه مراجعت بیوریله].

10-3230-5

عیسی بن موسی

خلفای عباسیه-نک برنجیسی اولان ابو العباس سفاحک تورونی اولوب، خلیفه مشار الیه طرفندن برادری ابو جعفر منصوردن صکره ایکنجی ولی عهد اتخاذ اولنمش ایسه-ده، منصور برادرینک بوباده-کی وصیتتی اجرا ایتمیوب، کندی اوغلی مهدیی ولی عهد اتخاذ ایتمشدر. منصورک وفاتنده کوفه-ده اعلان حکومت و تحصن ایدوب، عم زاده-سی مهدی ایله محاربه ایتمشدر. عمی منصورک زماننده قیام ایتمش اولان محمد بن عبد الله بن حسن بن علی بن ابی طالب (رضهم) ایله محاربه-یه مأمور اولمش؛ و بعده بغدادک انشا و مرکز خلافت اتخاذنده، کوفه عاملکنه نصب اولنمش ایدی.

1-3231-5

عیسی پاشا

اونجی قرن هجری امرا و علماسندن اولوب، وزیر ابراهیم پاشانک اوغلیدر. تحصیل علوم و معارف ایدوب، استانبولده و ادرنه-ده بعض مدارسده مدرسلک ایتمشدر، باب عالیده توقیعی دیوان همایون اولمش؛ و بعده شام امیر الامراسی اولوب، اوراده وفات ایتمشدر.

2-3231-5

عیسی چلبی

یلدیرم سلطان بایزید خانک اولاندندن اولوب، تیمور واقعه-سنی تعقیب ایدن فترت زماننده بروسه ایله حوالیسنه مستولی اولمشیدی. چلبی سلطان محمد خان حضرتلری ممالک عثمانیه-یی جمع ایله یکیدن احیای دولته کیریشدیکنده، صاحب ترجمه قارشی طوروب، ایندیکی محاربه-ده اکیشهرده مقتول اولمشدر.

3-3231-5

عیسی الرقی

مشاهیر اطباء اولوب، تفلیسی لقبیله دخی مشهوردر. سیف الدوله بن حمدانك خدمت طبابتنده بولنمش؛ و لسان سریانیدن عربییه بر خیلی کتب طبییه و سائره ترجمه ایتمشدر.

4-3231-5

عیسی

اونجی قرن هجری عثمانلی شعراسندن اولوب، بغدادلیدر. شو بیت اونکدر:

@@@

عید اولدی اویمک استرین اول مهلقا الن

اوپمش دکل اگرچه کدا پادشا الن

\$

*- قزوینلی بر عیسی دخی وار ایدی، که تننی سببیله در سعادته هجرت ایدوب، دیوان همایونه کاتب اولمشیدی.

*- ایرانلی دیکر بر عیسی دخی اولوب، ابتدا مخلصی محنتی ایکن، هندستانه سیاحتله اکبر شاهک بر چوق لطف و احسانلرینه مظهر اوله-رق مخلصی عیسییه تحویل اولنمش. شو بیت اونکدر:

@@@

زمین عدم شود ار در کتابت فضلش

بخشک ساحتن صفحه خاک بر دارند

\$

*- هندستان اکابرندن لکهنولی طالب علیخانک دخی مخلصیدر. 1240ده وفات ایتمشدر. شو رباعی اونکدر:

@@@

عیسی بشیکت این همه بیتابی چیست

بگریستی آنچنان که دشمن بگریست

کویند که بعد مرک امید وصلست

چندی با مید مرک هم باید زیست

\$

*- ((هفت اختر)) عنوانیله بر منظومه یازمش اولان دیکر بر عیسی دخی 1086 تاریخنده وفات ایتمشدر.

5-3231-5

عیص

حضرت اسحاقک حضرت یعقوبله توأم طوغمش اوغلی اولوب، کتب بنی اسرائیلده اساء وادوم اسملریله مذکوردر.

6-3231-5

عین اکبر

مشايخ خلوتيه-دن و شيخ مصرينك مريدانندن اولوب، بروسه-ليدر. شمائل شريفى تركجه نظم ايتمشدر. 1134ده وفات ايتمشدر.

7-3231-5

عين البقر

عكا قربنده بر موقع اولوب، حضرت آدم (عم) برى حرث ايتديكى اينكى اوراده بولديغى متواتر اولمغله، اسلام و خرستيان و يهوديلرجه زيارتكاه اولديغى و قربنده حضرت على (رضه)ك مقامى بولنديغى ((معجم البلدان))ده مسطوردر.

8-3231-5

عين التمر

كوفه-نك غرب جهتده و انبار قربنده قديم بر قصبه اولوب، خلافت جناب صديقده 12نجى سال هجریده خالد بن وليد (رضه) يديله فتح اولنمشدر. خرماسنك كترتى و نفاستى ايله مشهور ايدى، اليوم خرابدر.

9-3231-5

عين التين

فلسطينده طبريه كولى کنارنده بر موقع اولوب كتب بنى اسرائيلده مذكور اولان كفر نا عوم قصبه-سى ويرانه-لرينى حاويدر.

10-3231-5

عين الجالوت

فلسطينده نابلس قربنده بر كوچك قصبه اولوب، فرنكلرك اليه دوشمش ايكن، 579 تاريخنده صلاح الدين ايوبى طرفندن استخلاص اولنديغنى ياقوت حموى بيان ايديور.

11-3231-5

عين القضاة، ابو الفضائل عبد الله

مشاهير محققين و شعردان اولوب، همدانليدر. حجة الاسلام غزالى ايله صحبت ايتمش؛ و 533 تاريخنده رحمت حقه پيوسته اولمشدر. بعض تأليفات و رسائل و سائر آثارى واردر. شو رباعى جمله اشعارنددر:

@@@

تا بادل من عشق تو آميخته شد
صد فتنه و آشوب بر انكيخته شد

از خنجر آیدار آتش بارت
تا چشم زدم خون دلم ریخته شد
\$

1-3232-5

عین بصل

[[ابراهیم حرانی]] ماده-سنه مراجعت بیوریله.]

2-3232-5

عینتاب

حلب ولایت و سنجاغنده و حلبك 132 کیلومتره شمال غربیسنده اوله-رق، '37°8 عرض شمالی ایله
'2°35 طول شرقیده واقع قضا مرکزی بر شهر اولوب، 43150 اهالیسی، 36 جامع شریفی، 57
مسجدی، 21 مدرسه-سی، بر کتبخانه-سی، بر رشديه و بر ایتم ایله 20 ابتدائییه مکتبی، 7، تکیه-سی
آمریقا پورتستان میسیونرلرینک بر جسیم مکتبی، بر حاوره-سی، 13 حمامی، 31 خانی، 31 فرونی،
2299 دکان و مغازه-سی، 4 بدستانی، 2215 بز و الاجه و عبا دستگاهی، 45 بویاخانه و 6 یاغخانه-
سی، 10 معصره-سی، 1 بخار و 11 عادی دکرمی، 8 مسکرات فابریقه-سی و 5 صابونخانه-سی
وارد. حلب، اورفه، مرعش، واسکندرونله خیلی ایشلک تجارتي وارد. ابنیه-سی کوزل و سوقاقلری
اولدقجه ککیش و تمیز اولوب، اکرافی زیتونلق و باغ و باغچه-لرله محاط کوزل بر تپه-نک اوزرنده
واقع اولمغله، کرک خارجاً و کرک داخلً منظره-سی پک کوزلدر. شهردن اوچ ساعتلق مسافه-ده جریان
ایدن ساجور نهرندن بر جدول شهره آفیدیله-رق، خانه و حماملره صو ویریر. قضانک فضلّه محصولات
ارضیه-سیله میوه-لری و شهرده اعمال اولنان سختیان، آلاجه، عبا، داماسقو تقلیدی دوشمه-لک، بز،
قنایه، صندالییه، صابون و سائره اطرافده-کی قضالره و مصر و اناضولی-یه و آوروپایه اخراج اولنور.
شهرده باشلیجه ترکجه تکلم اولنوب، عربی دخی بیلنیر. بو شهر یکی اولوب، فتوح اسلامده ذکر
اولنمیور. یاقوت حموی (عین تاب) اسمیله حلب ایله آنطاکیه آره-سند بر قلعه حصینه اولدیغنی و
اسکیدن (دلوك) اسمیله معروف بولندیغنی اهمیتسز بر صوتده بیان ایدیور.
*- عینتاب قضاسی حلب سنجاغنک منتهای شمالنده واقع اولوب، جنوب شرقی جهتندن منیج، جنوباً
الباب و کلیس قضالریله، غرباً آطنه ولایتیله، شمالاً مرعش، شرقاً دخی اورفه سنجاقلریله محاط و
محدوددر. قضا 8 ناحیه و 346 قریه-یی حاوی اولوب، 86988 اهالیسی وارد که بو مقدارک
65085 ی مسلم، 21046 سی جماعات مختلفه-یه منقسم خرستیان و 807 سی اسرائیلیدر. اراضیسی آز
عارضه-لی و کوزل تپه-لری حاوی اولوب، طوپراغی پک منبتدر. غرب و شمال جهتلرنده آطنه ولایتی
و مرعش سنجاغی حدودنده-کی طاغلرک بعض اتکلری قضا داخلنده ممتد اولور. بونلردن بر قاچ نهر
نبعان ایدوب، بونلرک باشلیجه-لری فراهه دوکیلن آنف الذکر (ساجور)، حلبك ایچندن کچن (قویق) و
آنطاکیه قریبنده-کی آق دکیز کولنه دوکیلن عفرین نهرلریدر. محصولات ارضیه-سی ذخایر متنوعه ایله،
توتون، پاموق، اوزوم، زیتون و سائره میوه و سیزه-لرک انواعندن عبارتدر. قورو اوزومدن خیلی
اخراجات اولور. پاموق ایپلکندن یاپیلان منسوجاتله زیتون یاغی وراقی اخراجاتی-ده اهمیتلیدی. درون
قضاده باشلیجه اهل صلیب زمانلردن قالمه بر قلعه خرابه-لری و زیارتگاه بعض مراقده مبارکه
بولنمقده-در. قضا اهالیسی لسان عربی ایله متکلم اولوب، یالکز مرکز قضاده ترکجه تکلم اولنور.

3-3232-5

عين زربى

أطنه ولايتنك قوزان سنجاغنده اليوم %آنازاروه\$ اسميله معروف قصبه-نك اسم اصلئ عربيسى اولوب، مذکور %آنازاروه\$ و أوروبا تواریخجه مضبوط اولان %آنازاربه\$ اسملرينك بوندن غلط اولديغی آكلاشلیبور. چونكه بو قصبه میلاددن اولجه آوغستوس طرفندن تأسیس اولندقده %قیصریه\$ تسمیه اولنوب، بعده هارون الرشید زماننده 190 تاریخ هجریسنده ابو سلیمان التری یديله ضبط اولنه-رق، آكلاشلیغنه كوره او وقت (عين زربى) تسمیه اولنمش؛ و بعده روملك الینه كچوب، خراب اولمش؛ و مؤخرأ سیف الدوله بن حمدان یكیدن ضبط ایدوب، اعمارینه اوچ ملیون درهم صرف ایتمش؛ و اهل صلیب زمانلرنده ایادی مسلمیندن چیقوب، ابن لیون حكومتك مركزی اولمشدی. نهایت خراب اولوب، شمديكى حالده ویرانه-لرله محاط بیوجك بر قریه حالنده-در. بر چوق مشاهیر اسلامك مسقط رأسی بولنمشدر. [(آنازاره)] ماده-سنه مراجعت بیوريله.

1-3233-5

عين شمس

مصر قديمك شمسة عبادتنه مخصوص جسيم عبادتخانه-سیله مشهور بر شهر قديمك اسم عربيسى اولوب، اسكى مصريون عندندن (اون) و يونانیلر عندنده (هلیوپولیس) اسميله معروف ایدی. بو شهرك خرابه-لری اليوم قاهره-نك 11 كيلومتره شمال شرقیسنده و مطریه قریه-سی قریبنده موجود اولوب، بر قاچ مسله و سائر آثارى جامعدر. فرعون موسانك محلی اولديغی مظنوندر. [(هلیوپولیس)] ماده-سنه مراجعت بیوريله.

2-3233-5

عينی، بدر الدین محمود بن احمد بن موسی

مشاهیر علمادن و فقهاء حنفیه-دن اولوب، مصرده قاضیلق ایتمش؛ و جامع ازهر قریبنده بر مدرسه و کتبخانه یاپدیروب، تدریس و تألیفه مشغول بولنمشدر. وفاتی 762ده واقع اولمشدر. بخاری شریفله دیگر بعض متون مشهوره-یی شرح ایتدکن بشقه، ((طبقات الحنفیه)) عنوانيله فقهاء حنفیه-نك تراجم احوالی جامع بر کتابی، و بر ((طبقات الشعرا)) سی واردر. ابن عساکرک مشهور تاریخ دمشقنى دخى اختصار ایتمش؛ و مکمل بر تاریخ کتابی دخى یازمشدر.

3-3233-5

عينی، حسن افندی

متأخرین علما و شعراء عثمانیه-دن اولوب، عینتابلیدر. باب عالیده عربی و فارسی خواجه-سی ایدی. 1254 تاریخنده وفات ایتمشدر. بر دیوان اشعارى و ((نظم جواهر)) عنوانيله بر لغت منظومه-سی واردر. شو ایکی بیت اونکدر:

@@@

بیچ و تاب خط و کیسو ایله یاندم بو کیجه
عالم خوابده اوشدی باشمه مار ایله مور

دل هوا و هوسه اویدی جهانہ کلدی
ایتدی عینی و طنمدن بنی بو دار ایلہ دور
\$

4-3233-5
عینی، عبد القیوم

ایران شعراسندن اولوب، فراہالمیدر. هندستانہ سیاحتلہ، بنکالہ حاکمی قاسم خانک عندندہ قدری برتر
اولمشیدی. شو رباعی اونکدر:

@@@
دل دشمن جان بود ہلاکش کردم
وز خنچر آہ چاک چاکش کردم
از خون جگر شتم و پاکش کردم
در مشہد آرزو بخاکش کردم
\$

5-3233-5
عیینہ، ابو مالک بن حصن الفزاری

صحابہ-دن و مؤلفہ قلوبدن اولوب، فتح مکہ-دن صکرہ اسلامہ کلمش؛ وحنین و طائف غزالرندہ حاضر
بولنمشدر. ارتحال حضرت نویدن صکرہ دعوی نبوت ایدن طلیحہ الاسدیہ تابع اولوب، عسکر
مسلمینہ قارشی محاربه ایتدکدہ اسیر طونیلہ-رق، حضور جناب صدیق اکبرہ کنیریانجہ، یکیدن اہتدا
ایتمش؛ و حضرت عثمان (رضہ)ک زمان خلافتنہ دک بر حیات بولنمشدر.

1-3234-5
غابرووہ
#1

بلغارستان طرنووہ سنجاغندہ و طرنووہ-نک 37 کیلومترہ جنوب غربیسنندہ اولہ-رق مشہور شبقہ
بوغازی قربندہ و طونہ-یہ نابع %یانترہ \$ نہری اوزرندہ بر قصبہ اولوب، 6000 اہالیسی، بر قاچ
کلیساسی، شیاق ترکاہلری و بچاقجیلق و قوندہ-جیلغہ متعلق معمولاتی واردر. بلغار لسانندہ تدریسانہ
مخصوص اولہ-رق اک اول کشاد اولنان مکتب 1835 تاریخ میلادیسنندہ بوقصبہ-دہ آچلمشدر.

2-3234-5
غابون
#1

آفریقای غربیدہ فرانسہ مستعمراتندن بر یر اولوب، کینہ کورفرزندہ 10° عرض شمالیدن 1°50' عرض
جنوبی-یہ قدر ساحل بوینجہ ممتد اولور. فرانسزلر ابتدا بونی ضبط ایتدکدن صکرہ، مرور زمانلہ دائرہ

نفوذلرینی شمال و جنوب و شرقه طوغری توسیع ایله، شرقاً قونغو نهر عظیمك مجراسنه-دك اولان اراضی غیر مضبوطه-یی اسماً اولسون تحت تابعیتلرینه آدقلرندن، بو مهجره ((فرانسز قونغوسی)) نامنی ویرمشلردر. بناءً علیه، بز دخی بو باده ویره-جکمز تفصیلاتی ((قونغو (فرانسز قونغوسی))) ماده-سنه تعلیق ایدرز.

3-3234-5

غابه

اورمان دیمك اولان بو اسم مدینه منوره-نك شمالنده و بر منزللك مسافه-ده واقع بر محله علم اولمشدر، كه اوراده اهل مدینه-نك املاکی اولوب، حضرت زبیر (رضی الله عنه)ك ده ملكی وارد ایدی. بو محله تشریف نبوی واقع اولوب، رسول الله (صلعم) افندمه مخصوص منبر دخی یاپلمشدر.

4-3234-5

غاپ

#1

فرانسه-نك جنوب شرقی ایالاتندن ((یوقاری آلپ)) ایالتنك مرکزی بر قصبه اولوب، پارسك 734 کیلومتره جنوب شرقیسنده واقعدر. 6110 اهالیسی، بر بیوك جدولی، مربی و مربیه-لر یتیشدیرمكه مخصوص مکتبلریله سائر مکاتبی، 15000 جلدی حاوی کتبخانه-سی، زراعت جمعیتی و میاه معدنیه-سی واردر.

5-3234-5

غات

طرابلس غرب ولایتنك فزان سنجاغنده مرکز لوا اولان مرزوك 395 کیلومتره غرب جنوبیسنده و غدامسك 582 کیلومتره جنوبیسنده اوله-رق 24°37' عرض شمالی و 7°57'30" طول شرقیسنده واقع قضا مرکزی بر قصبه اولوب، 8000 اهالیسی، بر قاچ جامع شریفی، سور و قلعه-سی، بیوك تجارتی و سنه-ده بر کره قوریلور بیوك بازاری واردر. قصبه بر تپه-نك شمال غربی اتکنده واقع اولوب، بر قسمی سورك ایچنده و بر قسمی-ده خارجه متفرق محلات صورتنده-در. غات جوارلریله برابر برواح صورتنده اولوب، هر طرفی چول ایله محاطدر. بو واحده صوبول اولوب، بعض پرلرده بر ایکی قولاج قازیلنجه صو چیقار. خرما آغاجلری چوق اولوب، دیگر بعض اشجاری و جزئی مرروعاتی واردر. ملحقاتندن غاتك 10 کیلومتره جنوبیسنده واقع %برکه\$ قصبه-سی صوینك و اشجاری و نباتاتنك کثرتیله جالب نظر و بك فرح فزا بر یردر. غات سودانك و بتون آمریقای وسطیک جسیم و مهم بر محزن تجارتی اولوب، سودان و تمبکتو ایله طرابلس غرب آره-سنده ایشلین کاروانلرک ممری اوزرنده بولنمغله، آفریقای وسطیدن طرابلس اسکله-سنه ایتدیریلن مواد تجاریه ابتدا غانه جمع و بو اسکله-دن آفریقای وسطی-یه کیدن آروپا امتعه-سی غاتدن هر طرفه تقسیم و ارسال اولنور. اهالیسی اکثریت اوزره بربر و قسماً عرب اولوب، تجارتله مشغولدرلر. لسان محلی بربرجه اولوب، عربی دخی تکلم اولنور. اوتنه-دن بری مستقلاً اداره اولنمقده ایکن، حکم سورن عائله افرادی بیننده اکسیک اولمیان تفرقه و نفاق اوزرینه، دفعاتله طرابلس غرب والیکی واسطه-سیله خلافت اسلامیه-یه دخالت اولنمش؛ و نهایت 1292 تاریخنده مصطفی عاصم پاشانك والیکی زماننده بر مقدار عسکر و بر قاچ طوب کوندریله-رك،

اهالينك آرزوسى وجهله، قصبه ملحقات و جوارلريله برابر اداره عثمانيه دائره-سنه ادخال، و فزان سنجاغه ملحق بر قضا اتخاذ اولنمشدر. صحراى كبيرده تجارت و سياست نقطه نظر نجه اولان اهميتته كوره آيريجه بر سنجاق اتخاذ اولنمغه شاياندر. قضانك دائره-سى واحه منحصر قالميوب، چولك ايچنده خيلى اوزاقده بولنان بر طاقم واحلى و توارق بربرلرينك جولانكاهلرينى دخی جامع اولمغله، بر وجه آتى سكر ناحيه-يه منقسمدر: سين، سمنو، هون، زله، قطرون، الوادى الغربى، الوادى الشرقى، الصفرة، الشرقيه.

1-3235-5

غات

#1

هندستانده دكن خطه-سنگ ايكى طرفنده ممتد ايكى سلسله جبالدر. [(كات)) ماده-سنه مراجعت بيوريله].

2-3235-5

غاتشيد

#1

انكلتره-نك دور هام ايالتنده و دور هامك 21 كيلومتره شمالنده و %تينه\$ شهرينك ساحل يمينده اوله-رق، %نوقاستل\$ شهرينك قارشيسنده بر قصبه اولوب، 47810 اهاليسى و جام فابريقه-لريله دميرخانه-لرى واردر. نوقاستلك بر محله-سى حكمنده اولوب، بر كوپرى ايله بينلرنده اختلاط اولنور.

3-3235-5

غاچقو

#1

هرسكده تربينك 55 كيلومتره شمال شرفيسنده و قره طاغ حدودى قرينده اوله-رق نارنته نهرينه تابع %غراشانيجه\$ چايى واديسنده مستحکم بر قصبه-در.

4-3235-5

غاچينه

#1

روسيه-نك پترسبورغ ايالتنده و پترسبورغك 45 كيلومتره جنوبنده بر قصبه اولوب، 8000 اهاليسى، ايمپراطوره مخصوص سرايى، باغچوانلق مكتيبيله كورلره مخصوص مكاتبى و سوقاغه آتلمش چوجقوره مخصوص يتيمخانه-سى واردر.

5-3235-5

غار

مغارہ ديمك اولان بو اسم علم مقامنده اوله-رق ايكي مغاره-يه اطلاق اولنور؛ بري فخر كائنات (صلعم) افندمك قبل النبوه چكيلوب عبادت و خلوت بيوردقلى مغاره-در، كه مكه مكرمه جوارنده جبل حراده واقع ايدى. *- ديكري مكه مكرمه-دن مدينه منوره-يه هجرت نبويلرنده حضرت ابابكر صديق (رضه) ايله برلكده تعقيبات قريشدين صاقلاندقلى مغاره-در، كه ينه مكه قربنده جبل ثورده ايدى. بو مناسبيله جناب صديق اكبره صاحب الغار و يار غار ديرلر.

6-3235-5

غارامانت

#1

اسكى روماليلر بو اسمي فزانده ساكن بولنمش بربر اقوامندن بر قومه ويرلردى. برنلرك مركزلى %غارامه\$ اسميله بر قصبه اولوب، بو قصبه-يه نسبتله كنديلرينى بو اسمله تسميه ايدرلردى. مذكور قصبه اليوم %جرمه\$ اسميله وادئ غربى ناحيه-سنده بر قريه صورتنده موجود اولوب، روماليلردن قالمه بعض آثاري واردر.

7-3235-5

غارامه

ياخود جرمه #1 قديمافريقانك فزان مملكتنده بولنمش بر قصبه اولوب، بربرلرك اك معمور يرلرندن ايدى. ساحل ايله سودان آره-سنده اجرا اولنان تجارتك مركزى ايدى. روماليلرك او جهتهده وقوف و معاملاتلى بو قصبه-يه قدر واردلردى. اليوم جرمه اسميله وادئ غربى ناحيه-سنده بر قريه حالنده-در.

8-3235-5

غار توق

ياخود غارتوغ ويا غارتوپ #1 چينه تابع تيبب مملكتنك قسم غربيسنده %غارى خورسوم\$ اياتنده هيمالايه جبالنك بر واديسنده و 4590 متره-لك ارتفاعده اوله-رق "4' 44' 31° عرضى شمالى ايله "18' 3' 78 طول شرقيده بر شهر و دها طوغريسي بر بازار محلى اولوب، هر سنه اغستوس، و ايلولده قوريلان بازار موسمنده چيندن، تركستاندن، افغانستاندن، ايراندن و هنددن بيوك كاروانلر كله-رك، محدود اولان كاركير ابنيه-نك اطرافنده خيمه-لرينى قورمغله، چاديردن جسيم بر شهر تشكيل ايدرلر. ارتفاعى سببيله قيشين قابل سكنى اولميوب، اولانجه اهالى دائمه-سى دخى آلچق يرلره اينرلر.

9-3235-5

غارد

#1

فرانسه-نك قسم جنوبیسنده رونه ایرماغنه تابع بر شهر اولوب، %سونه\$ طاغلردن نیعان ایدن %غار دون دانه-وز\$ ایله %غار دون داله\$ چایلرینك برلشمه-سندن بالتشکل، شرق جنوبی-یه طوغری 6 کیلومتره-لك جریاندن صکره %بوکر\$ ایله %آرامون\$ قصبه-لری آره-سندنه مذکور ایرماغه دوکیلور. %نم\$ شهرینك 8 کیلومتره شمالنده بو نهرک اوزرنده رومالیلردن قالمه بیوک بر کوپری واردر.

1-3236-5

غارد، ایالتی

#1

فرانسه-نك ایالات جنوبیه-سندن اولوب، جنوباً آق دکیزله، جنوب شرقی جهتندن ((رونه آغزی))، شرقاً %ووفلونزه\$، شمالاً %آردش\$، شمال غربی جهتندن %لوزره\$، غرباً %آویرون\$، غرب جنوبی جهتندن دخی %هروات\$ ایالتلریله محاط و محدوددر. مساحه سطحیه-یی 5997 مربع کیلومتره اولوب، 423804 اهالیسی واردر. مرکزی %نیم\$ شهریدر. شمال غربی حدودنده %سونه\$ طاغلی بولنوب، اتکلری ایالتک ایچنده ممتد اولور. مذکور طاغلردن اوچ نهر نیعان ایدوب، غرب شمالیدن شرق جنوبی-یه طوغری ایالتی شق واروا ایدرلر. بونلردن اک جنوبده بولنان %وبدورله\$ طوغریدن طوغریه آق دکیزه، و اورته-دن آقوب ایالته نامنی ویرن %غار د\$ ایله %سزه\$ نهرلری %رونه\$ ایرماغنه دوکیلور. مذکور ایرماق ایالتک حدود شرقیه-سنی و بوکا تابع %آردش\$ نهرده شمال شرقی حدودینی آیریور. اراضیسی قسماً مثبت و قسماً شور-زار حالنده اولوب، هواسی صیجاقجه ایسه-ده، پک سریع التحول و روزکارلری پک شدتلیدر. ذخایری آز ایسه-ده، باغلریله زیتون، طوت و سائر میوه-دار آغاجلری چوق اولوب، شرابی و قونیایغی مقبولدر. صیغیرلری کوچک اولوب، قیونلری چوقدر. ایپک بوچکلری یتیشدیریلوب، خیلی ایپک قوزه-سی چیقار. معادننه متعلق کمور، قوروشن، چنقو، منغانز، آنتیمون، مرمر، آلچی، آشی بویه-سی، چمنتو و سائر بولنور. معمولات صنایعه-سی: ایپک و پاموق منسوجاتله مسکرات، صابون و سائر-دن عبارتدر. ایالت 4 قضایه منقسم اولوب، 40 ناحیه و 348 دائره-یی حاویدر.

2-3236-5

غاردافویی

یاخود غوآردافویی #1 آفریقا قطعه-سنگ منتهای شرقنده و عدن کورفرینک مدخلنده اوله-رق بربره خطه-سنگ اوجنده بر برون اولوب، عربلرجه (رأس عسیر) اسمیله معروفدر. بو برونه آفریقانک اک شرقی نقطه-سی نظریله باقیله کلمش ایسه-ده، بونک 100 کیلومتره جنوبنده واقع و اوروپالیلرجه (اورفویی) عربلرجه (حرد حفون) اسمیله معروف دیگر بر برون بوندن بر دقیقه ایله بر قاچ ثانیه دهها شرقیدر. غاردافویی برونی "16°47'15" عرض شمالی ایله "23'59'48" طول شرقیده واقعدر. غاردافویی اسمی دخی عربیدن مأخوذ اولوب، جغرافیون عرب آنارنده (جرد حفون) اسمنه تصادف اولنور ایسه-ده، حرد حفون بر وجه مذکور بونک جنوبنده واقع دیگر بر بروندر.

3-3236-5

غاردلکن

#1

پروسیه-نک صاقسه ایالتنده %ماغدوبورغ\$ سنجاغنه تابع و ماغدیورغك 50 کیلومتره شمال غربیسنده واقع قضا مرکزی بر قصبه اولوب، 6390 اهالیسی و چوخه ایله یوک منسوجات فابریقه-لری واردر.

4-3236-5

غارده

#1

ایتالیانك وندیک ایالتنده بر وندیکك شمال غربیسنده اوله-رق آلپ جبالنك جنوبنده بر کول اولوب، بوی 38 و اکی 16 کیلومتره-در. بالیغی چوق اولوب، کنارنده واقع همنامی اولان قریه-نك اهالیسی بالیقجیلقله مشغولدر. کولک ایچنده ایشلر بر خیلی سفائن واردر.

5-3236-5

غارسن دوتاسی

#1

فرانسه مشاهیر مستشرقیندن اولوب، 1794 تاریخنده طوغمش، و 1878ده وفات ایتمشدر. عربی و فارسی و هند لسانلرینه آشنا اولوب، دین اسلامك شرائط و فرائضنه دائر مکمل بر کتابله هند ادبیاتنه و ایران شعراسنك آثار تصوفیه-سنه متعلق بر تألیف یازمش، و هند لسانندن بعض کتابلر ترجمه ایلمشدر.

6-3236-5

غارسیلازو

یاخودغارسیاس لازو #1 اسپانیانك اک مشهور شاعرلرندن اولوب، 1500 تاریخنده تولده-ده طوغمش؛ و 1536ده (موی) محاربه-سنده مقتول اولمشدر. شارل کینتک خدمتنده بولنمشدر. بر چوق قصائد و غزلیات و سائر اشعاری اولوب، لسانی ساده و سلیس و مضمونلری حزن انکیزدر. بو سببه مبنی اسپانیانك پترارقی لقبنه مظهر اولمشدر.

1-3237-5

غارسیلازو دلاوغا

#1

اسپانیا مشاهیر مورخیندن اولوب، پدری آمریقای جنوبیده قوزقو والیسی بولنمشدی، و والده-سی پرونك قبل الکشف حکمدارلری بولنمش اولان (اینقه) خانداننه منسوب ایدی. اینقه-لرک، و پرونك مکمل صورتده تاریخلرینی یازمشدر. آثاری اکثر اروپا لسانلرینه ترجمه اولنمشدر. کندیسی 1530 تاریخنده قوزقوده طوغوب، 1568ده وفات ایتمشدر.

2-3237-5

فرانسه-نك جنوب غربي سنده بر نهر اولوب، پيرنه سلسله جبالنك اسپانيايه تابع % آرتيغ \$ بوغازنده نبعانله، 48 كيلومتره-لك جريانندن صكره، فرانسه-يه دخول ايدوب، يوقارى غارونه، تارنه مع غارونه، لوت مع غارونه و ژيرونده ايلترينى شق، و سولدن ژرسى، صاغدن دخى آر باژه، تارن ولوت چاپلرينى اخذ ايدو-رك، 675 كيلومتره-لك جريانندن صكره % بكم داميز \$ موقعنده % دوودونيه \$ نهريله برلشه-رك، ژيرونده ايرماغنى تشكيل ايدر. غارونه % بيرنه \$ سلسله جبالى قسم شريقيسنگ و % سونه \$ ايله % ماسيف سنترال \$ جبالنك اكثر مياهنى جامع واسع بر نهر اولوب، بر چوق شهر و قصبه-لرك ايچنده كچر، كه بونلرك-ده اك بيوك و معروفلى يوقارنده % تولوزه \$ و آشاغيده % بوردو \$ شهرلر ايدر. بحر محيط اطلاسينك مد و جزرى بو نهرك منصبده 130 كيلومتره يوقارنده قدر تاثير ايدر. تولوزه شهرندن 2 كيلومتره آشاغيده بو نهره منتهى اولان جنوب جدولى بو نهرك مجراسيله آق دكيز آر-سنده بر طريق اختلاط بيذا ايدوب، بحر محيط اطلاسى ايله بحر سفيد آر-سنده بر سير سفاين يولى تشكيل ايدور.

3-3237-5

غارونه

يوقارى *- اياتى #1 فرانسه-نك جنوب غربى ايلاتندن اولوب، جنوباً اسپانيا حدوديله، جنوب شرقى جهتندن آر باژه، شرقاً بارن، شمالاً تارن مع غارونه، غرب شمالى جهتندن ژرسى، غرباً دخى يوقارى پيرنه ايلتريله محاط و محدوددر. مساحه سطحيه-سى 5717 مربع كيلومتره اولوب، 477730 اهاليلى واردر. مركزى % تولوزه \$ شهريدر. قسم جنوبيسى پيرنه طغرينك اتكلرندن عبارت اولوب، كرك او جهته و كرك جهت شماليه-سنده چوق اورمانلى واردر. اراضيسى طاغلق ايسه-ده، واديلرى اراضى منبته-يى و كوزل چاپلرلى حاويدر. محصولاتى حبوبات متنوعه ايله كتان، كليتلى كستانه و سائر ميوه-لردن عبارتدر. بيكير، صيغير، قيون، استر و پك مقبول طاوق و سائر-دن عبارت حيوانات اهليه-سى و باقير، قورشون، آنتيمون، چنقو، ببسموت، مرمر و انواع مختلفه-دن طاش ابنيه-سى و مياهدن معدنيه-سى واردر. شابلرلى پك مقبولدر. معمولات صنايعيه-سى مسكرات، جام، پاموق منسوجات، تل و سائر-دن عبارتدر. تجارتي خيلى ايشلكدر. ايات 4 قضايه منقسم اولوب، 39 ناحيه و 525 دائره-يى حاويدر.

4-3237-5

غارونه

[[تارن مع غارونه]] و [[لوت مع غارونه]] ماده-لرينه مراجعت.]

5-3237-5

غاروويلاس

#1

اسپانیانك قاسرس ایالتنده و قاسرسك 19 کیلومتره شمال غربیسنده اوله-رق، %تاج\$ ایرماغنك ساحل
یمینی قربنده قضا مرکزی بر قصبه اولوب، 5600 اهالیسی و عبا فابریقه-لریله دباغخانه-لری و
دمیرخانه-لری واردر.

6-3237-5

غاریبالدی

جوزیه -* -#1 ایتالیا دولتلك توحید و تشکیله اك زیاده غیرت و خدمت ایدن اوچ ذاتك بری اولوب،
سردارلقده-کی مهارت فوق العاده-سیله مشهوردر. 1807 تاریخنده %نیسه\$ شهرنده طوغوب، ابتدا
کمچیلکه سلوکه، بر قاچ سنه آق دکیزده و قره دکیزده سیاحت ایتمش؛ و 1832ده (ماچینی)نك ((کنج
ایتالیا)) نامیله تشکیل ایتدیکی جمعیه داخل اولوب، متعاقباً توقیفنه تشبیت اولمغله، تونس قاجوب، اورا
حکومتك خدمتنه کیرمش؛ و 1836ده آمریقای جنوبی-یه کچوب، اوراده وقوع بولان بر محاربه-ده اسیر
دوشمش ایسه-ده، فرار ایدوب، یکیدن سلاحه صارلمش؛ و ایکنجی دفعه اسیر دوشدکن بر مدت صکره
سبیلی تخلیه اولنه-رق، فرانسه ایله انکتره-نك مداخله-سنه-دك محاربه ایتمش ایدی. بعده اوروغای
مملکتنه کچوب، اورانك حکومتی غصب ایتمش اولان (روزاس)ه قارشی قیام ایدن اهالی-یه
معاونتله %مونتوبدئو\$ده جنراللق عنوانی احراز ایتمش؛ و 1848ده وطنه دعوت اولنه-رق، تیرولده
اوستریایه قارشی بر فرقه تشکیل ایله، میلان شهرینی دولت مشار الیهان بعد الاستخلاص، روماده
تشکل ایدن حکومتی مدافعه-یه کیدوب، اورایه فرانسز عسکری کیردکن صکره، ارباب قیامه قارشی
اولان حرکاتك غلبه-سنی کوره-رك، یکیدر ترك وطنله، آمریقایه کچوب، بر مدت نیوروقده صنعتله بعد
الاشغال، قالیفورنیه-یه و اورادن چینه کیده-رك، نهایت %پرو\$یه کیدوب، اورانك عموم عسکرینه
سردار تعیین اولنمش؛ و 1859ده، ینه ایتالیانك توحید و استقلالنه خدمت ایتمك امیله، وطنه عودتله،
پیامونته قرانك خدمتنه کیروب، آلپ اوجیلری نامیله تشکیل ایتدیکی فرقه ایله اوستریایه قارشی حرکات
عسکریه-یه باشلايه-رق، (ویلا فرانقه) معاهده-سنده ترك سلاحه مجبور اولمشدی. او صره-ده ساووا
ایالتیله نیسه شهرینك فرانسه-یه ترکی علیهنده پروتستو ایدوب، بو سبیدن خدمت عسکریه-دن دخی
استعفا ایتمشدر. 1860ده سیچلیه حکومت موقت-سنك ریاستنه انتخاب اولنمش؛ و اورادن ایتالیایه کچه-
رك، بتون جنوبی ایتالیای بلا حرب ضبطله، ناپولی-یه داخل اولمش؛ و سیجلیتینك ایتالیا قرالغنه الحاقی
حقتده بتون اهالینك رأیلرینی طویلايه-رق، بو جهتجه ایتالیانك توحیدینی تأمین ایتمش اولمق فکریله،
امور سیاسی-دن موقتاً کف بدله، %قاپررا\$یه چکلمش ایدی. ایرتسی سنه روما ایله ونديكک تخلیصی
مقصدیله متشکل جمعیتك ابرامی اوزرینه، ینه ایشه قاریشوب، ایکی بیک کشی ایله سیچلیه-یه عزیمت
ایتدیکی حالده، قانانیه-یه دخولنه ممانعت اولنه-رق، قالابریایه عودت ایتمش؛ و %رجو\$یه دخولنه دخی
%چالدینی\$ طرفندن ممانعت اولنه-رق، وقوع بولان محاربه-ده آباغندن مجروح اولمغله، تسلیمه
مجبور اولوب، جریحه-دن خیلی وقت خسته یاتمش، و آباغنك کسلمسنه دخی قرار ویرلمش ایکن، بر
طبییک مهارتی سایه-سنده قورتمشدی. ناپولی قرانك عفو عمومیسینی قبول ایتمیوب، یکیدن قابررایه
چکلمش ایدی. 1864ده ناپولی شهری طرفندن ایتالیا مجلسنه انتخاب اولنوب، عموم ایتالیا فرانق
ماسونلری طرفندن دخی رئیس طانینمش ایدی. 1866ده ویقتور امانوئلک ونديکی ضبطنه معاونت
ایتدکن صکره، رومایه قارشی عسکر سوق ایتمش ایتمش ایسه-ده، پاپانك عسکرینه فرانسز عسکری
یاردیم ایتدیکن، موفق اوله-میوب، مجلسدن دخی بالاستعفا، یکیدن قابررایی مسکن اتخاذ ایتمشدی.
...187ده فرانسه-نك مغلوبیتی اوزرینه غامبتانك تشکیل ایتدیکی مدافعه ملیه هیئتته بر قاچ بیک کوللی
ایله امداده کیدوب، شرق اردوسنده خدمت ایتمش؛ و ورسایله اجتماع ایدن فرانسز مجلس عمومیسینه
انتخاب اولنه-رق، کسوه مخصوصه-سی اولان قیزمزی کوملیکه حاضر بولنمش؛ و آنجق جزایر
مسلمانلرینك حقوقنه اشتراکنی تکلیف و مدافعه ایدوب، بو فکرینك ترویجنه کیدلمدیکنی کورنجه، استعفا
ایده-رك، قاپررایه عودت ایتمشدی. 1874ده روما شهری اهالیسی طرفندن انتخاب اولنه-رق، خدمات

واقعہ-سنہ مکافآہ یوز بیک فر انقلق تخصیصاته دخی نائل اولمشدی. تاریخ مذکور دن اعتباراً یالکز ایٹالیانک توحید و استقلالی نمایشلرینه قاریشه-رق، منزویانه بر عمر سوروب، 1882 تاریخنده وفات ایتمشدر. غاریبالی محبت و حمیت وطنیه ایله و بو اغورده-کی جسارت و فداکارلغیله مشهور اولوب، قتلوبک مذهبیه و طائفه رهبانیه قارشی اولان کین و خصومتی ده محبت وطنیه-سی درجه-سنده ایدی. یالکز ایٹالیانلرک دکل سائر اقوام و اممک دخی ترقیسنه یاردم و خدمت ایتمکله هر بار مهیا ایدی. ابتدا زوجہ-سی و اونک 1849 ده واقع وفاتندن صکره اوغلی مینوتی ایله قیزی ترزینه افکار و تشبئاتنه پک چوق معاونت ایتمشلردر. قوه قلمیه-سی دخی اولوب، تاریخه مستند بر قاچ حکایه ایله سر کذشق بعض وقایعی قلمه آلمشدر.

اواخر عمرنده قزیله برابر اوکوز آرابه-سنه راکباً ایٹالیانک هر طرفنه بر وداع سیاحتی ایدوب، هر اوغرا دیغی یرده اهالی اوکوزلری چیقاره-رق، اوزون مسافه-لرده کمال تعظیمله آرابه-سنی چکرلر دی.

1-3238-5

غاریق

#1

انکلتره-نک اک مشهور آقتورلرندن اولوب، 1716 تاریخنده %هر فورده طوغمش؛ و 1779 ده وفات ایتمشدر. اجدادی عن اصل فرانسز اولوب، پروتستان مذهبیه قبول ایتمکله نندن طولایی انکلتره-یه هجرته مجبور اولمشلر دی. صنعتنده-کی مهارت فوق العاده-سیله بیوک بر شهر قزانوب، کندی باشنه بر تیاترو آچمش؛ و اوچ بچق ملیون فرانقلق بر ثروت قزانقدن صکره، صنعتی ترک ایدوب، چکلمش ایدی. تیاتروییه متعلق بر قاچ معتبر اثری دخی واردر.

1-3239-5

غازان خان، بن آرغون خان بن هلاکو خان بن تولی بن چنکیزخان

ایرانده حکومت سورن ملوک ایلخانیه-نک یدنجیسی اولوب، پدرینک زمان حکومتنده، اون اوچ یاشنده اولدیغی حالده، خراسان والیسی اولمش؛ و اوراده علما و فضلالی اسلامه اختلاط ایدوب، ادبیات و علوم اسلامییه-یی اوکرنمکله، اطمئنان قلبله دین اسلامی قبول ایدوب، 694 تاریخنده کندیسی اظهار ایله، محمود خان اسمنی اختیار ایتمکی کبی، امرا و توابعی دخی دین اسلامه ادخال ایله، اجدادینک تختنده جالس اولان پدرینک عم زاده-سی بایدو خانه قارشی عسکر سوق ایده-رک، بخچوان قربنده بونک مغلوب و مقتول اولمسی اوزرینه، کندیسی تخت سلطنته کچوب، طقوز سنه اجرای حکومت ایتمکدن صکره، 703 تاریخنده 33 یاشنده اولدیغی حالده، قزوین جوارنده وفات ایتمش؛ و نعشی تبریزه نقل اولنه-رق، استحضار ایتمش اولدیغی (شنب غازان) کنبدی ایچنده دفن اولمشدر. عدل و حقانیت و فضائل ایله متصف بر ذات اولوب، سادات و شرفا و علمایه حرمتی زیاده ایدی. بوندن صکره ملوک ایلخانیه اسلامده ثبات ایدوب، برادری سلطان محمد خدابنده حلفی اولمش؛ و بعده بونک اوغلی سلطان ابو سعید حکم سوروب، بونکله سلاله ایلخانیه ختام بولمشدر.

2-3239-5

غازه

#1

آفریقای جنوبیك قسم شرقیسنده بر یر اولوب، پورتکیز مستعمراتندن اولان موسامیقندن معدود ایسه-ده، حقیقتده مستقل بر حکومت اولوب، %زامبز\$ ایرماغی مجراسندن انکلتزه-نك تحت حمایه-سنده بولنان %زولولاند\$ مملکتته قدر ممتد اولور. بو مملکت واسعه بعض یرلرده بحر محیط هندی ساحلنه قدر اینیورسه-ده، بعض یرلرده دخی ساحل پورتکیزلیلرک النده اولوب، ایچریسی غازه حکومتته تابعدر. غرباً آفریقانک ایچلرینه طوغری خیلی ممتد اولوب، ینه انکلیرلرک اسماً تحت حمایه-سنده بولنان (ماتبله) حکومتیله همحدوددر. قسم شمالیسی طاعلق و اورمانلق اولوب، اورالردن بر قاچ نهر نبعانله مملکتی شق ایدر. قسم جنوبیسی ایسه چول حالنده اولوب، آنجق حیواناته یارار بعض اوتلری و بر طاقم اشجاری حاویدر. اهالیسی زولو و بازوتولره مشابه یعنی آفریقای جنوبی زنجیلرندن اولوب، اقوام و قبائل مختلفه-یه منقسمدرلر. اکثری چوبالمقله یاشایوب، کلیتلی صیغیر و قیون سوریلری واردر. زراعتله اشتغال ایدنلری دخی اولوب، ذخایر، لخنه، موس، پورتقال، لیمون و سائره یتیشدیرلر. پورتقال و لیمون آغاجلرینک بو مملکتته عربلر طرفندن نقل و ادخال اولندیغی مظنون اولوب، وقتیله مسلمانلرک تحت حکم و نفوذنده بولنمش اولدیغنه دلالت ایدر بعض ملاماته تصادف اولنور. مرکزی 25° 20' عرض جنوبی ایله 10' 30° طول شرقیده واقع %چان چان\$ قصبه-سیدر.

3-3239-5

غازی

معلوم اولدیغی اوزره فتح و غزایه موفق اولان سلاطین و امرای اسلامه مخصوص اولان بو عنوان موصل ملوک اتابکیه-سندن سیف الدین بن عماد الدین زنکی و سیف الدین بن قطب الدین مودود بن عماد الدین زنکی ایله بنی ایوبدن ملک ظاهر ابو الفتح غیات الدین بن صلاح الدین یوسفه علم اولمشدر. [((سیف الدین غازی)) و ((ظاهر (ملک) -*-))] ماده-لرینه مراجعت بیوریله].

4-3239-5

غازی آباد

هندستانک شمال غربی ایلاتندر %میرات\$ ایالتنده و میراتک 45 کیلومتره جنوب غربیسنده اوله-رق لاهوردن اله آباده کیدن دمیریول خطنک دهلی خطیله برلشدیکی محله بر قصبه اولوب، 7365 اهالیسی واردر.

6-3239-5

غازیپور

هندستانک شمال غربی ایلاتندن بنارس ایالتنده و بنارسک 74 کیلومتره شمال شرقیسنده کنک ایرماغنک صول کنارنده واقع سنجاک مرکزی بر شهر اولوب، 58855 اهالیسی، کوزل بر سرایی و دیکر ابنیه مصنعه-سی واردر. *- سنجاغنک مساحه سطحیه-سی 5615 مربع کیلومتره اولوب، 1345570 اهالیسی واردر، که بهر مربع 8کیلومتره باشنه 240 نفوس دوشر.

1-3240-5

غازی حسن پاشا

[[جزایری حسن پاشا]] ماده-سنه مراجعت بیوریله.]

2-3240-5
غازی کرای خان

قریم خانلرندن ایکی ذاتک اسمیدر:

برنجیسی دولت کرای خانک اوغلی اولوب، بیوک برادری محمد کرایک خانلغی زماننده معیتنده ایران سفرینه کیده-رک، خان مشارالیه بلا اذن عودت ایتدیکنده، کندیسی معیتله ثبات ایده-رک، شرق سر عسکری عثمان پاشانک معیتنده قالمش؛ و اثنای حربده ایرانیلرک الینه اسیر دوشوب، یدی سنه محبوس قالدقن صکره، بر طریقیله فرار ایده-رک، دردولته وصولی دیگر برادری اسلام کرای خانک وفاتی هنکامنه تصادف ایتمکه، 996 تاریخنده قریم خانلغنه تعیین اولنه-رق، برادری فتح کرای قالدغایلق و دیگر برادری عادل کرایک اوغلی بخت کرای نور الدینلک منصبنه نصب ایتمش ایدی. بعده سلطان محمد خان ثالث حضرتلرینک اگری سفرنده تاتار عسکرینک باشنده بولنان قالدغای فتح کرایک حسن خدمتی کورلمکله، صدر اعظم سنان پاشانک سوقیله قریم خانلغنه تعیین اولنوب، صاحب ترجمه انفصال ایتمکه، سنیوبه عزیمت ایتمش ایسه-ده، متعاقباً سنان پاشا عزل اولنه-رق، سلفی ابراهیم پاشا مسند صدارته عودت ایدنجه، غازی کرای یکیدن خانلق مقامنه اعاده اولنه-رق، جانب قریمه عودت ایتمش؛ و بو صره-ده قالدغایلق و نور الدینلک منصبلرینی صیق صیق تبدیل و خاندانی افرادندن بعضلرینی اعدام و اهالییه بر طاقم یکی تکلیفات طرح ایده-رک، عمومک خشنودسزلغنی موجب اولمش ایسه-ده، محاربات واقعه-ده بیوک خدمتار ایتمکه موفق اولدیغندن، سلستره سنجاغی آرپه-لق نامیله کندیسنه توجیه، وجب خرلغی نامیله اوتوز بیک آلتون تخصیص اولنمش ایدی. اموال غنائمله (غازیکرمان) اسمیله متین بر قلعه یاپدیرمشدی. 1016 تاریخنده 55 یاشنده ایکن طاعوندن وفات ایدوب، باغچه سر ایده پدرینک ترپه-سنده مدفوندر. دفعه اولاده سکز سنه ایله اون آی و دفعه ثانییه-ده اون بر سنه اوچ آی که جمعاً یکرمی سنه ایله بر آی خانلق ایتمشدر. عالم و ادیب و شاعر بر ذات اولوب، السنه ثلثه-ده اشعار و منشآتیی واردر. علم هیئته و موسیقییه دخی انتسابی اولوب، بر خیلی بسته-لری موجوددر. جسارت و بسالتی دخی درجه نهاییه-ده اولوب، آنجق خونخوارلغی و حفظ جاه ایچون سفک دمان احتراز ایتدیکی دخی غیر منکردر. شو مطلع جمله اشعارندندر:

@@@

رایته میل ایدرز قامت دلجو یرینه
بلوغه دل باغلامشز کاکل خوش بو یرینه

\$

*- ایکنجیسی الحاج سلیم کرای خانک اوغلی اولوب، برادری دولت کرای خانک ایلك خانلغنده نور الدینک منصبنه و چرکس نظامنه تعیین اولنمش ایکن، توغای قبیلله-سنی کندینه تابع ایده-رک، خان مشار الیه قارشی عصیان ایدوب، مغلوب اولدقده دامن عفوه صاریله-رق، روم ایلنده اقامتنه مساعده اولنمش؛ و ادرنه-یه وصولنده، بر قاچ کون قپو آره-سنده محبوس قالدقن صکره، رودسه نفی ایدلمش ایدی. بعده عفو اولنه-رق، 1116 تاریخنده دولت کرای خانک یرینه قریم خانی اولمش؛ و 1118 تاریخنده درسعدته جلب اولنان باش آغاسنک بعض افاداتی اوزرینه عزل اولنه-رق، روم ایلنده قرین آبادده اقامت ایتمکه ایکن، 1120 تاریخنده 36 یاشنده طاعوندن وفات ایدوب، یانبولی جامعی خطیره-سنده مدفوندر. کرم و سخاوتله مشهور ایدی.

3-3240-5

غازيه خاتون

ملوك ايوبيه-دن ملك كاملك قیزی و حماده حكومت سورن ملك مظفر محمودك زوجه-سی اولوب، زوجنك وفاتنده وارثی اولان اوغلی ملك منصور صبی بولمغله، بر مدت صاحبه ترجمه نایبه سلطنت بولنمش؛ و 656 تاریخنده وفات ایتمشدن.

4-3240-5

غاسپزیه

#1

آمریقای شمالیده انکلتیه-یه تابع دومینیون قطعه-سنگ کیک خطه-سندده و %سنت لوران\$ مجراسنگ جنوبنده اوله-رق یکی برونسویق خطه-سندده متصل بیوجک بر شبه جزیره اولوب، شمالاً مذکور سنت لوران ایرماغنک منصبنده تشکیل ایتمدیگی خلیجه، شرقاً %سنت لوران\$ کورفزیله، جنوباً ((صیجاقلر قوی)) دینلن بر خلیجه، جنوب غربی جهنتدن دخی یکی برونسویقله محاطدر. بوی 280 و اک کنیش یرنده اکی 145 کیلومتره اولوب، مساحه سطحیه-سی 25000 مربع کیلومتره-دن زیاده-در. باشلیجه سواحلی مسکون اولوب، اکثر اهالیسی بالیجی و کمیحیدر. آنجق ایچ طرفلری دخی کوندن کونه اسکان اولنمقده و بالطه کورمه-مش اورمانلری آچیلوب تارله-یه چویرلمکده-در. یوکسک طاغلری اولوب، اک یوکسکنک 1211 متره ارتفاعی واردر. بو طاغلرک شمالی مائله-لری پک دیک و صوئوق اولوب، جنوبی اتکلری زراعتده دهالویریشلی دره و بایرلری حاویدر. 1851 تاریخنده اهالیسی 21748 کشیدن عبارت اولوب، 1871ده 34652 مقدارینه بالغ اولمشدی. او وقتدن بری تضاعف ایتمش اولسه کرکدر.

1-3241-5

غاسپه

#1

ماده آنفه-ده بیان اولنان غاسپزیه شبه جزیره-سنگ اوچنده قره-نک ایچنه درین کیرمش بر قوی و بونک مدخلنده بر بروندر.

2-3241-5

غاسقوناده

#1

آمریقای شمالیسنگ ممالک مجتمعه-سندده میسوری جمهورتنده %میسیسیپی\$ ایرماغنه تابع %میسوری\$ نهر عظیمه دوکیلور بر چای اولوب، جمهوریت مذکور-ه-نک جهت جنوبیه-سندده نبعانله، شماله و بعده شمال شرقیه-یه طوغری آقه-رق، 300 کیلومتره-لک جریانندن و (اوزاژه) ایله دیگر بر قاچ چایک صولرینی طویلادقندن صکره، %جفرسون سیتی\$ قصبه-سنگ 55 کیلومتره آشاغیسندده یعنی شرقنده و %سنت لوی\$ شهرینک 110 کیلومتره غربنده مذکور میسوری نهرینه دوکیلور. بتون مجراسنگ اطرافی اورمانلره مستور کوزل تپه-لردن عبارت اولمغله، بو نهر واسطه-سیله کلینتی کراسته صاللری ایندیریلیر. واپورلر منصبندن 95 کیلومتره یوقارییه قدر ایشلر.

فرانسه-نك تقسیمات سابقه-سندھ جنوب غربی خطه-لرندن بر خطه اولوب، غرباً بحر محیط اطلسینك غاسقونیه کور فزیله، جنوباً پیرنه سلسله جبالیه یعنی اسپانیا حدودیه و ... خطه-سیله، شرقاً فوآولانکدوق، شمالاً دخی %کویانه\$ خطه-لریله محدوددر. حدود شرقیه و شمالیه-سی غارونه مجراسندن عبارت اولمیوب، شرق جهتنده مجرای مذکورک اوتہ-سندھ و جهت شمالیه-ده بریسندھ بولنوردی. تقسیمات جدیدہ-ده یوقاری پیرنه، ژرسی، لاندھ ایالتلریله آشای پیرنه، غارونه، لوت مع غارونه و تارن مع غارونه ایالتلرینك برر قسمی بو خطه-نك اراضیسندن تشکیل اولنمشدر.

مرکزی %اوش\$ شهری ایدی. الیوم %باسق\$ و وقتیلہ و اسقون دینلن قوم عن اصل اسپانیاده ساکن ایکن، آلتنجی قرن میلادی اواسطنده غوتلر طرفندن صیقیشدیریلوب، پیرنه سلسله جبالنی تجاوزله، فرانسه-نك بو جهتنه یرلشمش اولدقلرندن، بونلرک اسمنه نسبتله بو خطه و اسقونیه و قرب مخرج مناسبتیلہ غاسقونیه تسمیه اولنمشدر. بونلر بور غونیه و آوستراسیا قراللی طرفندن مغلوب اولمغله، غاسقونیه %آکیتانه\$ دوقه-لغنه الحاق اولنمش، و بعده ایریجه بر دوقه-لق صورتته کیروب جهاز صورتیلہ بر آرہ-لق فرانسه قرالغنه و 1152 تاریخ میلادیسندھ انکلتراهیه تابع اولمش؛ و 1453 تاریخنه-دک انکلزلرک اندھ قالب، تاریخ مذکورده قطعاً فرانسه-یه الحاق، و شمالندھ بولنان کویانه ایله برلشدیریلہ-رک، ایکسی بر ایالت اتخاذ اولنمش ایدی. غاسقونیه-نك مساحه سطحیه-سی تخمیناً 26520 مربع کیلومتره اولوب، 13 دائره-یه یعنی قضا ویا سناغہ منقسم ایدی. جنوب و شرق جهتلری طاغلق اولوب، پیرنه سلسله جبالنك اتکلری و شعبه-لری ممتد اولور. غرب و شمال طرفلرینه کیدلدکجه، اراضی کسب انحطاط ایدوب، غرب شمالی قسمی %لاندھ\$ دینلن و فرانسه-نك تھامہ-سی حکمنده اولان آلچق و قوملق بر یردن عبارتدر. غارونه نهری حدود شرقیه-سندھ جریان ایدوب، خطه-نك قسم شرقیسنك میاه جاریه-سی بو نهره منصب اولیورسه-ده، اصل غاسقونیه-نك ایرماغی %آدور\$ اولوب، قسم اعظمك صولرینی جمع ایدر. %لبزه\$ نهرینك-ده منبعی غاسقونیه داخلندھ اولوب، سواحلندھ طوغریدن طوغریه دکیزه دوکیلور بعض کوچک چاپلریده واردر. کرک پیرنه-ده و کرک لاندھ-ده بر خیلی کوللری وار ایسه-ده، پک کوچک اولوب، یالکز ساحل قربنده قازو، بیسقاراس، اوریان، ژولیان و سوستون کوللری خیلی بیوکدر. اراضیسی پک منبت اولوب، علی الخصوص %آدور\$ وادیسی اسکیدن بری جدوللرله اعمار اولنمغله، فرانسه-نك اک محصولدار یریدر. باشلیجه محصولاتی ذخایر متنوعه ایله حیوانات و یریلن نباتات اولوب، طاغلرنده اودون و کراسته-یه یارار چام، میشه و سائر آغاجلر بولندیغی کبی، آلچق یرلرده دخی مرانقوزلقده مستعمل فواق و چمشیر آغاجلری و سواحلندھ قطران چامی و پلاموط میشه-سی بولنور. باغلری دخی چوق اولوب، کلیتلی شراب و قونیاق چیقار. حیوانات اهلیه-سی و علی الخصوص صیغیر، قیون و اتلری چوق و جنسلری ایی اولوب، متعدد حارالرنده سواری عسکریچون و یاریش ایچون اتلر یتیشدیریلیر. معادنی آز اولوب، آنجق پیرنه طاغلرنده مشهور مرمزلری و کوزل طاشلریله آلچی و سائر بولنور. معدن صولری پک چوقدر. صایع محلیه پک ایلری اولمیوب، غاسقونیه-لیلر چالیشقان آدملر ایسه-ده، اکثری مملکتلرنده طورمیوب، پارسده و فرانسه-نك و سائر بیوک شهرلریله جز ایرده چالیشیرلر، ویا آمریکا و سائر بلاد بعیده-یه هجرت ایدرلر.

یالکز %بانیره-دویغوره\$ شهرینك مرمردن معمولاتی مشهوردر. ادبی فرانسز لسانی کوندن کونه تعمم ایتکده ایسه-ده، اهالی مختلف غلط لسانلرله متکلمدر. غاسقونیه-لیلر جسور، شن، مهماننواز و سماحتلی آدملر ایسه-ده، یلانجیلیق و نفاخرله-ده شهرتلی واردر. اهالینك بر قسمی اولان باسقلر، که پیرنه جهتنده ساکن اولوب، کیتدکجه مقدارلری آزالمقده-در، آریالرک هجراتندن اول اروپا قطعہ-سندھ ساکن بولنمش اقوام منقرضه-نك بقیه السیوفیدر.

1-3242-5
غاسقونیه کور فزی
#1

بحر محیط آطلاسینک فرانسه-نک سواحل غربیه-سیله اسپانیانک سواحل شمالیه-سی آرہ-سندہ اولان
قسمنه ویریلن اسمدر. دکیز دینله-جک درجه-ده واسع اولان بو کور فز بر مثلث شکلنده اولوب، زاویه-
سنک بر جهتده بولنان غاسقونیه خطه-سنک اسمنه اضافتله یاد اولنور. بو مثلثک اسپانیا سواحلندن عبارت
اولان بر ضلعی همان مستقیم و فرانسه سواحلنی تشکیل ایدن ضلع دیکری منحنی و مقعر صورتده-در.

2-3242-5
غاسندی
#1

فرانسه مشاهیر حکماسندن اولوب، 1592 تاریخنده %شانترسیه\$ده طوغمش؛ و 1665ده پارسده وفات
ایتمشدر. پک کوچک یاشندن ابراز لیاقت ایدوب، 16 یاشنده ایکن پارسده منطق و 21 یاشنده حکمت و
عقائد معلمی اولمش ایدی. فلسفه، علوم ریاضیه، هیئت، حکمت طبیعیه، تاریخ و سائر علومدن بهره-سی
اولوب، اک زیاده فلسفه ایله اشتغال ایتمشدر. اک اول آرسطونک اصول فلسفه-سنه اعتراض ایدنلردن
اولوب، اپیقورک فلسفه-سنی ترجیح ایدردی. بو بابده بر قاچ کتاب یازمش، و کندینه مخصوص بر
اصول فلسفه وضع ایتمشدر. معاصرلری اولان غالپله، کبلر، پاسقال و سائر حکما ایله مکاتباتی و
(دقارت)ه قارشی اعتراضلری واردر. هیئته دائر بر قاچ تالیفی و بو عنده بعض مهم کشفیاتی واردر.
کلیات آثاری 6 جلدده طبع اولنمشدر.

3-3242-5
غافق

اندلسده فحص البلوط اعمالندن مستحکم بر قصبه اولوب، غانقی لقبیله ملقب بعض علماء اسلامک مسقط
راسی بولنمشدر.

4-3242-5
غافقی، ابو جعفر احمد بن محمد بن السید

اندلس مشاهیر اطبا و حکماسندن اولوب، ادویة مفرده-ده یعنی علم نباتات طبییه-ده زماننک فریدی ایدی.
علم مذکورده ((کتاب الادویة المفردة)) عنوانیله بر تالیف معتبری واردر، که بونده اولادیسقوریدس ایله
جالینوسک ذکر ایتدکلی ادویة و بعده متأخرینک یعنی اطبای اسلامک علاوه ایلدکلی ادویة صره-سیله
بیان اولنمغله، بو کتاب عموم اطبا ایچون مرجع یرینه کچمشیدی.

5-3242-5
غافل، ملک خسرو

ایران شعراسندن اولوب، سیستانلیدر. شو رباعی اونکدر:

@@@

غافل نشوی ازین دومغی غافل
سرمایه مرد زین دو کردد حاصل
زین راهنمایان بیکی شو قائل
یا عقل درست یا جنون کامل
\$

*- هندستانک اکره شهرندن دخی بو مخلصه متخلص بر شاعر اولوب، غافل اکبر آبادی دینمکله معروفدر.

6-3242-5

غافلا، محمد تقی طالفانی

ایران شعراسندن اولوب، شاه عباس ثانی زماننده یاشامشدر. شو بیت اونکدر:

@@@

ز شوق نامه نویسم زرشک پاره کنم
دلی که نیست تسلی درو چه چاره کنم
\$

1-3243-5

غال

#1

ازمنه قدیمه-ده فرانسه ایله آوروپانک اوکا قریب محللرنده ساکن بولنمش بیوک بر قومک اسمی اولوب، بونلره (کلت) یاخود (جالت) دخی دیرلردی، و بر ظنه کوره کلتلر بونلرک بر شعبه-سی ایدی. ((کلت)) و ((غالی)) ماده-لرینه مراجعت بیوریله.]

2-3243-5

غال، سنت *- #1

خرستیانلرک عزیزلرندن ایکی کشی اولوب، بری ایرلانده-لی اولدیغی حالده، 805 تاریخنده استادی اولان سنت قولومبانک معیننده فرانسه-یه کچه-رک، بعده اسویچره-یه چکلمش؛ و قونستانسه کولی قربنده کندی اسمیله تسمیه اولنان بر مناستر تاسیس ایدوب، 646ده اوراده وفات ایتمشدر. تشرین اولک 16 سنده یورطیسی اجرا اولنور.
*- دیکری 489ده طوغوب، 554ده وفات ایتمشدر. قلمونت پسقوسی ایدی. علم و زهدیله شهرت بولوب، آوستراسیا قرالی برنجی پتری طرفندن سراینه جلب اولنمشدی. تموزک برنده یورطیسی اجرا اولنور.

3-3243-5

غال

#1

مشاهیر طبیعیوندن اولوب، مبحث القحف دینلن عملک موجودیدر. 1758 تاریخنده باده بیوک دوقه- لغنک %تینفیرون\$ قصبه-سندده طوغمش؛ و 1828ده پارس قربنده %مونترور\$ده وفات ایتمشدن. 1785 تاریخنده ویانه-ده طبابت شهادتنامه-سنی آلوب، اجرای طبابتله اشتغال ایتمکله برابر، موجدی اولدیغی فن ایله اوغراشمغه، و 1795ده بو فنده عمومی درس لر ویرمکه باشلامشیدی. افکار و کشفیات فنیه-سی اوستریاده حکم سورن تعصبه قابل توفیق اولمیوب، اعتراضاته اوغرا دیغندن، 1807ده ویانه- پی ترکله، پارسه کیدوب، مأمولی مافوقنده حسن قبوله مظهر اولدیغندن، 1819ده فرانسه تبعه-لکنی و فرانسز جنسیتنی قبول ایتمشدی. پارسده دخی مبحث القحف حقتده عمومی درس لر ویرمکله و تجارب و تحریات فنیه اجرا ایتمکله اشتغال ایدوب، عمومیت اوزره اعصابک و علی الخصوص دماغک وظائف و احوال تشریحیه-سنه دائر بر قاچ کتاب یازمشدر. میدان قویدیغی فنک له و علیهنده بر چوق شیلر یازیلوب، او وقتلرده بر میدان مباحثات اچلمشیدی. بو کونکی کونده بو فنک و حقیقتی نا قابل انکار اولوب، او وقتدن بری غاله تابع اولمش و تحقیقات فنیه-پی ده ایلری سورمش علما یتیشمشدر.

4-3243-5

غال

#1

و یکی -* - و یکی جنوبی -* - . [((والس)) ماده-لرینه مراجعت.]

5-3243-5

غالا

#1

آفریقای شرقده بیوک بر قوم اولوب، اصل حبشک جنوبنده بولنیورسه-ده، اورادن آفریقانک ایچلرینه طوغری یاییلوب، سودانده و حتی سودان غربیده دخی غالا افرادینه تصادف اولنور. اصل غالالارک یری حبشک جنوبنده اولوب، شمالاً حبشله و شرقاً سومالی یرلریله محدوددر. جنوباً زنگبار حدودینه و نیانزه کولنه، غرباً دخی نیلک منابعنه قدر ممتد اولور. غالالر ممالکی 13° عرض شمالیدن 4° عرض جنوبییه و 31° دن 41° طول شرقییه قدر ممتد اولوب، مساحه سطحیه-سی تقریباً و تخمیناً 716000 مربع کیلومتره و اهالیسی 7 ویا 8 ملیوندر. بو واسع یرلرک احوالی مجهول ایسه-ده، میاه جاریه-سی نیل اییضه طوغری آدیغنه باقیلیرسه، خیلی مرتفع و بناءً علیه هواسی معتدل اوله-جغی آکلاشبیلر. غالالر سیاه اولمدقلری حالده، زیاده اسمر اولوب، سیمالرنده باقییر رنگنه برابر بونلر زنجی اولمیوب، سیما و بدنجه قافقاس جنسنه مشابهدر لر. سیمالری دوزکون، آلتلری یوکسک و واسع کوزلری ایری، برونلری دوز و اینجه، طوداقلری اینجه، دیشلری منتظم و کوچک، بویلری اوزون وقد و قاضلری موزوندر. الحاصل غالالر آفریقانک اک کوزل جنسی اولوب، ارککلری بینحیلکده و غارغی و قالفان استعمالندهکی مهارتلیله و شجاعت و جسارتلیله مشهوردر. صاچلری قیویرحق ایسه-ده، اوزون اولوب، و موزلری اوزرینه دوشر و حرب زماننده اوفق اوفق اورکولر صورتنده اورر لر. لسانلری آهنکلی و لطیف اولوب، اکثر افرادی طلاق و فصاحت مالکدر لر. غالا اسمی کندی لسانلرنده مهاجر و فاتح دیمک اولوب، کندیلرینه بو اسمی دخی ویریورلرسه-ده، کندیلریجه اصل اسملری (اورما)در.

بونلرک قسم اعظمی چوبانقله و حیواناتله مشغول اولوب، بر مقدارلرده زراعتله اشتغال ایدرلر. یالکز حبش داخلنده کیلرک بعضیسی خرسیتیان اولوب، قصوری کاملاً مسلمدر؛ و حتی آفریقانک ایچ طرفلرینه و سودان غربی و جنوبییه طوغری یاییلانلری اورالره نشر اسلام ایتمشلردر. کندیلری بر چوق قبائله منقسم اولوب، هر قبيله-نک بر مجلس منتخی و بو مجلس طرفندن تعیین اولنمش بر شیخی واردر. بو شیخلر بهر سنه تبدیل و تجدید اولنورلر. مجلس اعضاسی ایسه اون آلتی سنه-ده بر دکیشیرلر. قبائل بینلرنده دائمی صورته حرب و جدالده بولنوب، بربرلرندن و سودان زنجیلرندن کوله و جاریه-لر آلوب ساتارلر.

1-3244-5

غالاپاغو

#

بحر محیط معتدله خط استوانک آلتنده و آمریقای جنوبیده-کی %آقوادور\$ جمهوریتی ساحلنک 1000 کیلومتره غربنده جمهوریت مذکوره-یه تابع بر طاقم آطه-لر اولوب، '91°40' ایله '94°20' طول غربی آره-سنده بولنیورلر. بونلرک بشی بیوجک اولوب، خط استوا ایله 1° عرض جنوبی آره-سنده واقعدرلر. کوچکلرندن اوچی 1 درجه-سنک جنوبنده و ایکیسی خط استوانک شمالنده-در. دیگرلری پک کوچک و بعضلری عادتاً بیوک قیالردن عبارتدر. بو آطه-لر بربرلرندن سیرکجه اولوب، 67500 کیلومتره-لک بر مسافه-ده طاغنیق ایسه-لرده، جمله-سنک مجموعاً مساحه سطحیه-لری بر وجه آتی یالکز 7400 مربع کیلومتره-در:

####

آلیمارله آطه-سی

4275

مربع کیلومتره

ایندقاتیغابل آطه-سی

1020

مربع کیلومتره

ناربوروغ آطه-سی

650

مربع کیلومتره

جامس سانتیاغو آطه-سی

570

مربع کیلومتره

چاتام آطه-سی

430

مربع کیلومتره

فلوریانه آطه-سی

135

مربع کیلومتره

دیگر جزایر صغیره

320

مربع کیلومتره

جمعاً

7400

مربع كيلومتره

\$

بو آطه-لرك اراضيسى كاملاً بركانى اولوب، يوكسك طاغلرينك تپه-لرنده بركان آغزلرى كورپنيور. بركان آغزلرينك مجموعى 2000 عددينه قريپ اولوب، آيمازله-ده اولان اك يوكسك 1530 متره ارتفاعى وارد. طوپراقلى غير منبت و نباتلى پك آز اولوب، جمله-سنگ قابل زراعت اراضيسى آنجق آلتى يدي يوز مربع كيلومتره-يه بالغ اولور. حيوانلى دخی آز اولوب، اصل يرلى اوله-رق بر قاچ جنس قوشيله بر متره بوينده بر جنس كرتكله-لرى و آلتى يدي يوز كيلويه قدر ثقلى اولان جسيم قاپلومباغه-لرى وارد. اسملى دخی اسپانيول لسانده ((قاپلومباغه آطه-لرى)) معناسنى افاده ايدر. طاغلرنده كميجيلر طرفندن براغيلوب وحشى حالنه كچمش اينك، بيكير، اشك، طوموز، كچى، كوپك و كدى كى حيوانات دخی بولنور. قوشلى اورايه مخصوص اولوب، هيچ بر ير ك كيلرينه بكزه-مز. بو آطه-لر جنوبدن كلن صوئوق بر آقنديك آلتنده بولنمغله، هوالى عرضك اقتضاسى نسبتنده دكلدر. ياغمورلى پك سيرك و آذر. بو آطه-لر خالى اولوب، اقو آدور جمهوريتى 1832 تاريخنده بولنلى تحت تابعيته آديغنده، اسكان و اعمار تشيئنده بولنه-رق، اوچ درت يوز مهاجر نقل ايتمش ايسه-ده، بولر در عقب طاغلمش؛ و بعده بو جزايرى منفا اتخاذ ايدو-رك، مجرملرله اسكان تشيئنده بولنمش ايسه-ده، بو تشيئ دخی متمر اوله-مامشدر.

2-3244-5

غالارانه

#1

ايتاليانك ميلان ايلاننده و ميلانك 41 كيلومتره شمال غربيسنده و دمير يول خطنك تشعبى نقطه-سندو قضا مركزى بر قصبه اولوب، 5040 اهالىسى و پاموق و كتن منسوجاتى وارد.

3-3244-5

غالاشيلس

#1

اسقوجيه-نك جنوب جهننده و %سلكيرق\$ك 7 كيلومتره شمالنده اوله-رق %غالواتر\$ نهرينك ايكى كنارنده واقع و بر طرفى %سلكيرق\$ ديكرده %وروسبورغ\$ قونتلغنه تابع بر قصبه اولوب، 10310 اهالىسى و يوك قماشلر نسجه مخصوص بيوك فابريقه-لرى وارد.

4-3244-5

غالان

#1

فرانسه مشاهير مستشرقيندن اولوب، 1646 تاريخنده %رولو\$ده طوغمش؛ و 1715ده وفات ايتمشدر. سفير معيتيله استانبوله كلوب، بر مدت قالمش؛ و بعده شرقه ايكى سياحت ده ايدوب، لسان عربى و يوناننده-كى معلوماتنى توسيع ايتمش؛ و فرانسه قرالنك آنتيغه-جيسى ناميله بر چوق آثار عتيقه طوپلامش ايدى. فرانسه-يه عودتنده آقادميا اعضالغنه و بعده فرانسه مکتبنده لسان عربى معلمكنه تعيين اولنمشدى.

((الف ليلة و ليلة)) كتاب مشهورينى بعض حكاياتك و اشعارك طبيله و كوزل بر افاده ايله فرانسزجه-يه ترجمه ايتديكى كى، لقمان حكيمك امثالنى و ((كليله و دمنه)) كتابنى و بر امثال و حكايات مجموعه- سنى دخى ترجمه ايدوب، بو ترجمه-لرى و على الخصوص بيك بر كيجه-نك كى موجب شهرتى اولمشدر.

1-3245-5
غالب

مشاهير اطباى اسلامدن اولوب، خلفاى عباسيه-دن متوكل و موفق و معتضدك خدمت طبابتنده بولنمش و پك چوق انعام و احسانلرينه نائل اولمش ايدى. معتضدك زماننده وفات ايدوب، اوغلى ابو عثمان سعيد يرينه كچمش ايدى.

2-3245-5
غالب

هندستانك متأخرين شعرا سندن درت كشينك مخلصيدر.

3-3245-5
غالبا
#1

روما ايمپراطورلرندن اولوب، (تيبر)ك زماننده 30 تاريخ ميلاديسنده قونسلوس اولدقن صكره، جرمانيه عسكرينه قوماندان اولمش؛ و قلودك زماننده افريقيه و نرونك زماننده اسپانيا واليلكنه نصب اولنمشدى. نرون بونك اقتدار و فضائلندن و همناك اولوب، وجودينى قالديرمق تشبثاتنده ايكن، كنديسى ده اول طاورانوب، 68 تاريخ ميلاديسنده رفع لواى عصيانله، اسپانياده ايمپراطولغنى اعلان ايتمش؛ و متعاقباً بتون روما ممالكنجه ايمپراطولغى تصديق اولنمش ايسه-ده، مجازانده كوسترديكى شدت ايله بخل و خستى كنديسنى توجه عموميدن دوشورمكله، كنديسنى ولى عهد طانيتمغه مومق اوله-ميان (اوتون) بو حالدن بالاستفاده، كنديسنى و آخرت اولادى بولنان پيزونى قتل ايدو-رك، كندى ايمپراطولغنى اعلان ايتمشدر. غالبا يالكز سكر آى ايمپراطورلق ايتمشدر.

-* - ديكر بر غالبا دخى روماليلرجه نطق پردازلقه مشهور اولوب، %لوزيتانيا\$ يعنى پورتكيز واليسى ايكن، قبل الميلاذ 161 تاريخنده مغلوب اولديغى حالده، عقد مصالحه بهانه-سيله غالبرى بريره جلبله، پوصيدن قتل ايتديكندن، بو معامله خاينانه-سندن طولايى مجارات كورمك اوزره، رومايه جلب اولندقده، فصاحت و طلاقت لسانيله كندينى قورتارمشدى.

4-3245-5
غالب بك

صدر اسبق ادهم پاشا مرحومك ايكنجى اوغلى اولوب، السنه و ادبيات شريقيه ايله فرانسز لساننى و فنون جديده-يى بعد التحصيل، باب على قلملرينه دوام ايدو-رك، شوراي دولت معاونلكنه و بعده تنظيمات

دائرة-سی اعضالغنه تعیین بیورلمش؛ و بر قاچ سنه بو مأموریتده قالدقن صکره، کرید والی مشاورلکنه نصب اولنه-رق، ذاتاً نحیف المزاج اولمغله، خسته عودت ایدوب، 1313 تاریخنده کنج یاشنده ارتحال ایتمشدر. ادیب و منشی و تاریخ و علم آثار عتیقه-یه واقف اولوب، مسکوکات سلجوقیه و عثمانیه-یه دائر قیمتدار بر اثری واردر. پک نازک و خیر خواه بر ذات ایدی.

5-3245-5

غالب بن عبد القدوس

[[ابو الهندی]]-ماده-سنه مراجعت بیوریله.]

6-3245-5

غالب پاشا، محمد سعید -*.

دور سلطان محمود خان ثانیده مسند صدارت عظمایه کچن وزرادن اولوب، صدارت مکتوبی قلمی باش خلیفه-سی یولنمش اولان سید احمد افندیکنک اوغلیدر. 1177ده درسعادتده دنیایه کلوب، قلم مذکوره داخل اولمش؛ و 1202ده اردوی همایون معیتنده بولنه-رق، خواجکانلق رتبه-سنی احراز ایتمش؛ و 210ده قلم مذکور سر خلیفه-لکنه نصب اولنمش ایدی. 212ده آمدی دیوان همایون اولوب، 216ده سفارتله فرانسه-یه عزیمت ایتمش؛ و عودتنده بیوک تذکره-جی و 221ده رئیس الکتاب اولوب، 222ده اردوی همایونله طونه-یه کیدوب، عقد متارکه-یه مأمور اولمش؛ و اوراده ایکن مأموریتی نشانجیلغنه تحویل اولنه-رق، عودتنده ینه رئیس الکتاب اولوب، خدمت سفریه ایله مشغول اولمش؛ و 226ده صدراعظم کتخداسی اولوب، 229ده ثالثاً رئیس الکتاب اولدقن صکره، ینه او سنه عزل و کوتاهییه-یه نفی و متعاقباً عفو اولنه-رق، رتبه وزارتله بولی و ویرانشهر و بعده صره-سیله سیواس، نیکده و یکیشهر، آنقره و کنغری، بولی و قسطنمون سنجاقلرینه نصب اولنمش؛ و نهایت خداوندکار وقوحه ایلی والیکلیله برابر بحر سیاه بوغازی محافظلغی مأموریتله درسعادتده جلب اولنمش؛ و وصولنی متعاقب 1239ده مهر صدارت عهده-سنه تودیع اولنمشدر. طقوز آی بو مقام عالیده قالدقن صکره، بعض مرتبه امتزاجسزلغندن طولایی عزل، و وزارتی رفع اولنه-رق، کلیبولی-یه و بعده مغنیسیایه نفی اولنمش؛ و بعده برانته ظاهر اولمغله، وزارتی اعاده اولنه-رق، ارضروم ایالتنه و متعاقباً شرق سرعسکرلکنه نصب اولنه-رق، اوچ سنه قدر بو مأموریتده قالدقن صکره، روسیه سفری آچلدقده، مصالحه طرفنی التزام ایتدیکندن، عزل و بکیدن وزارتی رفع اولنه-رق، بالیکسرییه نفی اولنمش؛ و 1244 تاریخنده، 69 یاشنده اولدیغی حالده، اوراده وفات ایتمشدر. منشی و شاعر و حسن خطه مالک اولمغله برابر، او وقته کوره امور اجنبیه-یه آشنا سنحی و بریم بر ذات ایدی.

1-3246-5

غالب پاشا، عبد الحلیم -*.

متأخرین شعراء عثمانیه-دن اولوب، آناتولی ترکلرینک قبا لسان و شیوه-سنی تقلیداً لطائف و هزلیات قبیلندن بر طاقم اشعار نظم ایتدیکندن، (ترک غالب) دینمکله متعارفدر. استانبوللی اولوب، مالیه مکتوبی قلمندن نشاتله، بعض وزرا و کبرانک کتابتلرنده بولندقن صکره، آنقره دفتردارلغنه و بعده باطوم و صکره طرفنی قائممقاملغنه نصب اولنه-رق، 1269 تاریخنده میر میرانلق رتبه-سنه نائل اولمشیدی. لطائف و هزلیاتی کتابمه نا قابل نقل اولدیغی کبی، منظورمز اولان بر غزلی-ده او وقتک موده-سی

اوزره ((اولور عالم بویا)) کبی طاتسز و مناسبتسز بر تعبیرک هر بینه تکررنندن عبارت اولمغله، اشعارندن بر شی ذکر ایده-مدک.

2-3246-5

غالب دده، شیخ محمد اسعد -*.

متأخرین شعراء عثمانیه-نک سرافرازتندن و طریقت مولویه مشایخندن اولوب، غلطه مولویخانه-سی پوست نسبنی ایدی. کتبه-دن مصطفی رشید افندینک اوغلی اولوب، 1171 تاریخده درسعادتده طوغمش؛ و بر مدت دیوان همایون قلمنه دوامدن صکره، طریقت مذکور-یه انتسابله، قونیه-یه عزیمت ایده-رک، اوراده و استانبولده یکی قپو مولویخانه-سنده چله-سنی اکمال ایتمش؛ و مرور زمانله مشیخت مذکور-یه نائل اولمش ایدی. 1213 تاریخده ارتحال ایتمشدر. اشعاری متین اولوب، مرتب دیوانی و دیگر بعض آثاری وارد. شو مقطع جمله اشعارندندر:

@@@

کیم قادر علاج ایلمکله حکم قدردر
تاریخی ایتمش غالب زارک اثر عشق

\$

3-3246-5

غالریوس

#1

روما ایمپراطورلرندن اولوب، داچیا یعنی رومانیه-یه دنیاپه کلمشدر. ابتدای حالنده چوبان ایکن، بعده عسکر یازیلوب، جسارت و شجاعتی سایه-سنده قوماندان اولمش؛ و ایمپراطور دیوقلتیان طرفندن اخرت اولادلغنه و دامادلغه قبول اولنه-رق، 292 تاریخ میلادیسنده قونستانس قلور ایله برابر قیصرلغه تعیین اولنمش؛ و 296ده ایران شاهی نرسییه قارشلی عسکر سوقنه مأمور اولوب، ابتدا مغلوب اولمش ایسه-ده، بعده غلبه چاله-رق، ایران شاهی طلب مصالحه-یه مجبور ایتمشدی. 305 تاریخده مرقوم قونستانس ایله بالاتفاق دیوقلتیان ایله ماقسیمیانی ایمپراطورلقدن فراغت ایتمکه تهدیداتله اجبار ایده-رک، دولتی الهه ایتمش؛ و رفیقی قونستانس متعاقباً وفات ایتمکله، غالریوس بونک اوغلی قسطنطینی صورتا تشریک ایتمش ایسه-ده، بوکا یالکز قیصر عنواننی ویروب، کندیسی آوغستوس عنوانیله ایمپراطورلغنی اعلان ایتمشدی. ماقسانس اسمنده بری ایپالیاده اعلان سلطنت ایتمکله، غالریوس بوکا قارشلی سوق عسکر ایندیکنده مغلوب اولوب، داچیانک %ساردیقه\$ قصبه-سنه چکلمش؛ و اوراده 311 تاریخده بر یاره-دن وفات ایتمشدر. خرسیتیانلره قارشلی پک شدتلی بعض و خصومتی اولوب، دیوقلتیانی خرسیتیانلرک تعقیباتی حقنده امر ویرمکه اجبار ایندیکی کبی، کندی زماننده دخی بونلره قارشلی شدت کویسترمشدر.

4-3246-5

غالغو

#1

اسپانیانك هوئسقه و ساراغوسه ایالتلرنده بر نهردر، كه پیرنه طاغلرینك %سالنت\$ بوغازنده نیعانه، جنوبه طوغری جریان ایده-رك، سالنت و دیگر بعض قصبه-لرك ایچندن كچدكن و بر طاقم منبت یرلر اروا ایئتدكن صكره، بر آره-لق غربه و بعده ینه جنوبه دونه-رك، ساراغوسه اووه-سنی بعد الاروا بو شهرك اوكنده صول كنارندن %ابره\$ ایرماغنه دوکیلور. مجراسی 175 کیلومتره طولنده-در.

1-3247-5
غالغوس،

ریو -*- یاخود ریو دارس -*- #1 آمریقای جنوبیده یاتاغونیه خطه-سنگ منتهای جنوبنده بر ایرماق اولوب، '52° 51 عرض جنوبیده جدول صورتنده بر طاقم چاپلردن بالتشکل، شرقه طوغری جریانله، همنامی اولان درین بر خلیج تشکیل ایده-رك، بحر محیط آطلاسیه دوکیلور. بزم صوك بهار موسمنه تصادف ایدن ایلك بهارده و یازك ابتدالرنده صویپی پك چوق اولوب، یازك حیوانله و حتی یایا دخی كچيله-جك درجه-ده آزالیر. قیشین متجمد اولوب، بوزلرك اوزرینه كچیلیر.

2-3247-5
غاللا
#1

بحر محیط کبیر جزایرندن %جلولو\$ جزیره-سنگ شمالنده ساکن بر قوم اولوب، کمیجیلکده ماهر و جسور آدملر اولمغله، کمیلرله دکزده کزوب، آطه-لره چیقه-رق، کیک و طوموز و سواحلده بالیق آرلر، و اتلری قورودوب، بو تجارتله یاشارلر. اوزون بویلی، ایری و کوزل آدملردر.

3-3247-5
غالنه
#1

آمریقای شمالیده ممالک مجتمعه-نك ایلینوا جمهوریتنده و اسپرینغفیلدك 305 کیلومتره شمال غربیسنده اوله-رق، همنامی اولان نهرک کنارنده و بونك میسیسیپی ایرماغنه دوکلدیکی محلدن 10 کیلومتره یوقاریده واقع بر قصبه اولوب، 7020 اهالیسی، جوارلرنده سیملی قورشون و باقر معدنلری، ماکینه و سائره فابریقه-لری متعدد دمیر یوللری و ایشلک تجارتي واردر. سیملی قورشون سنوی آلتی یدی ملیون فرانق قیمتنده معدن چیقار.

4-3247-5
غالوانی
#1

مشاهیر طبیعیوندن اولوب، کندی اسمنه نسبتله غالوانیسمه اولنان الکتریک اصولنک موجد و کاشفیدر. 1737 تاریخنده ایتالیانک بولونیه شهرنده طوغمش، و 1798ده وفات ایتمشدر. 1762ده بولونیه دار الفنوننده تشریح معلمی اولوب، بعده بعض اسباب سیاسی-دن طولایی عزل اولنه-رق، بقیه عمرینی

حکمت طبیعیہ و الکتریق و غالوانیسمہ-یہ دائرہ تدقیقات و تالیفاتلہ امرار ایتمشدر. بولونیہ جمعیت علمیہ-سی صاحب ترجمہ-نک آثارینی جمع و نشر ایتمشدر.

5-3247-5

غالوای

#1

ایرلانده-نک %فوتاخت\$ ایالتندہ و دوبلینک 183 کیلومترہ غربندہ و ہمنامی اولان کورفرک ایچندہ اولہ-رق (قوریب) کولی آیاغنک منصبندہ واقع قونتلوق مرکزی بر قصبہ اولوب، 15600 اہالیسی، اسپانیا اصولندہ طار و پیس سوقاقلری، الکز بر یکی محلہ-سی، صاغلام و ایشلک لیمانی و صید ماہی-یہ مخصوص سفاینی واردر. خیلی اسکر بر قصبہ-در. *- غالوای قونتلغنک مساحہ سطحیہ-سی 6338 مربع کیلومترہ اولوب، 248460 اہالیسی واردر.

6-3247-5

غالوس

قورلمیوس *- #1 اسکی روما شعرا و سردارلرندن اولوب، میلاد عیسی (عم)دن 96 سنہ اول %قوروم یولی\$ قصبہ-سندہ طوغمش؛ و اسکندریہ محاربہ-سندہ اوقتاوه بیوک خدمتئر ایتمکلہ، بونک طرفندن مصر والیلکنہ تعیین اولنمش ایدی. سو استعمالندہ بولندیغندن، عزل و جزای نقدی و نفی ایلہ علیہنہ حکم اولنہ-رق، قبل المیلاد 26 سنہ اول اتلاف نفس ایتمشدر. بعض قصائد و اشعاری واردر. ویرحیل ایلہ حقوقی اولوب، ویرجیلک کندیسنہ خطاباً بر قصیدہ-سی واردر.

7-3247-5

غالوس

ویبیوس ترنولیاتوس *- #1 روما سردارلرندن اولوب، میسیا یعنی صربستان جہتی قوماندانی ایکن، ایمپراطور دچیوسی غوتلرہ قارشلی اولان سفرندہ قتل ایندییرہ-رک، 251 تاریخ میلادیسندہ کندی ایمپراطورلغنی اعلان ایتمش؛ و ابتدا مقتول ایمپراطورک اوغلی حکومتہ تشریک ایلمش ایسہ-دہ، متعاقباً بونندہ قتل ایندییرہ-رک، یرینہ کندی اوغلی و ولوسیانی کچیرمش: و غوتلرہ اتفاق ایدوب، خرسٹیانلری زجر و تعقیب ایتمشدر. حکومتی غضب ایدن امیلیانہ قارشلی سوق عسکر ایتمک اوزرہ ایکن، 253 تاریخندہ %اومبریا\$دہ کندی عسکری طرفندن قتل اولنمشدر.

8-3247-5

غالوس

قلایوس قسطنطینوس *- #1 روما ایمپراطورلرندن قسطنطینک اوغلی و بولیانسک برادری اولوب، 351 تاریخندہ ایکنجی قونستانس طرفندن قیصر عنوانیلہ شرق حکومتنہ نصب اولنمش؛ و ایرانیلرلہ 7ایندیکی محاربہ-لرندہ غالب اولمش ایسہ-دہ، قوتتی سو استعمال ایدہ-رک، سوریہ و آنطاکیہ اعیانندن

بر چوق آدملری بلا سبب اعدام ایتدیکندن، ایمپراطور طرفندن جلیله، بالمحاکمه، 354ده اعدام اولنمشدر.

1-3248-5

غالوستون

#1

آمریقای شمالیده ممالک مجتمعه-نک جهت جنوبیه-سندن %تکراس\$ حکومتنده و مکسیقه کورفری ایچنده همنامی اولان قویک مدخلنده واقع اوزون و طار بر آطه-نک شرق شمالی گوشه-سنده اوله-رق، " 11 23°18' عرض شمالی ایله " 22' 8' 97° طول غربیده واقع قونتلق مرکزی بر قصبه اولوب، 13820 اهالیسی، بر کوپری ایله قره-یه مربوط دمیر یول خطی، صاغلام و آنجق صیغجه لیمانی و پک ایشلک تجارتی وارد. سوقاقلری بیوک آغاجلرله کولکه-لی اولدیغی کبی، خانه-لریده باغچه-لرله محاط اولوب، هواسی صاغلامدر.

*- غالوستون آطه-سی 50 کیلومتره اوزون و آچق اولوب، او صره-ده-کی آطه-لرک جمله-سی کبی، طالغه-لرک سوروب بریکدیردکلری قوملردن متشکلدر.

*- غالوستون قویی %تربنیتی\$ نهرینک منصبنده واقع بیوک بر قوی اولوب، ایچنده دیگر بر طاقم قویلر دخی تشکل ایتمکه، کمیلرک بارینمه-سنه پک الویریشلی ایسه-ده، مدخلی صیغدر.

2-3248-5

غاله

پو آنت دو غاله #1 سرندیب جزیره-سنگ جنوب غربی گوشه-سنده و قولومبونک 110 کیلومتره جنوبنده 6°1'25" عرض شمالی ایله " 23' 52' 77° طول شرقیده بر شهر و اسکله اولوب، 47955 اهالیسی و هندستان و آوسترالیا و چین و جاپونله ایشلک تجارتی وارد. لیمانی طار و قبالر و صیغلرله مملو اولوب، سفاینک دخولی کوچ اولدیغی حالده، اهمیت موقعیه-سی حسبیله سفائن تجاریه-نک مراکزندن معدوددر. پورتکیزلیلرک اورالرده حکم سوردکلری زمانلرده تأسیسی مظنوندر. اورمانلق بر یرده واقع اولوب، آروپالیلر سورک ایچنده و یرلیلر اطرافنده باغچه-لرله محاط کوشکلرده ساکندرلر. تجارتی مسقطدن کلمش عربلرله پارسیلرک یعنی زردشتیلرک النده-در. هواسی پک صاغلام اولوب، آنجق یاغمورلری زیاده-در.

3-3248-5

غالیا

یاخود غول #1 اسکی یونانیلر و رومالیلرک فرانسه-یه ویردکلری اسم اولوب، انجق غالیا مسماسی بلجیقه-یی و رین ایرماغی مجراسنه قدر اولان یرلری دخی جامع اولمغله، شرقاً و شرق شمالی جهتندن آلب سلسله جبالیه و رین مجراسیله محدود عد اولندیغندن، شمدیکی فرانسه-دن دها کنیش ایدی. رومالیلرک الینه کچدکن صکره، حدودی تقسیمات ملکیه و سیاسییه-یه کوره دکیشه-رک، بر آره-لق ایتالیانک قسم شمالیسنه دخی غالیا اسمی ویرلمش، و تفریق ایچون بوکا %غالیا چیزالپینه\$ یعنی آلب سلسله جبالنک بریسنده-کی غالیا و فرانسه-یه %غالیا ترانسالپینه\$ یعنی آلبک اوتته-سنده-کی غالیا دینیلیردی. هر حالده بو اسم اورانک اهالی قدیمه-سی اولان (غال) و نام دیکرله (کلت) قومنه نسبت بیان

ایدوب، هر نقدر ممالک واسعه مذکورہ-نک شمال شرقی جہتندہ بلجر کبی جرمان جنسیتہ منسوب بعض اقوام صغیرہ، و جنوب جہتندہ اسپانیانک (ایبر) لریلہ ہمجنس بعض اہالی ایلہ سواحل بحر سفیدہ مارسلیہ کبی بعض قصبہ-لر تأسیس ایتمش اولان یونان مهاجرلری دخی بولنیوردیسہ-دہ، اہالینک قسم اعظمی غال اقوامندن ایدی.

غاللر یعنی کلتر آسیادن اک اول آروپایہ کچن اقوام آریانیہ-دن اولوب، کندیلرندن صکرہ کلن قافلہ-لر یعنی ایلیریانلر و غولر و اسلولر طرفندن تعقیب اولنہ-رق، آروپانک غرب طرفنہ قدر کیتمشلردی. اورالردہ نیم وحشی بر حالده یاشایوب، میلاد عیسادن 587 سنہ اولہ کلنجہ-یہ قدر تاریخہ اسملری مجهول ایکن، تاریخ مذکوردن اعتباراً شمال شرقیدن تجاوزاتہ باشلایان جرمان اقوامی طرفندن صیقیشدیریلہ-رق، آلپ طاغلرینی تجاوزلہ، ایتالیانک شمال طرفلرینہ صوقلمغہ و بعضلری یونانہ و کوچک آسیایہ قدر یاپیلوب، الیوم آنقرہ ولایتی تشکیل ایدن برلردہ کلینتہ برلشہ-رک، کندی اسملرینہ نسبتلہ %غالاتیاس تسمیہ اولنان واسع بر یر ایدنمشلردی. غاللر او صرہ-لرده جسارتلریلہ شہرت بولوب، رومالیرلہ دفعاتلہ چار بیشمشلردی. رومالیرلر قوت بولدقن صکرہ بر چوق زمان سورن محاربات کثیرہ نتیجہ-سندہ قبل میلاد 163 تاریخندہ غالیا چیز الپینہ-یی یعنی 121 تاریخندہ دخی غالیا ترانسالپینہ-نک یعنی اصل فرانسه-نک جنوب شرقی قسمنی فتح ایدوب، ایالت

معناسیلہ %پرووانسہ تسمیہ ایتمشلردی، کہ الیوم بو اسملہ یاد اولنور. نہایت قبل میلاد 58 تاریخندن 50 تاریخندہ-دک 8 سنہ ظرفندہ مشہور یولیوس قیصر عالیانک هر طرفنی ضبط، و روما ممالکنہ الحاق ایتمشدی. بشنجی قرن میلادی اواخرینہ-دک غالیا رومالیرلرک الندہ قالبوب، بعدہ جرمانیہ-دن تجاوز ایدن فرانکلرک الینہ کچمکلہ، غالیا اسمی متروک قالبوب، بو قومک اسمنہ نسبتلہ فرانسه تسمیہ اولنمشدر. غاللر کندیلرینہ مخصوص بر لسانلہ متکلم اولوب، بو لسانک سائر السنہ آریانیہ ایلہ مناسبت و مشابہتی درکاردر. فرانسه-دہ برتانیہ خطہ-سیلہ بعض طرفلرندہ و انکلترہ-نک %غال\$ یاخود %والس\$ خطہ-سیلہ اسقوجیا و ایرلانده طاغلرندہ-کی اہالی اسکی غاللردن قالمہ اولوب، اسکی لسانلرینی محافظہ ایتمکدہ-درلر. اسکی غاللرک لسانی بولنرک لسانندن و توار یخندہ بالمناسبہ مذکور بعض کلمہ-لر دن استدلال اولنوب، یوقسہ یازی و کتابلری اولمدیغندن، لسان مذکور دن اثر قالمامشدر. هر نہ قدر شمديکی فرانسزلر اسکی غاللرلہ لاتینلر و فرانکلرک امتزاج و اختلاطندن تولد و تحصیل ایتمشلر سہ-دہ، شمديکی لسانلرینک قسم اعظمی لاتینجہ-دن غلط اولوب، غال لسانندن قالمہ کلمہ-لری آزدر. غاللر جنکاور بر قوم اولوب، دائمی صورتدہ غار غیلر و قالفانلرلہ و باقیردن قبا قلیجلرلہ مسلح کزر، و تیمار اصولندہ اداره اولنوب، زراع طاقمی اصحاب تیمار اولان جنکاورلرک اسیر و ملکلری حکمندہ بولنور ایدی. (دروید) تعبیر اولنان بر مذهب مخصوصلری اولوب، علائم طبیعتہ اینانیر، و بر طاقم قبا بتلرہ انسان ذبح ایدرلردی. راہلرینک قوت و نفوذی دخی زیادہ اولوب، بولنر سحارلق، اوفوروکچیلک و طبییکل دخی ایدرلردی. نیم وحشی بر حالده یاشایوب، معبدلری و حکومت محللری اورمانلردن عبارت ایدی؛ و حیوانلرہ برر بوستکی قویوب اکر سز و اوزنکیسز بینرلردی. [(فرانسہ)) مادہ-سنہ مراجعت بیوریلہ.]

1-3249-5

غالیانوس

#1

روما ایمپراطورلرندن اولوب، والرینوسک او غیلدر. 232 تاریخ میلادیسندہ طوغوب پدیری طرفندن حکومتہ تشریک اولنمشدر. 260 تاریخندہ پدیری ایران شاهی شاپور ایلہ ایتدیکی محاربہ-دہ اسیر دوشدیکی حالده، صاحب ترجمہ کندیسنی قورتارمغہ اصلا تشبث ایتمیوب، مستقلاً کندی ایمپراطورلغنی اعلان ایتمش؛ و ذوق و سفاہتہ طالمش ایدی. اقوام وحشیہ غالیایہ و یونان ایلہ ممالک شرقیہ-یہ تجاوز ایتدکلری کبی، والی و قوماندانلرندن دخی اوتوز کشی آیری آیری اعلان استقلال ایتمشلردی. بولنردن

بر ایکیسنى مغلوب ایدوب، برینده میلانده محاصره ایتمکده ایکن، 268 تاریخنده کندی ضابطانندن بری طرفندن قتل اولنمشدر.

2-3249-5

غالیپولی

#1

ایتالیانک اوترانتت خطه-سندده %لچه\$ ایالتنده و لچه-نک 37 کیلومتره جنوب غربیسندده اوله-رق تارنته کورفری ساحلنه قضا مرکزی بر قصبه اولوب، 7580 اهالیسی، کلیتلی زیتون یاغی اخراجاتی و صید ماهیسی وارد. قصبه بر آطه-نک اوزرنده اولوب، 12 کمرلی بر کوپری ایله قره-یه مربوطدر. اسکی بر قصبه اولوب، زمان قدیمده یونان مهاجرلری طرفندن بنا اولنمشدر.
*- [((کلیپولی)) ماده-سنه مراجعت بیوریله.]

3-3249-5

غالیچ

#1

روسیه-نک قوسترومه ایالتنده و قوسترومه-نک 129 کیلومتره شمال شرقیسندده اوله-رق همنامی اولان کولک شرق جنوبی ساحلنده واقع قضا مرکزی بر قصبه اولوب، 5620 اهالیسی وارد. *- غالیچ کولی 57 مربع کیلومتره وسعتنده اولوب، و ولغیه-تبع اولان %قوسترومه\$ نهرینه دوکیلور بر آیاغی وارد. بو کولک بالیغی پک چوقدر.

4-3249-5

غالیچه

اسپانیوللرجه غالیچا و عربلرجه جلیقه #1 اسپانیانک شمال غربی گوشه-سندده واقع بیوک بر خطه-سی اولوب، غرباً و شمالاً بحر محیط آطاسی ایله، شرقاً آستوریا خطه-سیله و ملغالیون قرالغیله، جنوباً دخی پورتکیز حدودیله محدوددر. مساحه سطحیه-سی 29377 مربع کیلومتره و اهالیسی 1850000 کشیدر. شمذیکی تقسیمات ملکیه-ده غالیچه آیریجه بر دائره تشکیل ایتمیوب، وقتیله غالیچه ایالتی تشکیل ایدن مملکت شمذیکی حالده: قورونیه، پونتودره، لوغو و اورونسه اسملریله درت ایالته منقسمدر. غالیچه-نک سواحلی چوق اولمغله برابر، پک کیرنتیلی چیقنتیلی اولوب، بو چوق و طولاشقلی قویلیری و صاغلام لیمانلری وارد. اراضیسی طاغلق ایسه-ده، طاغلرینک اکثری قابل سکنی اوله-میله-جق درجه-لرده مرتفع اولمیوب، یالکز لئون حدودنده-کی طاغلری سنه-نک اکثر آیلرنده قارلری محافظه ایده-جک درجه-ده یوکسکدر. بو طرفک-ده اورمانلری چوق اولوب، میشه پلاموطلری و کستانه-لریله بر چوق طوموز سوریلری بسلیبر. میاه جاریه-سی چوق اولوب، %مینبو\$ ایرماغی شمال جهتده نبعانله، جنوبه طوغری آقه-رق، خطه-نک اکثر میاهنی جمع ایتمک، صکره، لئوندن کلن %سیت\$ نهریله برلشوب، غالیچه ایله پورتکیز آره-سندده بر بیوک خلیج تشکیل ایده-رک، بحر محیطه دوکیلور. سواحل قربنده، نبعان ایدن بر چوق کوچک نهرلر دخی طوغریدن طوغریبه بحر مذکوره منصب اولور. طاغلری آره-سندده کوزل و ادیلری وار ایسه-ده، بونلرک کلیتلی وسعتی زراعته الویره-جک درجه-ده اولمدیغندن، محصولات زرعیه-سی درجه کفایه-ده دکلد. مینیو ایرماغنک وادیسی کنیش ایسه-ده، زراعتدن زیاده

مرعایه الویریشلیدر. مع هذا غاليجه اسپانیانك هر یرندن زیاده مسكون اولوب، اك زیاده سواحله قریب اولان یرلری و كوچك نهرلرینك وادیلری معموردر. طاغلق اولان ایچ طرفلرینك اهالیسی ایسه مملکتلرنده بسلنه-میوب، اسپانیا و پورتکیزك بیوک شهرلرینه و حتی برازیلیایه قدر اختیار غربت ایدرلر.

غاليجه-لیلر اسکیدن بری آیریجه بر حالحه یاشایوب، اسپانیاده حکم سورن اقوام مختلفه ایله چوق اختلاط ایتمه-مش، و حتی عربلرک زماننده دخی بر درجه-یه قدر استقلاللرینی محافظه ایتمشلردر. اخلاق و عادات قدیمه-لرینی محافظه خصوصنده دخی متعصب اولوب، تمدنه پک آرزو و انهماک کویسترمیورلر. کندیلری جسور، مستقیم و مهمان نواز آدملر اولوب، آنجق بو وجهله عالمدن آیری یاشامه-لری سائقه-سیله قرون و سطانک دره-بکک اصولی اوراده یقین و قتلره کلنجه-یه قدر مرعی قالب، کویلیلر ایشلرکلی اراضینک صاحبلیر دکلیدی. غاليجه-لیلرک-ده، بو حالحه یاشایان سائر اقوامک اولدیغی کبی، قیصقانجق، آرزوی انتقام و افکار جدیدیه مخالفت کر بعض قصورلری واردر. لسانلری قباحه اولوب، اسپانیولجه-دن زیاده پورتکیزجه-یه مشابهدر؛ و قطالان لسانی کبی آیریجه بر لاتین لسانی عد اولنه بیلیر. آنجق کندی لسانلرنده ادبیاتلری اولمیوب، اسپانیانک لسان ادیبسنده یعنی قاستیلان لساننده اوقویوب یازارلر.

1-3250-5

غاليجيا

#1

آوستریا و مجارستان دولته تابع بیوک بر خطه اولوب، قاریات سلسله جبالنک خار جنده یعنی شمال شرقیسنده بر هلال صورتنده ممتد اولور. جنوب غربی جهتندن مجارستانله، جنوب شرقی طرفندن ینه آوستریانک بوقووینه خطه-سیله، شرقاً روسیه-نک پودولیه خطه-سیله، شرق شمالی جهتندن ینه روسیه-نک و ولهینییه خطه-سیله، شمالاً لهستانله، غرباً دخی آوستریایه تابع سیلزی خطه-سیله محدود اولوب، تقریباً 48° ایله $50^{\circ}40'$ عرض شمالی و $16^{\circ}40'$ ایله 24° طول شرقی آره-لرنده ممتد اولور. شرقدن غربه بویی قوش اوچشی حسابیله 540 کیلومتره اولوب، اکی قسم غریبسنده 60 ایله 75 کیلومتره آره-لرنده ایسه-ده، شرقه طوغری کیدلکجه کنیشلیوب 200 کیلومتره-یه قدر چیقار. مساحه سطحیه-سی 78477 مربع کیلومتره و اهالیسی 6088510 کشیدر. مجارستاندن صکره دولتک اک بیوک خطه-سی اولوب، اک زیاده مسکونلرننددر.

غاليجيا خطه-سی آوستریا و مجارستانی شرقاً و شمال شرقی جهتندن طبیعی بر سور صورتنده احاطه ایدن قاریاط سلسله-سنگ خار جنده اولوب، موقع جغرافی و طبیعت اراضیجه سلسله مذکور-ه-دن چین حدودنده-کی آلتون طاغه قدر ممتد اولان واسع اووه-لردن عد اولنه-بیله-جکندن، آوستریا و مجارستان دولتنه مربوطیتی صرف سیاسی و غیر طبیعیدر. جنوب غربی جهتنده سلسله مذکور-ه-نک اتکلری ممتد اولوب، سائر طرفلرنده آنجق حس اولنه-بیله-جک بعض ارتفاعلر و آچق تپه-لر بولنیور. مع هذا وسطی ارتفاعی 250 کیلومتره-دن آشاغی اولمیوب، شمال و جنوب شرقی جهتلرنده-کی یرلرک آلچقلغنه کوره غاليجيا اراضیسی بر تقسیم میاه خطی تشکیل ایتمکله، مرکزی اولان لمبرغ شهرندن یوقاری اولان یرلرنده میاه جاریه-سی %ویستوله\$ ایرماغی واسطه-سیله بالطیق دکزینه و اورادن آشاغی اولان یرلرک صولرنده دنیستر و پروت واسطه-سیله قره دکیزه اینر. ویستوله-یه منصب اولان انهارک باشلیجه-لری: سوله، اسقاوه، رابه، دونابک، قوپه ویسلوقه، و هپسنگ بیوکی اولان سان نهرلریدر. دنیستر ایرماغی ایسه غاليجيانک قسم شرقیسنی اورته-سندن شق ایدوب، صاغ و صولندن بر چوق چاپلر آلیور، که بونلرک باشلیجه-لری صولدن یعنی شمالدن: زلوته-لیپا، استریپا، سرت و پودورچه؛ صاغدن دخی: استری، اسویقه، لومنیقه، و سائر-در. سرته طابع اولان %چرموس\$ نهرده بوقووینه ایله غاليجيا آره-سنده خط حدودی تشکیل ایدیور.

طوپراغی پک منبت و محصولدار اولوب، عموم اراضیسنک یوزده 46سی مزروع 24ی اورمان، 24ی مرعی و چایر و یالکز یوزده 6سی اراضی خالیه-در. اووه-لرنده و علی الخصوص شمال شرقی جهتده ذخایر حاصل اولوب، باشلیجه جنسلیری: چاودار، آرپه، یولاف مصر و سائره-در. قارپات اتکلرنده-ده اک زیاده کتن و توتون حاصل اولور. بر کتلی سنه-لرده ذخایر آرتوب، وسائط نقلیه نقصانندن اسپیرتو اخراجده استعمال اولنور؛ و بر کتسز سنه-لرده احتیاجات محلیه-یه یتیشمز. زراعتک ترقیسیچون چالیشر جمعیتلر واریسه-ده، بر طاقم مراحه-جیلر دخی اراضی-یی چفتجیلرک الندن چیقارمغه چالیسوب، موفق اولیورلر. ویستوله و دینستر نهرلری غالیچیا اورمانلرندن و انچیغ و هوجه بکه کراسته صاللری ایندیورلر. حیوانات اهلیه-سی و علی الخصوص صیغیرلری چوق اولوب، اهالیسی روسیه و رومانیه-دن دخی طانه-لر جلبله بسلدکن صکره اوروپایه اخراج ایدرلر. معادنجه برنجی درجه-ده قیاطوزی اولوب، اوستریا و مجارستان دولتنده چیقان طوزک نصفندن زیاده-سی بو خطه-ده چیقار. طاش یاغی، دمیر، چنقو، قورشون، کورکورد و قارپات اتکلرنده آلتون توزی دخی چیقار. صنایع محلیه پک کری اولوب، مع هذا کلیتله حاصل اولان کتن و کنویردن بعض منسوجاتله سختیان، مسکرات پنجاردن شکر و سائره اعمال اولنور. تجارتی باشلیجه محصولات زرعیه و حیوانات ایله سائره حاصلات محلیه-نک اخراجندن عبارتدر. هوجه بک و یاشدن بالطیق دکیزی سواحلنه قدر اخیراً تمديد اولنان دمیر یول خطنک غالیچیانک اورته-سندن کچمسی بو مملکتک اهمیت تجاریه-سنى آرتیرمشدر. هواسی اعتدالسز اولوب، یازین زیاده صیجاق و قیشین پک صوئوق اولور. یاز ایله قیش هوالری آره-سنده 60 درجه فرق اولوب، قیشین اوچ آی متمادیا صولر متجمد حالنده بولنور. یاغمورلری پک چوقدر. اهالیسی نصفیت اوزره لهلی و روتندن مرکب اولوب، لهیلر باشلیجه شمال غربی و روتنلر جنوب غربی قسمنده ساکندرلر. روتن دینلن قوم روسلرک بر جنسی اولوب، کوچک روسیه-نک اهالیسیدر. و ((قبرمزی روس)) دینمکله دخی معروفدرلر. بونلردن بشقه یاریم ملیوندن زیاده یهودی و 15000 قدر آلمان واردر. اسلاو جنسیتنه منسوب اولان لهیلر و روتنلر آز چوق بربرلرینه مشابه اولوب، هله آشاغی صنفلری اکثریت اوزره معارفدن بیخبر، تنیل و عشرته مبتلا آدملردر. کرک بونلر و کرک یهودیلر اوست و باشلرینک پسلیکله مشهور اولوب، مسکنلری ویا شایشلری دخی حفظ صحت قواعدینه بسبتون مخالف اولدیغندن، و اورتودوقس مذهبنده اولانلر اکثر ایاملرینی پرهیزله کچیردکلرندن، جمله-سی ضعیف و قانسز آدملردر. مع هذا غالیچیانک عموم اهالیسی سنه-دن سنه-یه چوغالمقده اولوب، هله یهودیلر پک زیاده تکثر ایتمکده و اکثر شهر و قصبه-لرده امور تجاریه و صرافیه-یی ید انحصارلرینه آلمقده-درلر. اهالینک جهالتندن و عشرته اولان ابتلاسندن بالاستقاده اراضیلرینی اللرندن آلمق طمعنه دوشمش مراحه-جیلر دخی چوقدر. اکثر اراضی لهلی زادکاننک چفتکلری اولوب، بونلر سائره اهالیدن فرقلی اوله-رق، آفرانغه بر غمر سوررلر، و اهالی بیننده معارف و مدنیتی نشره چالیشرلر. لهیلرک لسانلری و ادبیات ملیه-لری دهها مساعد و مکمل اولدیغندن، بو جهتدن روتنلردن بر آز دهها ایلریدرلر. لهیلر قتولیک و روتنلر اورتودوقسدرلر.

اوستریا و مجارستانک سائره خطه-لری کبی غالیچیانک دخی مختاریت اداره-سی اولوب، کندینه مخصوص (دیت) یعنی مجلس مبعوثانی و مأمورین ملکیه-نک وظائفنه نظارت ایدر بر مجلس اداره-سی واردر. مجلس مبعوثانی 150 اعضادن مرکبدر. ویانه-نک عمومی مجلس مبعوثاننه دخی غالیچیانک 38 مبعوث کوندریلیر. مرکز اداره-سی %لمبرغ\$ شهری اولوب، مملکت 74 قضایه منقسمدر. غالیچیانک 85 شهر و قصبه-سی، 234 بازاری و 6271 قریه-سی واردر. یوز بیکن زیاده اهالیسی اولان لمبرغدن صکره اک بیوک شهر و قصبه-لری قراقوییه، برودی، تارتوف، تارنوپول، قوتومیا، استانیسلاووف، سامبور، دروهویچ، پرزمیس-در. غالیچیا بربریله هیچ بر اشتراک و مناسبتی اولمیان ایکی مملکتدن مرکب اولوب، غرب شمالی قسمی لهستانک و شرق جنوبی قسمی کوچک روسیه-نک بر پارچه-سیدر. بو ایکنجی قسم دفعاتله کوچک روسیه پرنسلرندن لهستان قرالرینه و بونلر نینه کوچک روسیه پرنسلرینه کچه-رک، بر آره-لق مجارستان قرالی طرفندن دخی ضبط اولنمشدی. لهستان قراللغنک مقاسمه-سنده اوستریانک حصه-سنه دوشوب، 1848 تاریخنده اولجه مستقل و بیطرف بر جمهوریت حالنه قونمش اولان قراقوییه دوقه-لغی دخی غالیچیا الحاق اولنمشدر. امپراطور ایکنجی

ژوزف بو مملکتہ بر نظام مخصوص ویروب، لمبرغ دار الفنوننی دخی تأسیس، و مملکتک تمدن و ترقیسنه خدمت ایتمشدر.

1-3252-5

غالیچین

#1

روسیه کبراسندن اولوب، 1633 تاریخنده طوغمش و 1680ده ایمپراطور فدور آکسیوویچک باش وکیلی اولمش؛ و بو ایمپراطوری زادکانلق عنوانلرینی لغو ایتمکه تشویق ایلمش ایدی. بعده نائبه حکومت صوفیه-نک محبته مظهر اولوب، بونک زماننده بیوک بر نفوذ و اقتدار قزانش؛ و لهیلرله صلح ایدوب، قریم خانلرینک تجاوزاتنه دخی بر سد چکمش ایدی. 1689ده نائبه حکومتله برلکده وارث حکومتک قتلنه قصد ایتمکله اتهام اولنه-رق، نفی اولنش؛ و 1713ده موسقوه-نک بر مناسترنده وفات ایتمشدر. بونک نسلندن روسیه-ده بر چوق رجال کلمشدر.

2-3252-5

غالیله

و ایالیانجه غالیئو غالیلی #1 اعظام منجمیندن اولوب، هیئت جدیده-نک موجدرندندر. 1564 تاریخنده %پیزه \$ شهرنده طوغوب، زادکاندن فقیر بر عائله-یه منسوب ایدی. پدری طرفندن فن طب تحصیلنه سوق اولنش ایسه-ده، علوم ریاضیه-یه اولان میل طبیعیسنه تابع اوله-رق، فن طبی ترکله، علوم مذکوره-نک تحصیلنه قویله-رق، او درجه-ده ایلمش، که 22 یاشنده ایکن، مدبچیس خانداننک حمایه-سیله پیزه دار الفنونی علوم ریاضیه معلمکنه نصب اولنش ایدی. علوم طبیعیه-ده-کی افکاری پیزه-ده حکم سورن تعصبله توافق ایتمیوب، تعریضات و تهدیداته دوچار اولدیغندن، 1592 تاریخنده معلمکن استعفا ایله، %پادووه \$ شهرینه کیدوب، حسن قبوله مظهر و اورانک دار الفنوننده معلم اولمشدی. کشفیات فنیه-سنک اکثرینی بو شهرده ایتمشدر. یکرمی سنه اوراده معلمک ایتمکدن صکره، طوسقانه قرالی ایکنجی قوزمه-نک دعوتیله فلورانسه-یه کیدوب، مشار الیهک پک چوق التفات و انعاملرینه نائل اولدقدن صکره، قوپرنیکک مذهبنه توفیقاً شمسک ثابت اولدیغنه و کره ارضک حرکتنه دائر بر کتاب نشر ایتمکله، روما انکیزیسونی طرفندن جلب اولنه-رق، بو فکره اینانمقدن و از کچدیکنه دائر رسماً کلیساده کندیسنه یمین ایتمش؛ و مع هذا مؤیداً حبسله محکوم اولوب، 70 یاشنده اولدیغی حالده، زندانه قونمش؛ و بر روایتده یالکز محفوظیت تحتنده یاشادیلوب، فیما بعد بر شی یازمامغه اجبار ایدلمش ایدی. 74 یاشنده ایکن کوزلرینه عما طاری اولوب، درت سنه صکره 1642 تاریخنده وفات ایتمشدر. کلیساده کره ارضک دوندیکنه اینانمدیغنه یمین ایدرکن بو اشجه ((مع هذا اودونیور #2 دیدیکی مشهوردر. غالیله-نک حکمت طبیعیه-ده بر چوق کشفیاتی اولوب، علی الخصوص ثقلت قانونیله رقاصک، بر نوع میزان الحرارة-نک و کندی نامیله معروف بر دوربینک موجودیدر. بودوربین واسطه-سیله مشترینک بیکلرینی کشف ایدوب، هیئت جدیده-یه بر یکی جیغیر آچان ده بر چوق کشفیاته موفق اولمشدر. آثارینک بعضیسی لاتین و بعضیسی ایتالیان لساننده اولوب، 20 جلد اوزره نشر اولمشدر.

3-3252-5

غالیله

ياخود جليله #1 كتب عبرانيه-ده فلسطينك قسم شماليسنه يعنى طبريه جهتنه ويريلن اسمدر.

4-3252-5

غاليوس

#1

[[جاليوس]] ماده-سنه مراجعت.]

5-3252-5

غاما

و اسقوده -*- [[واسقوده غاما]] ماده-سنه مراجعت بيوريله.]

1-3253-5

غامبتا

لئون -*- #1 فرانسه-نك اك بيوك رجالندن اولوب، حميت و وطن پرورلكيله و نطق و خطبه-لرينك تأثير و قوتيله مشهوردر. 1838 تاريخنده %قاهور\$ شهرنده طوغوب، تجارتله كچينير بر عائله-يه منسوب ايدى. اكمال تحصيلدن صكره پارسده دعوى وكالتى ايدوب، بر قاچ سياسى دعوايى فوق العاده بر فصاحت و طلاقتله مدافعه ايدو-رك، بيوك بر شهرت قزانمشيدى. 1869 تاريخنده مخالفين فرقه-سى طرفندن وكالة تنظيمات مجلسى اعضالغنه نصب اولنو-رق، اوراده دخى نطقلرينك متانت و تأثير فوق العاده-سييله انظار دقتى جلب ايتمشدى. 1870 سنه-سى ايلولنك دردنده فرانسه مغلوب و اوچنجى ناپوليون اسير اولدوقده، حكومت موقته اعضالغنه انتخاب اولنو-رق، داخليه نظارتنى درعهده ايتدكدن صكره، %تور\$ده تشكيل اولنان قوه مدافعه-يى تنظيم ايچون، تشرين اولك 8نده تحت محاصره-ده بولنان پارس شهرندن بالونله چيقوب، اوراده خارق العاده بر فعاليتله اهلينك عروق حميتنى تهيج ايدو-رك، و درت آى متمادياً خواب و راحتى تركله، داخليه و حربيه و ماليه نظارتلرينى يد اقتدارينه آله-رق، بر استقراض عقدينه و كليلى كوكللى عسكرى جمع و سوقته موفق اولمش؛ و صوك درجه-يه قدر مقاومت و مدافعه فكرينى التزام ايتمشدى. بر مجلس عمومينك انتخابنه قرار ويرلدكده، امپراطورلق طرفدارلرينك بو انتخابدن مستثنى طوتلمسى فكرنده بولنمش ايسه-ده، پارسده بولنان رفقاسندن توكليل اولنان موسيو (ژول سيمون)ك بو مجلسك عمومى اولمى حقنده-كى فكرى غلبه چالمغله، غامبتا اننده بولنان نظارتلى ترك ايدو-رك، اجتماع ايدن مجلسده فرانسه-نك طقوز ايالتى طرفندن مبعوث انتخاب اولنمشدى. 1871 سنه-سى ماردينك 18نده بر طاقم شورش ظهور ايدنجه، فرانسه-يى تركله، اسپانيانك %سنت سباستيان\$ قصبه-سنه چكلمش؛ و مذكور وقعه باصلدقن صكره فرانسه-يه عودت ايلمش ايدى. 1876ده مجلس مبعوثان اعضالغنه انتخاب اولنو-رق، حكومته پك چوق اصلاحات و نظامات قبول ايتديرمكه موفق اولمش؛ و هيئت رهبانيه-نك نفوذ و امتيازاتنه قارشى پك شدتلى نطقلر ايراد ايتمشدى. ايكى سنه مجلس مذكورك رياستنده بولنمشدر. بر قاچ دفعه كنديسنه تكليف اولنان قابنتو تشكيلنى رد ايتمش ايكن، 1881 سنه-سى اوخرنده قبوله مجبور اولوب، باش وكيلى اولمش ايسه-ده، 82 سنه-سى اوائلنده مجلس مبعوثانه قبول ايتديره-مدىكى بر تكليفدن طولايى استعفا ايتمش؛ و سنه مذكوره كانون اولنك 31نجى كونى، قضاء آلمش اولديغى بر ياره-دن متأثراً، 44 ياشنده وفات ايتمشدر. جنازه-

سی حکومتک مصارفیلہ و فوق العادہ بر رسم و آلایلہ قالدیرلمشدر. نطقری اون بیوک جلد اوزره جمع و نشر اولنمشدر.

2-3253-5

غامبیہ

#1

آفریقای غربیدہ بر نہردر، کہ %فوتہ جالو\$ مملکت اسلامیہ-سندہ تقریباً $10^{\circ}23'$ عرض شمالی ایلہ $13^{\circ}38'$ طول غربیدہ اوچ درت بیک مترہ ارتفاعی اولان و تپہ-لری بعض موسملردہ قارل مستور بولنان بر طاغدن نبعانلہ، ابتدا شمال غربی-یہ و بعدہ غربہ طوغری آقہ-رق، تقریباً 1700 کیلومترہ-لک جریاندن صکرہ، بر قاچ قولہ منقسم اولدیغی حالده، بحر محیط آطاسی-یہ دوکیلور. مجراسنک قسم اعلاسی همان مجهول اولوب، قسم اسفلندہ انکلیزلر اوتہ-دن بری بر طاقم تجارتکاهلر اتخاذ ایتمکلہ، نہرک آشای مجراسنجہ ممتد طار و اوزون بر انکلیز مہجری تشکل ایدیور. ایکی جہتندہ-کی پرلر ایسہ اسماً فرانسه-یہ تابع و سنغال نہریلہ بو نہرک اسملرینک ترکیبندن متشکل بر اسم مرکبلہ %سنغامبیہ\$ تسمیہ اولنان فرانسز مہجری حدودینہ داخلدر. غامبیہ نہرینک یوقاریلردہ بو قوی واسطہ-سیلہ سنغال ایرماغیلہ اختلاط ایندیکی مظنوندر. *- انکلیزلرک بو نہرک مجراسی اوزرنده تأسیس ایتمکلری تجارتکاهلرلہ انکلیز بیراغی آلتندہ بولنان پرلرک مساحه سطحیہ-سی 55 مربع کیلومترہ-دن عبارت اولوب، 14190 اہالیسی واردر، کہ بولنرک ایچندہ-دہ یالکز 56 اوروپالی بولنیور. بو تجارتکاهلرک اک اہمیتلیسی نہرک منصبندہ بولنان %باتورست\$ قصبہ-سی اولوب، اورادہ عموم آفریقای غربی انکلیز مستملکاتی والیسنک تحت امرندہ بولنان بر انکلیز مأموری اقامت و بر مجلس منتخب معاونتیلہ ادارہ مملکت ایدر. محصولات: پرنج، بغدادی، چیوید، آمریقان فستیغی و سائرہ-دن عبارت اولوب، مذکور فستیق ایلہ بال مومی و دریدن خیلی اخراجاتی اولور. اہالی کنڈیلریچون بز و باصمہ کبی بعض منسوجات یاپارلر، و قیومجیلقدہ-دہ مہارتلری واردر. ہواسی پک آغیر و ہلہ اوروپالیلر ایچون مہلکدر.

1-3254-5

غامبیہ

آطہ-لری #1 بحر محیط کبیرک پولینسیا قسمندہ و همان مدار جدی آلتندہ فرانسه-یہ تابع بر طاقم کوچک آطہ-لر اولوب، %مانغاروہ\$ اسم اصلیسیلہ دخی معروفدرلر. $23^{\circ}1'$ ایلہ $23^{\circ}14'$ عرض جنوبی آرہ-سندہ و 137° طول غربیدہ واقع اولوب، بشی بیوجک و قصوری کوچک بر چوق آطہ-لرندن عبارت اولہ-رق، اراضی مرجانیہ-دن القلرلہ محاطدر. مساحه سطحیہ-لری 26 مربع کیلومترہ اولوب، یالکز 950 اہالیسی واردر. اکمک آغاجی و هندستان جوزی آغاجی کبی بعض اشجاری و مرعاری واردر. اہالینک مدار معیشتلری باشلیجہ مذکور ایکی جنس آغاجک میوہ-لریلہ بالیقندن عبارتدر. اوروپالیلرک دخولندن اول فارہ-لری پک چوق اولوب، اوروپالیلر بولنرک حقندن کلمک ایچون کدیبی ادخال ایتمشدر. کرک کدیلر و کرک ینہ اوروپالیلرک ادخال ایتمکلری کچلر و سائر حیوانات اہلیہ زیادہ چوغالوب، نیم وحشی حالنہ کچمشلردر. اہالی قیرمزبیہ مائل اسمر رنگلی، باصیق برونلی، دوز و باشہ یاپیشیق صاچلی چرکین آدملر اولوب، سیما، لسانجہ یکی زلانده-نک (ماوری)لریلہ و اخلاق و عاداتجہ تاہبتی و سائر او جوارلردہ-کی آطہ-لر اہالیسیلہ، مناسبت و مشابہتلی واردر. کشفلرندہ اہالیسی انسان انی یمکلہ مألوف اولوب، بعدہ بو عادت مکروہہ-دن واز کچمشلردر. بو آطہ-لر 1797

تاریخنده قیودان (ویلسون) طرفندن کشف اولنه-رق، انکلتره بحریونندن آمیرال %غامییه\$نک اسمیله تسمیه اولنمشلردر.

2-3254-5

غامد

یمن ولایتتک عسیر سنجاغنده منتهای شمال شرقیسنده بر قضا اولوب، جنوباً بنی شهر، غرباً قنفده قضالریله، شمالاً خطه حجازیه ایله، شرقاً دخی اراضی غیر مضبوطه ایله محاطدر. سرا سلسله جبالنک مائله شرقیه-سنده واقع اولوب، اراضیسی خیلی مرتفع اولمغله، هواسی معتدل و میاه جاریه-سی چوق اولوب، انهاری چوله طوغری آقار. محصولاتی عسیر قطعه-سنگ سائر طرفلرنده-کیلره مشابه اولوب، تفصیل احوالنه-ده دسترس اولنه-مدی.

3-3254-5

غاند

#1

بلجیقه-ده شرقی فلاندره ایالتتک مرکزی بر شهر اولوب، بروکسلک 49 کیلومتره شمال غربیسنده و اسقو ایرماغلیه لیس نهرینک و دیگر بر قاچ نهرک محل اجتماعنده واقعدر. بیوک و کوزل بر شهر اولوب، 153740 اهالیسی، استحکاماتی، دار الفنونی، مکتب اعدادیسی، صنایع نفیسه آقادیسی، بیوک کتبخانه-سی، موزه-سی، جمعیات علمییه-سی، بیوک و پک کوزل بر حوضی، اطرافنده واسع باغچه-لری، متعدد مصنع کلیساسیله پک کوزل و بیوک ابنیه عمومییه و خصوصیه-سی، یز، ایپلک، باصمه و سائره فابریقه-لری و ایشلک تجارتی وارددر. پک اسکی بر شهر اولوب، بر چوق وقوعات تاریخییه-یه میدان اولمش، و بر خیلی مشاهیر مسقط رأسی بولنمشدر. ایچندن آقان انهار شهری 36 آطه-یه تقسیم ایدوب، آره-لرنده 300 کوپری ایله اختلاط اولنیور.

4-3254-5

غاندو

#1

سودان غربیده بر مملت اولوب، 7° عرض شمالیدن 14° ویا 15° عرض شمالییه و 3° طول غربیدن 5° طول شرقییه قدر ممتد اولور. نیجر ایرماغی بو مملکتک ایچنده شمال غربیدن جنوب شرقیه طوغری جریان ایده-رک، بیک کیلومتره-لک مسافه قطع ایدر. غاندونک قسم جنوبیسنده %قواری\$ نهریله برلشیر. مملکتک مساحه سطحیه-سی 213640 مربع کیلومتره و اهالیسی تقریباً 5800000 نفوسدن عبارتدر. مرکزی همنامی اولان غاندو شهریدر. هواسی، عرضی مقتضاسنجه، صیجاق ایسه-ده، یاغورلری چوق اولمغله، اراضیسی اشجار و نباتاتله مستور اولوب، بو حال حرارتک تأثیرینی تهوین ایدر. محصولاتی چوق اولوب، احتیاجات محلییه-یه لازم اولان صنایع دخی خیلی ایلری و منتشردر. اهالیسی زنجی اولوب، کافه-سی دین اسلامه متدیندرلر. قوم حاکم اولوب، آفریقانک شمال شرقی جهتلرندن کلمش اولان فولا ویا (فلاح)@1 لر قویو اسمر رنکنده و عرق قافقاسی سیماسنده اولوب، بونلر یقین وقتلرده اورایه کله-رک، اهالی اصلیه اولان زنجیلره دین اسلامی قبول ایتدیرمش؛ و بیوجک دولتلر تشکیل ایتمشلردر. بو دولتلرک اک بیوکلرندن بری %سوقوتو\$ دولتی ایدی، که بونک حاکملرندن عثمان

ذا القديه وفاتندن اول ممالكنى ورثه-سى بيننده تقسيم ايتديكى صره-ده غاندويده برادري عبد اللهه براقمشدى. او وقت غاندو شمديكينك بر قاچ مثلى نسبتده بيوك اولوب، غرب جهتده-كى غورمه و جنوب جهتده-كى يوروما و نويه دخى داخل، و جنوبا حدودى %داهومى\$ و %تتين\$ كى كينه كورفرى سواحلنده بولنان ممالكه متصل ايدى. اورالرى سير و تعريف ايدن سياح (بارت)ك زمانده حكومت سورمكده اولان مذكور عبد اللهك تورونى خليل علم و تقوى ايله مشغول اولوب، اصول سياسته پك واقف اولمديغيندن، مذكور مملكتلك رئيسلرى روابط تابعيتنى پك كوشتمش اولدقلرى كى؛ كنديسى دخى سوقوتو حاكمه جزيه-كذار اولمش؛ و بو وجهله تدريجاً اسكى حالنه دونمك يولنى طوتمش ايدى. *- غاندو شهرى آنفاً بيان اولنان مملكتك مركزى اولوب، %كبي\$ خطه-سنده و نيجر ايرماغنه تابع %غولبين سوقوتو\$ نهرينه دوكيلن بر چايك اوزرنده واقع بر شهردر. اطرافى چايرلر و اشجارله مستور تپه-لرله محاط اولوب، كوزل بر منظره-سى واردر. موس آغاجلرى پك چوقدر. اطرافنده-كى باغچه-لرده كلينتى و غاينله كوزل صوغان حاصل اولور. ايچنده پك مقبول بر جنس بز ايله زنه اسميله معروف قاديئره مخصوص پك اينجه بر نوع زار اعمال اولنور.

1-3255-5

غاندى

#1

سودان وسطينك سوقوتو مملكتنده و سوقوتو شهرينك 52 كيلومتره غرب جنوبيسنده و نيجر ايرماغنه تابع %غولبين باقوره\$ نهرى اوزرنده سورله و ايكى خندقله محاط بر قصبه-در. بو قصبه يكي اولوب، قرينده اسكيسنك خرابه-لرى كورينور. اطرافى اشجار و مزروعاتله و پاموق تارله-لريله محاطدر.

2-3255-5

غانديا

#1

اسپانيانك والنسيه %بلنسيه\$ اياتنده و والنسيه-نك 60 كيلومتره جنوب شرقيسنده اوله-رق ساحلندن 3 كيلومتره-لك مسافه-ده و %سريپس\$ نهرى اوزرنده قضا مركزى بر قصبه اولوب، 6500 اهاليسى، سورى، 5 قپوسى، بر قاچ مصنع كليساسى، اطرافنده منبت بر اووه-سى و ايشلك تجارتي واردر. پرنج اكليدى ايچون هواسى آغيرجه-در. عربلر زمانده كلينتى شكر قامشى حاصل اولوردى.

3-3255-5

غانث

#1

هندستانده-كى كلك ايرماغنه اوروپاليلرك ويردكلرى اسميدر. [((كلك)) ماده-سنه مراجعت بيوريله.]

4-3255-5

غنسه

#1

هند برهمنلرینك آلهة كاذبه-سندن اولوب، نكاوت، حكمت و اغور مربیسی و علوم ریاضیه-نك موجد و حامیسی زعم اولنور. فیل قفالی، بیوك قارنلی، قیصه بجاقلی و بر فاره-یه بینمش صورتنده تصویر، و بر ایشه تشبیلرنده، سنه باشنده، صلح تقررنده و سائر خصوصاتده کندیسندن استمداد ایدرلر.

5-3255-5

غانوس

یاخود غنوز #1 ادرنه ولایتك کلیبولی سنجاغنه تابع مرفته قضااسنده و مرمره دکیزی ساحلنده اوله-رق کلیبولینك 65 کیلومتره شرقی شمالیسنده ناحیه مرکزی بر كوچك قصبه اولوب، ناحیه-سی قصبه ایله 3 قریه-دن عبارتدر. پك اسکی بر قصبه-نك اسكله قسمی اولوب، اصل قصبه غرب جهتنده واقع بر قیانك اوزرنده ایدی. خرابه-لری الیوم موجوددر.

6-3255-5

غانمید

#1

اساطیر یونانیه-ده (تروآ) حکمدارلرندن (تروس)ك اوغلی اولوب، حسن و جمالده بیهمتا اولمغله، کویا ژوپیتره منسوب قره قوش طرفندن قالدیریلوب، سمایه نقل اولنمش؛ و (هبه)نك یرینه آلهه-نك ساقیسی اولمش ایدی. کویا بعده بر برج سمایه تحویل اولنه-رق، دلو برجنه اسمی ویرلمشدر.

7-3255-5

غانیه

#1

فرانسه مشاهیر مستشرقینندن اولوب، 1670 تاریخنده پارسده طوغمش، و 1740ده وفات ایتمشدر. السنه شرقیه-یی تحصیلدن صکره راهب اولوب، بر مناستره داخل اولمش ایسه-ده، بعده مناستری ترکله، انکلتره-یه کچوب، پروتستان اولمش، و تاهل ایتمش ایدی. اوقسفورد دار الفنوننده السنه شرقیه معلمی اولوب، سیر نبی (صلی الله عایه و سلم)ی و ابو الفدانك جغرافیاسنی عربیدن و یوسف بن غوریونك تاریخنی عبرانیجه-دن لاتینجه-یه ترجمه ایتمشدر.

1-3256-5

غایاق

#1

فرانسه-نك %تارن\$ ایالتنده و %آلبی\$نك 23 کیلومتره غربنده قضا مرکزی بر قصبه اولوب، 8124 اهالیسی، داخلی مکتبی و بعض فابریقه-لری واردر.

2-3256-5

غائته

#1

ایتالیانك ملغا ناپولی قرالغنده %تره دی لابوره\$ ایالتنده و ناپولینك 70 کیلومتره غرب شمالیسنده اوله-رق، ساحل بحرده بر قصبه اولوب، 15000 اهالیسی، استحکاماتی، واسع و صاغلام لیمانی، مصنع بر کلیسانی، بر قاچ قله-سی، و بر چوق آثار عتیقه-سی وارد. پك قدیم بر قصبه اولوب، بر چوق وقایع تاریخیه-نك محل جریانی بولنمش؛ و قرون وسطاده پایایه تابع آیریجه دوقه-لر طرفندن اداره اولنمشدر.

3-3256-5

غایسین

#1

روسیه-نك پودولیه ایالتنده و قامنیچه-نك 218 کیلومتره شرقنده قضا مرکزی بر قصبه اولوب، 10000 اهالیسی وارد.

4-3256-5

غاینسبوروغ

#1

انكلتره-نك %لینفولن\$ ایالتنده و مرکز ایالتك 25 کیلومتره شمال غربیسنده وله-رق %ترنت\$ نهری اوزرنده بر قصبه اولوب، 8000 اهالیسی وارد.

5-3256-5

غایة المنی

اندلسك اك مشهور ادبیه-لرندن اولوب، معتصم بن صمادحك جاریه-سی ایدی.

6-3256-5

غبار، میرزا ابو تراب بن التفات خان اصفهانی

هندستان شعراسندن اولوب، عالمکیر شاه زماننده کجرات وقایع نویسکنه مأمور اولمشیدی. جعفر اسمنده بر شاعرک هجوینه جوابا سویلیدیکی شو رباعی جمله اشعارندندر:

@@@

کویند که هجو کرد مارا جعفر

شیرین و لطیف همچو شهر و شکر

صد شکر که آنچه عیب مابود غبار

امروز برای دیکری کشته هنز

\$

7-3256-5

غباری

قدماى شعراء عثمانیه-دن ایکی ذاتک مخلصیدر:

برنجیسی (عبد الرحمن) قره-مانده-کی آقسری قصبه-سندن اولوب، ابتدا طریق علمه سلوک ایتمشیکن، بعده طریقت نقشبندیه-یه انتسابله، درویشلکه دوشوب، ترک دنیا حقنده بر چوق اشعار سویلمش؛ و 944 تاریخنده جانب حجازه عزیزمتله، بر خیلی وقت مجاور اولدقن صکره، عودتنده سلطان بایزید خانک شهزاده-لرندن برینه معلم تعیین اولنش؛ و وقعۀ بایزید خانیده یکی حصار قلعه-سنده حبس اولنش ایسه-ده، مؤخرأ عفو بیوریله-رق، مکۀ مکرمه-ده اقامت ایتمک اوزره، وظیفه-یه نائل اولمش؛ و قافله قاضیلغنه دخی نصب بیورلمش ایدی. بو مأموریتی استحصال ایچون تقدیم ایتدیکی عرضحالك باشنه: بیلدم آنی کیم ایمش محمله قاضی اولسون مصراعی تحریر بیورلمغله، صاحب ترجمه دخی بالبداهه شو مصراعی سویلیوب، تقدیم ایتمشدی: شویله خدمت ایده-یم قافله راضی اولسون اشعاری سلیس و استادانه-در.

-* - ایکنجیسی (عبد الرحمن) مشاهیر خطاطیندن اولوب، 974 تاریخنده وفات ایتمشدر. شو قطعه جمله اشعارنددر:

@@@

ای غباری بو جهان ایچره بنم
کیمسه اشعارمه توز قوندره-مز
مکر اول کاتب مستعجل کیم
خط و شعرم قوریینجه طوره-مز
\$

8-3256-5

غباری، سید قاسم -* -

مشاهیر خطاطیندن اولوب، دیاربکر لیدر. بر پرنج دانه-سی اوزرینه غبارین خطله اخلاص شریف یازار ایدی. سلطان احمد جامع شریفنک جلی خطلری بو ذاتکدر.

9-3256-5

غباری، قاسم

ایران شعرا سندن اولوب، ابتدا بفالقله مشغول ایدی. شو رباعی اونکدر:

@@@

هر کس که بعشوق آشنا میکرده
با محنت و درد مبتلا میکرده
در دائره عشق هر آنکوره یافت
پرکار صفت کرد بلا میکرده
\$

*- غباری اردستانی اسمیله دیگر بر شاعر دخی واردر.

10-3256-5

غدامس

#1

طرابلس غرب ولایتک جبل غربی سناغنده و ولایتک منتهای غربنده اوله-رق طرابلسک 495 کیلومتره غرب جنوبیسنده و "48' 30° 7' عرض شمالی ایله 53' 6° طول شرقیده واقع قضا مرکزی بر قصبه اولوب، 7000 اهالیسی و سودانله و طرابلس غربله پک ایشلک تجارتي واردر. هر طرفدن چول ایله محاط اکی و بویی بر بچق کیلومتره راده-لرنده منبت بر واحک اوزرنده واقع اولوب، اطرافنده خرمالقلری و میوه و سبزه باغچه-لری واردر. سوقاقلری کمرله مستور اولوب، آیدینلق آلهجق باجه-لری دخی سیرک اولمغله، قراکقجه و سریندر. بوسوقاقلرک اوستنده آچیق اوله-رق فوقانی بر ایکنجی طاقم سوقاقلر بولنمغله، باشلیجه قادینلره مخصوص اولان بو ایکنجی سوقاقلردن تراچه-لردن اولره کیریلیر. قصبه-نک اورتیه-سنده 30 درجه حرارتده بول بر صونبعان ایدوب، ازمنه قدیمه-دن قالمه بیوک بر حوضه طولار؛ و صویوللری واسطه-سیله قصبه-یه طاغلقدن صکره، فضله-سی باغچه-لرک سقی و ارواسنده قوللانیلیر. چولک اورتیه-سنده غدامسک من القدیم معموریتتی ادامه ایدن بو صودر. قیولری دخی واردر. جوارلرنده بر مقدار آرپه، بغدای و داری حاصل اولور. قصبه-نک بولندیغی واحی 6 کیلومتره-لک محیط دائره-سی اولان بر سور احاطه ایدوب، بو سور قصبه-یی محافظه ایده-بیله-جک حالده دکل ایسه-ده، بولندیغی حال خرابیتده دخی باغچه-لری روزکارک سوروکلدیکی چولک متحرک قوملردن محافظه-یه یاریور. اهالیسی بربر و عربدن مرکب اولوب، آزاد اولمش کوله و خلیقلردن منشلک سیاه و ملزلرده چوقدر. غدامسلیلرک همان جمله-سی سودان تجارتیله مشغول اولوب، چادکولی اطرافنه و تمبکتویه کاروانلرله کیدوب کلککلردن، هپسی عربی و بربر و سودان لسانلرینه آشنادرلر، و قصبه-ده بو لسانلرک جمله-سی تکلم اولنور. کندیلری مالکی المذهب اولوب، خوارج عبادیه-دن قالمه بعض اعتقادلری دخی واردر. غدامس طرابلس غرب حدودندن جزایرک جنوبنه طوغری چولده منتشر اولان توارقلرک-ده مرکز و مرجعی اولمغله، پک ایشلک بازاری واردر. و اهالیسنک اکثری اریاب ثروتدن و تجارتده پک ماهر اولوب، طرابلس غرب اسکله-سیله سودان و تمبکتو آرالرنده منتظم صورتده کاروانلر ایشلدیلر؛ و تونس؛ جزایر، مصر و سائر بلادده دخی کیدوب، اجرای تجارت ایدرلر. الحاصل غدامس ایله غات سودان تجارتک باشلیجه مرکز لری اولوب، آفریقای شمالینک اک مهم نقطه-لرننددر. غدامس پک اسکی اولوب، نه وقت و کیملر طرفندن بنا اولندیغی معلوم دکلدنر. آفریقای شمالیدن بحث ایدن تاریخلرک اک اسکیلرنده غدامس نامی موجوددر. رومالیلر بو قصبه-یی ضبط ایدوب، تاریخلرنده (کیداموس) اسمیله یاد ایدرلر. بونلر قصبه-یی خیلی اعمار و تزیین دخی ایتمشلردی. حتی مذکور حوض دخی رومالیلرک جمله آثارننددر. ابو الفدا و ابن خلدون و سائر مورخین و جغرافیون اسلام دخی غدامسک اهمیت تجاریه-سندن بحث، و سودان غربی و صحرای کبیر حجاجنک اک مهم منازلندن اولدیغنی ذکر ایدیورلر.

1-3257-5

غرابوو

#1

پروسیه-نک پومرانیه ایالتنده %استتین\$ سناغنده و استتینک 2 کیلومتره شمال شرقیسنده و %اودر\$ک صول کنارنده بر قصبه اولوب، 1240 اهالیسی و بحریه و انشاآت بحریه مکتبی واردر.

*- مكلنبورغ اشوارين بيوك دوقه-لغنده اسوارينغ ايلتنده و 40 كيلومتره جنوبنده اوله-
رق، %الده\$ نهري اوزرنده دخي بو اسمله بر قصبه اولوب، 4205 اهالي سي واردر.

2-3257-5

غراتيانوس

#1

روما غرب ايمپراطور لرندن اولوب، 359 تاريخ ميلاديسنده %سيرميوم\$ قصبه-سندھ طوغمش؛ و
367ده پدري برنجي و النتيانوس طرفندن برادري ايكنجي و النتيانوسله برابر حكومته تشريك اولنه-
رق، 365 مستقلاً ايمپراطور اولمشدر. آلمانرله غوتلرك هجوملرينه مقاومت ايتمش؛ و 379ده
قسطنطينيه ايمپراطورلغي منحل قالمغله، سردار لرندن تئودوسيوسي اورايه نصب و اقعاد ايلمشدی.
كنديسي خريستيان اولوب، روماليرك دين قديمه خصومتی اولمغله، تبعه-سنگ خصومتته مظهر اولوب،
383 تاريخنده ماقسيم برتانيه-ده اعلان حكومت ايدنجه، اخذ و توفيق اولنه-رق، ليون قربنده قتل
اولنمشدر.

1-3258-5

غراچ

#1

اوستريا و مجارستان دولتنه تابع %استيريه\$ خطه-سنگ مركزي بر شهر اولوب، ويانه-نگ 180
كيلومتره جنوب غربيسنده و %مور\$ نهري اوزرنده واقع و 118540 اهالي بي جامعدر. كوزل بر شهر
اولوب، قلعه-سي، دار الفنونی، 100000 جلدی حاوی كتبخانه-سي، تاريخ طبيعي موزه-سي،
رصدخانه-سي و سائر مؤسسات علميه و خيريه-سيه بر چوق معابدی و سائر ابنيه مصنعه-سي، ايبيك
و پاموق منسوجات ايله طبق، چوخه و سائر فابريقه-لری و پك ايشلك تجارتي واردر.

2-3258-5

غراديسقه

#1

بوسنه-ده صاوه نهرينك ساحل يميننده و اسكي غراديسقه-نگ قارشيسنده بر قصبه اولوب، 1700
اهالي سي واردر.
*- اسكي غراديسقه اوستريا و مجارستانك اسقلاوونيه ايلتنده و پوزغه-نگ 40 كيلومتره غربنده اوله-
رق، صاوه-نگ ساحل يسارنده واقع اولوب، 5000 اهالي سي واردر.

3-3258-5

غرازالما

#1

اسپانیاده آندالوسیا خطه-سنگ قادیس ایالتنده و قادیسك 9 کیلومتره شرق شمالیسندہ قضا مرکزی بر قصبہ اولوب، 8050 اھالیسی و چوخہ فابریقہ-لری واردر.

4-3258-5

غراسہ

#1

فرانسہ-نک ((بحری آلپ)) ایالتندہ و ساحل بحدن 15 کیلومتره-لک مسافہ-دہ قضا مرکزی بر قصبہ اولوب، 13087 اھالیسی، داخلی مکتبی، طار سوقاقلری، کوزل تفرجکاھلری و زیتون یاغی، صابون، عطریات و سائرہ اخراجاتی واردر.

5-3258-5

غراسیوزہ

#1

بحر محیط آطلاسییدہ واقع و پورتکیز دولتنہ تابع اولان %آسور\$ جزایرنن بری اولوب، %ترسایرہ\$ جزیرہ-سنگ 45 کیلومتره شمال شرقیسندہ بولنیور. جزایر مذکورہ-نک اک کوچکی اولوب، شمال غربیدن جنوب شرقیہ بوی 13 و اک کنیش یرندہ اکی 8 کیلومتره-در. جزایر مذکورہ-نک اک منبتی و اک لطیفی اولوب، اسمی دخی لطافتنہ دلالت ایدیور. اورمانلری آذر. اھالیسی 12000 کشی اولوب، 3 کوچک قصبہ ایله ایکی قریہ-دہ ساکندرلر. بو اوچ قصبہ-نک باشلیجہ-سی اولان %سانتہ قروز\$ 13' 5' 39° عرض شمالی ایله 4' 21' 30° طول غربیدہ واقعدر. اھالیسی چالیشقان اولوب، بز و شیاق کبی بعض شیلر دخی اعمال ایدرلر.

6-3258-5

غراکوس

#1

اسکی روما مشاہیر رؤساسندن اولوب، تیبریوسک کوچک بر ادریدر. قبل المیلاد 126 تاریخندہ رومادن تبعید مقصدیلہ سناتو طرفندن ساردنیہ اداره-سنہ مأمور اولوب، 123 تاریخندہ رومیہ عودتندہ اھالی طرفندن (تریبون) تعبیر ایتدکلری ریاستہ انتخاب، و ایرتسی سنہ دخی ابقا اولنہ-رق، بو ایکی سنہ-لک ریاستی زمانندہ زراعہ بر طاقم نظامات وضع و رومیہ تزیین ایتمش؛ و فقرای اھالی-یی کچیندیرمک ایچون بر طاقم مھجرلر ترتیب ایدوب، بر قافلہ-یی دخی بالذات قرناجہ سوق ایلمش ایدی. بعدہ سناتو اعضاسنک حیل و دسایسیلہ ریاستدن تبعید اولندقدہ بونلرہ قارشی بر طرف پیدا ایدوب، قونسلوس بولنان اوپیمیوس ایله محاربه-یہ طوتیشمش؛ و کندیسنک طرفی سلاحسز بولنمغلہ، مغلوب اولوب، دیانہ معبدینہ و بعدہ بر اورمانہ قاچمش؛ و اورادہ اوپیمیوسک امریلہ قتل اولنمش؛ و بر روایتدہ کندیسکی کندینی بر کولہ-یہ قتل ایتدیرمشدر. وفاتی قبل المیلاد 121 تاریخندہ واقع اولمشدر.

7-3258-5

غرامپیان

#1

اسفوجیاده بر سلسله جبالدر، که مملکت مذکورہ-یی جنوب غربیدن شمال شرقیہ شق ایدوب، بحر محیط
اطلاسی ساحلندہ %قانتیر\$ شبہ جزیرہ-سندہ باشلاہ-رق، بحر شمالی ساحلندہ (کیزد) بروننہ منتهی
اولور. بویی 400 کیلومترہ اولوب، اک یوکسک زروہ-سی 1364 مترہ ارتفاعندہ-در. بو سلسلہ
اسفوجیایی ایکیہ تقسیم ایدوب، شمالدہ کینہ %ہیغلاند\$ یعنی یوکسک یر، و جنوبدہ-کی قسمنہ-
دہ %لوولاند\$ یعنی آلچق یر نامی ویریلیر.

8-3258-5

گرامون

#1

بلجیقہ-نک شرقی علاندہ ایالتندہ و %دندر\$ نہری اوزرندہ اولہ-رق %اولہ-نارد\$ 31 کیلومترہ
جنوب شرقیسنده واقع مستحکم بر قصبہ اولوب، 10000 اہالیسی و بز، دانتلہ، خالی، توتون و سائرہ
فابریقہ-لری وارد.

1-3259-5

گراموس

#1

آرناؤلقدہ بر طاغدر، کہ مناستر ولایتک کوریجہ سنجاغندہ قولونیہ ایلہ کسریہ قضالری آرہ-سندہ
شمالدن جنوبہ ممتد اولوب، شمالاً %موراوہ\$ اسمیلہ کوریجہ قصبہ-سنگ اوستتہ قدر اوزانیر؛ و جنوباً
یانیہ ولایتتہ داخل اولوب، قوینچہ قصبہ-سنگ اوستندہ %پاپینغو\$ طاغیلہ و دہا
یوقاریدہ %پندوس\$ سلسلہ-سیلہ برلشور. اک یوکسک ذروہ-سی 2574 مترہ ارتفاعندہ-در.

2-3259-5

گرامی، محمد

اونجی قرن ہجری عثمانلی شعرا سندن اولوب، قرہ-فریہ-لیدر. قاضیلقدہ کزر، و رمل ایلہ کشف خفایا
ادعاسندہ بولنوردی. اشعار ی سادہ-در. شو بیت اونکدر:

@@@

قاپویی دیوار ایدوب ارباب عشقہ نازدن

کندونی بر گوشہ ایلر کوسترر آچمازدن

\$

3-3259-5

گران

#1

مجارستانده بر نهردر، كه %كومور\$ ايلتنده نبعانله 260 كيلومتره-لك جريانندن صكره، همنامى اولان قصبه-نك قارشيسنده طونه-يه دوكيلور.

4-3259-5

گران

#1

مجارستانده بوده-نك 45 كيلومتره شمال غربيينده همنامى اولان نهرك طونه-يه منصب اولديغى محلده واقع همنامى اولان ايلتك مركزى بر قصبه اولوب، 13000 اهاليلى، مصنع بر كليساسى، راهبلى طرفندن اداره اولنور مكتبى، چوخه و سائره فابريقه-لرى و مياھ معدنيه-سى واردر. 1540 تاريخ ميلاديسنده يعنى 950 تاريخ هجرينده و قانونى سلطان سليمان خان زماننده عثمانليلر طرفندن ضبط اولنه-رق، 1683 تاريخنه-دك 143 سنه اداره عثمانيه-ده بولنمشدر. 1818ده قصبه-نك بر قسمى بانغيندن خراب اولمشدى. %اوسترغون\$ اسميله دخى معروف اولوب، توارىخ عثمانيه-ده بو اسمله ياد اولنور. *- ايلتى پشته ايلتنك شمال غربيينده واقع اولوب، بويى 49 و اكى 36 كيلومتره و اهاليلى تقريبا 10000 كشيدير.

5-3259-5

گرانده

#1

امريقاي وسطينك نيقراراغوا حكومتنده همنامى اولان جوارنده ونيقراراغوا كولنك ساحل غربيينده بر قصبه اولوب، 10000 اهاليلى و چويد، قيرمز، باقر، شكر و سائره اخراجاتى واردر. 1523 تاريخنده تاسيس اولنمشدر.

6-3259-5

گران

#1

اوستراليايى جنوب شرقى جهتنده و %ياس\$ بوغازى ساحلنده بر ير اولوب، '15°138 دن '2°144 طول شرقيه قدر ممتد اولور.

7-3259-5

گرانتهام

#1

انكلتره-نك لنقولن قونتلغنده و لنقولنك 35 كيلومتره جنوبنده اوله-رق، %ترنت\$ نهرينه منتهى اولان بر جدولك اوزرنده بر قصبه اولوب، 9000 اهاليلى و مشهور (نيوتون)ك منتشئى بولنمش اولان بر مكتبى واردر. اوى و قوشى مسابقه-لرى مشهوردر.

8-3259-5

غراند یاسن

#1

یعنی ((بیوک حوضه)) آمریقای شمالیده ممالک مجتمعه-نک قسم غربیسنده واسع بر یر اولوب، (اوتاو)نک حکومتنی قسم غربیسیله %نواده\$ جمهوریتنی شاملدر. مساحه سطحیه-سی 800000 مربع کیلومتره-دن زیاده حذای بجردن ارتفاعی حد وسطی اوزره 15000 متره اولوب، شرقاً %واهاساچ\$ و غرباً %سیر انواده\$ جبالیه مسدود اولمغله، هیچ بر طرفه جریانی یوقدر، و میاه جاریه-سی بعض کوللره دوکیلور، ویا چولده قوروره آسیانک چوللرینه مشابه اولوب، اراضیسی شوره-زار و کوللری طوزلیدر. شمال شرقی گوشه-سنده ((بیوک طوزلی کول)) اسمیله واسع بر کولی وارددر. بحر محیط اطلاسی ساحلنده بحر محیط معتدل ساحلنده-دک ممتد اولان بیوک دمیر یول خطی بو یرک قسم شمالیسنی شق ایده-رک، بونده 900 کیلومتره-لک مسافه قطع ایدر.

9-3259-5

غراند راپید

#1

آمریقای شمالیده ممالک مجتمعه-نک حکومتات شمالیه-سنده %میشیگان\$ حکومتنده و میشیگان شبه جزیره-سنده %غراند ریور\$ اوزرنده و بو نهرک میشیگان کولنده اولان منصبندن 40 کیلومتره یوقاریده بر قصبه اولوب، 16510 اهالیسی وارددر. اسکله-دن بو قصبه-یه قدر ممتد اولان دمیر یول خطی اورادن یدی شعبه-یه منقسم اولمغله، بیوک بر تجارتک مرکزیدر. مذکور شلاله-نک صویبی بر چوق ماکینه-لر چویروب، کراسته و مرمر فابریقه-لریله دمیرخانه-لری چوقدر.

1-3260-5

غراند ریور

#1

یعنی ((بیوک نهر)). بو اسمله آمریقای شمالیده درت نهر وارددر: برنجیسی انکتره-یه تابع دومینیون قطعه-سنگ قناده خطه-سنده واقع اونتاریو ایالتنده %هورون\$ ایله %اونتاریو\$ کوللری آره-سنده نبعانله، جنوبه و بعده شرق جنوبیه طوغری جریان ایده-رک، بر قاچ قصبه-نک ایچندن بعد المرور، %اریه\$ کولنه دوکیلور. مجراسی 200 کیلومتره-دن زیاده اولوب، نصف اسفلی سیر سفاننه صالحدر. منصبنده کوزل بر لیمان تشکیل ایدیور. منصبندن بر آز یوقاری بو نهردن صنعی بر جدول آیریله-رق، 34 کیلومتره طولنده اولدیغی حالده، اونتاریو کولنه منتهی اولیور؛ و ایکی کول آره-سنده بر سیر سفانن طریقگی تشکیل ایدیور. *- ایکنجیسی ممالک مجتمعه-نک حکومتات مرکزیه-سندن %یووه\$ حکومتنده ایکی منبعدن نبعانله بعد الاجتماع جنوب شرقی-یه طوغری آقار، و %میسوری\$ جمهوریتته کیروب، 275 کیلومتره-لک جریاندن صکره %بروتسویق\$ قصبه-سنده %میسوری\$ نهر عظیمنه دوکیلور. تابعلری متعدد و صویبی چوقدر.

*- اوچنجیسی ممالک مجتمعه-نک قسم شمالیسنده میشیگان حکومتنده و کوللرک آره-سنده شکل ایدن میشیگان شبه جزیره واسعه-سنده %اریه\$ کولی قربنده نبعانله، غربه طوغری جریان ایده-رک، منبت و

اورمانلق يرلر آره-سنده 250 كيلومتره-لك مسافه قطع ايتدكن صكره، ميشيغان كولنه دوكيلور. منصبنده واسع بر ليما تيشكيل ايديوب، اوراده %غراندهاون\$ اسميله ايشلك بر اسكله واردر، و ايبورلر اورادن %غراندهاويده\$ قصبه-سنة قدر چيقار، اوراده-كي شلاله سفاننك دها يوقاربيه چيقمسنة مانع ايسه-ده، نهر دن و متعدد اولان تابعلرندن اورايه كليتلي كراسته اينديريلير.

*- درنجيسي ممالك مجتمعه-نك جماهير غريبه-سندن %قولورادو\$ جمهوريتنده ((قبالي طاغلر)) سلسله جبالندن نبعانله، غربه و بعده غرب جنوبيه طوغرى آقه-رق، و صاغ و صولدن خيلي بيوك بر قاچ نهر ك صولريني اخذ ايله، 400 كيلومتره-دن زياده مسافه قطع ايتدكن صكره، %قولورادو\$ ايرماغنه دوكيلور. مجراسنك بر قسمي آمريقاده امثالي چوق اولان و (قانون) اسميله ياد اولنان ايكي طرفي ديوار كبي ديك و درين بر صنديق صورتنده-در.

2-3260-5

غراندهاويديوب

#1

يعنى ((بيوك نهر)). قناده-ايليرك %اوتاهه\$ نهرينه ويردكلى اسمدر.]((اوتاهه)) ماده-سنة مراجعت بيوريله.

3-3260-5

غراندهاويديوب

#1

فرانسه-نك %غاردهه\$ ايلتنده و %آله-نك 16 كيلومتره شمال شرقيسنده ناحيه مركزى بر قصبه اولوب، 11000 اهالييسى و بيوك كمور معدنى واردر.

4-3260-5

غراندهاويديوب

#1

يعنى ((بيوك كول)). بو اسمله آمريقاي شماليينك %دومينيون\$ قطعه-سنة بر قاچ كول وار ايسه-ده، چوغنك يالكز اسمي بيوك اولوب، اك مهملى %يكي برونسويق\$ خطه-سنة واقع اولاندير، كه سير سفاننه صالح بر آياغى اولوب، ايچنه ينه سير سفاننه صالح بر قاچ نهر دوكيلور؛ و كنارنده اهميتلى كمور معدنلى و ايچنده كليتلى باليق بولنيور.

5-3260-5

غراندهاويديوب

]](ريو غراندهاويديوب)) ماده-لرينه مراجعت بيوريله.

6-3260-5

گران ساسو

#1

ایتالیانک ملغا ناپولی قرالغنده و %آقویلا\$ك 17 كيلومتره شمال شرقیسنده آپنین سلسله جبالنك اك یوكسك ذروه-سی اولان بر طاغ اولوب، 2980 متره ارتفاعی واردر.

7-3260-5

گرانویل

#1

فرانسه-نك %مانشه\$ ایالتنده و %آوراناش\$ك 26 كيلومتره شمال غربیسنده ناحیه مرکزی بر قصبه و اسكله اولوب، 12527 اهالیسی، صاغلام و آنجق مدخلی مخاطره-لی لیمانی، كوزل ریحتمی، استحکاماتی، بحریه مکتبی، ترسانه-سی، طوز دپولری، استریدییه صیدی و ایشلك تجارتی واردر.

8-3260-5

گرانیق

#1

بیغا سناغنده واقع اولوب، مرمره دکیزینه دوکیلن چاكن اسم قدیمیدر. مجراسنك قربنده %کیزیق\$ شهر قدیمی بولنمغله، اهمیتی اولوب، بیوك اسکندر ایران عسکريله برنجی محاربه-سنى بو نهرک کنارنده ایده-رك، غلبه-یی قزاندیغی کبی، روما سردارلرندن (لوسولوس) دخی اوراده مهردادى مغلوب ایتمشدی.

1-3261-5

غراوسند

#1

انكلتره-نك %كنت\$ ایالتنده و لوندره-نك 35 كيلومتره جنوب شرقیسنده بر قصبه و اسكله اولوب، 21500 اهالیسی، ایشلك لیمانی، ترسانه-سی، دکیز حماملری و بیوك تجارتی واردر.

2-3261-5

غراولینه

#1

فرانسه-نك %نورد\$ ایالتنده و %دونكرق\$ك 18 كيلومتره غرب جنوبیسنده ناحیه مرکزی بر قصبه و اسكله اولوب، 7500 اهالیسی، قومله طولمش لیمانی، ترسانه-سی، عسکری خسته-خانه-سی و صید ماهییه مخصوص سفانتی واردر.

3-3261-5

غراوینه

#1

ایتالیانك ملغا ناپولی قرالغنده %باری\$ ایالتنده و %باری\$ 55 کیلومتره جنوب شرقیسنده بر قصبه اولوب، 10000 اهالیسی وارد. وقتيله دوقه-لق صورتنده اداره اولنوردی.

4-3261-5

غراهامستون

#1

امید برونده %باتورست\$ 35 کیلومتره شمال غربیسنده شرق قضالری رئیسك مرکزی بر قصبه اولوب، 10000 اهالیسی وارد.

5-3261-5

غرای

#1

فرانسه-نك ((یوقاری ساؤنه)) ایالتنده و %وزول\$ 56 کیلومتره شمال غربیسنده قضا مرکزی بر قصبه و اسكله اولوب، 7400 اهالیسی، ایشلك لیمانی، دمیر یولی، كوزل بر کوپریسی، اسكى قلعه-سی، قشله-لری، بیوك بر دكرمنی، سفائن اعمالنه مخصوص دستكاهلری و داخلی مكتبى وارد.

6-3261-5

غرایچ

#1

آلمانیاده %رایس غرایچ\$ پرنسلكنك مرکزی بر قصبه اولوب، لایپسیغك 90 کیلومتره جنوب غربیسنده و %السترپلانق\$ نهری اوزرنده واقعدر. 7000 اهالیسی، پرنسه مخصوص سراپی، كوزل بر اورمانی و منسوجات فابریقه-لری وارد.

7-3261-5

غرایفسوالد

#1

پروسیه-نك پومرانیه خطه-سنده و %ریق\$ نهری اوزرنده اوله-رق بالطیق دكیزی ساحلندن 16 کیلومتره ایچریده و %استرالزونند\$ 28 کیلومتره جنوب شرقیسنده سنجاك مرکزی بر قصبه اولوب، 18000 اهالیسی، مشهور دار الفنونی، بیوك كتبخانه-سی، نباتات باغچه-سی، سفائن اعمالنه مخصوص دستكاهلری، بك ایشلك تجارتی و اسپیرتو و حبوبات یاغی كبی محصولات صنایعه-سی وارد.

8-3261-5

غرب

أفريقيا قطعه-سى سواحل شماليه-سنگ غرب جهتند-كى بربر ممالكنه ويريلن اسم اولوب، مغرب اسميله مترادفدر. [(مغرب)) ماده-سنه مراجعت بيوريله.]

9-3261-5

غرب، الغرب

مغرب اقصانك يعنى فاس و مراکش دولتتك منقسم بولنديغى ايالاتك برى اولوب، سبتة بوغازندن بدأ ايله، بحر محيط اطلاسى سواحلى بوينجه %سبو\$ واديسنه دك ممتد اولور. اراضيسى مرتفعجه اولوب، درن جبالندن اينن بر چوق چايلرله اروا اولنور. ايكي دائره-يه منقسم اولوب، قسم شماليسنك اهاليسى اكثريت اوزره بربر و ايچلرندن چوغى مائى كوزلى و صارى صاچليدر؛ قسم جنوبيسنك كيلر ايسه عرب اولوب، اسمر سيمالى و اكثريت اوزره خيمه-نشيندر. طوپراغى منبت اولوب، ذخيره متعلق محصولاتى چوقدر. قيونلريله سائر حيواناتى دخى چوق اولوب، خيلى يوك اخراج اولنور. منظار آغاچلرده واردر. مساحه سطحيه-سييله مقدار اهاليسنه دائر بر قيده دسترس اوله-مدق.

10-3261-5

غربى

[(جبل غربى)) ماده-سنه مراجعت بيوريله.]

11-3261-5

غربى، الوادى الغربى

طرابلس غرب ولايتتك فزان سنجاغنده بر ناحيه-در، كه مركز لوا اولان مرزوقك 104 كيلومتره شمال غريبسندن باشلايه-رق غرب جنوبيه طوغرى ولايتك حدودى خارجه قدر ممتد اولور بر وادى اولوب، يوقارى طرفلرنده 11 قريه-سى واردر، كه هر برى خرماقله محاطدر. اك بيوكلى و مركزلى تكرت قريه-سيدير. %جرمه\$ قريه-سى دخى وقتيله فزانك مركزى بولنمش و روماليلرجه %غارامه\$ اسميله معروف اولان بر قصبه-نك بقيه-سى حكمنده اولوب، اطرافنده بر طاقم ويرانه-لر و روماليلردن قالمه بر هيكل موجوددر. روماليلرك آفريقاده آياق باصدقلى يرلرك اك جنوبيسى بوراسى اولديغى ظن اولنيور. او وقتلرده بو قصبه شمديكى غات و غدامس كى سودان تجارتنك بر مهم موققى ايدى. وادى غربى اهاليسى توارق و عرب و سودانيلردن مركبدر.

1-3262-5

غريبه

بتلیس و لایتک سعرد سنجاغنده و سنجاغک منتهای شمال غریبسنده بر قضا اولوب، شرقاً شروان، شرق جنوبی جهتندن نفس سعرد، جنوباً رضوان قضالریله، غرباً دیاربکر و لایتیله، شمالاً کنج و بتلیس سنجاقریله محاطدر. قضا 138 قریه-دن مرکب اولوب، یرلی و سیار بر قاچ کرد عشیرتی دخی واردر. اهالی مسکونه-سی 13000 نفوسدن عبارت اولوب، ثلثایی کرد و مسلم و قصوری ارمنی، سریانی و یزیدین مرکبدر. کرد عشیرتلی خلقی بو تعداده داخل دکلدر. بو عشیرتلیک باشلیجه-لری: پیختار، علیکان، رشکونان، یوران، ملکشیان عشیرتلیدر. مرکز قضا %یدو\$ قریه-سیدر. باشور و خطو اسمریله ایکی نهر قضایی شمالدن جنوبه شق ایدر، و بر خیلی چای و دره دخی بونلره دوکیلور. اراضیسی عارضه-لیجه ایسه-ده، دوز و مثبت اووه و وادیلری دخی چوقدر. هواسی صیجاقجه اولوب، قیشین بعضا قار یا غارسه-ده، دوام ایتمز؛ و بناءً علیه کرد عشیرتلیک چوغی بو قضاده قیشی کچیروب، یازین سوریلرینی موش یایله-لرینه سوق ایدرلر. محصولات حبوبات و ذخایر متنوعه ایله اوزوم و میوه و سبزه-لرک انواعندن و توتون و سائره-دن عبارت اولوب، خیلی مقدار بال، پیاغی و تقیتیک دخی چیقار. معمولات صنایعه-سی کلیم، کچه، خالی، عبا و حوایج محلیه-یه کوره سائر مصنوعاتدن عبارتدر. درون قضاده 14 جامع و مسجد و بر خیلی قلاع و مدن قدیمه ویرانه-لری بولنوب، زیارت قریه-سنده و یس القرانی حضرتلرینک مقامی بیوک زیارتگاهدر، و یاننده معمور بر خانقاده واردر. مرکز قضایه ایکی ساعتق مسافه-ده %ارزن\$ اسمیله اسکی بر شهرک خرابه-لری مشهود اولوب، قضانک اسمی دخی بوندن غلط اولدیغی مظلوندر. %کولاماسیان\$ قریه-سنده کورلدلی بر قاپلیجه و %دوق\$ قریه-سنده شکل و موقعی مخوف بر مغاره بولنوب، دروننده صوبی غایتله صونوق بر حوض واردر. قضا داخنده ملفان و صلحه اسمریله ایکی بیوک و بر قاچ کوچک مملحه-ده سنوی اوتوز بیک لیرالق طوز چیقار. اورمانلری چوقجه اولوب، ایچلرنده بعض حیوانات وحشیه بولنیور.

1-3263-5

غر غور

سنت -* - #1 بو اسمله خرسیتیانلرک بش عزیزلری واردر:

برنجیسی (ثاوماتور غوس) یعنی ((صاحب کرامات)) لقبیله معروف اولوب، %ننو قیصریه\$ یعنی نیکسارده طوغمش؛ و دین عیسوی بعد القبول 240 تاریخ میلادیسنده وطننده پسقپوس اولمش؛ و تحت اداره-سنده بولنان مملکت اهالیسنک همان جمله-سنه خرسیتیانلغی قبول ایتدیرمش ایدی. ایمپراطور دقیوسک زماننده تعقیب اولنه-رق، اعدامه سوق اولنورکن کرامتله قورتلمش؛ و 264 ویا 270ده وفات ایتمشدر. تشرین ثانینک 17 سنده یورطیسی اجرا اولنور. بعض آثار قلمیه-سی جمع و نشر اولنمشدر. سنت باسیل بونک بر چوق کرامنتی نقل ایدبور.

-* - ایکنجیسی #1 یعنی ((ملهم)) لقبیله ملقب اولوب، 257 تاریخ میلادیسنده طوغمش، و 331ده وفات ایتمشدر. اشکانیان خانداننه منسوب بر پرنسک اوغلی اولدیغی حالده، خرسیتیانلغی قبول ایله، ارمنیلری دین عیسوی دعومت، و حتی حاکملری اولان تیردادی دخی بو دینه ادخال ایتمش؛ و او جهتک ایلك پسقپوسی و پطریقی اولمشدر. 319 تاریخنده مرقوم تیردادک معیتنده رومایه کیدوب، ایمپراطور قسطنطینک حسن قبولنه مظهر اولمشدی. ارمنی لساننده بعض ادعیه و مقالاتی اولوب، ارمنیلر طرفندن آیین صره-سنده قرأت اولنور.

-* - اوچنجیسی (تئولوجیان) یعنی ((عقادی)) لقبیله ملقب اولوب، 328 تاریخ میلادیسنده آناتولینک قپادوقیا خطه قدیمه-سنده %نازیانزه\$ شهر قدیمنده طوغمش؛ و فلسطینک قیساریه شهرنده و اسکندریه-ده تحصیل ایتدکن صکره، همشهریسی اولان سنت باسیل ایله برابر آتنه-یه کیدوب، اکمال تحصیل ایتمش؛ و وطننده بعض خدمات روحانیه-ده بولندقدن صکره، قسطنطینییه-یه کیدوب، نشر مذهبله اوغراشمش؛ و ازنیق مجلس روحانیسنک مقرر اتنی تأکید و ترویجه چالیشمش ایدی. ایمپراطور

تئودوسیوس طرفندن قسطنطينیه باش پسقیوسلغنه نصب اولنهرق، بر مجلس روحانییه دخی بو نصیبی تصدیق ایتدیرمک ایستمس ایسه-ده، مصر پسقیوسلری تصدیق ایتمدکلرندن، کندیسى منصبى ترکله، وطنه چکیلوب، بقیه عمرینی ریاضتله کچیرمش؛ و وعظ و نصیحته دائر بر چوق مقالات فصیحه بر اقمشدر. وفاتی 389 تاریخده اولوب، مایسک 9نده یورطیسی اجرا اولنور.

-* درنجیسی سنت باسیلک برادری اولوب، 330 تاریخلرنده سیواسده طوغمش، و قیادوقیا خطه-سنگ %نیسا\$ شهرنده پسقیوس اولمش ایدی. آریانوس مذهبته تابع خرسیتیانلر طرفندن پسقیوسلغنی ترکه مجبور اولوب، ایمپراطور والنسک وفاتندن صکره اعاده اولنمش؛ و 379ده آنطاکیه و 381ده قسطنطينیه مجلس روحانیلرنده بولنوب، 396 تاریخلرنده وفات ایتمشدر. یورطیسی مارک 9نده اجرا اولنور. عقاید و پند و نصیحته دائر بر خیلی تألیفات و مقالاتی وارد.

-* بشنجیسی (فلورنتیوس غر غوریوس) 530 تاریخده فرانسه-سنگ %اورنیه\$ خطه-سندده طوغمش، و 593ده وفات ایتمشدر. 573ده (تور) پسقیوسی اولوب، تعقیب اولنان خرسیتیانلری مدافعه-ده بیوک بر غیرت کوسترمشدر. فرانقلر بیننده خرسیتیانلغک صورت انتشاری تاریخی اون جلد اوزره یازوب، فرانسه تاریخچه پک مهم بر اثر بر اقمشدر. تشرین ثانینک 17سندده یورطیسی اجرا اولنور.

5-3263-2

غر غور

#1

بو اسمله 16 پایا کلمشدر:

برنجیسی اعزده-دن معدود و بیوک عنوانیله ممتاز اولوب، 540 تاریخ میلادیسندده روماده طوغمش، و 604ده وفات ایتمشدر. کندیسى بیوک بر فاملیایه منسوب ثروت و سامان و اقتدار صاحبی اولوب، روماده (پرتور) اولمش ایکن، طریق رهبانه دخول ایله، 590 تاریخده پایا انتخاب اولنمش؛ و او وقت ایتالیاده حکم سورن لومباردلره خرسیتیانلغی قبول ایتدیردیکی کبی، آریانوسک مذهبته تابع اولان غوتلری قتلولیکله ارجاع، و بیوک بر تانیه-یه دخی خرسیتیانلغی نشر ایتمشدر. بر چوق آیینلر و نظاملر وضع، و مناسترلر تاسیس ایدوب، راهیلره پک صیقی ریاضت تعیین ایتمش؛ و مذهبه متعلق بعض آثار بر اقمشدر. سوق تعصبله مشرکلردن قالمه بر چوق کتابلری احراق و بعض آثار مصنعه-یی امحا ایلدیکی مرویدر. مارک 12سندده و ایلولک 3نده یورطیسی اجرا ایدرلر.

-* ایکنجیسی ینه اعزه-دن معدود و ینه رومالی اولوب، 715 تاریخده پایا انتخاب اولنهرق، بت شکنره قارشى بر مجلس روحانی عقد، و آلمانیه-ده خرسیتیانلغی نشر ایتمک ایچون سنت بونیفاسی اعزام ایتمشدی. 731ده وفات ایدوب، شباطک 2سندده یورطیسی اجرا اولنور.

-* اوچنجیسی سریانی الاصل اولوب، ایکنجی غر غورک وفاتنده 731ده پایا انتخاب اولنمش؛ و لومباردلره و بت شکنره قارشى طورمغله امرار اوقات ایدوب، 741ده وفات ایتمشدر. محب فقرا لقبنه مظهر اولمشدی.

-* درنجیسی روما بطریقلرندن یعنی رؤساسندن برینک اوغلی اولوب، 827ده انتخاب اولنمش، و 844ده وفات ایتمشدر. فرانسه قرالی (لویی دیونر) ایله اوغللری میاننده-کی اختلافی رفع ایله مصالحه ایتدیرمک ایچون، فرانسه-یه کیتمش ایسه-ده، موفق اوله-میوب، اوغلرینه حق ویره-رک عودت ایتمشدی.

-* بشنجیسی %برونون\$ ایمپراطور اوچنجی اوتونک یکنی اولوب، 996ده انتخاب اولنمش؛ و فرقه مخالفین طرفندن انتخاب اولنهرق، اون آلتنجی ژان نامنی آلمش اولان (فیلاغات)ی ایمپراطورک عسکريله رومادن طرد ایتمش؛ و برنجی درجه اقرباسندن (برته)یی تزوج ایتمش اولان فرانسه قرالی (روبرت)ی بو زوجه-سنی تطلیق ایله یدی سنه-لک ریاضته اجبار ایلمشدی. 999 تاریخده وفات ایتمشدر.

*- آلتنجیسی (ژان غراتیان) رومالی اولوب، 1044ده انتخاب اولنمش؛ و عین وقتده فرقه مخالفین طرفندن دیگر اوچ قاردینال دخی انتخاب اولنه-رق، پاپالق اموری پک قاریشمش اولدیغی حالده، کندیسسی رقیبیرینه غلبه چاله-رق، اعاده اسایش و انتظامه مقتدر اولمش ایسه-ده، ایمپراطور اوچنجی هنری ایله بعض قردیناللرک انتریقه-لرندن عاجز قالوب، 1046ده استعفا ایتمشدر.

*- فرقه مخالفین طرفندن انتخاب اولنمش دیگر بر آلتنجی غرغو آر دخی واردر. ((لیون)) ماده-سنه مراجعت بیوریله.]

*- یدنجیسی اک مشهورلری اولوب، اعزه-دن معدوددر. اصل اسمی (هیلدبراند) اولوب، 1013ده پاپا انتخاب اولنمش؛ و راهبیرک اولنمه-سی حقنده شدتلی بر نظام وضعیله کندی اقتدارینی امور ملکیه و سیاسیه-یه دخی تعمیم و حکمدارلرک وظائفنه مداخله ایتمهک قالیقیشمش؛ و او وقتده قدر حکمدارلر پسفوسلره واسع املاک تخصیص ایتدکلری جهتله، بونلری کندیلر عزل و نصب ایتدکلری حالده، صاحب ترجمه پسفوسلرک عزل و نصبی حقوقنی کندینه حصر ایتمک ایتدیکندن، آلمانیا ایمپراطورلرندن درنجی هنری ایله بر چوق وقت اوغراشمش؛ و نهایت حکمدار 1077ده بو حقندن واز کچمکله برابر کمال تذلل ایله پاپانک آیآغنه کیدوب، استعفا قصور ایتمش؛ و کلیسادن مطرودیتی حکمنی فسح ایتدیرمش ایسه-ده، 1080ده (کیبرت) اسمنده برینی اوچنجی (قلمان) اسمیله پاپا طانیوب، صاحب ترجمه-یه قارشی رومیه عسکر سوق ایتمکله، غرغوآر قلابره-ده حکم سورن نورماندییه-لی (روبرت کیسقارد) دن استمداد ایدوب، بونک عسکری کندیسنی پاپالغه اعاده ایده-بیلمش ایسه-ده، رومیایی قان ایچنده بر اقدقلرندن، عودتلرنده کندیلریله برابر کیتمهک مجبور اولوب، 1085ده سالرته-ده وفات ایتمشدر. بعض آثار قلمیه-سی واردر. مایسک 25نده یورطیسنی اجرا ایدرلر.

*- سکنجیسی (آلبرت دوسپیناکو) 1188ده انتخاب اولنوب، یالکز ایکی آی پاپالق ایتمشدر.

*- طقوزنجیسی اوچنجی اینوسانک یکنی اولوب، 1227ده انتخاب اولنمش؛ و اهل اسلامه قارشی بر یکی اهل صلیب سفری آچوب، ایکنجی فردریقی ابتدا بو سفره کیتمک ایتمدیکی ایچون، و ثانیاً مسلمانلرله عقد مصالحه ایتدیکچون، ایکی دفعه کلیسادن طرد ایتمش؛ و بونک طرفدن دفعاتله رومیایی ترکله فراره مجبور ایدلمش؛ و 1241 تاریخنده یوز یاشنده وفات ایتمشدر.

*- اوننجیسی (تیپوت ویسقونتی) 1271 تاریخنده انتخاب اولنمش؛ و 1274ده لیونده بر مجلس تشکیل ایدوب، بو مجلسده آوروپا حکمدارلرینک و بعض آسیا خرسیتیان جماعتنک وکیللری دخی حاضر بولندیغی حالده، قتولیک ایله روم مذهبیرینک توحیدی، فلسطینه امداد ارسالی، و رهبانه نظامات وضعی مسئله-لری موقع تذکره قونیه-رق، بو اوچ مسئله-دن یالکز اوچنجیسی اجرا اولنه-بیلمشدر. 1286ده وفات ایتمشدر.

*- اون برنجیسی (پیرروژه دوبوفور) آلتنجی قلمانک یکنی اولوب، 1332 تاریخنده لیموژ قربنده طوغمش، و 1370ده انتخاب اولنه-رق، ابتدا آوینیونده پاپالق ایتمش؛ و بعده رومالیرک ابرامی اوزرینه، پاپالق کرسیسینی رومیه اعاده ایده-رک، 1378ده وفات ایتمشدر.

*- اون ایکنجیسی (آنجلو قوراریو) وندیک زادکانندن بر عائله-یه منسوب اولوب، شهر مذکورک پسفوسی ایکن، 1406 تاریخنده پاپا انتخاب اولنمش؛ و او صره-ده پاپالق ایکنیه آیریه-رق، بری روماده و دیکری آوینیونده اقامت ایتدیک حالده، صاحب ترجمه، رقبی اولان اون اوچنجی بنوا دخی راضی اولدیغی حالده، ایکیسی بردن استعفا ایدوب، برتک پاپا انتخاب اولنسنی تکلیف ایتمش ایسه-ده، بعده هر ایکیسی استعفاده تردد ایتدکلرندن، قاردیناللر %پیزه\$ده بر مجلس عمومی عقد ایده-رک، ایکیسینی عزل ایله، بشنجی آکساندری انتخاب ایتمشلردر. صاحب ترجمه 1417 تاریخنده 91 یاشنده وفات ایتمشدر.

*- اون اوچنجیسی %بوئون قومپانیی\$ 1572ده انتخاب اولنه-رق، اسپانیا ایله بالاتفاق عثمانلیلره قارشی بر قوه عسکریه ترتیب ایتمهک چالیشمش ایسه-ده، مقتدر اوله-مامش؛ و پروتستانلره قارشی اوچنجی هنرییه آچه و عسکرله امداد ایتمشدر. بو پاپانک اک زیاده بادئ شهرتی سنه رومیه-یی تصحیح ایله الیوم سنه افرنجیه نامیله معروف تقویم صحیحی قبول ایلمسیدر. 1585 تاریخنده 83 یاشنده وفات

ایتمشدر. علم حقوقه آشنا اولوب، وقتیلله وطنی اولان %بولونیه\$ده حقوق معلمی بولنمشدی. صنایعه دخی مراقی اولوب، روما شهرینی بعض ابنیة مصنعه ایله تزیین ایتمشدی.

-* - اون دردنجیسی (نیقوله اسفوندر اتو) 1590ده انتخاب اولنه-رق، یالکز اون آی پاپالق ایتمشدر. فرانسه قرالی دردنجی هنریبی و فرانسه پروتستانلرینی کلیسادن طردله، پروتستانلره قارشی اولان هیئت اتفاقیه-یه امداد کوندرمشیدی.

-* - اون بشنجیسی (آکساندرو لودوویزی) بولونیه-لی اولوب، اوراده پسقیوس ایکن، 1621ده 67 یاشنده پاپا انتخاب اولنمش؛ و روماده پروپاغانده یعنی نشر مذهب مکتبنی تأسیس ایله، انکیزیسیونک مرتبی اولان (اینیاس دولویوله)نک عزیزلکنه قرار ویرمش، و آلمانیه ایمپراطورینه پروتستانلره قارشی امداد ایتمشدر. 1531 تاریخنده وفات ایتمشدر.

-* - اون آلتنجیسی (ماورو قاپلاری) 1831 تاریخنده انتخاب اولنه-رق، کندیسی عالم بر آدم اولمغله، پاپالغی ساده-لشدیرمکه چالیشمش ایسه-ده، روماده بر اختلال ظهور ایدوب، باصدیرمق ایچون، اوستریادن استمداد ایتمش، و فرانسزلرک آنقونه-یی اشغال ایتملرینه سبب اولمشدر. میسیونرلری تصاحب ایدوب، آمریکا و سائر بلاد بعیده-ده بر چوق پسقیوسلقلر تشکیل ایتمشدی. 1846ده وفات ایتمشدر.

1-3265-5

غر غور

آبه -* - #1 فرانسه مشاهیر سیاسیون و مؤلفیندن اولوب، 1750ده لونویل قریبنده طوغمش، و 1831ده وفات ایتمشدر. کندیسی طائفه رهبانیه منسوب اولدیغی حالده، 1789ده پارسده اجتماع ایدن مجلس عمومیه لیون هیئت رهبانیه-سی طرفندن وکیل انتخاب اولنه-رق، رؤساء روحانیه-نک تحدید اقتداریه پروتستانلرک و یهودیلرک توسیع حقوقنه و بوکا مماثل افکار حریت پرورانیه-یه دائر نطقلر ایراد ایدوب، او تاریخندن اعتباراً افکار جدیدیه-نک اک غیرتلی مدافعه-کارلردن بولنمش؛ و بر چوق مجالس منتخبه-ده و نهایت سناتر اعضالغنده بولنه-رق، انجمن کبیر معارف اعضالغنه دخی انتخاب اولنمشیدی.

مجالسدهکی نطقلریله و تألیفات عدیده-سیله رؤساء روحانیه-نک و افکار عتیقه اصحابنک خصومتی قرانوب، وفاتنده پارس باش پسقیوسی جنازه-سناک آیین مذهبی ایله قالدیرلمسنى منع ایتمش ایسه-ده، همفکر و هممسکلری اولان اهالیدن یکر می بیک کشی تابوتنی کمال تعظیمله اوموزلرینه آلوب، آلیله مدفننه نقل ایتمشدر. آثاری متعدد جلدلر تشکیل ایدوب، پک متین و مقبولدر.

1-3266-5

غر غوراس

نیکفور -* - #1 روم مشاهیر مورخیندن اولوب، 1295 تاریخ میلادیسنده قره دکیز ارکلیسنده طوغمش، و 1365ده وفات ایتمشدر. قسطنطینییه-ده عمومی درس لر ویروب، حلقة تدریسنه بر چوق طلبه طویلانمش؛ و ایمپراطور آندرونیکک توجهنی قرانمش ایدی. بر چوق آثار براقوب، اک مشهور و قیمتداری قسطنطینییه تاریخیدر، که 38 کتاب ویا فصلدن مرکب اولوب، دفعاتله طبع، و اروپا لسانلرینه ترجمه اولنمشدر.

2-3266-5

غر ناده

و عربلر عندنده غرناطه #1 اسپانیانک ممالک جنوبیه-سندن آندالوسیا خطه-سند و مادریدک دمیر یول خطیله 696 کیلومتره جنوبنده اوله-رق %نواده\$ طاغنگ اتکنده و %وادی الکبیر\$ ایرماغنه تابع %شنیل\$ نهرینک شمالنده و بو نهره دوکیلن دارو (و عربلرجه حداره) چاپنک ایکی کنارنده واقع ایالت مرکزی بر شهر اولوب، 76110 اهالیسی، دار الفنونی، رسم موزه-سی، متعدد کتبخانه-لری، بیوک بر کلیسایله بوکا مربوط 56 متره یوکسکلکنده بر چاک قله-سی و عربلردن قالمه بر طاقم آثار عتیقه-سی و علی الخصوص صناعت معماریه-سیله مشهور عالم اولان و عربلرک ترقیاننه بر نمونه حکمنده بولنان %الحمرا\$ اسمیله واسع بر سرایی وارد. شهر اوچ تپه-نک اتکلرنده واقع اولوب، بو اوچ تپه خانه-لرله مزین اولدقلری حالد یارلمش بر ناره بکزکلرندن، شهر اسپانیول لساننده نار دیمک اولان بو اسمله تسمیه اولنمشدر. اصل غرناده شهرک قسم غربیسی اولوب، جنوب جهتنده-کی محله-سی %آنتقوئروئلا\$ و شمال شرقی قسمی دخی %البایسین\$ اسملیله تفریق اولنور. دارو نهریله آیرلمش اولان بو صوک قسمی البیضا عرب مهاجرلریله اسکان ایدلمش اولدیغندن، اسمی %البیضائیین\$دن غلظدر. اطرافنده ده بر طاقم متفرق محله-لری و باغ و باغچه-لر آره-سند کوشلری وارد. سوقاقلری پک طار و طولاشیقلی اولوب، یالکز یکی تنظیم اولنمش بعض کنیش جاده-لری و شهرک ایچنده بر قاچ واسع میدانی وارد. بو میدانلرک اک بیوکی %پلازه دل تریومفو)در، که شهرک شمالنده واسع بر مستطیلدر. خانه-لرینک اکثری الیوم عرب طرزنده اولوب، واسع اوپه-لرینک داخلدن فرح فزا باغچه-لره پنجره-لری وارد. سوقاقلری کوزل قالدیرملرله دوشنمش اولوب، بعضلرینک مرمر دوشه-لی یایا قالدیرملرله وارد. وادییه قریب اولان آشاغی قسمنک سوقاقلری ده کنیش و خانه-لری طرز جدید اوزره-در.

الحمرا دارو %حداره\$ مجراسیله البایسین %البیضائیین\$ محله-سی آره-سند-کی تپه-یی ضبط ایدوب، برجلر و قله-لرله مجهز بر سورله محاطدر. بو سورک ایچنده مسلمانلردن قالمه اولان کوشلری، باغچه-لری ساله-لری، حویلیری، فسقیه و شادروانلری، چشمه-لری، رنکارنک مرمرلردن یاپلمش کمر و قبه-لری و هر نوع تزئیناتی برر برر تعریف ایچون مستقلاً بیوک بر جلد کتاب یازمق اقتضا ایدر. اورته-سند %القصبه\$ اسمیله بر ایچ قلعه وارد. الحمرا-ده-کی آثار عربک بر طاقمده خراب حالنده اولوب، بعض یرلری بسبتون خالیدر. مشهور شارل کینت الحمرا ایچنده یکی بر سرای یاپدیرمغه باشلامش ایسه-ده، ناتمام بر اقمشدر. شهرک شرق طرفنده (لوس مولینوس) یعنی دکرمنلر اسمیله معروف بر بایرده عرب حکمدارلرینک صیفیه-سی بولنمش اولان (انرالیف) اسمیله دیکر بر سرای بولنوب، نهایت درجه-ده کوزل باغچه-لر، فسقیه-لر، چاغلایانلر و حوضلرله محاط و مزیندر. جنوب جهتنده بولنوب اکثریا تپه-لری قارله مستور اولان نواده طاغلریله شرق و شمال جهتنده-کی چبلاق طاغلرک مائی رنکی و بو طاغلر-ده-کی قیالر و شهرک آلتنده غربیه طوغری کوز کوره-بیلدیکی قدر ممتد اولان %وگا\$ اووه-سنگ زمردین رنکی و بو اووه-نک اورته-سندن کچن شنیل نهریله تابعلری اولان متعدد چاپلرک مجرالری و آره-لرنده عربلرک آچمش اولدقلری قنالرلر فوق العاده کوزل بر منظره ابراز ایدوب، هله شهرک اوستنده-کی تپه-لردن باقدقده دنیاده امثالی نابود اولدیغی کوریلور. یازین اسپانیانک هر طرفی حرارتدن یانمش حالنه کچدیکی وقت، غرناده جوارلری صولرینک کثرتی سایه-سند ینه زمرد کبیدر. عربلر بو لطافتتی تقدیر ایدوب، شعراسنک غرناطه حقنده پک چوق شوق انکیز و حسرت آمیز قصیده-لری وارد.

روایت کوره، اک اول فنیکه مهاجرلری الیوم (قورس برمیاس) یعنی ((قیرمزی فله-لر)) نامیله معروف تپه-ده %غرناطه\$ اسمیله بر قصبه تأسیس ایدوب، بعده (ایبر) قومی بونک جوارنده %ایلیبریس\$ اسمیله دیکر بر قصبه یاپمشلردی، که بعده رومالیلرک مهجری اولمشدر. و اندالور و غوتلر زماننده بو قصبه-لرک ایکیسی ده خراب اولوب، اندلس اهل اسلامک الینه کچدکن صکره، ملوک امویه زماننده عربلر شمدیکی شهری مجدداً تأسیس، و قرناطه اسمنی غرناطه ویا اغرناطه صورتنده احیا ایتمشدر. مرابطین و موحدین دولتلری زماننده غرناطه بیوک بر معموریت پیدا ایدوب، اهالیسی 420000 نفوسه بالغ اولمشدی. بنی احمر زماننده بر قات ده کسب معموریت ایدوب، خرستیانلرک الینه کچن دیکر

اسپانيا شهر لرندن قاچان بر چوق اهالى اسلاميه دخى بورايه جمع اولمشيدى. بو شهر اسپانيا ده الك صكره-يه قدر مسلمانلرك النده قالب، نهايت فرديناندو ايله ايزابلا مناقشات داخليه-ي سر رشته اتخاذ ايده-رك، 1492 تاريخنده يعنى آمريكانك كشفى سنه-سى بو شهرى دخى ضبط ايتمشلردر. او وقتدن برى غرناده كوندن كونه تدنيدنه بولنمشدر. عربلر غرناطه-نك مركزى بولنديغى خطه و ايلته %البيره\$ نامنى ويررلردى؛ آنجق بعض جغرافيون عربك غرناطه-نك %البيره\$ دن 4 فرسخلق مسافه-ده بولنديغنى بيان ايتدكلرينه باقيليرسه، %البيره\$ نك %ايلبيريس\$ دن محرف اولديغى و قصبه-دن خطه-يه تعميم ايدلديكى آكلاشيلير.

*- غرناده ايلتى اسپانيا نك ايلات جنوبيه-سندن اولوب، آندالوسيا خطه-سنگ منقسم اولديغى سكر ايلتك بريدر. جنوباً آق دكيزله، شرقاً المريه، شمال شرقى جهتدن مرسيه و البسيطه، شمالاً جيان، شمال غربى جهتدن قوردووه %قرطبه\$، غرباً دخى مالقه ايلتريله محاط و محدوددر. مساحه سطحه-سى 12788 مربع كيلومتره و اهاليسى 477720 كشىدر. 13 قضايه منقسم اولوب، 209 ناحيه-يى حاويدر. بو ايلت آندالوسيا خطه-سنگ و بتون اسپانيا نك بلكه-ده كافه آروپانك الك كوزل برى اولوب، اسپانيا نك الك مرتفع طاغى اولان (سيرانواده) بونده-در، كه ذروه-سنگ 3554 متره ارتفاعى واردر. ديكر مرتفع و صرب طاغلى دخى واردر، كه عرب اهل اسلامى حكومتلرينى فوت ايتدكدن صكره دخى بو طاغلرده خيلى وقت ثبات و اسپانيوللره مقاومت ايتمشلردر. بو طاغلردن بر چوق نهرلر ايتوب، اووه-لرينى اروا ايده-رك، بو ايلتك مشهور طراوتى ادامه و قوه انباتيه-سنى تزييد ايدرلر. مياه جاريه-سنگ همان جمله-سى بحر محيط اطلاسياه تابع اولان %وادى الكبير\$ه دوكيلوب، بونلرك الك بيوك و الك كوزلى %شنيل\$ نهريدر. شرق و جنوب جهتلرنده بعض كوچك نهرلرى دخى آق دكيزه دوكيلور. محصولاتى پك چوق اولوب، فن زراعتيه اهميت ويرلمديكى حالده، طوپراق و هواسنك مساعده-سى و صولرينك كترى سايه-سندو آروپا محصولاتنك اكثريله برابر شكر قامشى كبي ممالك حاره-يه مخصوص بعض محصولات يتيشير. نخاير متنوعه-دن بشقه پاموق، كتان، زيتون، طوت، اوزوم و ميوه و سبزه-لرك انواعى حاصل اولور. معادنى پك چوق ايسه-ده، شمديكى حالده پك آزي اخراج اولنمقده-در. مياه معدنيه-سى و انواع امراضه نافع (الحما) يعنى الحمام اسميله معروف ايلجه و قابليجه-لرى پك چوقدر. عربلرك زماننده معادنى كلينله اخراج اولنديغى كبي، ايبك و كتن منسوجاتيله شكر و زيتون ياغى و سائر معمولات و محصولاتى پك چوق بولنمش ايكن، شمديكى حالده صنايعى پك كرى، و يوللرك فقدايله سواحلنك صرپلغندن طولايى تجارتنى پك طور غوندر. معارفى دخى پك دوندر. اهاليسنده عرب جنسيتنك آثارى مشهود اولوب، ذكاوتده، جسارتده، تمادح و تفخرده، مهماننوازلقده و سائر خصوصانده عربلره بكرلر. سويلديكلرى لسانده دخى عربيدن مأخوذ پك چوق كلمات واردر. بو ايلتك محال مسكونه-سييله موافعدن اكثرى اليوم عربى اسملرله مسمادر.

5-3268-1

غرناده

ياخود غراناده #1 آمريفاده انكلتره دولتنه تابع اولان كوچك %آنتيل\$ جزايرندن برى اولوب، '58° 11 ايله '30° 12 عرض شمالى و '40° 63 ايله '56° 63 طول غربى آره-سندو واقعدر. بويى 38 و عرض وسطيسى 15 كيلومتره-در. مساحه سطحه-سى 244 و كنديسنه ملحق اولان %غرنادين\$ تعبير اولنان كوچك آطه-لرله برابر 450 كيلومتره اولوب، تقريباً 50000 اهاليسى واردر. اراضيسى طاغلق اولوب، الك يوكسك ذروه-سى 1046 متره ارتفاعنده-در. اراضيسى پك مثبت و محصولدار اولوب، حيويات متنوعه ايله قافانو، قهوه و شكر حاصل اولور، و خيلى روم دخى ياپيلير. سواحللى پك كيرينتيلى چيقتتيلى اولوب، ساحل غربيسنده كوزل بر ليمانى و %جورجتورر\$ اسميله بر اسكله-سى واردر. اهاليسنك قسم كليسى زنجى و ملز اولوب، آروپاليلرى پك آزدر. حرارتى زياده اولميوب، ياغمورلرى دخى صيق ايسه-ده، هواسى آغيرجه-در. اخراجات و ادخالات سنويه-سى اوچر بچق مليون فرائق راده-لرنده-در.

بو آطه قريستوف قولومب طرفندن 1498ده كشف اولنه-رق، 1650ده بر طاقم فرانسز لر دخول ايله، يرلى اهاليسى اولان (قرئب) لرى اتلاف ايتمشلردى. 1674ده فرانسه-يه تابع اولوب، 1783ده انكليز لر طرفندن ضبط اولنمشدر.

5-3268-2

غرناده

يكي -* - #1 آمريقاي جنوبيك شمال غربى كوشه-سنده واقع %قولومبيا\$ جمهوريتنك سابقيدر. ((قولومبيا)) ماده-سنه مراجعت بيوريله.]

5-3268-3

غرنادينه

#1

انتيل جزايرندن آنف البيان غرناده آطه-سك شمالنده بر صره جزاير صغيره اولوب، مذكور آطه-يه ملحق و انكلتره-يه تابعدر لر. مجموعتك مساحه سطحيه-لرى 600 مربع كيلومتره اولوب، تقريباً 10000 اهالى ايله مسكوندر لر.

5-3268-4

غرناطه، ياخود اغرناطه

عربلك اندلسده يعنى اسپانياده-كى غرناده شهرينه ويردكلرى اسمدر.]((غرناده)) ماده-سنه مراجعت.]

5-3268-5

غرناطه

#1

فرانسه-نك سینه ايلتنده و سینه نهرينك صول کنارنده بر قصبه اولوب، 1860 تاريخنده پارسه الحاق اولنمشدر. اثنای الحاقنده 15000 اهاليسى و بعض فابريقه-لريله دميرخانه-لرى وار ايدى. پارسه صو ويرر 547 متره درين و صويى حذای زميندن 33 متره يوقاربيه جيقارير بر آرتزيان قويوسى واردر.

5-3268-6

غرناطه

#1

فرانسه-ده %ايزره\$ ايلتنك مركزى بر شهر اولوب، پارسك 558 كيلومتره جنوب شرفيسنده و %ايزره\$ ايله %دراق\$ نهرلرينك نقطه تلاقيسنده واقعدر. مواقع حربيه-دن قول اردو مركزى بر شهر اولوب، 45426 اهاليسى، بيوك استحکاماتى، آقادمياسى، حقوق، طب و طوبجلىق مکتبلىرى، مکتب

اعدادبسی، فنون و ادبیات درسرخانه-سی، متعدد جمعیات علمیه-سی، کتبخانه-سی، موزه-سی، کوزل ریختلری، غوت طرز معماریسندہ بیوک بر کلیسایی، بر کوزل چشمه-یی حاوی واسع بر میدانی و 12000 عملہ قوللانیر جسیم غانت فابریقه-لری وارد. بو شهر رومالیرلر طرفندن تأسیس و %رقوله\$ تسمیه اولنوب، ایمپراطور غراتیانوس طرفندن توسیع و تزیین اولنمغله، بونک اسمنه نسبتله %غراتیاتوپولیس\$ تسمیه اولنمشدر. شمذیکی اسمی بوندن غلطدر. قرون وسطاده (دوفینه)نک مرکزی بولنمشدر.

7-3268-5

غرنیطوف

مغرب اقصاده بحر محیط آطلاسی ساحلنده و سلانک آلت طرفنده بر قصبه اولدیغی یاقوت حموی بیان، و بونن آشاغی معموره اولمدیغنی علاوه ایدیور.

8-3268-5

غروتیوس

1#

فلمنک اک بیوک علما و حکماسندن اولوب، 1583 تاریخنده %موندن\$ قصبه-سندہ طوغمش؛ و صغر سندن خارق العاده بر استعداد و ذکاوت کویستره-رک، سکز یاسنده ایکن لاتین لساننده شعر سویلمشدر. اون بش یاشنده ایکن، سفیر معیتنده فرانسه-یه کیدوب، دردنجی هنرینک نظر دقتنی جلب ایتمشدی. فلمنکه عودتنده بر مدت آوقاتلقله مشغول اولوب، فوق العاده قبول عامه-یه مظهر اولان لاتینجه بعض اشعار ایله کندیسینی اک بیوک علما صره-سنه کچیرن تدقیقات علمیه-یه متعلق اهمیتلی بعض آثاری نشر ایتمشدی. 1601 تاریخنده فلمنک وقعه-نویسلکنه نصب اولنه-رق، مکمل بر تاریخ یازمش؛ و بعض مهم مأموریتلرده دخی بولنه-رق، 1607ده مجلس عمومی اعضالغنه انتخاب اولنمشدی. بعده تشکل ایدن بعض فرقه-لره قاریشمغله، 1619ده مؤبداً حبس ایله و املاکنک مصادره-سیله محکوم اولوب، ایکی سنه محبوس قالدقن صکره، زوجه-سی طرفندن بر کتاب صندیغنه وضعله قاجیریلوب، فرانسه-یه کچه-رک، اون اوچنجی لویی طرفندن حسن قبول، و کندیسنه معاش تخصیص اولنمشدی. 1631ده وطننه عودته چالیشمش ایسه-ده، مساعده اولنمدیغندن، اسوج قرالیچه-سی (قریستینه)نک دعوتنه اجابت ایدوب، بونک طرفندن فرانسه-یه سفیر کوندرلمش؛ و اون سنه بو منصبده قالدقن صکره، (ریشلیو) و (مازارن) ایله بوزشدیغندن، استعفا ایدوب، کمی ایله اسوجه کیتمکده ایکن، بر فرطونه-یه طوتیله-رق، خسته-لنمغله، دانچیغه چیقوب، روستوغه نقل اولندقد، 1646 تاریخنده وفات ایتمشدر. تاریخه، یونان و لاتین ادبیاتنه، تراجم احواله، عقاید و سائر علومه دائر مطالعات و تحقیقات مکمله-یی حاوی بر چوق آثاری اولوب، جمله-سی پک مهم و معتبردر. و ولتر و روسو و سائر حکما غرونویوسک مطالعاتنه اهمیت ویرمشلردر.

1-3269-5

غروڈک

#1

اوستريا و مجارستان دولتلك غالچيا خطه-سندھ، لمبرغ سنجاغندھ و لمبرغك 16 كيلومتره غرب جنوبيسندھ اوله-رق همنامى اولان كول ايله %لوبينغ\$ كولى آرہ-سندھ قضا مركزى بر قصبه اولوب، 8910 اھالىسى و كتن تجارتي واردر. لمبرغ سبزہ، تره ياغى و باليق بو قصبه-دن كيدر.

2-3269-5

غروندچ

#1

پروسية-نك ((غربى پروسية)) ايالتندھ %مارينوردر\$ سنجاغندھ و مركز لوانك 50 كيلومتره جنوب غربيسندھ اوله-رق %ويستوله\$ نھرينك صاغ كنارندھ قضا مركزى بر قصبه اولوب، 16615 اھالىسى، چوخه و آرابه فابريقه-لرى و خارجدہ بر قلعه-سى واردر.

3-3269-5

غروندو

#1

روسية-نك لهستان جهتندھ پترسبورغك 972 و %ويلنا\$نك 120 كيلومتره غرب جنوبيسندھ اوله-رق %نيامن\$ نھرينك صاغ كنارندھ ايالت مركزى بر شھر اولوب، 31050 اھالىسى، وارشوہ-دن پترسبورغ كيدن دمير پولك اوزرندھ موقفى، بعض فابريقه-لرى و ايشلك تجارتي واردر. شھر اوفق و آلچق خانه-لرى حاوى اولوب، منظره-سى پك عاديذر. بر محله-سى مسلم تاتارلرله مسكوندر. *- غروندو ايالتى شمالاً ويلنا و سووالكى، شرقاً مينسك، جنوباً و وئنيه ايالتلريله، غرباً دخى لهستانله محاط اولوب، '51°35' ايله '54° عرض شمالى و '20°10' ايله '23°35' طول شرقى آرہ-لرندھ ممتد اولور. مساحه سطحيه-سى 38759 مربع كيلومتره اولوب، 1008520 اھالىسى واردر. اراضيسى دوز و طوپراغى قوملق و بالچيق اولوب، قوه انباتيه-جه روسيه-ده اوچنجى درجه-ده-در. جنوب جهتندھ بطاقللرى چوقدر. اورمان و مرعالمز زياده-در. هواسى رطوبتلى و اكثرىا بلوطليذر. اورمانلرينك چوغى چاملق اولوب، ميشه، ديش بوداق، اخلامور و سائر آغاجلرندھ واردر. بو اورمانلرده كييك، طوموز، قورد و بيزون دينلن بيانى اوکوز بولنوب، بو حيوانك امثالى بشقه يرده بولنمديغچون، صيدى قطعياً ممنوع ايسه-ده، قورتلر مقدارينى كوندن كونه آزالتمقده-در. طوپراغنك فناغيله برابر، زراعتہ اهميت ويريلوب، خيلى مقدار حبوبات ايله كتن، كنوير و پتاتس حاصل اولور. چاپرلرندھ چوق اولوب، حيوانات اھليه-سى و على الخصوص پياغيلرى اينجه قيونلرى چوقدر. ايالتك 8000 مقدارندھ اولان تاتار اھالى اسلاميه-سى باشليجه صوغان يتيشديرمكله مشغولدر. صنايع خيلى ايلرى اولوب، چوخه و سائر يوك قماشلرله سختيان، اسپيرتو، طوغله، كرميت، ايپ، بافير اوانى، كيرج و سائرہ باشليجه محصولات صنايعيه-سندندر. اھالىسى روس، ليتوان، لهلى، آلمان، تاتار و سائرہ-دن مركيدر. ايالتك 25 شھر و قصبه-سى، 82 بيوك و 4000 كوچك قريه-سى واردر. ايالت 9 قضايه منقسمدر. معارف پك كرى اولوب، 270 نفوسه آنجق بر مكتب شاكردى دوشر.

4-3269-5

غروده

آرناؤدلقده اشقودره-يه ملحق ماليسيا يعنى طاغلى ناحيه-لرندن بر ناحيه اولوب، قلمنتى ناحيه-سيلاه
پودغوريچه آره-سنده و قره طاغ حدودى اوزرنده واقعدر. %قاقاريقه\$ طاغلك جنوبى مائله-سنده و بو
طاغلك ذروه-سيلاه %چيونه\$ نهرينك مجراسى آره-سنده واقع اولوب، اهالييسى اسلام و قتوليكدن مركب
اوله-رق جنكاور آدملردر.

1-3270-5

غرورى

ايران شعراسندن اولوب، كاشانليدر. شو بيت اونكدر:

@@@

بگذار كه پنهان بود اين راز جگر سوز

انكار كه گفتيم و دل چند شكستيم

\$

2-3270-5

غروشى

1#

فرانسه مشيرانندن اولوب، نورمانديه زادكانندن بر عائله-يه منسوب اولديغى حالده، 1766ده پارسده
طوغمش، و 1847ده وفات ايتمشدر. 1789ده خاصه اردوسنده ملازم ثانى اولديغى حالده، افكار جديده-
يه تابع اولوب، واقع اولان محاربه-لرده اظهار شجاعت ايتمكله، قطع مراتب ايده-رك، 1793ده ميرلوا
اولمش ايكن، زادكانك عدم استخدامنه قرار ويرللكده، رتبه-سى رفع اولنمش ايسه-ده، نفرلكه يكيدين
عسكره كيروب، مؤخرأ رتبه-سنى استردادده موفق اولمش؛ و 1798ده بر مفرزه عسكريه ايله ايتالييه
سوق اولنه-رق، ساردنيه قرالنى استعفايه مجبور، و پيامونته-يه فرانسه-يه الحاق ايتمشدى. بوناپارتك
معيتنده همان كافه محارباتندهبولنوب، اثبات اياقت ايتمش؛ و يالكزه%نورى\$ محاربه-سنده 14 ياره
آلمش ايدى. يوز كونلك وقوعاتنده آنغولم دوقه-سنه قارشى حرب ايدوب، بونى اسير ايتمكله، بوناپارت
طرفندن عهده-سنه مشيريت رتبه-سى توجيه اولنمشدى. بعده بلجيقه-ده بولنوب، 30000 كشى ايله
(بلوخر)ى تعقيب ايتمكده ايكن، %واترلو% محاربه مشهوره-سى وقوع بولنوب، بوناپارت كنديسنك
محتاج و منتظر بولنديغى، و كنديسى طوپك سنى ايشيتديكى حالده، امر آلمديغيچون امداد كيتميوب،
ايمپراطورك محوينه سبب اولمشدر. بوناپارتدن صكره تاسيس ايدن حكومت كنديسنك مشيريتتى تصديق
ايتميوب، آنجق 1831ده مشيريتتى تصديق اولنمش، و اعيان مجلسنه انتخاب ايدلمش ايدى. و انرلودهكى
حركتنى حقلى كوسترملك اوزره بعض رسائل ايله ديكر بعض آتارى واردر. ايكي اوغلى اولوب،
فرانسز عسكرنده فريقلك رتبه-سنه نائل اولمشلردر.

3-3270-5

غرونبرغ

#1

پروسیه-نک سیلزیه ایالتنده و لینچیک 95 کیلومتره شمال غربیسنده مستحکم بر قصبه اولوب، 12500 اهالیسی، دیلسز و صاغرلره مخصوص مکتبی و چوخه، باصمه، حصیر شاپقه، توتون و سائره فابریقه-لریله اطرافنده باغ و باغچه-لری وارد.

4-3270-5

غرونیکه

#1

فلنکده آمستردامک 150 کیلومتره شمال شرقیسنده %هونسه\$ نهری اوزرنده و بو نهرك منصبدن 20 کیلومتره یوقاریده همنامی اولان ایالتک مرکزی بر شهر اولوب، 43235 اهالیسی، متعدد جدوللری، بیوک کمیلرک-ده دخولنه مساعد لیمانی، بری پک مصنع اولمق اوزره، 18 کوپریسی، کذک بری جسیم و مصنع اولمق اوزره، 12 کلیساسی، خندقلره محاط استحکاماتی، دار الفنونی، تاریخ طبیعی موزه-سی، تشریح کیمیا و حکمت طبیعیه عملیات خانه-لری، فن معماری و هیکلتراشی آقادیاسی، دیلسز و صاغرلره مخصوص مکتبیله بحریه و لاتین لسانی مکتبلری، نباتات باغچه-سی، بیوک کتبخانه-سی، متعدد جمعیات علمی و خیرییه-سی، تجار کمیلری انشاسنه مخصوص دستکاهلری، بز و یوکل قماش فابریقه-لری، پک ایشلک تجارتي و سنه-ده اوچ بازاری وارد. قرون وسطاده بیوک و مشهور بر شهر اولوب، بر خیلی مشاهیرک مسقط رأسی بولنمشدر.

*- غرونیکه ایالتی فلنکک منتهای شمال غربیسنده واقع اولوب، جنوباً درننه، غرباً فریزه ایالتلریله، شمالاً بحر شمالی ایله، شرقاً دخی آلمانییه-نک هانوره مملکتیله محاط و محدوددر. مساحه سطحیه-سی 2298 مربع کیلومتره اولوب، 252595 اهالیسی وارد. اراضیسی پک آلق اولوب، دکیز صولرینک تجاوزینه قارشی متین سدلر یاپمشلردر. باشلیجه نهری %هونسه\$ اولوب، مرکز ایالتنده %اوده- آآ نهریله برلشه-رک، بیوک سفاینک-ده دخولینه مساعد اولان %ریدیپ\$ ایرماغنی تشکیل ایدور. سیر سفاننه صالح صنعی جدوللری پک چوقدر. سواحلنک منتهای شرقنده %امس\$ ایرماغنک منصبنده بولنان %دولار\$ و منتهای غربنده %لاو اوزره\$ کورفلری بولنیور. دوکیلن قوملردن دکیز کیتدکجه چکلمکده و سواحل اوزانمقده اولوب، ایلریده قره-یه بیئشه-جکلری آکلشیلان بعض جزایر دخی میدانه چیقمقده-در. شرق جنوبی قسمی بطاقل اولوب، آنجق صولری خندقلر واسطه-سیله %آآ\$ نهرینه اساله اولنمقده-در. اراضیسی زراعتیه پک الویریشلی دکل ایسه-ده، ترقیات فنییه سایه-سندنه ذخایر متنوعه ایله کتن، پتاتس، یاغ اخراجنه یارایان حبوبات و سائر-دن خیلی محصولات آلییره مرعا و چاپرلری چوق اولوب، اهالینک باشلیجه مشغولیتی حیوان بیئشیدیرمک ایشیدر. پنبیر و یاغی مشهوردر. اورمانلری پک آز اولوب، بطاقللرده چورومش نباتاتدن عبارت اولان (تورب) دینلن بر جنس طوپراق محروقات احتیاجنی دفع ایدر.

بو ایالت اقتدار بشرک ترقیات فنییه سایه-سندنه و اقدام و غیرت قوتیله نره-لره قدر واصل اوله-بیلدیکنه بر مثال و نمونه-در. بو بر ایکی اوچ عصر اول ناقابل سکنی و خالی بر بر اولوب، بطاقللردن ایچنه کیریله-مز، و طورغون صولرده طوران قورباغه-لرک سسندن بشقه بر شی ایشیدیله-مز، و بر طاقم بیانی صو قوشلردن بشقه بر شی کوریله-مزدی. نه بر چفتجی بو استعدادسز طوپراغه بر قازمه اورمق، و نه-ده بر چوبان بوشوره-زار یرلره سوریسینی صوقمق تشبثنده بولنوردی. بو کون ایسه بهر مربع کیلومتره-سنه 110 اهالی دوشوب کوندن کونه دخی چوغالمقده-در. علی العموم کویلیلرک واسع، هوادار و کوزل تقسیم اولنمش خانه-لری، مسکنلرینک اطرافنده کوزل چاپر و باغچه-لری، بو چاپرلرده اوتلار دلبر دینمکه شایان اینکلریله کوزل آتلی، قپولرینک اوکنده اک یکی اصولده و اک مکمل آلات زرعیه-لری وارد. غرونیکه-نک اک کوچک کویلرنده بیله عمومی کتبخانه-لر، تاریخ طبیعی و آثار عتیقه موزه-لری و نباتات باغچه-لری کوریلور؛ بو ترقیاتک اسبابندن برده کندیلرینه مخصوص اولان اراضی نظامنامه-سیدر. شویله که: اراضی اصحابی محدود و معین بر اجاره آلوب هیچ بر ایشه

قاریشه-مازلر، و بو اجاره-یی آرتیرمق ویا مستأجری تبدیل ایتمک حقنی حائز دکلردر. مستأجرلر اراضیی ایشلمه حقنی ورثه-لرینه ترک ویا بشقه-لرینه فروخت ایده-بیلیرلر. یالکز بو حقه انتقال و فراغنده اراضی اصحابی ایکی سنه-لک اجاره مقدارنده بر رسم آلیرلر.

1-3271-5

غرویره

#1

اسویچه-نک فریبورغ ناحیه-سندده و قریبورغک 20 کیلومتره جنوبنده قضا مرکزی بر قصبه اولوب، 1100 اهالیسی، اسکی غرویره قونتلرینه مخصوص بولنمش بر قلعه و سراپی و هر طرفه اخراج اولنان مشهور پینیری واردر.

2-3271-5

غرونلانده

یاخود غرونلانده #1 آمریقانک منتهای شمال شرقیسندده واقع بر یردر، که اساسی قطب شمالی بوزلری آلتنده مستور اولدیغی حالده، آمریقا ایله اروپا آره-سندده بیوک بر شبه جزیره صورتنده جنوبه طوغری ممتد اولور.

موقعی، حدود و مساحه-سی. -* غرونلاندهک حدود شمالیه مجهوله-سی بحر متجمد شمالی ایله محدود اولدیغی حالده، بحر محیط آطاسی ایچنه طوغری ممتد اولوب، شرق و جنوب و غرب جنوبی سواحلی بحر مذکورله محدوددر. حدود شرقیه-سنی ایسه ینه بحر محیط آطاسیه مربوط داویس بوغازی، بافن قویی، اسمیت بوغازی، قانه قویی، کندی بوغازی، هال قویی و نهایت روبزون بوغازی تحدید ایدیور. بو جهتند $82^{\circ}30'$ عرض شمالیه قدر کیدیله-بیلوب، سواحل غربیه-سی کاملاً و سواحل شمالیه-سنگ بو قسمی کشف و تعیین اولنمشدر. شرق طرفنده ایسه بوزلر سیر سفائنه دهه زیاده مانع اولوب، 77° عرض شمالیه واقع (بیسمارق) برونندن یوقاریه چیقیله-مامشدر. سواحل شمالیه-نک منکشف اولان صوک نقطه-سندن اشبو بیسمارق بروننه قدر اولان اراضی مجهوله خط مستقیم اوزره تقریباً 900 کیلومتره طولنده-در. 7° عرض شمالیه قدر کنیشلکی بر و تقریباً 1000 کیلومتره اکنده اولوب، اورادن آشاغیه کیتدکجه طارلاشه-رق، تام 60° عرض شمالیه %قر اول\$ بروننه منتهی اولور. منتهای شمالیسی 82° عرض شمالیه فرض اولندیغی حالده، شمالدن جنوبه بویی تقریباً 2420 کیلومتره-در. بو حساب اوزره مساحه سطحیه-سی 2169750 مربع کیلومتره اولوب، یازین بوزلردن قورتلان و دانیمارقه-یه تابع اولان قابل سکنی یرلری تقریباً 88100 مربع کیلومتره وسعتنده-در. بونک اهالیسی 9530 کشیدن عبارت اولوب، بوزلرده یاشایان 500 قدر اسکمیو دخی علاوه اولنورسه، مجموع اهالیسی آنجق 10000 کشیه بالغ اولور. غرونلاندهک اکثر سواحلی مکشوف اولمغله، آطه اولمسی ویاخود هنوز اولنماش متجمد بوغازلرله بربرلردن آیرلمش بر قاچ آطه-دن مرکب بولنمسی محتملدر.

احوال طبیعی-سی، سواحل و جزایری. -* سواحل شرقیه-سی دکیزک ایچنه چیقمش قیالق و صرب برونلرله قره-لرک ایچنه کیرمش پک طولاشیقلی کورفلردن و سواحلک اوکنه سرپلمش بر چوق قیالردن عبارت اولوب، بو قیالق و صرب ساحلر پک یوکسک اولمغله، بو جهتند سفائنک تقریبی پک زور و پک مخاطره-لی اولدیغندن، اروپا سفاینی یالکز سواحل غربیه-سنه یناشه-بیلمش، و یالکز بو سواحلک قسم جنوبیسندده دانمارقه-لیلر بر طاقم کوچک مهجرلر تأسیس ایده-بیلمشلردر. آنجق بو سواحلدن دخی ایچریبه طوغری سیاحت ایدیله-میوب، سردی بوزلر و قارلر غرونلاندهک ایچ طرفنک کشفنه مانع اولدیغندن، هنوز احوال اراضیسی مجهولدر. شمالدن جنوبه بر سلسله جبال ممتد اولوب، ایکی مانله تشکیل ایتدیکی

تخمین اولنمش ایسه-ده، بو تخمین ده فرضیات حکمنده قالمشدر. مع هذا بعض مرتفع یرلری بولندیغی و بولردن سواحل قریب اولاندردن اسویچره-نک بوز دره-لرینه مشابه بعض دره-لر اینوب، بعضاً بو دره-لردن دکیزه جسیم بوز کتله-لری دوشدیکی کورلمشدر. سواحلک بعض یرلرنده-ده بوزلرک آلتندن دکیزه صولر دوکیلوب، بولرک انهار اولمسی محتملدر. سواحل و کنده بر چوق آطه-لری بولنوب، اک بیوکلری ساحل غربیسنده دیسکو (7786 مربع کیلومتره)، و ساحل شرقیسنده لیورپول (2775 م ک)، قلاورینگ (1371 م ک)، قوهن (639 م ک)، شانون (1090 م ک) و قولدوی (474 م ک) آطه-لریدر. اقلیم و هواسی. -* - غرونلاندک درجه عرضی هواسنک نه حالده اوله-جغنی آکلاتمغه کافیدر. اک صیجاق یری اولان قسم جنوبیسنده اک صیجاق موسمی اولان اغستوس آینده حرارت 24 درجه-یه قدر چیقارسه-ده، 1 درجه-دن آشاغی ایندیکی دخی اولور. ایلول و تشرین اولده هوا کیتدکجه صونویوب، تشرین ثانیده قیش باشلار؛ و بو موسمه متمادیا صفردن آشاغی قالب، تحت الصفر 25 درجه-یه قدر اینر. نیسانده صفردن یوقاری 15 درجه-یه قدر چیقارسه-ده، تحولاتی چوق اولوب، ینه صفردن آشاغیه اینر. قارلر حزیرانده اریمکه باشلایوب، تموزده بسبتون قالفار. مملکت دها شمالی یرلرنده یازلر دها قیصه و قیشلر دها شدتلی اولوب، دانیمارقه-لیلرک تأسیس ایتدکلری اسکله-لرک اک شمالیسی اولان و 73° عرض شمالیده بولنان % اوپرنالوق ده صوتوق زور طیانیه-بیله-جک بر حالده-در. دها اوته-ده اسمیت و کندی بوغازلرنده قار و بوزلر سردی اولوب، برودت تحت الصفر 40 و 50 درکه-ده بولنور؛ و آرتق اورالرده انسان و حیوان یاشامسی محال حکمنه کچوب، یالکز اسرار طبیعتی کشف ایله انسانیته خدمت ایتمک آرزوسنده بولنان غیرتلی سیاحلر جانلرینی تهلهکه-یه قویه-رق و عادتاً اولومه پنجه-لشه. رک، او دهشتلی یرلره قدر صوقیلورلر. برودته یکیاره بوزلر، پک شدتلی بوره-لر و فرطونه-لر، و بدن انسانه ایکنه-لر باتار کبی بر حال حس ایتدیرن بک کثیف سیسلر منضم اولورسه، غرونلاند و جوارلری هواسنک درجه دهشتی آکلاشیه-بیلیر. سنه-نک بر قسمی دائمی کیجه حالنده اولوب، دائمی بر قرانلق حکم سورر؛ و بو موسمه یالکز فجر شمالی آره صره لمعه پاش اولوب، کفنه بورلمش کبی کورینن او قارلی و خالی یرلری دهشت انکیز بر ضیای احمرله تنویر ایدر.

نباتات و حیواناتی. -* - غرونلاندک طوپراغی قاردن قورتلجه یعنی تموزده انواع نباتات و چیچکلر ظهور ایدرسه-ده، او موسمه اکثریا حکم سورن قوراقلق و متعاقباً عودت ایدن صوتوق بولرک بیومسنه مساعده ایتمز. مع هذا اروپا مهاجرلری بعض سبزه-لرله بر مقدار یر الماسی و آریه یتیشدیرلر. حیوانات محلیه بیاض طاوشان، قرمز تیلکی، رن دینلن صیغین جنسی، پک ایری و یرتیجی اولان بیاض آبی، قیزاق چکه-ده قوللانیلان کویک، و (آناقروش) دینلن کدیه مشابه بر یرتیجی حیواندن عبارتدر. اروپالیلر بر مقدار صیغیر و قیون دخی ادخال ایتمشلردر. قوشلری و علی الخصوص قره قوش، اق بابا، شاهین، قارغه کبی یرتیجی جنسلری چوقدر. دکیزلرنده بالیقلرک انواعی و بالینه و دکیز آیبسی کبی جسیم حیوانات بحریه-سی چوقدر. بعض محللرنده کمور معدن و مرمر و سائره بولنوب، کمور اخراج و محروقاتده استعمال اولنور.

اهالیسی. -* - غرونلاندک دانیمارقه-لیلر طرفندن اسکان و اعمار اولنان یری ساحل غربیسنده اولوب، منتهای جنوبنده-کی % قر اول \$ برونندن 73° عرض شمالیه قدر 13 درجه جغرافیه-ده ممتد اولور. ایکی سنجاغه منقسم اولوب، جنوب جهتنده-کی 5، و شمال طرفنده-کی 7 قضایه منقسمدر. برنجیسنک مرکزی % غودتاب \$، و ایکنجیسنک کی % دیسکو \$ آطه-سنگ ساحل جنوبیسنده واقع % غودهاون \$ اسکله-لریدر. هر قضانک مرکزی دخی بر کوچک اسکله-نک اطرافنده بر قاچ خانه-دن عبارتدر. اک مسکون یری اک جنوبده-کی % یولیانس هاب \$ قضاسی اولوب، شماله طوغری چیقلدقجه اهالی سیرکلشوب، معموریت آز الیر. اون بیکه قریب اولان مجموع اهالیسندن یالکز 236 سی خالص دانیمارقه-لی اولوب، قصوری یرلی ویا یرلی ایله دانیمارقه-لیلردن متولد ملزدر. اهالی اصلیه آمریقانک اقطار قطبیه-سندده منتشر اولان اسکیمو جنسیتنه منسوب اولوب، بولنر دانیمارقه-لیلرک اعمار ایتدکلری یرلرک خارجنده دخی بولنمغله، شمالاً 82 درجه-یه قدر آثارینه تصادف اولنمش؛ و سواحل شرقیه-ده دخی 73 درجه جوارلرنده کورلمشلردر. بولنر سائره همجنسلر کبی پک ساکن و مطیع اولوب، آنجق ننبل و ایلریسنی دوشونمز آدملردر. اوست و باشلری پک پیسدر؛ و دائماً بالینه و دکیز آیبسی اتنی

و یاغنی یمکدن بدنلری دخی پک فنا قوقار. آوجیلو و بالیقجیلقله مشغول اولوب، بو صنعتده و دریدن بر نوع خفیف قابق یاپوب کورک چکمکده بیوک مهارتلری واردر. ایچریده کینک تویی ایچریه و دیشاریده کینک دیشاریه چوپرلمش ایکی قات دریدن اثواب کییرلر. بعض ادوات و اسلحه اعمالنده-کی مهارتلری دخی استعداد طبیعیرینه دلالت ایدر. دانیمارقه-لیرله برابر ساکن اولانلرینه پروتستان دینی قبول ایتدیریلوب، دیکرلری سائر اسکیمولر کی جن ویریلره طاپارلر.

تجارتی.-* غرونلاندک تجارتی بوندن مقدم صرف دانیمارقه دولتی طرفندن اجرا اولنوب، 12 کمی بوکا تخصیص اولنمشدی؛ و بونلر غرونلاند اهالیسیچون ذخیره و سائر مالزمه-یی کوتوروب، عودتلرنده تیلکی پوستی، دکیز آیبسی دریسی، بالیق یاغی، طون یاغی، بالینه کمیکی و سائر محصولات محلیه-یه و یورسلین اعمالنده مستعمل قربولیت دینلن بر جنس طوپراغی دانیمارقه-یه نقل ایدرلردی. مؤخرأ تجار سفانننه دخی مساعده اولوب، هر طرفدن بعض سفائن کیدوب کله-رک، اجرای تجارت ایدرلر.

احوال تاریخیه-سی.-* غرونلاندک کشفی آمریقانک کشفندن چوق دها اسکی اولوب، بو یر تا اوننجی قرن میلادی اواخرندن %ایسلانده\$ لیلرک معلومی ایدی. ابتدا فرطونه-یه اوغرامش اسلانده-لی بر کمیجی غرونلاند دوشوب، عودتنده همشهریلرینه خبر ویرمکله او تاریخندن اعتبارأ ایسلانده-لیلر و بعده نوروجلیلر درت یوز سنه قدر غرونلاند کیدوب کلمکده ایدیلر. بعده هر نصلسه اونودیلوب، بر خیلی وقت اسمی بیله ایشیدلمز اولدقدن صکره، نهایت اون آلتنجی قرن میلادیده دانیمار بحریونی طرفندن یکیدن کشف اولنوب، اون سکرنجی قرن میلادی اواسطنده، دولت مشارالیه طرفندن سواحل عربیه-سنده بعض کوچک اسکله-لر انشاسیله اعمار و اسکانه تشبث اولنمش؛ و آنجق اقلیم و هوا و اراضیسنک استعدادی اولمدیغندن، بو اسکله-لر آنجق یوقاریده صاییلان بش اون قلم مواد تجاریه-نک اخراجنه مخصوص قالبوب، بر کونه ترقیات کوریه-مه-مشدر. او وقتلردن بری کرک دانیمارقه و کرک اسوج نوروچ و آلمانیا و انکلتره طرفندن دفعاتله کمیلر و فنی هیئتلر و سیاحلر کوندریله-رک، غرونلاند سواحلنده تحریات فنیه اجرا اولنمشدر.

1-3273-5

غری، محمد مؤمن

ایران شعراسندن اولوب، فیروز آبادلی اولدیغی حالده، شیرازده نشو و نما بولمشدر. آلتیوز بییتی حاوی مرتب دیوانی واردر. شو بیت اونکدر:

@@@

مرا نخواهد اما زرشک این که مباد

کند اسیر مرا دیکری رها نکند

\$

1-3274-5

غریان

طرابلس غرب ولایت و سنجاغنده و طرابلسک جنوب غریبسنده بر قضا اولوب، همنامی اولان مرتفعجه بر طاغ قضایی غربدن شرقه شق ایتمکله، ایکی طرفنده-کی مائله-لری خیلی مثبت و محصولدار اولدیغی کبی، بو طاغدن اینن بر قاچ چای دخی جفاره اووه-سنی اروا ایدر. مرکزی وادی الرمانه-نک یوقاریلرنده و بش آلتیوز متره ارتفاعنده اوله-رق طرابلسک 85 کیلومتره جنوبنده واقع قصر غریاندر. بو قضا ولایتک اک مثبت و محصولدار یری اولوب، بغدادی، آرپه، صفران، زیتون و سائره حاصل اولور. پاموق همان آغاج جسامتنده اولوب، بر قاچ سنه طیاندیغی مجرب اولدیغی کبی، بوکا ممال

انواع محصولات ویرمکه دخی اراضی و اقلیمك استعدادی وار ایسه-ده، اهالی زراعتہ آیشمامشلردر.
قضا خیلی مسکون ایسه-ده، اهالینك و حتی قضایی ترکیب ایدن قرانك بیله مقدارینه دائر بر معلوماته
دسترس اوله-مدق.

2-3274-5

غریب، شاه -*- میرزا

ایران شعراسندن اولوب، سلطان حسین بایقرانك احفادنندر. شو بیت اونکدر:

@@@

نی غبارست که ازدامن صحرا بر خاست

که زمین هم بتماشای توازجا بر خاست

\$

-*- هندستان شعراسندن دخی ایکی کشینك مخلصی اولوب، بری شیخ ناصر الدین دهلوی و دیکری سید
کریم الله بلکر امیدر. برنجیسنك فارسی مرتب دیوانی واردر.

3-3274-5

غریبی

اونجی قرن هجری عثمانلی شعراسندن اولوب، واردار یکجه-سندندر. طریق علمیه سلوک ایدوب بعده
طریق مولویه-یه انتسابله، سیاحتہ جیفه-رق، بر مدت دور بلاد ایتدکن صکره، 954 تاریخنده
استانبوله دخولنده وفات ایتمشدر. شو بیت اونکدر:

@@@

دیدم که درد هجر دلک چاره-سی نه-در

دیدي طیب و صلت آ کا چاره سینه-در

\$

4-3274-5

غریبی

ایران شعراسندن اولوب، سیاحت طریقله هندستانه کیده-رک همایون شاهک ملازملری سلکنه
کیرمشیدی. شو بیت اونکدر:

@@@

دل زچاک سینه میخواهد که بیند روی دوست

مرهم ای مشفق منه بر سینه افکارما

5-3274-5

غریبی، چلبی السید ابو بکر -*- افندی

قونیه چلیلرندن اولوب، پدري الحاج چلیبی عارف افندیین صکره 1159 تاریخندن آستانه حضرت مولویده مقام ارشاده کچمش، و 1199ده ارتحال ایتمشدن. شو مطلع اونکدر:

@@@

تار زلفک دل آواره-یه زنجیر ایتم

احسن وجهله دیوانه-یه تدبیر ایتم

\$

6-3274-5

غریت غریمسی

#1

انکتره-نک %لینقولن \$ قونتلغنده و لینقولنک 48 کیلومتره شمال شرقیسنده و %هومبر \$ نهرینک منصبده بر قصبه اولوب، 20250 اهالیسی، دمیر یولی، سفائن انشاسنه مخصوص دستکاهلری، خلاط فابریقه-لری، کراسته، معدن کموری و بالیق اخراجاتی، صاعلام لیمانی و پک ایشلک تجارت بحریه-سی واردن.

7-3274-5

غریزون

ناحیه-سی #1 اسویچره جماهیر متفقه-سنی ترکیب ایدن نواحینک بری اولوب، اسویچره-نک منتهای شرق جنوبیسنده واقعدن. هر طرفدن طاغ صیرتلرندن عبارت حدود طبیعیه ایله محاط اولوب، شمالاً سنت غال و غلاریس، غرباً اوری و تسین ناحیه-لریله، جنوباً ایطالیانک لومباردیا، شرقاً دخی آوستریانک تیرویل خطه-لریله محدوددر. 19° 46' ایله 5' 47° عرض شمالی و 19° 6' ایله 8' 8° طول شرقی آره-لرنده ممتد اولوب، شرقدن غربه بویی قوش اوجشی حسابیله تقریباً 140 کیلومتره-در. مساحه سطحیه-سی 7185 مربع کیلومتره اولوب، اسویچره-نک اک بیوک ناحیه-سی اولمغله، برسندن زیاده-در. آنجق اهالیسی او نسبتده اولمیوب، بتون اسویچره اهالیسنک 29ده بری نسبتده-در. بو ناحیه 93510 اهالی ایله مسکون اولوب، بهر مربع کیلومتره باشنه آنجق 13 کشی دوشن. اهالی مذکوره-دن 40000 قتلویک و 53510 ی پروتستاندر. اهالیکنک نصفته قریب مقداری یعنی %رین \$ حوضه-سنده و شمال جهتده ساکن اولانلری آلمان، آدریاتیک دکیزی مائله-سنده ساکن اولان بر سبعی ایطالیان لسانلریله و قصوری رومانش دینلن لاتینجه-دن بوزوق بر لسانله متکلمدرلر. اراضیسی طاغلق و پک مرتفع و صرپ اولوب، آلپ سلسله جبالنک %سنت غوتارد \$ ذروه-سندن آریلان ایکی شعبه یعنی %آلپ ده غلاریس \$ و %آلپ رتیق \$ شعبه-لری غرب جنوبیدن شرق شمالیه طوغری اوزانه-رق، غریزون ناحیه-سنی شق ایدرلر؛ و ایکنجیسی شمال و جنوبی اوله-رق ایکی قوله آریله-رق، جنوبی قولی قسماً ایطالیا حدودینی تفریق ایدر. بو طاغلق اک یوکسک ذروه-لرینک ارتفاعی 3680 و 3000 ایله 3500 متره آره-لرندر. بوز ذروه-لری دخی چوقدر. طاغلق آره-لرنده اووه بولنمیوب، آقان انهارک وادیلریده طار و اوزوندر. ذکر اولنان ایکی سلسله جبالک آره-سندده رین ایرماغنک یوقاری منابعنی تشکیل ایدن بر چوق چاپلر آدیغی کبی، ایکنجی سلسله-نک ایکی قولی آره-سندده-ده طونه تابعلرندن %این \$ نهری آقار؛ و منتهای غرب جنوبی گوشه-سنگ میاه جاریه-سی %پو \$ ایرماغی واسطه-سیله آدریاتیک دکیزینه دوکیلور. بو وجهله بو ناحیه شمال دکیزی و قره دکیز و آق دکیز مائله-لرینک نقطه اجتماعنده بولنوب، آروپانک اک یوکسک تقسیم میاه خطلرینی حاویدر. هواسی بالطبع صوئوق و سرت ایسه-ده، اسویچره-نک سائر طاغلق جهتلرینه نسبة معتدلجه-در. اراضیسنک آنجق یکرمیده بری قابل زراعت اولوب، محصولاتی اختیاجات محلیه-نک نصفنه بیله کفایت ایتمز. رین وادیسنک آشاغی طرفلرنده اوزوم دخی یتیشیر. اراضیسنک بر

خمسی اورمانلرله مستور اولوب، بعض طرفلرنده کیتدکجه آزالمقده-در. حیوانات اهلیه-سی 86000 صیغیر، 75000 قیون، 50000 کچی، 20000 طوموز و ایکی اوچ بیک بیکیردن عبارتدر. طاغلرنده آیی، کیک، قره-جه، طاوشان و سائر او حیواناتی دخی بولنور. قره فوشلری پک بیوک اولوب، دیکر بیرتیجی فوشلرده چوقدر. انهارنده چوق بالیق بولنور. هر نوع معادن موجود ایسه-ده، هیچ بری اهمیتله ایشلنه-جک قدر بول دکلدر. صنایعی پک ایلری اولمیوب، یالکز بعض یوک و ایپک منسوجاتله صماندن اورمه شیلر و اجزای کیمیویه ایله توتون و قونیاق فابریقه-لری واردر. باشلیجه سرمایه تجارتی پینیر، یاغ، دری، دمیر، اودون، کمور، قوری یمش و سائر-در. اراضیسنگ حالی دمیر یوللرتمدیدینه مساعد اولمیوب، زوررخدن کلن خط ناحیه-نگ مرکزی اولان %قوآره\$یه قدر تمدید اولنه-بیلمشدر. حکومتی جمهوریت مفرطه اولوب، 65 اعضادن مرکب بر مبعوثان و 3 اعضادن مرکب دائمی بر اجرات مجلسی واردر. 18 یاشنی تولدیرمش کافه افراد اهالی انتخاب ایتمک و 21 یاشنی کچکین اولانلر انتخاب اولنمق حقتی حائزدر. بو ناحیه 14 قضایه منقسم اولوب، 39 دائره انتخابیه و 232 قریه-یی حاویدر. مرکزی اولان %قوآره\$دن بشقه قصبه-سی اولمیوب قضا مرکزلی بیوجک قریه-لردن عبارتدر.

1-3275-5

غریقا

#1

آریقای جنوبیده فلنک مهاجرلرندن عبارت اولان (بویر)لرک (هوتنتوت) جنسیتنه منسوب یرلی سیاه قاریلرله ازدواجلرندن متولد بر قوم اولوب، بونلر امید برونک انکلیرلر طرفندن ضبط اولنمسی اوزرینه، شماله طوغری چکیلوب، قرن حاضر میلادی اوئلنده، خیلی کثرتلی اولدقلری حالده، امید برونک ایکی اوچ یوز کیلومتره شمالنده واقع %روکولده\$ طاغلرنده تمکن ایتمشلردی. بعده اوراسنی دخی ترکله، %اورانژ\$ ایرماغنی تجاوز ایده-رک، بر طاقملرک %غریقالاندوست\$ یعنی غربی غریقالر مملکتی دینلن بری مکان اتخاذ ایتمش؛ و دیکرلری %اورانژ\$ مملکتته کیرمشلرسه-ده، بو یرلرده دخی کندیلرینی راحت براقمدقلرندن، شرقه طوغری ایلریلیوب، زولولر مملکتی ایچنده %غریقالاند است\$ یعنی شرقی غریقالر مملکتی دینلن یرده توطن ایلمشلردر. سیماجه اوروپالیدن زیاده هوتنتوتلره مشابه اولوب، ساکن و چالیشقان آدملردر.

2-3275-5

غریقالاند

#1

آریقای جنوبیده انکلیرلرک امید برونی مهاجرنده و %اورانژ\$ حکومتک غرب و شرقنده ایکی یر اولوب، برینه %غریقالاندوست\$ یعنی ((غربی غریقالر مملکتی)) و دیکرینه %غریقالاند است\$ یعنی ((شرقی غریقالر مملکتی)) نامی ویریلیور. ایکیسده آنفاً بیان اولنان غریقالرله مسکون اولوب، بونلر امید برونی ضبط ایدن انکلیرلردن اورایه قاچمش ایکن، 1879 تاریخنده انکلیرلر بو ایکی بری دخی ضبط، و امید برونی مستعمره-سنه الحاق ایتمشلردر. غریبسنگ مساحه سطحیه-سی 45300 مربع کیلومتره و اهالیسی 45275 کشی؛ و شرقیسنگ مساحه سطحیه-سی 7533 مربع کیلومتره و اهالیسی 31000 کشیدر. غریبسند کیتلی الماس معدنلری بولنور.

1-3276-5

غریما

#1

صاقسه قرالغنگ لیبسیغ ایالتنده و لیبسیغک 26 کیلومتره جنوب شرقیسنده و %البه\$ ایرماغنه تابع %مولده\$ نهری اوزرنده قضا مرکزی بر قصبه اولوب، 7275 اهالیسی، دمیر یولی، اسکی بر سراپی و چوخه و فانله فابریقه-لری واردر.

2-3276-5

غریمسل

#1

اسویچره-ده %برنه\$ ایله %واله\$ ناحیه-لری آرہ-سنده و آلب جبالنده بر بوغاز و کچید اولوب، 2878 متره ارتفاعنده و اقدر. قارلرده قالان یولجیلرک امدادینه یتیشمک وظیفه-سیله موظف راهبلره مخصوص بر مناستری و جوارلرنده بلورلری واردر.

3-3276-5

غرین بی

#1

یعنی ((یشیل قوی)) آمریقای شمالیده ممالک مجتمعه-نک %ویسقونسن\$ حکومتنده و میشیغان کولنک شرق جهتنده شمال شرقیدن جنوب غربیه طوغری ممتد طار و اوزون بر قوی اولوب، بوی 180 و اکی 15 ایله 30 کیلومتره آرہ-سنده-در. کولن اوزون بر شبه جزیره ایله و بر صره آطه-لرله آیریلوب، قسم اعظمی ویسقونسن و آغزی میشیغان حکومتی داخلنده-در. درینلکی 150 متره-یه قدر بالغ اولور. ایچنه بر قاچ نهر دوکیلور.
*- مذکور کورفزک منتهای جنوبنده ینه بو اسمله مسمی قضا مرکزی بر قصبه و اسکله بولنوب، 10000 اهالیسی و کراسته اخراجاتی واردر. لیمانی صاغلام ایسه-ده مدخلی صیغدر. اهالیسنک نصفی قناده-دن کچمش فرانسز مهاجرلری اولوب، قصبه-ده فرانسزجه و انکلیزجه تکلم اولنور.

4-3276-5

غرین ریور

#1

یعنی ((یشیل ایرماق)) آمریقای شمالینک ممالک مجتمعه-سنده بو اسمله ایکی نهر بولنوب، بری %کنتوکی\$ حکومتنده جریانله، میسیسیپی ایرماغنه تابع %اوهیو\$ نهرینه دوکیلور. مجراسی 400 کیلومتره طولنده اولوب، قور اقلق موسمنده آشاغیکی 100 و یاغموزلر موسمنده بندلر واسطه-سیله 275 کیلومتره-لکی سیر سفاننه صالحدر.

*- دیکری ممالک مذکورہ-نک غرب جهتنده %قولورادو\$ ایرماغنی ترکیب ایدن ایکی نهرک بری اولوب، قیالی طاغدر سلسله-سنک %فرمونت\$ طاغنده نبعانله جنوبه طوغری جریان ایده-رک، %ویومینگ\$ و %واتاه\$ اراضیسی شق ایله، بحر محیط اطلاسیدن بحر محیط معتدله ممتد اولان

بيوك ديمير بول خطى آلتندن كچدكن و 800 كيلومتره-لك مسافه قطع ايتدكن
صكره، %قولورادو\$ حكومتى ايچنده %غراندريور\$ ايله برلشه-رك، قولورادو ايرماغى تشكيل ايدر.
حوضه-سى 175000 مربع كيلومتره وسعتنده اولوب، چول حالنده بر يردر، و صوينك اطرافه هيچ
فائده-سى اولماز.

5-3276-5

غرينوق

#1

اسقوچيانك %رنفرو\$ قونتلغنده و غلاسقووك 36 كيلومتره غرب شماليسنده اوله-رق %قليده\$ خليجك
صول كنارنده بر شهر و اسكله اولوب، 57820 اهاليلى، بيوك و صاغلام ليمانى، فنارى، جسيم
واپورلر اعمالنه مخصوص دستكاه و حوضلرى دمير خانه-لرى، متنوع ماكينه-لرله سفائنه مخصوص
يلكن بزي و خلات، يوك قماشلر، شكر، كاغد، حصير شاپقه، مرانغوزلغه متعلق مواد مختلفه و سائره
فابريه-لرى، پك ايشلك تجارت بحريه-سى و واپور ماكينه-سنى اكمال و تطبيق ايدن و بو شهرده نشأت
ايتمش اولان (جامس وات)ك هيكلى واردر.

6-3276-5

غرينويچ

#1

قطب جنوبيده ((يكي شتلاند)) جزايرندن برى اولوب، %ليوينغستون\$ ايله ((قرال جورج)) اطه-لرى
آره-سند 62°30' عرض جنوبي ايله 57°20' طول غربيه واقعدر. كوزل بر ليمانى واردر.

7-3276-5

غرينويچ

#1

انكلتره-نك %كنت\$ قونتلغنده و لوندره كوپريسك 5 كيلومتره شرق جنوبيسند و %تاميسه\$ نهرينك
صاغ كنارنده 51°28' 38" عرض شمالى ايله 2°20' 14" طول غربيه بر شهر اولوب، 40410
اهاليلى، بيوك بحريه عسكريه مكتبى، انكلتره-نك مشاهير بحريونيله اسفار بحريه-سنة متعلق رسملرله
آثار نفيسه-يه مخصوص موزه-سى، بيوك رصدخانه-سى و بوكا مربوط مكممل كتبخانه-سييله پك چوق
آلات و ادوات رسديه-سى واردر. انكليزلر طول جغرافينك مبدئى غرينويچ رصدخانه-سك كنبندن
اعتبار ايدورلر.

1-3277-5

غرينويچ

#1

آمریقای شمالیده ممالک مجتمعه-نک %فونکتیقوت\$ حکومتنده %فیرفلد\$ قونتلغنده و هارتفوردک 125 کیلومتره جنوب غربیسنده اوله-رق ساحل بجرده و %نیویورق\$ حکومتک حدودی اتصالنده واقع بر قصبه اولوب، 7650 اهالیسی و نیویورق اهالیسنک تفرجگاهی حکمنده بولنان کوزل باغچه-لری واردر.

2-3277-5

غریوس

#1

انکلتره-نک مشاهیر مستشرقیندن اولوب، 1602 تاریخنده %قولمور\$ده طوغمش، و 1652ده وفات ایتمشدر. ابتدا لوندره-نک %غرشام\$ و بعده %اوقسفورد\$ مکتبنده هندسه و هیئت علملرینی تدریس ایدوب، 1637ده مصره عزیزمتله، ال یازیسیله محرر بر چوق کتب و آثار عتیقه جمع ایده-رک، عودتنده اوقسفورد دار الفونوی هیئت معلمکنه نصب، و 1648ده قرال طرفدارلغندن طولایی عزل اولنمش ایدی. آثار عتیقه مصریه-یه و لاتین و فارسی لسانلرینه دائر بر قاچ کتاب یازمش؛ و علوم ریاضیه و هیئت و جغرافیایه متعلق السنه شرقیه-دن بر قاچ کتاب ترجمه ایتمشدر.

3-3277-5

غزال

رئیس المعتزله اولان مشهور و اصل بن عطانک لقبیدر. [(واصل بن عطا)) ماده-سنه مراجعت بیوریله].

4-3277-5

غزاله

مشاهیر نسادن اولوب، شیبیب خارجیینک زوجه-سیدر. حجاج بن یوسف زوجنی قتل ایتدکدن صکره، صاحبه ترجمه قیام ایدوب، بر سنه حجاجه قارشی طورمشدر.

5-3277-5

غزالی، حجة الاسلام زین الدین ابو حامد محمد بن محمد بن احمد الطوسی

اعظم علمای اسلامدن و اکابر فقهاء شافعیه-دن اولوب، 450 تاریخنده خراسانده طوس شهری جوارنده %غزاله\$ قریه-سنده طوغمشدر. ابتدا طوسده احمد الراز کانیدن و بعده نیساپورده امام الحرمین ابو المعالی الجوینیدن تحصیل علوم ایده-رک، استادینک حیاتنده کسب شهرت و تألیفه مباشرت ایتمکله، مشارالیه طرفندن تحسین و تشویق اولنمش؛ و استادینک وفاتنده نیسابوری ترکله، %سرمن رأی\$یه عزیزمت ایده-رک، وزیر نظام الملک ایله کوریشمش؛ و مشارالیهک اکرام و تعظیمنه مظهر اولوب، حضورنده مشاهیر علما ایله ایتدیکی مباحثات علمیه-ده جمله-سنه تفوقله، درجه علم و کمانی اثبات ایتدیکندن، 484 تاریخنده بغدادده مدرسه نظامیه-نک بر مدرسکنه نصب اولنه-رق، درت سنه تدریس علوم ایله، کسب اشتهار ایتدکدن صکره، 488ده کافه مشاغلنی ترکله، بر مدت کوشه زهد و تقوایه چکلمش؛ و بعده جانب حجازه عزیزمتله، ایفای حج شریف ایدوب، عودتنده بر زمان دمشق شامده

جامع امیه-نک غرب جهنده-کی مدرسه-ده تدریسه بعد الاشتغال، بیت مقدسه عزیزتله، عبادتله و زیارت مشاهدله وقت کچیرمش؛ و اورادن اسکندریه-یه کیدوب، بر مدت قالدقن صکره، سلطان یوسف بن تاشفینک دعوتی اوزرینه، مغربه کیتمک اوزره کمیه بینمش ایسه-ده، اثنای راهده سلطان مشار الیهک وفاتی خبرینی ألمغله، یاری یولدن دونوب، وطننه عودت ایتمش ایدی. طوسده بر مدت تدریس و تألیفه اشتغال ایدوب، بعده نیشابورده مدرسه نظامیه مدرسلکنی قبول ایتسنه ابرام اولنمغله، اورایه عزیزته مجبور اولمش؛ و نهایت بونده ترک و وطننه عودتله، منسوب بولندیغی طریق صوفیونه مخصوص بر خانقاه و یاننده بر مدرسه اتخاذ ایدوب، بقیه عمرینی عبادت و ارشاد و تدریسه کچیرمش؛ و 505 تاریخنده 55 یاشنده ارتحال ایتمشدر. تألیفاتی چوق اولوب، اک مشهورلری بروجه آتیدر: ((احیاء علوم الدین))، فقهده ((السیط))، ((الوسیط))، ((الوجیز))، ((الخلاصة))، ((المستصفی))، جدلده ((المحل))، ((المنتحل))، ((تهافت الفلاسفة))، ((محک النظر))، ((معیار العلم))، ((المقاصد))، ((المضنون به علی غیر اهله))، ((المقصد الاسنی فی شرح اسماء الحسنی))، ((مشکاة الانوار))، ((المنقذ من الضلال))، ((حقیقة القولین)) و سائره. کندیسی صوفیون مسلکنده بولنمغله، فلاسفه-نک افکارینی رد و جرح یولنده مذکور ((تهافت الفلاسفة)) کتابنی یازمش؛ و معاصری بولنان مشهور ابن رشد اندلسدن بوکا جواباً ((تهافت تهافت الفلاسفة للغزالی)) عنوانیله بر کتاب تألیف ایدو-رک، اقصای شرقده ظهور ایدن بر اثره اقصای غربدن جواب ویرمشدی. امام غزالی نیک عربی و فارسی بعض اشعارده منقول اولوب، شو قطعه او جمله-دندر:

@@@

هبنی صبوت کما ترون بز عمکم

و حظیت منه بلثم خد از هر

انی اعتزلت فلا تلوموا انه

اضحی یقا بلنی بوجه اشعری

\$

وفاتنده شاعرک بری شو بیٹی سویمشدر:

@@@

نصیب حجة اسلام ازین سرای سپنج

حیات پنجه و پنج و ممت پانصد و پنج

\$

1-3278-5

غزالی، ابو الفتح مجد الدین احمد بن محمد بن محمد بن احمد

مشاهیر علما و فقهاء شافعیه-دن اولوب، آنف الترجمه امام غزالی نیک برادریدر. قوه ناطقه-سی و حسن منظره-سی اولمغله، و عطی پک مؤثر اولوب، اک زیاده و عظیمه شهرت بولمشدر. برادری امام مشار الیه بغداد نظامیه-سندن چکیلوب، اختیار انزوا ایتدیکنده، صاحب ترجمه نیابته مدرسه مذکوره-ده تدریسه اشتغال ایتمشدی. برادرینک ((احیاء علوم الدین)) کتاب مشهورینی ((لباب الاحیاء)) عنوانیله بر جلد اوزره اختصار ایتمشدی. ((الذخیره فی علم البصیره)) عنوانیله بر تألیفی دخی واردر. بونک دخی طریق صوفیونه انتسابی و عزلت و انقطاعه میلی وار ایدی. بر خیلی مدت دخی سیاحت و دور بلاد ایدو-رک، 520 تاریخنده %قزوین\$ده وفات ایتمشدر.

2-3278-5

غزالی

ایران شعرا سندن ایکی کشینک مخلصیدر:

برنجیسی (مولانا -*) (مشهدلی اولوب، 930 تاریخده طوغمش؛ و هندستانه سیاحتله، جانپور حاکمی خان زمان علی قلی خانک خدمتنه کیره-رک، بونک نامنه ((نقش بدیع)) عنوانیله بر منظومه یازوب، هر بیتچون بر آلتون جائزه آلمش ایدی. حاکم مشارالیه اکبر شاهله ایندیکی محاربه-ده قتل اولندقده، مولانا غزالی شاه مشار الیهک الینه کچوب، تقدیر و التفاتنه نائل و حتی ملک لشعرا عنواننه دخی مظهر اولمش، و بو عنوانه استحقاقنی اثبات ایتمشدر. اکبر شاهک معیتنده کجرات فتحنه کیدوب، 980 تاریخده اوراده وفات ایتمش، و احمد آبادده دفن اولنمشدر. مرتب دیوانی و ((رشحات الحیات))، ((کتاب الاسرار)) و ((مرآت الکائنات)) عنوانرلیله اوچ منظومه-سی که جمعا قرق الی بیک بیته بالغ اشعاری واردر. شو رباعی اونکدر:

@@@

در کعبه اکر دل سوی غیر است ترا
طاعت ز نار و کعبه دیر است ترا
ور درل بحق است و ساکن بتکده-ئی
خوش باش که عاقبت بخیر است ترا

\$

-* ایکنجیسی هر اتلی اولوب، حیدر کلیچه-نک شاکردیدر. بو دخی هندستانه سیاحت ایدوب، مخلص اشتراکی سببیلله آنف الترجمه مولانا غزالی صاتااشمش ایستمش ایدی. شوخ مشرب بر آدم ایدی. شو بیت اونکدر:

@@@

اودر اندیشه که چون خون غزالی ریزد
من در اندیشه که اندیشه دیگر نکند

\$

3-3278-5

غزالی

[((جانبرد غزالی)) ماده-سنه مراجعت بیوریلله.]

4-3278-5

غزالی زاده، مولانا عبد الله افندی

علمای عثمانیه-دن اولوب، حجة الاسلام امام غزالی نسلنددر. محشی تفسیر بیضاوی عبد الله افندی دن و بعده طاشکیری زاده مصلح الدین افندی دن اخذ علوم ایدوب، بعض مدارسده مدرسلک و بعض قضاالرده قاضیلک ایده-رک، حقانیت و استقامتیه شهرت بولدیغندن، مصر اوقاف مفتشلکنه نصب اولنوب، اورانک اوقافنی حال تذبذب دن قورتارمش؛ و عودتنده ابا ایوب و غلظه قاضیلغنه نصب اولنمش؛ و صدر اعظم رستم پاشانک داللتیه خیلی احسان و التفاتنه نائل اولمش ایدی. وزیر مشار الیهک وفاتنده تقاعد اولوب، 977ده وفات ایتمشدر. اسماء حسنایه بر شرح یازمشدر.

5-3278-5

غز نوپلر

مرکز حکومتلری غز نه شهری بولنمش اولان آل سبکتکینه ویریلن اسمدر. [(سبکتکین)) ماده-سنه مراجعت.]

6-3278-5

غز نه

یاخود غزنین. افغانستانده کابلک 135 کیلومتره جنوب غریبسنده و %غولکوه\$ک بر وادیسنده اوله-رق %آب ایستاده\$ کولنه دوکیلن بر نهرک وادیسنده و '34°33 عرض شمالی ایله '58°65 طول شرقیده واقع ایالت مرکزی بر قصبه اولوب، تقریباً 10000 اهالیسی وارد. موقعی حذای بجردن 2350 متره مرتفع اولوب، قیشلری پک شدتلیدر. موقعی پک متین اولدیغی کبی، استحکاماتی دخی صاغلاندر. مع هذا انکلیزلر 1842 و 1880 تاریخلرنده ضیطنه مقتدر اولوب، بعض استحکاماتی هدم ایتمشلردر. بو قصبه یدی سکز یوز سنه-لک اولوب، آل سبکتکینک پایتختی بولنمش اولان اسکی غز نه-نک ایسه شمیدیکی قصبه-نک 5 کیلومتره شمال شرقیسنده خرابه-لری مشهود و سلطان محمود سبکتکینک تره-سی دخی اوراده موجوددر. یاقوت حموی شهرک اصل اسمی %غزنین\$ اولوب، بین العوام غز نه دینلدیکنی و بعضاً معرب اوله-رق، (جزنه) صورتنده استعمال اولندیغنی بیان ایده-رک، بیوک بر شهر اولدیغنی و مشاهیر علمادن حسابسز ذواتک مسقط رأسی بولندیغنده علاوه ایدیور. سلطان محمود سبکتکین زماننده غز نه-ده بیك جامع و مدرسه بولندیغی مرویدر.

1-3279-5

غزنین

افغانستانده-کی غز نه قصبه-سنگ اسم اصلیسیدر. [ماده آنفه-یه مر.]

2-3279-5

غزوان

طائفک اوستنده و غرب جهتنده بر طاغ اولوب، بلده مذکوره بونک اتکنده واقعدر. *- هراتده دخی بو اسمله بر محله وار ایدی.

3-3279-5

غزه

فلسطین خطه-سنده و قدس شریف سنجاغنده قدسک تقریباً 90 کیلومتره جنوب غریبسنده و عریشک ینه 90 کیلومتره شرق شمالیسنده اوله-رق '15°29'31 عرض شمالی ایله '5°7'32 طول شرقیده واقع قضا مرکزی بر قصبه اولوب، یالکز ایکی اوچ یوزی خرسیتیان اولمق اوزره، 16000 اهالیسی وارد. قصبه قومدن ایکی تپه-نک آره-سنده واقع اولوب، دکیزدن درت بش کیلومتره-لک مسافه-ده-در. بربرلرندن آیری و متفرق اولان محله-لری بر تپه-نک اطرافنده اولوب، تپه-نک اوستنده پک قدیم و کلیسادن مبدل بر

جامع شريف بولنيور، كه سكر كوشه-لى مصنع مناره-سى اوزاقدن كورينور. كرك بو تپه-ده و كرك جوارنده-كى ديكر تپه-لرده و على الخصوص ((تل العجيل)) دينلى ايچنده بر چوق آثار عتيقه بولنوب، مصنع بر مشترى هيكللى دخى چيقيمشدر. غزه پك قديم اولوب، حضرت ابراهيمك زمانندن اول موجود بولنمش اولديغى تور اتده مذكوردر. بيوك اسكندر غزه-نك محاصره-سييله درت آي اوغراشوب، مجروح دخى اولدقن صكره، كوج حال ايله فتح ايده-بيلمشيدى. بطالسه ايله سلفكيلىر آره-سنده وقوع بولان محارباتده دفعايله خراب اولوب، ينه اعمار اولنمشدى. فتوح شام صره-سنده ايادى مسلمينه كچوب، بر چوق مشاهيرك و حتى امام شافعى (رضه) بو قصبه-ده تولد ايتمشدر. جد حضرت نبوى هاشم بن عبد منافك غزه-ده وفات ايتمش اولديغى و مرقدى اوراده بولنديغى مرويدر. اهل صليب زماننده بر چوق محارباته ميدان اولوب، دفعايله ضبط و استرداد، و استحكاماتى هدم اولنمغله، اليوم استحكاماتدن خاليدر. *- قضاسى 71 قريه-دن مركيدر.

*- افرقيه-ده قيروانندن اوچ كونلك مسافه-ده بو اسمله بر قصبه ده بولنديغى ابو عبيد البكرى ((معجم))نده بيان ايديور.

4-3279-5

غزى، ابو اسحق ابراهيم بن عثمان

مشاهير شعرا و فضلادن اولوب، غزه-ده طوغمش، و 524 تاريخنده مرودن بلخه كيدركن، طقسان ياشنى متجاوز اولديغى حالده، اثنای راهده وفات ايدوب، بلخه نقل ايله، اوراده دفن اولنمشدر. شو بر ايكي بيت جمله اشعارنددر:

@@@

ان يكر هوا نظم القريض فعذرهم

باد كحاشية الرداء المعلوم

هم محرمون عن المناقب و العلى

و الشعر طيب لايجل لمحرم

\$

5-3279-5

غزيله

ياخود غزبه. صحابيئاتدن اولوب، (ام الشريك) كنيه-سييله و كندينى فخر كائنات (صلعم) افندمزه هبه ايدوب ازواج مطهره-لرى زمره-سنه داخل اولمغى آرزو ايتمش اولمسييله مشهوره-در. كنديسندن بعض احاديث شريفه منقولدر.

6-3279-5

غسان

ازد قبيله-لرندن بر عرب قبيله-سى اولوب، اصلى يمندن اولديغى حالده، كثرت مياهييله معروف (غسان) اسمنده بر محلهه توطن ايتمكله، بو اسمله تسميه اولنمشدى. بو قبيله-دن جاهليتده شام جهتنده حكم سورن غسانيلر خاندانى يتيشديكى كى، دور اسلامده دخى غسانى نسبتيله معروف بعض مشاهير ظهور ايتمشدر.

1-3280-5

غسانى، القاضى الرشيد ابو الحسين احمد ابن القاضى الرشيد ابى الحسن على بن الزبير

مشاهير علما و شعراء اولوب، مرتب ديوان اشعارى و مشاهير فضلائك تراجمنى جامع ((كتاب الجناب و رياض الاذهان)) عنوانيله بر تاليفى و اردر. علوم ادبيه و شرعيه و رياضيه-ده يد طولى صاحبى اولوب، ملوكفا فاطميه-نك اخيرى و شاورك وزارتى زماننده مصدره مسند و جاهه نائل اولمش؛ و سفارتله يمينه اعزام اولنه-رق، اوراده بعض اعيانى مدح ايتمكله، شاور بونى خبر آديغندن، و بر روايتده اسد الدين شيركوهه ميلنى بيلديكندن، ماملكنى بعد المصادره، مصره عودتنده 563 تاريخنده كنديسنى ظلماً قتل و اعدام ايتمشدر. پك اسمر ايدى. شو ايكي بيت جمله اشعار ننددر:

@@@

اذا ما بنت بالحر دار يو دها
و لم ير تحل عنها فليس بذى حزم
و هبه بها صبا الم يدر انه
سيز عجه منها الحمام على رغم

\$

*- بونك برادرى (القاضى مهذب الدين ابو محمد الحسن الغساتى) علمده صاحب ترجمه-دن دون ايديسه-ده، شعرده اونندن اقدم اولوب، شو ايكي بيت جمله اشعار ننددر:

@@@

و ترى المجرة و النجوم كأنما
تسقى الرياض بجدول ملآن
و لو لم تكن نهرا لما عامت بها
ابدا نجوم الحوت و السرطان

\$

2-3280-5

غسانى، ابو على الحسين بن محمد بن احمد الجيانى الاندلسى

مشاهير محدثين و ادباء اولوب، اندلسك جيان خطه-سنده 427 تاريخنده طوغمش؛ و قرطبه-ده تدريس و افاده ايله مشغول اولوب، علم حديثه ((تقييد المهمل)) عنوانيله بر اثر معتبر يازمشدر. علم انسايده معلوماتى و حسن خطى دخى وار ايدى. 498 تاريخنده وفات ايتمشدر.

3-3280-5

غسانيلر

روم قيصرلرينه تابع اوله-رق دمشق شامده حكم سورمش عرب طوائف ملوكندن اولوب، عن اصل يمدن كلمه وازد قبائلندن غسان قبيله-سنه منسوب ايديلر. بونلرك برنجيلرى جفته بن عمر بن عمر اولوب، جمله-سى يكرمى يدى كشيديرلر. اسلامدن درتيوز سنه اول ظهور ايدوب، حضرت عمر (رضه)ك زمان خلافتنه دك حكم سورمشلردر. اسملرى بروجه آتيدر: جفته، عمرو، ثعلبه، حارث، جبله، حارث، منذر، نعمان، جبله، ايهم، منذر، جفته، نعمان، نعمان، نعمان، جبله، نعمان، حارث، نعمان، منذر،

عمرو، حجر، حارث، جبله، حارث، نعمان، ايهم، منذر، جبله. اكثرى دين عيسايه تابع اولوب، اخيرلرى اولان جبله خلافت جناب فاروقيه اسلامه كلمش؛ و بر چوق توابعيله حجه كيدوب، اثنای طوافده اوكنه كچن بر آدمه طوقات آتمغله، عدالت جناب فاروقيه دوچار اولوب، حقنده مجازات ترتيب اولنجه، و بوكا قارشى حدت ايتديكنده، اسلامده حقوقده اشخاص بيننده فرق و تفاوت اولميه-رق، حضور محكمه-ده جمله-نك مساوى بولنديغنى آكلينجه، قيصر ك ياننه قاچوب، تنصر ايتمش ايدى. او اثناده ايسه شام خطه-سى كاملاً فتح اولنديغندن، بونكله غسانيلر سلاله-سى منقرض اولمشدر.

4-3280-5

غسانيه

اندلسك اك مشهور ادبيه-لرندن اولوب، بجانہ مملكتندن اولمغله، (الغسانية البجانية)) دينمكله معروفه-در. شو قطعه جمله اشعار ننددر:

@@@

عهدتم و العيش فى ظل وصلهم
انيق و روض الوصل اخضر فينان
ليالى سعد لا يخاف على الهوى
عتاب و لا يخشى على الوصل هجران
\$

5-3280-5

غصايرى

ياخود غصايرى، مشاهير شعراى ايراندن اولوب، %رى\$ شهرنده نشأت ايتمش؛ و سلطان امين الدوله-نك خدمتنده بولنوب، يك چوق انعام و احسانلرينه مظهر اولمشيدى. شو بر ايكي مشار اليهك مدحنده سويلديكى بر قصيده-سندندر:

@@@

صواب كرد كه پيدا نكرد هر دو جهان
يكانه ايزد دادار يى نظير و همال
و كرنه هر دو جهانرا كف توبخشيدى
اميد بنده نماندى بايزد متعال
\$

6-3280-5

غضنفر

ايران شعرا سندن اولوب، قم شهرينه تابع %كلجار\$ قريه-سندن اولديغى حالده، كاشانده اقامت ايدردي. اواخر عمرنده كوزلرينه عماطارى اولديغى حالده، ينه تدريسله مشغول اولوردى. شو بيت اونكدر:

@@@

دلّم پر آتش و چشمم پر آب شد هر دو
دوخانه وقف تو كردم خراب شد هر دو

\$

1-3281-5

غفاری، محمد قاضی -*

ایران مشاهیر شعرا سندن اولوب، نظم و نثرده و هزلیاتده مهارتی وار ایدی. بر مدت %ری \$ مملکتده قاضی اولوب، 932 تاریخده وفات ایتمشدر. شو بیت اونکدر:

@@@

چومن دیوانه هرکز قدم دردشت غم نهاد
درآن وادی که من سرمی نهم مجنون قدم نهاد

\$

2-3281-5

غفیره، بنت رباح الحبشیه

صاحبیادن اولوب، مؤذن حضرت نبوی بلال حبشی (رضه)ک همشیره-سیدر. خالد اسمنده بر برادرلری دخی وار ایدی.

3-3281-5

غلاته

#1

اساطیر یونانیه-ده بو اسمله بر پری ذکر اولنیور، که (تریوس) ایله (دوریس)کی قیزی اولوب، کویا کندیسنه (پولیفم) اسمنده برجن و (آکیس) اسمنده کوزل بر دلیقانلی عاشق اولمغله، بونی ترجیح ایتدیکندن، مذکور جن بو عاشقنی جسیم بر قیا ایله اتلاف ایتمش.
*- کلتلر یعنی اسکی غاللر حکمدار لرندن برینک دخی بو اسمده بر قیزی اولوب، کویا قهرمان موهوم (هرکول)ه تعشق ایتمکله، بوندن (غلاتس) اسمنده بر اوغلی اولمش.

4-3281-5

غلاتیا

#1

آناتولیده آنقره ایله یوزغاد و کنغری سنجاقلرندن عبارت خطه-نک اسم قدیمی اولوب، فرانسه اهالی قدیمه-سی اولان %غال \$لردن بر طائفه-نک میلاددن 278 سنه اول اورایه هجرت و توطن ایتلمری مناسبیله بو اسمله تسمیه اولنمشدی. شمالاً %بیتینیا\$ و %پافلاغونیا\$، غرباً %فریجیا\$، شرقاً %پونتوس\$، جنوباً دخی %لیفاونیا\$ و %قیادوقیا\$ خطه-لریله محدود ایدی. مذکور غاللر بر طاقم یونانیلرله برلکده اوله-رق، سوریه حکمداری آنتیوخسه قارشی بیتنیا حکمداری برنجی نیقومیدک امدادینه کلمش اولمغله، بونک طرفندن کندیلرینه مذکور خطه-ده بر مقدار یر ویرلمش؛ و کندیلری اطرافه تجاوزله، خطه مذکور-ه-نک بتوننی ضبط ایتمشلردی. بعده سوریه حکمداری بیوک آنتیوخسک اتفاقنه

کیرمکه، رومالیرله ایتدکلری محاربه-ده قبل المیلاد 190 تاریخنده مذکور آنتیوخس مغنیساده مغلوب اولدقن صکره، بونلر دخی مغلوب اولوب، میلاددن 25 سنه اول اوغستوس غلاتیایی قطعياً روما دولتته الحاق ایتمشدی. غلاتیا اهالیسی اوچ قومه منقسم اولوب، شرق جهتنده-کیلره %تروقم\$، جنوب غربی طرفنده-کیلر %نولیستوبوری\$، شمال غربی جهتنده-کیلره ده %توقتوساج\$ نامی ویریلیردی. مرکزلی او وقت %آنکوره\$ دینلن آنقره ویا انکوری شهری ایدی. رومانک صوک ایمپراطورلری زماننده غلاتیا ایکی دائره-یه تقسیم اولنوب، برنجیسنک مرکزی آنقره و ایکنجیسنک-کی %پسینونته\$ شهری ایدی. غالاتلر مستقل بولندقجه، منقسم بولندقلری اوچ قومدن بهرینک درت رئیس منتخبی وار ایدی. و سپاهی اصولنده اداره اولنوب، جوارلرنده-کی حکمدارلرک اجرت مقابلنده عسکرک خدمتلرنده بولنورلردی. میلادک درنجی قرننه-دک لسان و اخلاقلرینی محافظه ایتمشلردی.

5-3281-5

غلاچ

#1

پروسیه-نک %سیلزیایا\$ خطه و ایالتنده %برسلاؤ\$ سناغانده و %برسلاؤ\$ک 77 کیلومتره جنوب غربیسنده قضا مرکزی بر قصبه اولوب، 13000 اهالیسی، یوک و ایپک منسوجاتله یز، باصمه، صابون فابریقه-لری و دباغخانه-لری وارددر. ملغا بر قونتلغک مرکزی اولوب، تقریباً یوز بیک اهالیسی اولان بو قونتلق برسلاؤ سناغانک ایکی قزاسنی تشکیل ایتمشدر.

6-3281-5

غلاریس

#1

اسویچره-ده %برنه\$ک 215 کیلومتره شرقنده و %لینت\$ نهری اوزرنده همانمی اولان ناحیه یعنی جمهوریتک مرکزی بر قصبه اولوب، 5520 اهالیسی، کنیش و کوزل سوقاقلری، قنولیک و پروتستانلره مخصوص ایکی قسمة ایرلمش مصنع کلیساسی، پک اسکی بر خسته-خانه-سی، چوخه، باصمه و ایپک منسوجات فابریقه-لری و مقبول بر جنس پینیر اخراجاتی وارددر. 1861ده قصبه-نک قسم کلیسی محترق اولمشدی.

7-3281-5

غلاریس

ناحیه-سی #1 اسویچره جماهیر متفقه-سنی ترکیب ایدن 22 ناحیه-نک بری اولوب، مملکت مذکوره-نک قسم وسطیسنده '46°51' ایله '47°13' عرض شمالی و '6°30' طولی شرقی آره-لرنده ممتد اوله-رق، شمالاً و شرقاً سنت غال، جنوباً غریزون، جنوب غربی جهتندن اوری، غرباً دخی اشویچ ناحیه-لریله محاط و محدوددر. شمالدن جنوبه اولان طول اعظمی 45 کیلومتره، مساحه سطحیه-سی 691 مربع کیلومتره و اهالیسی 36180 کشیدن عبارتدر. اهالیسی کاملاً آلمان و اکثری پروتستان اولوب، یالکز 5800 قنولیکدر. %غلاریس آلپی\$ نامیله غربدن شرقه ممتد اولان و بو ناحیه-یی غریزون ناحیه-سندن ایران سلسله جبال بو ناحیه-نک ایچنده اتک و شعبه-لرینی تمدید ایتمکه، اراضیسی طاغلق و عارضه-لی اولوب، یالکز %لینت\$ وادیسنک آشاعی طرفی بطاقلق بر اوفق اووه تشکیل ایدیور.

طاغلرینك اڭ يوكسى 3623 متره ارتفاعنده-در. مياہ جاريہ-سى مذکور %لینت\$ نہرینہ طوپلانوب، %زوریخ\$ کولنہ و اورادن %رین\$ ایرماغنہ دوکیلور. ناحیہ-نك اورتہ-لرینہ قدر کیرن بوز درہ-لرینك تاثیریلہ ہواسی پك صونوق ایسہ-دہ، قیشلری پك اوزون اولمیوب، بہارده اسن لدوس روزکاری قارلری اریدیر، و حبوبات و میوہ-لری وقتیلہ پتیشدیرر. محصولاتی احتیاجات محلہ-یہ غیر کافی اولوب، اوزوم و میوہ-لری زیادہ-جہ-در. مرعالی چوق اولوب، 9000 صیغیر، 11000 قیون، 6000 کچی، 4000 طوموز و 300 یکیرلری واردر. اورمانلری چوق ایدیسہ-دہ، صیقجہ وقوع بولان یانغیلردن خراب اولمشدر. معادنی چوق ایسہ-دہ، اخراجلری مشکل اولوب، یالکز مرمر و آرتو از دینلن یازی طاشی اوجاقلری ایشلنیور. مياہ معدنیہ-سی و ایلیجہ-لری چوقدر. اھالینك اوجیلقدہ-کی مھارتندن طولایی حیوانات وحشیہ-سی پك آزالمشدر. طاغلردہ بر جنس چای ایلہ سائر نباتات طبیہ و عطریات اخراجنہ یارار چیچکلر چوقدر. صنایع خیلی ایلری اولوب، پاموق ایپلیکلہ بز، باصمہ، کاغد، اجزاء کیمیویہ و سائرہ فابریقہ-لری واردر. بر جنس اوتلہ یشیل رنکی آلان (شاپرنکییر) اسملہ مقبول بر جنس بینیر اعمال و کلیتلہ اخراج اولنور. تجارتی ایشلکدر. مرکزہ قدر بر دمیر یولی اولوب، سائر طرفلرنده محلك صرپلغی مکمل یوللر انشاسنہ مانع اولمشدر. اصول ادارہ-سی حکومت مفرطہ-دن عبارت اولوب، اھالی بالاجتماع مجلس عمومی انتخاب، و بو مجلس ایکی مجلس دائمی ایلہ بش سنہ ایچون بر رئیس نصب ایدر.

1-3282-5

غلاسقوو

#1

اسقوچیانك اڭ بیوک شہرلرندن بر شہر و اسکلہ اولوب، ادیمبورغك 76 کیلومترہ غرب جنوبیسنده %قلیدہ\$ نہری اوزرنده و منصبندن 40 کیلومترہ یوقاریدہ اولہ-رق 52°55 عرض شمالی ایلہ 4°36'6 طول غربیدہ واقعدر. نہر مذکورک ایکی طرفندہ واقع اولمغلہ، نصفی %لانارق\$ و نصف دیکری %رنفرو\$ ایالنتہ ملحقدر. اڭ مصنع و مزین ابنیہ و مؤسساتی نہرک صول کنارندہ-کی قسمندہ ایسہ-دہ، صاخ کنارندہ-کی قسمی دھا بیوک اولوب، فابریقہ-لرلہ تجارت محللری بو طرفندہ-در. جسیم بر شہر اولوب، 580000 اھالیسی، نہرک ایکی جھتندہ 5 کیلومترہ-لك مسافہ-دہ کوزل ریختملری و آرہ-لرندہ متعدد کوپریلری، قتلویکلرہ مخصوص جسیم بر کلیساسی، بیك شاکردی اولان بیوک و اسکی دار الفنونی، ایکی واسع کتبخانہ-سی، موزہ-سی، متعدد فنون نمونہ خانہ و عملیات خانہ-لری، شاکردانی یکی بیکی متجاوز اولوب، مدار معیشتلری اولہ-رق، برر ایشلہ اشتغاللرینہ وقت براغیلان جسیم بر مستمین مکتبی، اطرافندہ و حتی شہرک اراضیسندہ بیلہ دمیر و کمور معدنلری، پك چوق دمیر خانہ-لری، پاموق ایپلیک، بز، باصمہ، فانیلہ و سائر یوک و پاموقلہ یوک قاریشیق منسوجات، انواع ماکینہ-لری، دمیر یول ماکینہ و غونلریلہ سائر مالزمہ-سی، اسپیرتو و سائرہ فابریقہ-لریلہ سفائن اعمالنہ مخصوص دستگاہ و حوضلری واردر. بوندن یکرمی بش سنہ اول غلاسقوو فابریقہ-لری 3121 و بونلردہ چالیشان عملہ 114864 مقدارینہ بالغ اولوردی. او وقتدن بری دھا خیلی تکثر و تزايد ایتمش اولہ-جغندہ شبہہ یوقدر. ایکی عصر اول %قلیدہ\$ نہرینك بتاغی پك سطحی اولوب، سیر سفاننہ صالح اولمدقدن بشقہ، دکیزک مدی حالندہ صولری اطرافہ یاییلوب، هوایی زھرلین بر طاقم متعفن بطاقلر تشکیل ایتدیکی حالده، او وقتدن بری یاییلان سدلر و ریختملرلہ بتاغنك مکرراً اطرافہ-سی اوزرینہ، بوکونکی کوندہ اڭ جسیم واپور و کمیلر غلاسقوو ریختملرینہ یناشیر، و شہرک محصولات صنایعہ-سیلہ طولوب، آروپانك ہر طرفنہ و ہندہ، آوسترالیاہ و الحاصل دنیانك ہر طرفنہ کیدرلر. غلاسقوو اھالی و قومپانیہ-لرینك مالی اولہ-رق بوندن یکرمی سنہ اول موجود سفائن 1088 یلکن کمیسی و 532 واپوردن عبارت ایدی. غلاسقوو پك اسکی بر شہر ایسہ-دہ، قرن سابق میلادی اواسطندہ آنجق 18000 اھالیسی وار ایدی. قرن حاضرده بیومکہ باشلائیوب، کوندن کونہ بیومکدہ-در.

1-3283-5

غلاص

#1

رومانیانك بغداد خطه-سنده ياشك 185 كيلومتره جنوبنده و بكرشك دمير يول خطيله 269 كيلومتره شرق شماليسنده اوله-رق، طونه-نك ساحل يسارنده و سرت نهرينك بو ايرماغه دوكلديكي محله تجار نگاه بر شهر و اسكله اولوب، تقريباً 80000 اهاليسي، دمير و باقير دوكمخانه-لري، موم و صابون فابريقه-لري، داخلي مكتب اعداديسيله تجارت مكتبي، طونه-ده صاغلام و بيوك سفاننك دخولنه مساعد ليমানى و پك ايشلك تجارتي واردر.

2-3283-5

غلائقه

يمن ساحلنده بر قصبه اولوب، زبيدك اسكله-سى اولديغنى ياقوب حموى بيان ايديور.

3-3283-5

غلام

#1

سودان غربيده سنغال ايله %فالمه\$ نهرلرينك ملتقاسنده و %سنت لويى\$ اسكله-سنگ 700 كيلومتره شرقنده بر ير اولوب، مركزى %باقل\$ قصبه-سيدير. او جهتك مركز تجارتي اولوب، فيل ديشى، ضمغ، آلتون توزى و آمريقان فستيغى اخراجاتي واردر. فرانسه مستعمر اتندن معدوددر.

4-3283-5

غلام حسين خان، نواب سيد - * - طباطبائى

هندستان امرا و ساداة و شعراسندن اولوب، 1194 تاريخنده ((سير المتأخرين)) عنوانيله بر كتاب يازمشدر، كه مصطفى اسمنده بر فرانسز مهتدى و (بلفور) اسمنده بر انگليز طرفندن انگليزجه-يه ترجمه اولنمشدر. ((بشائر الامامه)) عنوانيله بر منظومه-سى دخى واردر. * - ديكر بر غلام حسين خان دخى 1195 تاريخلرنده ((رياض السلاطين)) عنوانيله، فارسى لساننده بنكاله تاريخنى يازمشدر.

5-3283-5

غلام على

هندستان مؤرخينندن اولوب، ((شاه عالم نامه)) عنوانيله شاه عالمك احوالى يازمش؛ و 1221ده وفات ايتمشدر.

*- [((آزاد)) ماده-سنه-ده مراجعت بيوريله.]

6-3283-5
غلام على خان

هندستان شعراسندن اولوب، سير نبي (صلعم) و احوال ائمه حقنده شاه عالمكيرك نامنه ((لمعة الطاهرين)) عنوانيله بر منظومه يازمشدر.

7-3283-5
غلام محمد

هندستانك جنوب جهتلرنده حكم سورن مشهور تپيو سلطانك اوغلي اولوب، بر مدت مقاومتن صكره انگليزلرك اليه اسپر دوشمش؛ و 1288ده كلكته-ده 78 ياشنده وفات ايتمشدر.

8-3283-5
غلامى

اونجى قرن هجرى عثمانلى شعراسندن اولوب، طريق قضايه سالك ايدى. شو بيت اونكدر:
@@@
اشنالق بومى اى كعبه بيكانه نواز
ايل اوپه صافى الك بزدر و ديوار اتكك
\$

9-3283-5
غلامى، مولانا سعيد

ايران شعراسندن اولوب، شو بيت اونكدر:
@@@
غلام خويشتتم خوانده ماه رخسارى
سياه بختى من كرد عاقبت كارى
\$

10-3283-5
غلطه

پايتخت دولت عثمانيه اولان استانبول شهرينك بر بيوك محله-سى اولوب، نفس استانبولك قارشيسنده و شمال جهتنده واقع اولمغله، آره-لرنده كاغدخانه خليجى بولنيور. نفس استانبوله ايكي كوپرى ايله مربوطدر. غلطه بر تپه-نك جنوب غربى اتكنده و تپه-نك آلتنده-كى دوز محله اولوب، شمال جهتنده يك

اوغلی محله-سی بولنور. اکثر خانه-لری کارکیر و مجدد اولمغله، دکیزدن منظره-سی پک کوزل ایسه-ده، سوقاقرینک اکثری الیوم طار و طولاشیقلی اولمغله، داخلاً او قدر کوزل دکلدنر. غلظه تجارت محلی اولوب، علی الخصوص أوروبا تجارتی باشلیجه بو محله-ده اجرا اولنور. غلظه ایمراتور یوستینیانوس طرفندن قسطنطنیه-یه ربط و الحاق اولنه-رق، 1216 تاریخ میلادیسندن جنویزلردن بر فرقه مهاجرین غلظه-یی اشغال ایله، آیریجه بر قصبه صورتته قویوب، قسطنطنیه-یه قارشی رقابته چالیشیرلردی. سلطان محمد خان ثانی حضرتلری استانبولدن اول غلظه-یی فتح ایتمکله، جنویزلرک حکمی منقزی اولمش ایسه-ده، ینه غلظه فرنک محله-سی قالوب، اجنبیلر اوراده اسکان و تجارت ایده-کلمشلردنر. الیوم متصرفلق مرکزی و مکتب سلطانینک بولندیغی محکک غلظه سرایی دیندیکنه باقیلیرسه، او وقتلرده غلظه اسمک یوقاریلره قدر شمولی اولوب، شمادی بک اوغلی دینلن محله-نک-ده اشاغی طرفی غلظه دینلیردی. اون اوچنجی قرن میلادیده جنویزلر طرفندن بنا اولنمش یوکسک بر قله-سی واردنر، که الیوم یانغین قله-سیدر. ابنیه سائر-سنگ اک جسیمی اخیراً انشا اولنان عثمانلی بانقه-سی دائره-سیدر. آشاغیسنده وقتیلره عربلر طرفندن با معاهده یاپدیرلمش و الیوم عرب جامعی دینمکله معروف بر جامع شریف واردنر. سائر جوامعک اک بیوکی یکی جامعدنر. متعدد کلیسالری دخی واردنر. غلظه اسمی لسان رومیده سوت کارخانه-سی دیمک اولوب، اول امرده استانبوله سوت ویرمک اوزره اینک و قیون بسلر بر قاچ قلبه-دن عبارت یرکوی حالنده بولنمش اولمسی محتملدنر.

1-3284-5

غلنان

#1

فرانسه-نک ساحل غربیسی قارشیسنده و 21 کیلومتره آچیقده 9 کوچک آطه اولوب، حربجه موقعلرینک اهمیتنه مبنی، اک بیوکلری اوزرنده فرانسه دولتی بعض استحکامات انشا ایتمشدنر.

2-3284-5

غلوچستر

#1

انکلتره-نک غرب جهتده و لوندره-نک 165 غرب شمالیسنده اوله-رق %سورت\$ نهرینک صول کنارنده قونتلق مرکزی بر قصبه اولوب، 18350 اهالیسی، نهرده 400 طونیلانه-لغه قدر سفائی آلیر لیمانی، سیر سفاننه صالح بر جدولی، جوارنده چوخه و دمیر یول و اغوتی فابریقه-لری و ذخیره اخراجاتی واردنر.

3-3284-5

غلوس

#1

یونانده تسالیانک باشلیجه اسکله-سی بر قصبه اولوب، همنامی اولان کورفک منتهای شمالنده بر قویک ایچنده و یکیشهرک 50 کیلومتره شرق جنویبسندن واقع و 4000 اهالیسی جامعدنر. لیمانی صاغلام اولمغله، تجارتکاه بر اسکله اولوب، یونانه الحاقندن صکره غلوسدن بدأ ایله بری یکیشهره و دیکری

ترحاله و قلاباقه-یه قدر ایکی دمیر یول خطی تمدید اولنمشدر. هواسی یازین زیاده-جه صیجاقدر. پک اسکی بر قصبه اولوب، اسم قدیمی %پاغاسه\$ و بر احتمال کوره %بولقوس\$ ایدی. * - غلوس کور فزی 39°5' ایله 39°25' عرض شمالی و 20°26' ایله 20°53' طول شرقی آر-لرنده ممتد اولوب، شرق طرفنده آطه-لر دکیزندن طاغلق بر اوزون شبه جزیره ایله آبرلمشدر، که عقرب قوپروغی شکلنده غربه طوغری دونوب، بر طرفدن %قتیوتیده\$ خطه-سی ساحلیله و بر طرفدن دخی اغریبوز جزیره-سنگ ساحل شمالیسیله %نریکری\$ اسمیله ایکی قوللی بر بوغاز تشکیل ایده-رک، غلوس کور فزینی قیپار. بو بوغازدن کیرلدکدن صکره صاغ قولده ینه %تریکری\$ اسمیله بر آطه و کور فزک سواحلنده بر چوق کوچک قویلر بولنیور.

4-3284-5

غلوقستاد

#1

پروسیه-نک اشلسویغ هولستاین خطه-سند و اشلسویغ سنجاغنگ %ایچهوئه\$ قضااسنده اوله-رق %البه\$ ایرماغنگ صاغ کنارنده بر قصبه و اسکله اولوب، 5030 اهالیسی، دمیر یولی، صید ماهیسی و سفائن اعمالنه مخصوص دستکاهلری واردر. هامیورغک اسکله-سی حکمنده اولوب، و قتیله اهمیت تجاریه-سی زیاده ایدیسه-ده، بعده اهمال اولنمشدر.

5-3284-5

غلوقنر

#1

اوستریا و مجارستان دولتنگ تیروول خطه-سند آلیپ طاغلرینک %هر هوتاورن\$ سلسله-سند بر طاغ اولوب، 3799 متره ارتفاعی اولمغله، بیوک غلوقنر معناسیله %غروس غلوقنر\$ دخی دینلیر. جنوبی اتکلرندن آقان میاه جاریه-سی %دروه\$، و شمالی اتکلرندن آقانلری %سالچه\$ چایی واسطه-سیله %این\$ نهرینه، که هر ایکی جهندن طونه-یه دوکیلور، صرپ و غریب الشكل بر طاغ اولوب، جنوبی مائله-سند 10 کیلومتره بویی اولان %پاسترچه\$ بوز دره-سی بولنیور.

6-3284-5

غلومن

#1

نوروجه بر ایرماقدر، که اسقاندیناو شبه جزیره-سنگ اک بیوک نهری اولوب، %تروندهیم\$ ایالتنده %اورسوند\$ کولندن خروجله، ابتدا جنوب غربیه، %فولا\$ نهریله برلشدکدن صکره، جنوب شرقیه جریان ایده-رک، %قریستیانیا\$ شهری قربنده اسکی یتاغنی ترکله، بردن بره غربه دونوب، اک بیوک تابعی اولان و %میوستی\$ کولنگ ایاغی بولنان %وورمن\$ نهرینی آله-رق، قریستیانیا خلیجندن بر طاقم آلچق تپه-لرله آبرلمش اولدیغی حالده، ساحل ایله متوازیاً جریان، و بو جریاننده 21 متره ارتفاعی اولان %سارپس فوس\$ شلاله-سنی تشکیل ایتدکدن صکره، ایکی قوله آیریله-رق، %اسقا کرراق\$ دکیزینه دوکیلور. مجراسنگ طولی 567 کیلومتره و حوضه-سنگ مساحه

سطحیه-سی 40400 مربع کیلومتره-در. مذکور شلاله-ده ثانیه-ده 800 مکعب متره صو دوکوب،
اوستنده بر دمیر یول کوپریسی دخی بولنمغله، منظره-سی شایان تماشادر.

1-3285-5

غلیقون

#1

یونان قدیم مشاهیر بر هیکتراشانندن اولوب، هر کولک مشهور بر هیکنکک صانعیدر. آوغستوسک زماننده
ایتالیایه سیاحت ایتدیکی مظنوندر.

2-3285-5

غمدان

یمنده صنعا قربنده تبابعه-دن قالمه جسیم و پک مصنع بر سرای اولوب، مرمر ستون و دوشمه-لریله،
مردن آرسالن شکنده هیکللریله و کیجه ینان مشعله-لردن اوزاقدن شمشک چاقر کبی کورینمسلیله
مشهور ایدی. حضرت عثمان (رضی الله عنه) زماننده تخریب اولنوب، انقاضنده ((بونی تخریب ایدن
قتل اولنور)) مآلنده بر کتابه بولندیغی مرویدر.

3-3285-5

غمی

اعظم علمای اسلامدن مشهور فنارینک شعرده قوللاندیغی مخلصدر. علامه مشار الیهک ترجمه حالی
((فناری)) ماده-سنده کله-جکندن، شوراجقده یالکز اشعار ترکیه و فارسیه-سندن برر بیت ایرادینه اکتفا
ایده-جکز:

@@@

ای غمی ناله وزار ایله اولورسه-ک بریدر
سکا کیم دیدی که هر بر کوزله یار اوله-سک

-*-

تاکه کفتی سرینه بر خاک پایم ای غمی
آنچنان شادم مه هرکز پای نهم بر زمین

\$

-*- ینه اونجی قرن هجری عثمانلی شعراسندن دیکر بر غمی دخی بولنوب، قونیه-لی و اسمی
محموددر. شامده زعامتله مشغول ایدی. شو ترجیع اونکدر:

@@@

مدد الاهی سورسه-ک مدد ای یار دیدم
و عده وصله خلاف ایلمه زهار دیدم

\$

4-3285-5

غمیصاء

مکه مکرمه قربنده بر محل اولوب، بنی حذیمه-نک مسکنی ایدی. فتح مکه سنه-سی خالد بن ولید (رضه) بو محله غزا صره-سنده برآز شدت کوستردیکندن، فخر کائنات (صلی الله علیه و سلم) افندمز ((اللهم انی ابرأ الیه مما صنع خالد)) بیورمش؛ و حضرت علی (رضه) افندمزى اعزام بیوره-رق، بنی حذیمه-نک کوکلرینی آدیرمشلردی.

5-3285-5

غمیصاء

یاخود رمیصاء. صحابیاتدن انس بن مالک (رضه)ک والدہ-سی اولان (ام سلیم بنت ملحاء)ک اسمیدر. مالکک وفاتندن صکره ابو طلحه-یه واروب، وفاتنه-دک بونک نکاحنده بولنمشدر. *- بناءً علیه، عمرو بن حزم طرفندن اوچ طلاقه تطلق اولنوب-ده بشقه-سنه نکاح اولندقدن صکره، قبل الدخول مفارقت وقوع بوله-رق، زوج اولنه رجوع ایچون، جناب نبویدن استیذان ایتدکده ((لا حتى یذوق الآخر من عسیلتک و تذوق من عسیلته)) حدیث شریفنک وار اولدیغی (غمیصاء الانصاریه) بشقه-در.

6-3285-5

غناخ

ماوراء النهرده شاش ناحیه-سنده بر قصبه-جق اولدیغنی یاقوت حموی بیان ایدیور.

7-3285-5

غناپی

اونجی قرن هجری عثمانلی شعراسندن ایکی ذاتک مخلصیدر:
برنجیسی (علی) استانبوللی اولوب، وزیر ثانی پیاله پاشانک کاتبی بولنمش؛ و بعده زعامته و خیلی ثروته نائل اولمش ایدی. شو بیت اونکدر:

@@@

ای لاله خد کل ایله نیجه تشبیه ایدم سنی
سن پادشاه عالم او درویش کلشنی

\$

*- ایکنجیسی (محمد) ایراندن کلمش اولان (اولاما) پاشا زاده-لردن اسکندر بکک اوغلی اولوب، بو دخی زعامت اصحابندن ایدی. شو بیت اونکدر:

دکدر خط که اطراف لب جانانه کلمشدر
جناب خضردر کیم چشمه حیوانه کلمشدر

\$

8-3285-5

غندجان

فارسده صوی قیت بر بوغازده بر قصبه اولوب، دشت بارین ناحیه-سنگ مرکزی ایدی. سجاده و پرده و دوشمه-لک کبی منسوجاتی مشهور اولوب، هر طرفه سوق و اخراج اولنوردی. بر چوق مشاهیر علما و ادبانک دخی مسقط رأسی بولنوب، تألیفات صاحبی اولان ابو محمد حسن الاعرابی الاسود بو جمله-دندر.

9-3285-5
غزن

و لهجه غزنه #1 پروسیه-نک %پوزن \$ ایالتنده %برومبرغ \$ سناغنه ملحق و برومبرغ 72 کیلومتره جنوب غربیسنده و اوچ کولک آره-سنده واقع بر قصبه اولوب، 11200 اهالیسی، بیوک بر کلیسایی و چوخه و بز فابریقه-لری وارد. وقتيله بیوک لهستان قر اللغناک مرکزی ایدی.

1-3286-5
غنی، مولانا عبد الغنی

مشاهیر علما و شعراء عثمانیه-دن اولوب، بولی سناغنده-کی کرده قصبه-سندندر. طریق علمه سلوک ایله چیوی زاده-یه دانشمند اولمشیدی. بعده بعض مدرسلکرده بولنوب، مدرسه سلیمانیه-دن شام و بعده قاهره قاضیلغنه نصب اولنمش؛ و او صره-ده ایفای حج و زیارت روضه مظهره ایده-رک، عودتنده ایکی دفعه استانبول قاضیسی اولمشیدی. حاشیه تجریده بر حاشیه-سی و بعض اشعار و نشاتی وارد. اشعار ترکیه و فارسیه-سندن بر بیت ایراديله اکتفا اولندی:

@@@

طالعمدر باکه کون کوسترمین دود ایچره آه
آسمانی بر بلاد عاشقه درد سیاه
-*-

حباب آسا ترفت از سر هوای جام جم بیرون
از آن از بزم-می هرکز نخواهم زد قدم بیرون
\$

2-3286-5
غنی

فرس شعر اسندن ایکی کشینک مخلصیدر:
برنجیسی (میر عبد الغنی) ایرانک قم شهری مضافاتندن (تفرش) ساداتندن و قرن سابق شعر اسندن اولوب، کنجکده وفات ایتمشدر. شو رباعی اونکدر:

@@@

عمری بره وفا نشتیم عبث
دل جز تو بدیکری نه بستیم عبث
در پیش تو قدر هر سکی پیش از ماست
ما این همه استخوان شکستیم عبث

\$

*- ایکنجیسی (میرزا محمد طاهر) کشمیرلی اولوب، مرتب دیوانی واردر. شیخ محسن فانتیک شاکردانندن اولوب، هنوز کنج ایکن کسب شهرت ایتمکله، دهلی حکمداری عالمگیر طرفندن طلب اولنمش ایسه-ده، کیده-میوب، 1079ده کشمیرده وفات ایتمشدر. شو بیت اونکدر:

@@@

قاصد چه احتیاج که طومار روزکار
چون باز شد رسد بدرازی کوی او

\$

3-3286-5

غنیمت، محمد اکرم

هندستان شعراسندن اولوب، عالمگیر شاه زمانده یاشامش؛ و بر دیوان ایله ((نیرنک عشق)) عنوانیله بر منظومه بر اقمشدر.

4-3286-5

غوا

#1

هندستانک ساحل غربیسنده پورتکیز مستملکاتنک مرکزی بر قصبه اولوب، بمبایک 330 کیلومتره جنوبنده %منداوی\$ ایله %مرمغون\$ نهرلرینک منصیلری آره-سنده تشکل ایدن بر آطه اوزرنده و 15°30' عرض شمالی ایله 71°35' طول شرقیده واقع و تقریباً 15000 اهالییی جامعدر. صاغلام لیمانی و کوزل ریختلمری وار ایسه-ده، هواسی پک آغر اولدیغندن، اسکی اهمیتدن دوشمشدر. اصل هندلیلیرک اسکی شهری خراب اولدیغی کبی، پورتکیزلیلیرک هندستانه ایلك دخوللرنده یعنی 1510 تاریخنده تأسیس ایتدکلی شهر دخی خراب اولوب، و برانه-لری شمیدیکی شهردن 8 کیلومتره-لك مسافه-ده واقعدر. شمیدیکی غوا 1765 تاریخنده تأسیس اولنمشدر. متعدد کلیسالری واردر. *- غوا ملحقاتی پورتکیز دولتتک هندستانده-کی مستملکاتنک اک بیوکی اولوب، 3270 مربع کیلومتره مساحه سطحیه-سی و 392604 اهالیسی واردر. ساحل بوینجه بویی 150 و ایچرییه طوغری %کات\$ سلسله جبالنک صیرتنه قدر اولان وسطی اکی 50 کیلومتره-در. یالکز غرباً دکیزله و سائر طرفلردن بمبای اداره-سنه ملحق انکلیز مستملکاتیله محدوددر. سواحلی بطاقلق اولوب، او جهنده هواسی پک وخیم ایسه-ده، ایچ طرفلری مرتفع اولوب، اورمانلری و میاه جاریه-سی واردر. باشلیجه محصولاتی پرنج و پامو قدر. اهالیسی پورتکیزلیلرله هندلیلر اختلاطندن متولد ملز بر خلقدن ویا قتلویک مذهبنی قبول ایتمش یرلیلردن عبارت اولوب، چالیشقان و ساکن آدملردر.

*- بو اسمله %سلب\$ جزیره-سنده فلمنکه تابع بر حکومت اسلامیه-نک مرکزی اولان بر قصبه و بیرمانک %آراقان\$ ایالتنده بر اسکله بولنیور.

5-3286-5

غواپوره

#1

و نام دیگر له ایتنز 2# برازیلیا ایله بولیویا حدودنده آقار بر نهر اولوب، برازیلیا ممالک مجتمعه-سنگ %ماتوغروسو\$ جمهوریتده 14°40' عرض جنوبی ایله 61°51' طول غربیده نبعانله، جنوبه طوغری جریان ایده-رک، بو استقامتده 100 کیلومتره-لک مسافه قطع ایتدکن صکره، غلابه و بعده غرب شمالی-یه طوغری آقه-رق، مذکور حکومت داخلنده جمعاً 275 کیلومتره-لک جریاندن صکره، ماتوغروسو ایله بولیویا حدودینی تشکیل ایدز %ریوورده\$ ایله برلشه-رک، 1100 کیلومتره-لک مسافه-ده ده مملکتین مذکورتین حدودینی تفریق ایدر؛ و 11° 57' عرض جنوبی ایله 67°30' طول غربیده %آمازون\$ ایرماغنه تابع %مادیره\$ نهرینک ایکی قولندن بری اولان (ماموره) چاینه دوکیلور. هر وقت صویی آز ایسه-ده، یاغمو و قار اربمسی موسملرنده صویی پک زیاده چوغالوب، اکثریا اطرافی باصار. بو موسملرده ثانیه-ده 7000 مکعب متره صو دوکر. حوضه-سی 500000 مربع کیلومتره وسعتنده-در.

1-3287-5

غوآتماله

#1

آمریقای وسطیی ترکیب این بش جمهوریتک اک مهمیدر.

موقع و حدود و مساحه-سی. *- غوآتماله مذکور بش جمهوریتک اک شمالیسی اولوب، بحر محیط آطلاسیه ملحق آنتیل دکیزنده-کی هوندوراس کورفزدن بحر محیط معتدله قدر ممتد اولور. بو ایکنجی دکیزده-کی سواحلی دهها زیاده اولوب، مذکور کورفزه-کی سواحلنک چوغنی انکلتراهیه تابع هوندوراس مملکتی ضبط ایتمشدر. مع هذا سواحلده یالکز بعض تجارتکاه اسکله-لری اولوب، اصل مسکون یرلری ایچ طرفده-کی مرتفع یرلریدر. شمالاً و غرباً مکسیقا ممالکیله، جنوب غربی جهتندن بحر محیط معتدل ایله، جنوب شرقی طرفندن سالوادور و هوندوراس جمهوریتلریله، شرقاً دخی هوندوراس کورفز و مهجریه محاط و محدود اولوب، کرک مکسیقه و کرک مهجر مذکور طرفندن حدودینک اکثری موهوم و غیر معین خطوط مستقیمه-ده عبارتدر. شرقدن غربه یعنی هوندوراس کورفزنده واقع %تینتو\$ نهری منصبدن مکسیقه حدودینه قدر طول اعظمی قوش اوچشی حسابیه 420 و ایکی دکیز آره-سنده-کی اک طار مسافه-سی 275 کیلومتره اولوب، 1452000 اهالیسی واردر، که بهر مربع کیلومتره باشنه 12 کشی دوشر. بحر محیط معتدل ساحلنده و سالوادور خط حدودنده اولان اک جنوبی نقطه-سی 13°38' و اک شمالی نقطه-سی دخی مکسیقه حدودنده 17°50' عرض شمالیده واقع اولوب، 90°37' ایله 94°42' طول غربی آره-لرنده ممتد اولور.

حال طبیعیسی، جبال و انهار و سواحلی. *- بحر محیط معتدله-کی سواحلی دوز و قوملق اولوب، بونک ایلریسنده بعض اورمانلر، اورمانلرک آرقه-سنده تدریجاً کسب ارتفاع ایدر تپه-لر و تپه-لرک آرقه-سنده دخی مرتفع بر طاقم ذروه-لر و ینار طاغلر کوریلور. بو طاغلر شرق جهتنده آنجق 500 متره ارتفاعنده ایکن، مملکتک وسطلرنده 1500 و حدود غربیه-سنده 2500 متره-یه قدر ارتفاع کسب ایدرلر. ساحلده-کی اووه-نک وسعتی دخی اوستنده-کی طاغاک ارتفاعیه متناسبدر. نهرلرک ایندیردیکی قوملر ساحلنک اوکنده بر طاقم سدلر تشکیل ایله، دکیزدن متحول بعض کوللر حاصل ایدر. مذکور سلسله جبالک شمالنده غوآتماله اراضیسی مرتفع اوله-رق دوام ایدوب، ینار طاغلی ایسه بولندقلری سلسله جبالدن چوق دهها یوقاریبه قالقه-رق، اک یوکسکلی اولان %فوئغو\$نک 4250، آقا تتانگونک 4150، آغوانک 4120، تایاملوقونک 3540، سانتیه ماریانک 3500، سرو قو شمادونک 3109 متره ارتفاعی واردر. بو برکانلرک چوغی اسکی و وقتیه سونمش ایسه-ده، 20 قدر یکیلری دخی واردر، که وقت وقت آلورلر بوسکوردرلر. بولردن بعضلرینک یوقاریلری قارله و آشاغیلری اورمانلرله مستور اولوب، شایان نماشا منظره-لر ابراز ایدرلر. اشبو برکانلر صره-سندن باشلایه-رق شماله طوغری بر طاقم طاغ قول و شعبه-لری ممتد اولور، و اراضی پک جزئی بر میلانله تدریجاً کسب انحطاط ایده-رک، مرتفع بر یر

تشكيل ايديور بعهده %سيرا مادره \$ و %سيره شاماسم اسملريله ايكي سلسله جبال اوزانوب، بونلرك شمالنده اراضى بردن بره تبديل شكل ايله، بر طاقم تپه-لر و كوللرى حاوى واسع بر اووه صورتى آليز، كه بو صورت مكسيقه-يه تابع اولان %يوقاتان \$ شبه جزيره عظيمه-سنده دخى دوام ايديوب، سواحل قدر ممتد اولور.

غوآتماله-نك ميايه جاريه-سى چوق اولوب، بحر محيط معتدله دوكيلنلرى، مسافه-نك آرلغى و ياغمورلرك ندرنى حسيبله، قيصة و صولرى آز ايسه-ده، جريانلرى شدتلى و سيل كبيدر. بحر محيط آطلاسى مائله-سنده بولنانلرى ايسه اوزون، تابعلرى چوق و حوضه-لرينك ياغمورلرى چوق اولمغله، بونلر بيوك ايرماقلىر حالنده-در. هوندوراس كورفرينه دوكيلن %موتاغوآ \$ نهرينك مجراسى 550 كيلومتره اوزونلغنده ايسه-ده، تابعلرى آز اولديغندن، يالكز آشاغيكى 300 كيلومتره-لكى كوچك كميلرك سيريته صالحدر. ينه مذكور كورفره دوكيلن %پولوشيق \$ نهرينك ايسه مجراسى يالكز 250 كيلومتره اوزونلغنده ايسه-ده، %ايزابال \$ كولى ايچندن كچمكله، دها بيوك كميلرك سيريته مساعددر. غوآتماله-نك اك بيوك ايرماغى %اوزوماچينته \$ اولوب، بونك مجراسنك يالكز يوقارى قسمى غوآتماله داخنده بولنيور، و بو ايرماغى تشكيل ايدن %لاقاندوتس \$، %ريودلاپاسيون \$ و %سان پدرو \$ نهرلرى حكومتك قسم اعظمى اولان بتون شمال و غرب جهتنك صولرينى جمع ايله، خالى و تنها اراضى واسع ايجنده جريان ايدلر؛ و مكسيقه حكومات متفقه-سى حدودى قربنده برلشه-رك، مكسيقه كورفرينك %قامپشه \$ قوينه دوكيلور. بحر محيط معتدله دوكيلن انهارينك هيچ برى سير سفاننه صالح اولميوب، بونلرك باشليجه-لرى: غوآمالات، ميشاتويه، %سان پترو و مارتير \$ قربنده 60 متره ارتفاعنده كوزل بر شلاله تشكيل ايدن %آماتيتلان \$، سان سالوادردن غوآتماله-يه كيدن طريق اوزرنده 11 كملى كوزل بر كوپريسى اولان %ريودلوس اسقلاووس \$ و سائره-در. كوللرى دخى چوق اولوب، اك بيوكلىرى: هوندوراس كورفرى قربنده اولان آنف النيان %ايزابال \$ كويله سلسله جبالك اوزرنده واقع %آتيتلار \$ و شمال جهتنده بولنان %ايترا \$ كوللريدلر.

غوآتماله-نك بحر محيط معتدله-كى سواحلى دوز و قوملق اولوب، اورايه دوكيلن انهارى منصلبرى اوكنده قومدن سدلر و بو سدلرله سواحل آره-سنده بر طاقم بطاقلر تشكيل ايتدكلرندن، بو جهتنن هيچ بر صاغلام ليمانى يوقدر. بو جهته %سان ژوزه ده غوآتماله \$ و %شامپريقو \$ اسملريله ايكي اسكله بولنوب، ايكي قيصة دمير يوك باشلريدلر. هوندوراس كورفرينده-كى ساھلى ايسه پك آز اولوب، اوراده %آماتيق \$ قوينى ناميله درين بر قوى و بونك ايجنده بر قاچ ليمان وار ايسه-ده، صولرى صيغ اولوب، بيوك سفاننك دخولنه مساعد دكلدر. بو جهته باشليجه اسكله-سى %تونتاس \$ قصبه-سى اولوب، آنجق ايچ طرفله دمير بول ايله مربوط دكلدر.

اقليم و هواسى. *- غوآتماله-نك هواسى مختلف و متنوع اولوب، اراضيسنك ارتفاعنه و ميلاننه تابعدر. هواجه اك ايبى جهتى شرقدن غربه ممتد اولان سلسله جبالك صرتلرى و سلسله-نك ايكي صره-سى آره-سنده-كى مرتفع يرلريدلر. اورالرده هوا معتدل و حتى غرب جهتنده %آلتوس \$ تعبير اولنان مرتفع يرلرده صونوق اولوب، درجه عرضنك خلافته اوله-رق قيشين قار دخى ياغار، و يازين ميزان الحراره 32 درجه-يى تجاوز ايتمز. بحر محيط معتدل مائله-سنده آشاغى-يه اينلديكجه و على الخصوص مملكتك تهامه-سى ديمك اولان منحط اووه-ده و ساحلده ايسه ياغمورلر پك سيرك و هوا قورو و صيجاج اولوب، علل ساريه-سى چوقدر. سلسله جبالك شمال جهتنده اولوب بحر محيط آطلاسيه تابع اولان يرلرك و اديلريله باصيق يرلرنده ايسه هوا صيجاج و رطوبتلى اولوب، اوروپا مهاجرلرى حقتده مهلك خسته-لقلرى مولددر. نهايت متموج و واسع بر اووه-دن عبارت اولان قسم شماليسنك هواسى يوقاتان شبه جزيره-سنك-كى كبي صيجاج و يابس اولوب، كسب عمرانه پك-ده مستعد دكلدر. اورمانلرك قطع و اتلافى مملكتك هواجه اك ايبى يرلرينك دخى هواسنى كوندن كونه بوزمقده اولوب، مركزى اولان غوآتماله شهرنده بيله فصول اربعه اسكى كبي حكملرينى اجرا ايتمه-مكه و سواحلنده-كى خسته-لقلر اوراده دخى ظهور ايتمكه باشلامش اولديغندن، ساحل ايله شهر آره-سنده (اوقاليپتوس) آغاچلرى غرس ايله، اورمانلر حصولنه چاليشلمقده-در.

محصولات و معادنی. *- طوپراغی عمومیت اوزره منبت اولوب، مصر، بغدادی، پک ایی پرنج، سبزه- لرك انواعی و ممالک جاریه-یه مخصوص مختلف میوه-لر حاصل اولور؛ آنجق طرق و معابرک مقدانی زراعتک ترقیسنه مانع اولمقده-در. باشلیجه اخراجاتی: قهوه، قرمز، قاقائو، توتون، شکر، رضیله، پاموق، چپوید و سائره-در. بعض ایپکخانه-لری-ده واردر. معادنی: دمیر، کوکورد، باقیر و قورشوندن عبارت اولوب، %موتاغوا\$ وادیسنده آلتونی حاوی قوملر ز %ایزابال\$ جهتنده آز مقدارده آلتون معدنی بولنیور. مرمر اوجاقلرده چوقدر.

اهالیسی، جنسیت و لسان و مذهبلی. *- هو نه قدر غواتماله-ده قوم حاکم اسپانیوللر و لسان رسمی اسپانیولجه ایسه-ده، اهالینک ثلثانندن زیاده-سی اسکی یرلی آمریقایلردن اولوب، آرتک، قولتک و مایه جنسیتلرینه منسوبدرلر. بونلر بو اوج شعبه-یه منقسم 26 لسانله متکلم و اقوام و قبائل مختلفه-یه متفر قدرلر. آمریقانک کشفنی متعاقب اسپانیوللرک دخولنده بونلر مملکتک مرتفع محللرنده اوج درت دولت تشکیل ایده-رک، اولدقجه مدنیتیه مالک اییدلر؛ و بعض شهرلری اوج درت یوز بیک اهالیی جامع بولندیغنه باقیلیرسه، خیلی کثرتلی و جمعیتلی اولوب، مقدارلری بر قاچ ملیونه بالغ اولوردی. اسپانیوللر، آمریقانک سائر طرفلرنده دخی یاپدقاری کبی، بو بیچاره-لرک بر طاقمنی قتل عام ایدوب، شهرلرنی دخی هدم و تخریب ایتمکله، قالانلرده اورمانلری چکیلرک، و مدنیتلرینی غائب ایده-رک، نیم وحشی بر حالده یاشامغه مجبور اولمشلردر. بر طرفدن اصحاب اراضیدن بر طرفدن تجار و مرابحه-جیلردن و اسپانیول جنسیتینه منسوب اهالی طرفندن حقارت کورپورلر. بو سببه مبنی بیچاره-لر دائما محزون و مکدر طوروب یوزلری کولمز، و اسپانیوللره بر وجهله ایصینه-میورلر. ایری کویلرده ساکن اولوب، مع هذا بونلرک کویلری اورمانلر ایچنده و کوزل یرلرده بولنمغله، اسپانیوللرک ساکن بولندقلری توزلی طومانلی کوی و قصبه-لردن اییدر. وقتیلر آفریقادن اسارتله کتیریلوب، الیوم اسماً حر بولنان زنجیلر دخی بو حالده بولنوب، بو اوج جنس اهالی آره-سنده وفاق و محبت یرینه خصومت و منافرت حکمفرما اولدیغندن، غواتماله-ده جدی ترقیات ممکن اوله-میور؛ و اکثریتده بولنان مغدورینک بر کون غلبه چالمسیله صلح محالینک خلل پذیر اولمسندن قورقلیور. اسپانیوللرله یرلیلر و زنجیلر اختلاط و امتزاجندن اهالی بیننده مختلف ملز صنفلر دخی تحصیل ایتمشدر. عمومیت اوزره غواتماله-نک اهالیسی کیتدکجه چوغالمقده اولوب، کثرت نفوسجه بو جمهوریت %سالوادور\$ حکومتندن صکره اوله-رق آمریقای وسطینک ایکنجیسیدر. دین رسمی قتولیکک ایسه-ده، یرلیلرک اکثری الیوم اسکی دینلرینی محافظه ایتمکده-درلر.

تقسیمات ملکیه-سی. *- غواتماله-نک مرکزی همنامی اولان شهر اولوب، مملکت 22 ایالته منقسمدر. بو ایالاتک ایکیسی کوردیکمز استاتستیقندن (که 1876 استاتستیقندر) صکره تشکیل اولنمغله، بونلرک نفوسلری دیکرلری عددینه داخلدر. ایالاتک نفوسلری و مرکزلی بر وجه آتیدر:

###

ایالت

نفوس

مرکزی

نفوس

غواتماله

100000

غواتماله

70000

زاقاتیکز

48000

آنتیغوا غواتماله

15000

آماتیتلان

38000
آماتیتلان
14000
اسکوئینتلا
30000
اسکوئینتلا
10000
شیمالتنانغو
60000
شیمالتنانغو
6300
سولولا
80000
سولولا
15000
توتونیقپام
114500
توتونیقپام
25000
کیشه
75500
سانتا قروز دل کیشه
6300
کزالتنانغو
94500
کزالتنانغو
22000
سوشیتپیکز
69000
ماز اتنانغو
11500
هوئه هوئه تنانغو
90000
هوئه هوئه تنانغو
16000
سان مار قوس
100000
سان مار قوس
12600
پتن
14000
فلورس
2200

| | |
|-------------|--------|
| وراپاز | 100000 |
| سالامه | 8000 |
| ايزابال | 3400 |
| ايزابال | 750 |
| شبکيموله | 70000 |
| شبکيموله | 12000 |
| زاقپه | 28000 |
| زاقپه | 4000 |
| ژالاپه | 8600 |
| ژالاپه | 4000 |
| زولتياپه | 38000 |
| زولتياپه | 7000 |
| سانته روزه | 38500 |
| قوآيينکيلان | 5000 |
| رتالهلولو | |
| رتالهلولو | |
| آلته وراپان | |
| قوبان | |
| \$ | |

آنچق بو استاتستيق اسکيجه اولمغله، او وقتدن بری اهاالیده یوزده اوتوز قدر تزايد واردر. اصول اداره-سی، قوه مالیه و عسکریه-سی. *- غوآتماله حکومتی آلتی سنه مدتله طوغریدن طوغریه اهاالی طرفندن انتخاب اولنور بر رئیس ایله درت سنه مدتله انتخاب اولنور 69 اعضادن مرکب مجلس مبعوثان و اعضاسنک نصفی مجلس مبعوثانندن انتخاب نصف دیکرده رئیس حکومت طرفندن تعیین اولنور 13 اعضادن مرکب بر شورای دولتی واردر. انتخاب طوغریدن طوغریه اولوب، 21 یاشنی کچکین اهاالینک جمله-سی انتخاب حقنی حائزدرلر. وارداتی، مصارفندن آز فضلله اولمق اوزره، تقریباً 23 ملیون فرانغه یعنی بر ملیون عثمانلی لیراسنه بالغ اولور. عساکر نظامیه-سی 3000 و عساکر ملیه-سی 100000 کشی راده-لرنده اولوب، سنوی دولته 50 پزودن زیاده ویرکی ویرملرله بیوک مأموریتلرده بولنانلردن ماعدا کافه اهاالی 18 یاشندن 25 یاشنه-دک عسکرلک ایتمک مجبوریتنده-در.

معارف و صنایع و تجارتی۔*۔ غواتماله-ده معارف كوندن كونه ترقى ايتمكده اولوب، 1871 تاريخنده 208 ذكور مكاتبيله 6130 شاكردان و 45 اناث مكاتبيله 1944 طالبات وار ايكن، 1878 ده عموم مكاتبك عددی 702 و طلبه-سى 35315 مقدارينه بالغ اولمشدى. او وقتدن برى دخى بو نسبتده تزايد حاصل اولمش اوله-جغنى شبهه-سزدر. تجارتی دخى خيلى ايشلك اولوب، اخراجاتى ادخالاتندن زياده اولمغله، ثروت محليه كيتدكجه آرتقمده-در. ادخالاتى 7840000 و اخراجاتى 14402000 دولار راده-لرنده-در. اخراجاتك باشليجه قسمی قهوه اولوب، سنوی 12 مليون دولار قيمتنده قهوه چيقار. ايكنجى درجه-ده-كى اخراجاتى قرمز، چيويد، درى، يوكدن معمول قبا منسوجات، كراسته و سائره-دن عبارتدر. صنایع محليه باشليجه يوكدن منسوجات اعمالندن اولوب، يوكسك محللرنده-كى قيون سوريلرينك يوكدن يرليير آمريقای وسطينك هر طرفنده مستعمل بعض قبا شيلر نسج ايدرلر. يوللرك فقدانى تجارتك زياده توسعنه و اراضينك صربلغى يوللر انشاسنه مانع اوليورسه-ده، بحر محيط معتدله-كى سان ژوزه-ده غواتماله اسكله-سندن غواتماله شهرينه قدر تمديد ايدلمش اولان دمير يول خطى اورادن آنتيل دكيزى ساحلنه طوغرى اوزادلمقده اولوب، %متاغوا\$ نهرينك سير سفاننه صالح نقطه-سنه قدر ايصال، و بو وجهله ايكي دكيز آره-سندده مواردات تسهيل اولنمشدر. شاميربقو اسكله-سندن ايچريه طوغرى دخى بر خط تمديد اولنمقده-در. تجارتك قسم اعظمى بحر محيط معتدله-كى اسكله-لردن اجرا اولنوب، برنجى درجه-ده انكلتره و ايكنجى درجه-ده ممالك مجتمعه ايله اخذ و عطا ايدرلر.

احوال تاريخيه-سى.*۔ اون اوچنجى قرن ميلاديدن برى غواتماله جهنلرينى ضبط ايتمش اولان كيشه، قاشيكل و زوتوژيل دولتلى بينلرنده منازعه و محاربه ايله مشغول ايكن، 1524 تاريخنده اسپانيوللر مملكته داخل اولوب، بولنرك باشلرى بولنان (پدرو ده آوارادو) كيشه-لرك حكمدارى بولنان (تقوئه اومام)ى معيئنده-كى بر قاچ يوز بيك عسكريله مغلوب و كنديسنى كندى يديله قتل ايدده-رك، %ساماله\$ نهرى كونلرجه قاندىن قيرمى آقه-جق درجه-ده آدم اولديرمش؛ و قاشيكل دولتى طوپراغنه صلحا كوروب، %آغوا\$ بركاننك آلتنده غواتماله شهرينى تاسيس؛ و بعده بولنردن ترتيب ايتديكى عسكرله برابر قاشيكلره قارشى يوريوب، آنيئلان كولى جهنلرينى ضبط ايتمش ايدى. غواتماله-نك شمال جهنلرنده بولنان اقوام دخى بربرينى متعاقب مغلوب اولوب، يالكز %وراياز\$ جهننده-كيلر استقلاللرينى محافظه ايدده-بيلمشلر، و حالا ايتمكده-درلر. اسپانيوللر بيچاره يرليير حقتده پك غدار و مرحمتسز طاورانوب، مال و ملكلرينى ضبط ايتدكن صكره، كمال ظلم و تعصبلرندن كنديلرينى جبراً و ايتيز ايتمكله برابر، تحت اسارته آوب، حيوان كبي بدنلرينك بر طرفنى قيزغين دميرله داغلايه-رق، تمغا اورورلردى. بيچاره آدملر كمال مأبوسيتلرندن، ذريتلى منقرض اولسون ديه، قاريلرينه تقرب ايتمه-مك درجه-سنه قدر وار مشلر ايدى.

اسپانيانك تحت تابعيتنده بولندقجه، غواتماله مكسيقه-نك شياپاس و سوقونوسفو حكومتلرينى و %شيريكي\$ قوينه-دك بتون آمريقای وسطيبى دخى شامل اوله-رق، رسماً يكي اسپانيا خديويتته تابع ايديسه-ده، طوغريدن طوغريه مادريدن نصب اولنان و واليك و قوماندانلق وظائفنى جامع اولان بر آمرک تحت اداره-سندده بولنمغله، قراللق ناميله ياد اولنوردى.

اوچ عصر بو حال محكوميتده قالدقن صكره، 1821 تاريخنده غواتماله-ليلر مكسيقه-ليلر ائرينه تبعيتيله، اعلان استقلال ايدوب، بر مدت مكسيقه ايمپراطورلغنه تابع اولدقن صكره، 1803 ده بسبتون مستقل اولوب آمريقای وسطينك سائر طرفلريله برلكده بر هيئت منفقہ حكومت تشكيل ايتمش؛ و مدنى تأهله مساعده اولنه-رق، بعض قوانين وضع اولنمغله، او وقته-دك مملكتى اداره ايدن زادكان و رؤساء روحانيه بو حالدن ممنون اولميوب، بر طاقم اختلالر ترتيب ايتمش؛ و يرليير دخى بو هرچ و مرجدن بالاستفاده، اخذ انتقامه قاليشمغله، 1838 ده بولنر (رافائل قاررا) اسمنده بر رئيسلرينك قوماندانه-سيله غواتماله-يى ضبط ايتمش؛ و اجنبيلرى يعنى اسپانيوللرى اخراج ايتمشلرسه-ده، قتل و يمغا كبي بر حركتده بولنميوب، مرقوم قاررا ذكاوت طبيعیه-سيله زادكان و رهبان طاقملرينك طرفنى طوته-رق، بولنر طرفندن رئيس طانينمشدى. 1840 تاريخنده قاررا غواتماله شهرى ايچنده آمريقای وسطى رئيس جنرال مورازانى مغلوب ايدوب، رسماً رئيس ديكتاتور اولمشدى. 1863 ده قاررا سالوادوره هجوم ايدوب، ابتدا مغلوب اولمش ايسه-ده، بعده نيغار اغوا و قوسته-ريقا ايله بالاتفاق مملكت مذكوره-يى ضبط

ایتمشدی. 1871ده یکیدن بر شورش ظهور ایدوب، قاررانک خلفی (سرنا) ایله جزویتلر طرد، و سربستی مذهبیہ اعلان اولنمشدر. 1879ده قانون اساسیلرینی تعدیل ایدوب، زادکان و رؤساء روحانیہ-نک نفوذلرینی بسبتون کسر ایله، شمدیکی قانون اساسییی تأسیس ایتمشلردر.

5-3291-1

غوآتماله

#1

آمریقای وسطیده آنف البیان همنامی اولان حکومتک مرکزی بر شهر اولوب، سلسله جبالک اوستنده و بحر محیط آطلاسی ایله بحر محیط معتدل مائله-لرینک محل اجتماعنده یعنی تقسیم میاه خطنده اوله-رق، 1500 متره-لک ارتفاعده و بحر محیط معتدل ساحلندن 80 کیلومتره بعدنده هوندوراس کورفزندن ایسه بونک اوچ مثلی مسافه-ده "30' 37' 14° عرض شمالی ایله '51' 92° طول غربیده واقعدر. اهالیسی 70000 راده-لرنده اولوب، اسپانیول و ملز و صرف یرلیدن مرکبدر. شهر تمامیلہ اسپانیول اصولنده اولوب، هر سوقاقده بر ویا بر قاچ کلیساسی و هر سوقاق باشنده بر مادونه-سی یعنی حضرت مریمله عیسانی مصوربتی واردر. صولری پک چوق اولوب، همان هر خانه-نک ماء جاریسی واردر، و فضلہ-سی سوقاقلرده آقار. اولرک خصوصی باغچه-لری وار ایسه-ده، شهرک باغچه و تفرجگاهلری و میدانلری اولمیوب، اطراف و جوارلری دخی نباتاتدن خالی و یانمش حکمنده-در. مع هذا استقلالندن بری اعمار و تزییننه صرف همت اونه-رق، الیوم دار الفنونی، بیوک بر کتبخانه-سی، موزه-سی، فنون طبیعیہ و سائرہ نمونه خانه-لری، وقتیلہ جزویتلرک اداره-سندہ بولنمش بیوک بر مکتبیلہ بوکا ملحق کتبخانه-سی، وقتیلہ یکرمی بش بیک اسیر استخدام ایتمش اولان بیوک بر خسته-خانه-سی، صنایع مکتبی، دار المعلمینی، بانکہ-سی، بیوک بر تیاتروس، طباق و چینی ایله بعض منسوجات فابریقه-لری واردر. اطرافنده اسکی یرلیرک مسکنلری اولان صماندن قلبه-لری و ملزلره مخصوص کویلری بولنیور. هواسی معتدل اولوب، قیشین نهایت صفردن یوقاری 5 درجه-یه قدر اینر، و یازین 30 درجه-دن یوقاری چیقماز. یاغموور موسمی نیساندن تشرین اوله قدر دوام ایدوب، اک زیاده تموزده یاغار. بو شهر اوچ دفعه تأسیس اولنوب، 1524 تاریخنده مملکتک فاتحی اولان پدرو دالوارادو شهری آغو ابرکاسک شمالی اتکنده و شمدیکینک 60 کیلومتره شمال غربیسنده اوله-رق، شمدی %چوداد ویبا\$ دینلن محلهه تأسیس ایتمش ایکن، 1541ده برکاندن چیقان صو شهری تخریب ایتمکله، اونک 5 کیلومتره شمال شرقیسنده و شمدیکی %آنتیغوا غوآتماله\$ یعنی اسکی غوآتماله محلنده تأسیس اولنمش؛ و 1773ده بوده زلزله-دن خراب اولمغله، 30 کیلومتره شرق شمالیسنده شمدیکی شهر بنا، و %غوآتماله نوئوه\$ یعنی یکی غوآتماله تسمیه اولنمشدر.

5-3291-2

غوآتماله آنتیغوا، یاخود آنتیغوا غوآتماله

یعنی ((اسکی غوآتماله)) آمریقای وسطینک غوآتماله حکومتنده و غوآتماله-نک 30 کیلومتره غرب جنوبیسنده و %پنساتیود\$ نهری اوزرنده اوله-رق 1516 متره-لک ارتفاعده ایالت مرکزی بر قصبه اولوب، 15000 اهالیسی، چوق میاه جاریه-سی، همان دائماً زمردین پاغجه و چملری، پک کوزل منظره-سی و لطیف و صاعلام هواسی واردر. ماده آنفه-ده بیان اولندیغی اوزره، 1773ده زلزله-دن خراب اولوب، 900 کشی انقازی آلتنده قالمش ایدی.

3-3291-5

غوآتوزو

#1

و نام ديكرله پرائزو #2 آمريقاي وسطیده قوسته-ريقه حكومتك شمال جهتنده و نيقراراغوا كولنك سواحل جنوبيه-سيله %ريوفريو\$ نهري واديسنده ساكن آمريكا اقوام اصليه-سندن بر قوم اولوب، اليوم استقلاللريني و لسان و اخلاقلريني محافظه ايتمكده-درلر.

4-3291-5

غوآجابه

#1

قوبه جزيره-سنگ شمال شرقي ساحلي قارشيسنده واقع بر صره جزايرك اك شرقيسي اولوب، بويي 15 و اكي 5 ايله 7 كيلومتره آره-سنده-در.

1-3292-5

غوآجير

ياخود غوآجيره شبه جزيره-سي #1 آمريقاي جنوبيك ساحل شماليسنده قولومبيا ايله ونزوئلا آره-سنده بيوجك بر شبه جزيره اولوب، جنوب غربيين شمال شرقيه طوغري ممتد اولور. اوچنده واقع %غاليناس\$ بروني '34°12 عرض شمالي ايله 74° طول غربيه واقع اولوب، آمريقاي جنوبيك اك شمالي نقطه-سيدير. بو شبه جزيره %ماراقابو\$ و نام ديكرله ونزوئلا كورفزيني قيبوب، ساحل شرقيسنده %قالاپوزو\$ قويي دخي تشكل ايديور. بويي تقريباً 220 كيلومتره اولوب، 60 كيلومتره اكنده بر برزخله قره-يه مربوطدر. مساحه سطحه-سي 14 ايله 15 بيك مربع كيلومتره آره-سنده-در. اورته-سنده %ماقوبيره\$ اسميله بر طاغ بولنوب، بر طاقم آلچق تپه-لر واسطه-سيله %آند\$ سلسله-سنگ %اوقانيه\$ شعبه-سنة مربوطدر. سائر طرفلري آلچق و قوملق اولوب، بر طاقم بطاقللري و ديكنلي چاليلر اورمانلريني حاويدر؛ و ياغمورلر موسمنده بعض جهتلريني صو باصار. ونزوئلا حكومتي بو شبه جزيره-نك نصف شرقيسني كندی حدودی داخلنده عد ايدوب، قولومبيا حكومتنده بتونني ايدنمك ايستيورسه-ده، حقيقتده بو شبه جزيره %غوآجير\$ تسميه اولنان و بر حال بدويته ياشايان بر قوم قديم ايله مسكون و مستقلدر. غوآجيرلر اتوز قرق بيك كشي راده-لرنده اولوب، حرکله و سوريلريله و باليقچيلق، اودونجيلق و كمورجيلكله شبه جزيره-ده جولان ايدرلر، و قولومبيانك %ريوشيشا\$ قصبه-سنة باليق، قابلومباغه، باصديرمه، طوز، كمور، اردون، حيوانات، دري و سائره كوتوروب، محتاج اولدقلري امتعه و ارزافله مبادلله ايدرلر. كنديلري اوزون بويلى، تندرس، جست و چالاک، كوزل اندام و چهره-لى آدملر اولوب، لسان و عادات و قيافت قديمه-لريني محافظه ايتمكده-درلر. شبه جزيره-نك اكثر سواحل قيالق و قبالرله محاط اولوب، سفائن حقتده مخاطره-ليدر. شمال غربى ساحلنده %باهيا هونده\$ و %پورتته\$ اسملريله ايكي صاغلام ليمان وار ايسه-ده، جوارلرنده ثروت و معموريته نائل يرلر بولنمديغندن، بو ليمانلر شمديك يالكز قچاقجي كميلرينه ملجا اولمغله يارايور.

2-3292-5

غوآدارامه

عربی % وادی الرمل \$ دن غلظدر. اسپانیانك یكى قستیله خطه-سندھ تاج ایرماغنه تابع بر نهر اولوب، مادرید ایالتنده همنامی اولان سلسله جبالدن نبعانله، جنوبه طوغری جریان ایده-رک، تولده ایالتنه دخول ایدر؛ و بعده غرب جنوبیه دونه-رک، 125 کیلومتره-لک جریاندن صکره، تولده شهرینک آلت طرفنده صاغ کنارندن % تاج \$ ایرماغنه دوکیلور.

3-3292-5

غوآدآرامه

سلسله جبالی #1 اسپانیانك وسطلرنده بر سلسله جبالدر، که اسکی و یکی قستیله خطه-لری آره-سندھ غرب جنوبیدن شرق شمالیه طوغری ممتد اولور؛ و غرباً % سیراگروس \$ سلسله-سندن % البرکه \$ نهرینه کچید ویرن بر بوغازله ایرلمشدر. % دورو \$ ایله % تاج \$ حوضه-لری آره-سندھ-کی جبالک اک یوکسکی مذکور غردوس و ایکنجیسی اشبو غوآدآرامه سلسله-سیدر. سلسله-نک اتکلری هر ایکی طرفدن دیکجه اولوب، آنجق شمال جهتده-کی اسکی قستیله-نک اراضیسی دها یوکسک اولمغله، او طرفده-کی اتکلری دها قیصه-در. اساسی غرانیت طاشندن عبارت اولوب، اک یوکسک محلی اولان % پنیالاره \$ ذروه-سنگ 2405 متره ارتفاعی واردر. 2000 متره-دن یوکسک دها بر چوق ذروه-لری و 1500 متره-دن یوکسک بوغاز و کچیدلری واردر. صیرتی وهله ذروه-لری سنه-ده بر قاچ آی قار ایله مستور بولنور. مادریددن ایالات شمالیه و غربیه-یه کیدن دمیر یول خطی بو سلسله-نک آلتندن تونل ایله کچر. خیلی اورمانلری واردر. شمال و جنوب اتکلرندن بر چوق چاپلر اینوب، برنجیلری % دورو \$ و ایکنجیلری % تاج \$ ایرماغنه دوکیلور. 41° عرض شمالی خط موهمی بو سلسله-نک اورته-سندن کچر، اوزرنده خیلی او حیواناتی بولنور.

4-3292-5

غوآدآلاچاره

#1

عربی % وادی الحجاره \$ دن غلظدر. اسپانیانك یكى قستیله خطه-سندھ و مادریدک 56 کیلومتره شمال شرقیسنده و تاج ایرماغنه تابع % جارامه \$ نهرینه دوکیلن، % هنارس \$ چاینک صول کنارنده واقع ایالت مرکزی بر قصبه اولوب، 8600 اهالیسی، عسکری هندسه-خانه-سی، کتبخانه-سی، موزه-سی، بر قاچ کلیسای، بر ایکی اسکی سرایی، رومالیردن قالمه بر صویولی، صرف وفاتله فابریقه-لری، قونقوردیا اسمیله بر تفرجگاهی و اطرافنده باغلریله زیتونقلری واردر. اسم قدیمی % آریاق \$ اولوب، عربلر فتح ایتدکلرنده % وادی الحجاره \$ تسمیه ایتمشلردر.

*- غوآدآلاچاره ایالتی یکی قاستیله خطه-سنگ شمال شرقی گوشه-سندن عبارت اولوب، غرباً مادرید، جنوباً قوئقه، شرقاً تروئل و سراغوسه، شمالاً سوریای، شمال غربی جهتندن-ده سغویا ایالتلریله محاطدر. مساحت سطحیه-سی 12611 مربع کیلومتره اولوب، 201288 اهالیسی واردر. شمال و شرق جهتلری طاغلق اولوب، اورته و جنوب و غرب جهتلری یوکسک اووه-لردن عبارتدر. مذکور طاغلق % غوآدآرامه \$ سلسله-سنه مربوط اولوب، بو طاغلق اینن جارامه، هنارس و تاجونه نهرلری ایالتک شمال غربی قسمنی شق ایله، تاج ایرماغنه دوکلمک اوزره، مادرید ایالتنه کیررلر. مذکور ایرماق، دخی ایالتک حدود شرقیه-سندھ-کی طاغلق نبعانله % غالو \$ نهرینی دخی اخذ ایله، ایالتک قسم جنوبیسنده بر بیوک قوس تشکیل ایدر. اراضیسنک ارتفاعی حسبیه قیشین، علی الخصوص طاغلق

پرلرنده، هوا پك صوئوق، و جنوبه ناظر اولمسندن طولايي، يازين پك صيجاقدرد. اراضيسي و على الخصوص %القراريه اووه-سندن معدود اولان قسم جنوبيسي خيلي منبت اولوب، كليتلي ذخيره حاصل اولور. باغلريه زيتونلري آردر. مرعالي چوق اولوب، خيلي سوريلري واردر. اهاليسي چاليشقان و قناعتكار آدملر اولوب، باشليجه چفتجيلك و چوبانقله كچينرلر، و زيتون كسيمي موسمنده آندالوسيايه كيدوب، ياغ فابريقه-لرنده ايشلرلر. دمير معدنلري چوق اولوب، اهالينك بر قسمي ده بو معدنلرده ايشلرلر. كوش و باقير و كمور معدنلرده واردر. ايكي قابليجه-سي مشهوردر. صنايع كري اولوب، يالكز بعض يوك منسوجاتله كتن و كنوير بزي و بر ايكي جام و كاغد فابريقه-سي واردر. ايالت 9 قضايه منقسم اولوب، 399 ناحيه و دائره بلديه-سي واردر.

1-3293-5

غوآدالاجاره

مكسيقه ممالك مجتمعه-سنده %جاليسقو\$ حكومتك مركزي بر شهر اولوب، مكسيقه-نك 460 كيلومتره غرب شماليسنده، %ريو غرانده ده سانتياغو\$ مجراسي قريبنده، 1567 متره-لك ارتفاعده و 21°9' عرض شمالي ايله 105° 50' 22 طول غريبنده واقعدر. مكسيقه-نك اك معتنا شهرلرندن اولوب، 95000 اهاليسي، كنيش يوللري، بر بيوك و مزين و ديكر بر قاچ كليساسيله مناسترلري، دار الفنونى، رسم آقادمياسى، خسته-خانه-سى، فقيرخانه-سى، يتيم خانه-سى، بيوك بر تياتروسى، مكسيقه-نك سائر طرفلرنده ممنوع اولان بوغا كورشنه مخصوص جاباز خانه-سى، بيوك ضربخانه-سى، سراجلغه متعلق معمولاتيله چيني، كاغد، شكرلمه و ساثره فابريقه-لري واردر. جوارلرنده ساكن اولان اصل يرليلر تخته اوزرينه اويمه-لرك انواعى ياپوب، شهرده صاتارلر. هواسى معتدل اولوب، ميزان الحراره نهايت 29° درجه-يه قدر چيقار، و تحت الصفر 5° دركه-يه قدر اينر. قيشين زياده قيراغى ياغار. هوانك قور اقلغى نباتاتك بحق نشو و نما بولمسنه مانع اولور.

2-3293-5

غوآدالايوار

#1

عربى %الوادى الابيض\$ دن غلظدر. اسپانيانك شرق جهتنده بر ايرماقدر، كه آراغون خطه- سنك %تروئل\$ ايالتنده و %تاج\$ ايرماغنك منابعى قريبنده نبعانله، ابتدا شرقه طوغرى جريان ايده- رك، %تروئل\$ قصبه-سنه واصل اولنجه، %آفامبره\$ نهريله برلشوب، بونك محراسنه تابع اولور؛ و جنوبه طوغرى دونوب، والنسيا %يعنى بلنسيه\$ خطه و ايالتنه دخول ايله، دها آشاغيده شرق جنوبيه طوغرى دونه-رك، والنسيا شهرى ياننده آق دكيزه دوكيلور. مجراسى تقريباً 300 كيلومتره طولنده اولوب، يوقارى طرفلري پك درين و بر طاقم طار بوغازلرندن عبارت اولديغى حالده، والنسيا اووه-سنه دوشنجه، بونك اراضيسنى سقى و احيا ايدر. حوضه-سى 8000 مربع كيلومتره وسعتنده-در. مجراسنك اورته طرفلرنده %ريو بلانقو\$ و آشاغى طرفلرنده %ترياس\$ اسمريله دخى معروفدر.

1-3294-5

غوآدالفئو

#1

عربی %وادی الافعی\$دن غلظدر. اسپانیاده آندالوسیا خطه-سنگ غرناده ایالتنده بر نهردر، که %سیرا انواده\$ دینلن قارلی طاغلرندن نبعانله آق دکیزه دوکیلور. مجراسی قیصه ایسه-ده، صویبی چوقدر.

2-3294-5

غوادالقازار

#1

عربی %وادی القصر\$دن غلط اولوب، اسپانیانک بر محلنه تقلیداً اسپانیوللر طرفندن وضع اولنمشدر. مکسیقه حکومات متفقہ-سندن %سان لویی پوتوزی\$ جمهوریتندہ و %سان لویی پوتوزی\$نک 65 کیلومتره شمال شرقیسندہ اوله-رق 1640 متره-لک ارتفاعده بر قصبه اولوب، 9000 اھالیسی، وقتیلہ پک زنکین بولنان کومش معدنریلہ جیوه معدنی واردر.

3-3294-5

غوادالقنار

#1

بحر محیط کبیرده واقع %سالومون\$ جزایرندن بری اولوب، %مالابیتہ\$ جزیره-سنگ 60 کیلومتره جنوب شرقیسندہ واقعدر. مساحه سطحیہ-سی 6500 مربع کلومتره اولوب، 2600 متره-یہ قدر مرتفع طاغلی و الآن آتش افشان بر برکانی واردر.

4-3294-5

غوادالقنال

#1

اسپانیاده آندالوسیا خطه-سنگ سویله %یعنی اشیبیلیہ\$ ایالتک منتهای شمالندہ اوله-رق %سیرا مورتا\$ سلسله جبالنک یوکسک بر وادیسندہ %قزاله\$ قضاسنه تابع و قزاله-نک 20 کیلومتره شمالندہ واقع بر قصبه اولوب، 5740 اھالیسی، مشهور شرابیله زیتون یاغی، دمیر یولی و وقتیلہ پک زنکین اولوب شمعی متروک بولنان سیملی قورشون معدنی واردر.

5-3294-5

غوادالکیویر

#1

عربی %الوادی الکبیر\$دن غلظدر. اسپانیانک اک بیوک ایرماغلرندن اولوب، مملکت مذکورہ-نک قسم جنوبیسی یعنی آندالوسیا خطه-سنى شرق شمالیدن غرب جنوبیبه طوغری شق ایله، بحر محیط آطلاسینک %قادیس\$ کورفزینہ دوکیلور. جائن %یاخود جیان\$ ایله مورسیا ایالتلری حدودندہ و %اوبده\$نک 24 کیلومتره شرق جنوبیسندہ %سیرا دل پوزو\$ طاغنک شمالی اتکلرندن نبعانله، ابتدا شمال شرقیبه و درعقب دونوب جنوب غربیبه طوغری جریان ایده-رک، %اوبده\$ قربنده صولدن کندیندن چوق دھا بیوک و دھا اوزون اولان %غوادایانه مینور\$ نهرینی اخذ ایدر؛ و بو نهری و علی

الخصوص دها آشاغیده % غوآدالیمار \$ نهرینی آلدقن صکره، صولرینک بر اقلغنی غائب ایده-رک، آز چوق جنوبه میلانله غربه طوغری جریان ایدر؛ و % غوآدالبولون \$ نهرینی دخی بعد الاخذ، وقتیلله اندلس حکومت اسلامیه-سنگ کرسی حکومتی بولنمش اولان قرطبه % ویا قوردوه \$ شهرینه اصل اولور. منابعی حذای بحردن 481 متره یوکسک اولوب، قرطبه-ده بیتاغی آنجق 104 متره ارتفاعنده-در. اورالره قدر مجراسی شمالاً % سیرا مورنه \$ سلسله جبالیه و جنوباً مختلف طاغلرله محاط واسع بر وادینک ایچنده اولوب، کندیسنگ سقی و احیا ایتمدیکی یرلرده قورو و یانمش اووه-لر و کاه کاه زیتون آغاجریله مستور تپه-لردن عبارت اولمغله، مذکور طاغلردن کلن و اکثری خیلی اوزون اولان تابعلری عادی وقتلرده پک آز صو کتیروب، بعضاً بسبتون قورورلر. بناءً علیه غوآدالکیویر % شنیل \$ ایله برلشمزدن اول ثانیه-ده آنجق 28 مکعب متره صو دوکر. قرطبه-دن آشاغی غرناطه-دن کچن و شعرای عرب بیننده لطافتیله مشهور اولان % شنیل \$ نهرینی آلوب، بو نهر قور اقلق موسمنده دخی ثانیه-ده 12 مکعب متره صو علاوه ایتمدیکی کبی، صاغ و صولدن دیکر بر قاچ نهرک دخی صولرینی جمع ایله، تدریجاً جنوبه طوغری دونوب، سویله % عربلرک مشهور اشبیلیه-سی \$ شهرینه کیرر. بو شهرک اوستنده بیتاغی 100 ایله 200 متره آره-سندده بر کنیشلکده-در. سویله-نک آلتنده دکیزک مد و حزری حس اولنمغه باشلار؛ و ایکیوز طونیلانه-دن آشاغی استیعاب ایدن کمیلر بو شهره قدر سیر ایدیور. سویله-دن آشاغی نهر جنوب غربیه طوغری آقوب، منصبندن 60 کیلومتره یوقاریده اوچ قوله آیریله-رق، % مایور \$ و % مینور \$ یعنی ((بیوک)) و ((کوچک)) اسمریله ایکی آطه و اطرافده بر طاقم بطاقلر تشکیل ایتدکن صکره، ینه برلشوب، قادیسک شمالنده % سان اوقار \$ قصبه-سی یاننده بحر محیط آطاسیه دوکیلور. منصبنده قوم سدلی و دها یوقاریده بطاقلر و سازقلر بولنوب، سیر سفانجه بو نهر عظیمدن بحق استفاده اولمنسنه مانع اولمقده-در. بو بطاقلرده اسپانیوللرک وحشیانه کورشلرده قولاندقلری بر طاقم وحشی بو غالر یتیشیر.

1-3295-5

غوآدالوپه

#1

اسپانیاده آراغون خطه-سنگ % تروئل \$ خطه-سندده بر نهردر، که شرقه بعده شرق شمالیه و نهایت شماله طوغری آقه-رق، 150 کیلومتره-لک جریاندن و یولنده-کی اووه-لری اروا ایتدکن صکره، % ابره \$ ایرماغنه دوکیلور.

2-3295-5

غوآدالوپه

سیراده -* -#1 اسپانیانک استرمادوره خطه-سندده بر سلسله جبالدر، که شرقدن غربه ممتد اولوب، بر طرفندن تولده و بر طرفدن دخی پورتکیز طاغلریله کسب التصاق ایدر. شمالنده-کی % تاج \$ ایرماغیله جنوبنده واقع غوآدیانه ایرماغی حوضه-لری آره-سندده حائل اولوب، شمالی اتکلرندن آقان صولری تاجه، و جنوبی اتکلرندن آقانلری غوآدیانه-یه دوکیلور. اک یوکسک ذروه-سی 1558 متره ارتفاعنده-در.

3-3295-5

غوآدالوپه

#1

آمریقای شمالیده ممالک مجتمعه-نک %تکزاس\$ حکومتده بر نهردر، که غرب شمالیدن شرق جنوبیه طوغری آقه-رق، تقریباً 500 کیلومتره-لک جریاندن صکره مکسیقه کورفرزنده %سنت آنطونیو\$ نهرینک خلیجنه دوکیلور.

4-3295-5
غوآدالوپه
#1

مکسیقه-ده قالیفورنیه شبه جزیره-سنگ ساحل غربیسی قارشیسنده و 260 کیلومتره آچیقده اوله-رق 29° عرض شمالیده طاغلق بر آطه اولوب، شمالدن جنوبه بوی 28 کیلومتره-در.

5-3295-5
غوآدالهورسه
#1

اسپانیانک آندالوسیا خطه-سنده بر کوچک ایرماقدر، که غرناده ایالتنده %سیراده الحما\$ سلسله-سنگ %آلازورس\$ بوغازنده و 2135 متره-لک ارتفاعده نبعانله، مالغه ایالتنه دتخل اولوب، ابتدا غربه و بعده جنوبه طوغری شایان تماشنا بر طاغم طاغلق و بوغازلر آره-سندن جریانله مالغه-نک جنوب غربیسنده بحر سفیده دوکیلور. مجراسی 125 کیلومتره طولنده-در. سقی اراضیه بحق یارامق ایچون مصرفلی جدولره محتاج اولوب، شمدیکی حالده طغیانلرندن منبعث خسارلری فائده-سندن زیاده-در. اسمی %وادی الحرث\$ اسم عربیسندن غلط اولدیغنه باقیلیرسه، حکومت اسلامیه زماننده صویندن زراعتجه دهها زیاده استفاده ایدلمکده بولنمش اولدیغی آکلاشیلیر.

6-3295-5
غوآدالیما
#1

عربی %وادی الاحمر\$ یاخود %وادی الحمار\$ دن غلظدر. اسپانیانک آندالوسیا خطه-سنده بر نهردر، که %البسیطه\$ ایالتنده %سیرا القازار\$ سلسله جبالندن نبعانله، بو سلسله-یی %سیرا سغوره\$ سلسله-سندن تفریق ایده-رک، %جائن\$ ایالتنه بالدخول، جنوب غربیه طوغری آقار؛ و غوآدارمنا، غوآالمن و غوآریزاس چایلرینی اخذ ایده-رک، %جبلکینتو\$ قرینده صاغدن غوآالکیوبره دوکیلور. مجراسی 150 کیلومتره طولنده-در. کرک کندیسی و کرک تابعلری %سیرامورنه\$ سلسله جبالنک بعض بوغازلرندن کچرلر.

7-3295-5
غوآدالوپه
#1

امریقادہ کی کوچک آنتیل جزایرینک اک بیوکی اولوب، '57°15' ایله '31°16' عرض شمالی و '32°63' ایله '9°64' طول غربی آرہ-لرندہ ممتد اولور. نفس غوآر دلوپہ ایله %غراندتر\$ یعنی ((ارض کبیر)) اسملریله ایکی جزیرہ-دن مرکب اولوب، آرہ-لری %ریویر سالہ\$ یعنی ((طوزلی جای)) اسمیلہ درت بش کیلومترہ اوزون، یوز یوز الی مترہ کنیش و درت بش مترہ درین طبیعی بر قنال ایله آیرلمشدر. اصل غوآر دلوپہ شمالدن جنوبہ ممتد غیر منتظم بر مستطیل صورتندہ اولوب، طاغلق و مرتفع بر آطہ-در. قسم شمالیسندہ شرقہ طوغری ممتد بر چیقندیسسی واردر، کہ ایکیزی حکمنده اولان %غراندتر\$ک منتهای غریبلہ تماس ایده-جک کبی اولوب، آرہ-لرندہ مذکور قنال تشکل ایدر. بر یکی جزیرہ ایسہ غربدن شرقہ ممتد اولوب، منتهای شرقندہ %پو آنت ده شانوس\$ اسمیلہ سیوری بر برون تشکیل ایدر؛ و شمالہ طوغری همان کندیسسی قدر بر شبہ جزیرہ اوزادیر. بو دخی عارضہ-لی ایسہ-ده، اوتہ-کینہ نسبتاً دوز اولوب، ارتفاعلری یوز مترہ-یہ قدر تپہ-لرندہ عبارتدر. حالبوکہ اصل غوآر دلوپہ-نک اک مرتفع طاغی 1484 مترہ-یہ بالغ اولیور. اصل غوآر دلوپہ-نک شمالدن جنوبہ بویی 46 و شرقدن غربہ اکی 23 و %غراندتر\$ک شمالدن جنوبہ اولان طول اعظمی 34 کیلومترہ اولوب، ایکسینک مساحہ سطحیہ-سی 1602 مربع کیلومترہ-در. بو جزیرہ-یہ ملحق %ماریہ غالاتہ\$ اسمیلہ بیوجک و %ایل ده سنت\$، %دزیرادہ\$ و %پتیت تر\$ اسملریله بر قاچ کوچک آطہ دخی ایسہ دخی بولنیور. بونلرلہ و اوزاقدہ بولنوب فرانسه-یہ تابعیتلری جهتیلہ اداره بونلرہ ملحق اولان %سنت مارتن\$ ایله برابر مساحہ سطحیہ-لری 1868 مربع کیلومترہ-یہ بالغ اولور. مرکزلی نفس غوآر دلوپہ-نک جنوب غربی ساحلندہ واقع %یاس تر\$ قصبہ-سیدر. نفس غوآر دلوپہ آطہ-سنک طاغلری و اراضیسی برکانی اولوب، شرقہ طوغری اولان اتکلری دها واسع و میلانلری دها آز اولوب، سواحل شرقیہ و شمالیہ-سنہ اینن انہاری خیلی اوزون و بیوک و سواحل غربیہ-سنہ ایننلری قیصہ-در. معدن صولری و میاه حارہ-سی ده چوقدر. غراندترک ایسہ انہاری پک قیصہ و آز صولی اولوب، آنجق قیو صولری پک یقین اولوب، آجیجہ ایسہ-ده، حیواناتک و حین حاجتدہ انسانلرک دخی شربنہ صالحدر. ساحلری اراضی مرجانیہ-دن عبارت قیالرلہ مسدود اولوب، اکثر طرفلری سفائنک یناشمسنہ مساعد دکلدر. هواسی صیجاق و رطوبتی زیادہ اولوب، مع هذا اکثر طرفلرندہ صاغلاندر. یالکز بعض طرفلرندہ صیتمہ-لر و باغر صاق خستہ-لقلری حکم سورر. باشلیجہ محصولات: شکر قامشیلہ پک مقبول قهوه، قاقانو، مانیوق، وانیلہ، آناناس، پاموق و سائره-دن عبارتدر. سنوی الی ملیون کیلو قدر شکر و خیلی روم و سائره چیقار. قهوه-سی مارتنیق قهوه-سی نامیلہ ساتیلیور. شکر و روم و سائره اعمالنہ مخصوص انہارک صوبیلہ و بخارلہ ایشلر فابریقہ-لری واردر. حیوانات اہلیہ-سی 60000 رأس رادہ-لرندہ-در. تجارتی خیلی ایشلک اولوب، اخراجاتی ادخالاتندن چوق زیادہ-در. فرانسه-دن کوندریلن بر والی بر مجلس اداره معاونتیلہ اداره مملکت ایدوب، اہالیدن منتخب 36 اعضادن مرکب بر مجلس و بو مجلس طرفندن تعیین اولنور 7 اعضادن مرکب دائمی بر قومیسینی واردر. پارس سناتوسنہ-ده برر کشی انتخاب و ارسال ایتک حقی حائزدر. آطہ و ملحقاتی 3 قضا، 11 ناحیہ و 33 دائرہ بلدیہ-یہ منقسم اولوب، هر دائرہ-نک منتخب مجلس بلدیسی واردر. ملحقاتیلہ برابر اہالیسی 183253 کشی اولوب، فرانسنز مهاجرلریلہ زنجیلر و سائره-دن مرکبدر. آطہ-نک اہالی اصلیہ-سی اولان (قراٹب)لر ایسہ وقتیلہ اسپانیولر طرفندن امحا اولنمشلردر. غوآر دلوپہ 1493 تاریخندہ قریستوف قولومب طرفندن کشف اولنوب، تقریباً 150 سنہ صکرہ فرانسلر طرفندن اسکان و اعمارینہ تشبث اولنمش؛ و بر قاچ دفعہ انکلیزلرک ضبطنہ کچمشدر.

5-3296-1

غوآدواس

#1

امریقای جنوبیہ قولومبیا حکومتک %قوندینامارقه\$ ایالتندہ و %بوغوتہ\$نک 85 کیلومترہ شمال غربیسندہ اولہ-رق ہمنامی اولان چایک منابعی قربندہ بر قصبہ اولوب، 8530 اہالیسی، پک صاغلان و

لطیف هواسی، قاپلیجه-لری، کمور و نفط معدنلری، شکر قامشیله قهوه محصولاتی و صنعی چاپرلریله
تقرجکاھلری واردر.

2-3296-5

غوآدیانه

#1

عربی %وادی آنه\$ دن غلط اولوب، اصل اسمی %آنه\$ در. اسپانیا و پورتکیزک اک بیوک ایرماقرندن
اولوب، اسپانیای وسطینک %لامانشه\$ خطه-سنده 14 منبعن نبعانله، %چوداد رآله\$ ایالتنده ابتدا غربه
و بعده شمال غربیه طوغری آقه-رق، استرومادوره خطه-سنک %بادایوز\$ ایالتنه کیردکن صکره
غرب جنوبیه و بعده غربه طوغری جریانله، بادایوز شهری کنارندن بعد المرور، پورتکیز حدودینه
اصل اولور؛ و جنوبه طوغری دونه-رک، 51 کیلومتره-لک مسافه-ده دولتین آره-سنده خط حدودی
تشکیل ایندکن صکره، پورتکیز طوپراغنه کیرر؛ و اوراده دخی 125 کیلومتره-لک مسافه بعد القطع،
یکیدن حدوده وصول ایله، منصبنه قدر 43 کیلومتره-لک مسافه-ده دخی خط حدودی تشکیل ایدر؛ و سان
أنطونیو ایله %ایامونته\$ قصبه-لری آره-سنده بحر محیط آطلاسیه دوکیلور. مجراسی 650 و اک
اوزون تابعی اولان زانقاره-نک منصبندن 800 کیلومتره اولوب، تابعلری دخی چوق ایسه-ده، حوضه-
سی اسپانیانک اک قوره و یاغموری آز پرلرندن اولدیغنه بناء، صویب آز اولوب، مجراسنک یالکز
آشاغیکی 65 کیلومتره-لکی کوچک و 45 کیلومتره-لکی بیوجک کمیلر ایچون سیر سفاننه صالحدر.

1-3297-5

غوآدیس

#1

اسپانیاده آندالوسیا خطه-سنک غرناده ایالتنده و غرناده-نک 61 کیلومتره شرق شمالیسنده اوله-
رق %سیرانواده\$ سلسله-سنک شمالی مانله-سنده قضا مرکزی بر قصبه اولوب، 11800 اهالیسی،
مشهور شرابی، اطرافنده کولدن قورودلمش پک منبت اراضیسی و القصبه اسمیله عربلردن قالمه بر
قلعه-سی واردر.

2-3297-5

غوآرانی

#1

آمریقای جنوبینک اقوام اصلیه-سنک اک بیوکلرندن اولوب، الیوم افرادی، قبائل مختلفه-یه منقسم اوله-رق،
مختلف اسملرله برازیلیانک هر طرفنده و بولیویا ایله آرجننتینک بعض طرفلرنده و پاراگوآیده بولنورلر.
بونلرک بعضلری الیوم اسکی لسان و عادتلرینی محافظه ایتمکده و بعضلری پورتکیز ویا اسپانیول لسان
و عاداتیله متکلم و متخلق اولمقده-در. بعضلرده پورتکیز یا اسپانیول ویا زنجی جنسیتلریله اختلاط و
امتزاج ایدوب، بو اختلاطدن متولد ایریجه جنسیتلر تشکیل ایتمکده-درلر. خالص اسکی حاللرنده قالانلری
اسمر و صارییه مائل بکزیلی و مغول چهره-سنه مشابه چهره-لی اولوب، ساکن و چالیشقان آدملردر.
ملزلری ایسه کوزل سیما و انداملی و پک فعال و غیرتلی کورینورلر. غوآرانی لسانی برازیلیاده و

جو ارلرنده آروپا مهاجرلريله اصل يرلرلر آرہ-سنده واسطه تعاضئ افكار اولوب، اورالرجه لسان
عمومی حکمنه کچمشدر.

3-3297-5

غوآراؤنو

#1

آمریقای جنوبیده و نزوئلا حکومتنک قسم شرقیسنده و %اورنوق\$ ایرماغنک منصبنده تشکیل ایتدیکی
واسع دالیه-ده ساکن آمریکا اقوام اصلیه-سندن بر قوم اولوب، اورایه مخصوص و هندستان جوزینه
مشابه بر آجاک میوه-لریله و آجیلق و بالیقجیلقله یاشارلر؛ و نهرک طغیاننده قازیقلر اوزرنده ویا
مذکور آجاک طالرنده براقه-لر و قلبه-لر یاپوپ، بارینیرلر. آجاک کوتوکلرندن قایق یایمقده دخی
ماهردرلر.

4-3297-5

غوآردافوی

[((غار دافوی)) ماده-سنه مراجعت بیوریله.]

5-3297-5

غوآرده

#1

پورنکیزک یوقاری بیره ایالتنده و لیسبونہ-نک 336 کیلومتره شمال شرقیسنده اوله-رق 1039 متره
ارتفاعنده قضا مرکزی بر قصبه اولوب، 5285 اهالیسی، چوخه دستکاهلری و قیشین پک صوئوق
یازین-ده زیاده صیجاق هواسی واردر.

6-3297-5

غوآستاله

#1

ایتالیانک %رجیو\$ ایالتنده و رچیونک 27 کیلومتره شمالنده اوله-رق %پو\$ ایرماغنه ساحل یمیننده قضا
مرکزی بر قصبه اولوب، 8210 اهالیسی، دباغخانه-لری و ابریشیم و بز فابریقه-لری واردر. وقتیله
مستقل بر دوقة-لغک مرکزی ایدی.

7-3297-5

غوآلغوی

#1

امریقای جنوبیہ آرجنٹین حکومتک %انترریوس\$ ایالتندہ و قونسپسیون دل اوروغو ایک 125 کیلومترہ جنوب غربیسنده اولہ-رق ہمنامی اولان نہرک ساحل یمیندہ سنجاک مرکزی بر قصبہ اولوب، 7235 اہالیسی و %پورتو ویزو\$ اسکلہ-سنہ قدر 40 کیلومترہ طولندہ دمیر یولی واردر.

8-3297-5
غوآلغوآیشو
#1

آرجنٹین حکومتک %انترریوس\$ ایالتندہ و قونسپسیون دل اوروغو ایک 70 کیلومترہ جنوب غربیسنده سنجاک مرکزی بر قصبہ اولوب، 11520 اہالیسی، اطرافندہ کلینتی قیون و صیغیرلری و باصدیرمہ و دری اخراجاتی واردر.

9-3297-5
غوآم

یاخود غو آہام ویا غو آجام #1 بحر محیط کبیردہ واقع %ماریانہ\$ جزایر مجتمعہ-سنک اک بیوکی و اک جنوبیسی اولوب، جنوب غربیدن شمال شرقیہ طوغری بویی 45 و اکی 5 ایلہ 16 کیلومترہ آرہ-سنده-در. مساحہ سطحیہ-سی تقریباً 514 مربع کیلومترہ-در. اراضیسی شمال جہتندہ خلی منبتدر. سواحلی قیالرلہ محاطدر. بو جزایرک تابع بولندقلری اسپانیا دولتی طرفندن منصوب متصرفک اقامت ایندیکی %اغانا\$ قصبہ-سی آطہ-نک شمال شرقی ساحلندہ "37'24'13 عرض شمالی ایلہ "30'16'142 طول شرقیہ واقع و 4050 اہالیسی جامعدر. کرک بونک و کرک جنوب شرقی ساحلندہ بولنان %اومالہ\$ قصبہ-سنک لیمانلری پک صاغلاندر. محصولات: پرنج، شکر، قاقانو، چبوید و سائرہ-دن عبارتدر. جزیرہ-نک اہالیسی 7000 کشی رادہ-لرنده-در.

1-3298-5
غوآمو
#1

امریقای جنوبیہ قولومبیا حکومتک %تولیماس\$ ایالتندہ و %نیوہ\$نک 105 کیلومترہ شمالندہ اولہ-رق %ماغدالنے\$نک ساحل یسارندہ بر قصبہ اولوب، 9195 اہالیسی و اطرافندہ کوزل مرعاری واردر.

2-3298-5
غوآناجای
#1

آنتیل جزایر کبیرہ-سندن اسپانیایہ تابع %قوبہ\$ جزیرہ-سنک غرب جہتندہ و %ہاوانہ\$نک 34 کیلومترہ غرب جنوبیسنده قضا مرکزی بر قصبہ اولوب، 4000 اہالیسی و کلینتی قہوہ محصولات و واردر.

3-3298-5

غواناجواتو

#1

مكسيقه حكومات متفقه-سندن برى اولوب، ممالك مذکور-ه-نك و سطرلنده و مرتفع جهتنده واقع اولديغي حالده، جنوباً ميشو آقان، غرباً جاليسقو، شمال غربى جهتندن زاقانقاس، شمالاً سالويى پوتوزى، شرقاً دخى قوئرتارو جمهوريتلريله محاط و محدوددر. 20° ايله 22° عرض شمالى و 102°20' ايله 103°40' طول غربى آره-لرنده ممتد اولوب، غير منتظم بر مربع شكلنى ابراز ايدر. شمالده جنوبه بويى 200 و شرقدن غربه اكي 180 كيلومتره اولوب، مساحه سطحه-سى 28462 مربع كيلومتره و اهالييسى 1007116 كشيدير. مركزى همنامى اولان شهردر. %سيراغواناجواتو\$ اسميله بر سلسله جبال بو حكومتى جنوب شرقيدن شمال غربيه طوغرى شق ايدوب، اك مرتفع ذروه-سى 3075 متره ارتفاعنه قدر چيقار. منتهاي شمال شرقيسنده %سيراغورده\$ اسميله ديكر بر سلسله كچر. مملكتك دوز يرلرى دخى حذاي بحردن آشاغى يوقارى 2000 متره يوكسكدر. جنوب جهتنده %واله ده سانتياغو\$ دينلن منبت بر اووه-نك اطرافنده غريب الشكل يدي بركان بر دائره تشكيل ايدوب، بونلردن ايكيسنك آغزلى صو ايله طولودر. باشليجه نهري قسم جنوبيسنى شق ايدن %لرما\$ نهريدر، كه اوچ چايك صولرينى آلوب، بحر محيط معتدله طوغرى كيدير. سائر انهاري پك كوچكدر. اراضيسى منبت اولوب، على الخصوص قوه انباتيه-لرى مشهور بر قاچ واسع اووه-سى واردر. باشليجه محصولاتى: مصر، بغدادى، بقله، نخود، شكر قامشى، بوبر، آمريقان فستىغى، قارپوز و سائره-در. اوزوم ينه-جك قدر اولوب، زيتون آغاجلى دخى يكي ادخال اولنمشدر. الماء، انجير، طاتلى ليمون و سائر ميوه-لر دخى حاصل اولور. صنايع محليه چوخه و عبا ايله معمولات سراجيه و چينيه متعلق شيلر اعمالندن عبارتدر. معادنى پك چوق اولوب، اك مبدولى كومشدر. آلتون، باقير و قورشون دخى بولنور. سنوى تقريباً 30 مليون فرانك قيمتنده معادن چيقاريلير. بر قاچ يرنده مياهمعدنيه جاريه-سى واردر. اهاليسنك يالكز بر ربعى صرف اسپانيول و قصورينك قسم اعظمى ملز يعنى اسپانيول ايله يرلدين متولد و متباقيسى صرف يرليدر. يرلير باشليجه (اوتومى) قومه منسوب اولوب، كندى لسانلريله متكلمدرلر. بو حكومت درت قضايه منقسم اولوب، 13 قصبه-سى و 25 بيوك قريه-سى واردر. سائر اهالى چفتلك حكمنده كوچك كويلرده ياشارلر.

4-3298-5

غواناجواتو

#1

مكسيقه ممالك مجتمعه-سنده و مكسيقونك 260 كيلومتره شمال غربيسنده طاغلا آر-ه-سنده و همنامى اولان چايك اوزرنده اوله-رق 21° عرض شمالى ايله 103°15' طول غربيه و 2031 متره ارتفاعنده واقع همنامى اولان آنف البيان حكومتك مركزى بر شهر اولوب، 63000 اهالييسى، خارجدن شايان تصوير منظره-سى، طاروديك سوقاقلرى، درت بش قاتلى خانه-لرى، دار الفوننى، ضربخانه-سى و معادنك ايشلنمسنه مخصوص فابريقه-لرى واردر.

5-3298-5

غوانش

#1

قناریه آطه-لرینک یعنی جزایر خالدا تک اهالی قدیمه-سی اولوب، بونلر اون بشنجی قرن میلادیده وطنلرینی استیلا ایدن اسپانیوللرله ایتدکلری محاربه-لرده محو و تلف اولمشلر، ظن اولنیورسه-ده، اختلاطدن بعید اولان طاغرده چوبانقله یاشایان اهالینک غوانشلرک احفادی اولدقلرنده شبهه یوقدر. بوندن ماعدا جزایر مذکوره-نک شمديکی اهالیسی اسپانیول لسانیله متکلم ایسه-لرده، خالص اسپانیول اولدقلری سیما و بدنلرندن آکلاشیلوب، قوم حاکم ایله قوم محکومک اختلاطندن متولد ملز بر قوم اولدقلری نمایاندر. غوانشلرک بریر اقوامندن بولنمش اولدقلری، و علی الخصوص مغرب اقصاده درن جبالی اوزرنده یاشایان %ایمازغ\$ بربرلریله قرابتلری بولندیغی بر چوق آثار ایله مستباندر. وقتیلله اولولرینی تحنیط ایدوب، اسکی مصریلر کبی مومیا حالنه قومق عادتلری ایدی. هر حالده اسپانیوللر هر یرده اجرا ایتدکلری معاملات ظالمانه-لریله بونلرک چوغنی امحا ایدوب، قالانلره دخی قتولیک مذهبیله برابر اسپانیول لسانی قبول ایتدیردکلرندن، اسکی غوانشلر قومیت و جنسیت اعتباریله بوکون منقرض عد اولنوب، اختلاطدن اوزاق اوله-رق طاغرده چوبانقله یاشایان احفادلری دخی غلط بر اسپانیولجه ایله متکلمدرلر.

1-3299-5

غوآنه

#1

آمریقای جنوبیده برانلیا ممالک مجتمعه-سنگ %ماتو غروسو\$ حکومتنده و %پاراغوآی\$ نهرینک کنارلریله شاقو صحراسنک بعض جهتلرنده متمکن آمریکا اقوام اصلیه-سندن بر قومدر. بونلرک بر طاقمی نیم متمدن بر حالده اولوب، اراضیی ایشلمکده عمله-لک ایدرلر. قیز چوجقلرینی طوغار طوغماز اولدیرمک عادات جاهلانله-لری جمله-سندندر.

2-3299-5

غوآیاکیل

#1

آمریقای جنوبینک %اقوادور\$ حکومتنده و %کیتو\$نک 265 کیلومتره جنوب غربیسنده اوله-رق %داؤل\$ ایله %باباهویو\$ نهرلرینک برلشمسندن حاصل اولان غوآیاکیل نهری اوزرنده و بو نهرک منصبندن 160 کیلومتره یوقاریده "24' 12" 2° عرض جنوبی ایله "34' 11" 82° طول غربیده واقع ایالت مرکزی بر شهر و اسکله اولوب، 45000 اهالیسی، کوزل ریختملری، ایشلک لیمانی، خارجدن شایان تماشا منظره-سی، زمرد کبی چایرلر و اورمانلرله محاط جوارلری و ایشلک تجارتی واردر. خانه-لری اختساب و سوقاقلری طار و غیر منتظم اولوب، یالکز ریخته یقین بر ایکی کنیش و منتظم سوقاغی واردر. مع هذا غوآیاکیل کیتودن صکره اقوادورک ایکنجی شهریدر.

3-3299-5

غوآیاکیل

کورفرزی #1 آمریقای جنوبینک بحر محیط معتدل سواحلنده-کی کورفرلرک اک بیوکی اولوب، اقوادور حکومتنک قسم جنوبیسنده واقعدر. 2° ایله 4° عرض جنوبی اره-لرنده ممتد اولوب، ساحل

جنوبيسى % پرو\$ حكومتنه عاندر. بو كورفرك ايكي اوجنده-كى برونلر امريقاي جنوبيك اك غربى نقطه-لريدر. آغزى 225 كيلومتره وسعتنده اولوب، ايچريه كيدلنكجه طارلاشه-رق، % پونياس \$ آطه-سك ارقه-سنده % غواياكيل \$ نهري خليجنه كيريلير.

4-3299-5

غوايره

ياخود غران سالتو ده غوايره #1 امريقاي جنوبيده % پارانا\$ ايرماغنك % پاراغواي \$ حكومتك شمال شرقى گوشه-سنده تشكيل اينديكى بيوك بر شلاله اولوب، " 38' 4" 24° عرض جنوبيده واقدر. نهر مذكور بو موقعده، 21 قولة منقسم اولديغي حالده، برنعل شكلنى تشكيل ايده-جك صورتده 17 متره-لك ارتفاعدن دوشوب، آشاغيه دوشديكنده 60 متره كنيش برتك شلاله تشكيل ايدر. نهرك فيضاننده مذكور قوللر برلشيره.

5-3299-5

غوايره

ياخود لا غوايره #1 امريقاي جنوبيده ونزوئلا ممالك مجتمعه-سك % غوزمان بلانقو \$ حكومتده و % قاراقاس \$ ك 10 كيلومتره شمال غربيسنده آنتيل دكيزنده بر قصبه و اسكله اولوب، 7840 اهاليسى، آچيق ليمانى، پك صرپ موقعى و زياده صيچاق هواسى واردر.

6-3299-5

غوايورو

#1

امريقاي جنوبيده بيوك شاقو صحر اسك % پاراغواي \$ ايرماغيله تابعى % پيلقومايو \$ نهري اره-سنده واقع و پاراغواي حكومتنه تابع قسمنده ساكن امريقاي اقوام اصليه-سندن بر قومدر.

7-3299-5

غوايماس

ياخود سان جوزه ده غوايماس #1 مكسيقه ممالك مجتمعه-سك % سونوره \$ حكومتده و % اورس \$ ك 165 كيلومتره جنوب غربيسنده اوله-رق قاليفورنيه كورفزنده و همنامى اولان نهرك منصبنده قضا مركزى بر قصبه اولوب، 6000 اهاليسى، صاغلام و ايشلك ليمانى و % قولورادو \$ ايرماغى مجراسنده واقع % فوريوما \$ به قدر دمير يولى واردر. اطرافى طاشلق و نباتاتدن خالى اولوب، عدنى آكديريور.

1-3300-5

غواصى، عز الدين

مشاهیر شعرای ایرانند اولوب، یزدلیدر. شاه طهماسب صفوی زماننده یاشایوب، 960 وفات ایتمشدر. مناقب ائمه حقنده یوز بیک بیت سویلمش اولدیغی مرویدر. ((روضه الشهداء)) اسمیله بر منظومه-سی واردر. کیله و دمنه حکایه مشهوره-سنی و طبه متعلق اولان ((ذخیره خوارز مشاهی)) بی سلك نظمه چکلمش و دیگر بر طاقم منظومه-لر دخی بر اقمشدر. شو بیت جمله اشعارندندر:

@@@

کر نه مردم به سرکوی توام اشک برد
عاشقیها کنم آنجا که فلک رشک برد
\$

2-3300-5

غوبن

#1

سودان وسطیده حوضه مملکتک شمال جهتنده بر یر اولوب، مرکزی مرادی قصبه-سیدر.

3-3300-5

غوبن

#1

پروسیه-نک بر اندبورغ ایالتنده %0فرانقفورت سور اودر \$ سناغنده و مرکز لوانک 50 کیلومتره جنوبنده %0 اودر \$ ایرماغنه تابع %0 نایسه \$ نهری اوزرنده و ایکی دمیر یول خطنک نقطه تقاطعنده واقع بر قصبه اولوب، 23700 اهالیسی، مشهور چوخه و ایپلیک فابریقه-لری و باقیر دوکمخانه-لری واردر.

4-3300-5

غوبی

و نام دیگرله شامو #1 مغولستانده بیوک بر چول اولوب، ترکستان شرقیده خوتن و یارقند جوارلرندن باشلايه-رق مانچوریه طاغرینه قدر ممتد اولور. بو وجهله تقریباً "75 دن 115 طول شرقیه قدر 40 درجه جغرافییه-ده غرب جنوبیدن شرق شمالیه اوزانان بو واسع چول اورتیه طرفلرنده بر آز منقطع اولوب، ایکیه منقسم بولنور، که قسم غربیسنه %0 تافله ماقان \$ و شرقیسنه %0 غالبین غویی \$ دخی دیرلر. عرضی دخی 400 کیلومتره-دن آشای دکلدر. بو آسیا صحرای کبیرینک زمینی قیر مزیه مائل چاقل طاشندن و دهها بیوجک طاشلردن و بعض یرلرده صاری قوم ویا قرمزیمتراق بالچیقندن عبارت اولوب، صودن محروم و نباتاتدن خالیدر. پک سیرک یرلرنده بعض طورغون و طوزلی صولری یاخود آجی صو قیولری واردر. بعض طرفلرنده چالیسی بعض نباتلر و بر جنس پلین ایله دوه-لرک یدکلری بر نوع طوزلی دیکن چیقار. یازین حرارتی تحمل اولنه-مییه-جق درجه-ده اولدیغی کبی، قیشین-ده قطبلره مخصوص بر برودت حکم سوروب، بعضاً قار پارچه-لرینی حاوی شدتلی روز کارلر اسر. مع هذا بو دهشتلی چولک ایچنده دخی جولان ایدر بعض مغول کوجه-لری بولنور، و کاروان یوللری واردر. چیلیر کاروان یوللرده منزللر ترتیب ایدوب، چولک شدائینی ممکن مرتبه-ده تهوینه چالیشمشدر. بو چولک موقعی مرتفع اولوب، اک آلچق یرلرینک حدای بگردن یدی سکز و اکثر طرفلرینک تقریباً بیک بشیوز متره ارتفاعلری واردر. بو چولک زمیننده و کنارلرنده کورینن بعض علاماتدن استدلال ایدلایکنه

كوره، وقتيله آسيا قطعه-سنگ اورتته-سندده داخلى و واسع بر دكيز بولنمش اولديغنه علم الارض علماسى متفقدلر.

5-3300-5

غوبيل
#1

فرانسه مشاهير مستشرقينندن و جزويت پاپاسلرندن اولوب، 1689 تاريخنده % غاياق \$ ده طوغمش؛ و 1723 ده چينه كوندريله-رك، چين و مانچو لسانلرينى مكممل صورتده اوكرنه-رك، چين حكمدارينك باش ترجمان اولمش ايدى. 1759 ده پكينده وفات ايتمشدر. چينه متعلق بر خيلى كتابلر تحرير و ترجمه ايتمش؛ و چنكيز خان ايله سلاله-سنگ دخى تاريخنى يازمشدر.

6-3300-5

غوبيو
#1

ايتاليانك امريا خطه-سندده % پروزه \$ ايالت و قزاسنده و پروزه-نك 39 كيلومتره شمال شرقيسنده بر قصبه اولوب، 5350 اهاليسى، مشهور قابليجه-لرى و جوارلرنده شاپان تماشا موقعلرى واردر.

7-3300-5

غوت
#1

جرمان اقوامندن بر قوم وياخود اسكى جرمائلردن عبارت بر طائفه اولوب، ابتدا % ويستوله \$ مجراسنده يعنى لهستانده و پروسيه-نك شرق طرفلرنده ساكن ايكن، بعده اسقانديناويا يعنى اسوج و نوروج طرفلرينه قدر ياييلوب، او جهتلرده-كى فينو آلرله سائر تاتار اقوامنى پوسكوردده-رك، يرلرينى ضبط ايتمشلردى. ميلاد عيسى (عليه السلام) دن اوچ عصر اول اورالرده منحصر ايكن، بعده جنوبه طوغرى اينه-رك، % تيسه \$ نهرينه قدر ياييلمش؛ و % اوستروغوت \$ يعنى ((شرق غوتلرى))، ((ويزيغوت) يعنى ((غرب غوتلرى))، (جيبدي) و سائر اوله-رق بر قاچ طاقمه منقسم اولمشلردى. اوچنجى قرن ميلادده دفعاتله طونه-يى و قره دكيزى كچه-رك، قسطنطينه ايمپراطورلرينى جزيه اعطاسنه مجبور، و جوارلرينى و اناطولىيى دخى يغما ايتمشلردى. درنجى قرن ميلادده حكمدارلرى (هرماناريق)ك زماننده قوتلرى درجه قصوايه واروب، قره دكيزدن بالطيق دكيزينه و % دون \$ نهرندن % تيسه \$ نهرينه قدر اولان يرلر كاملاً تحت حكملرنده ايدى. او صره-ده اقوام تاتاريه-دن (هون)لر چيقوب، بونلرك قوتنى ازاله ايتمكله، بر طاقملرى يعنى اوستروغوتلر ناچار هونلره تابع اولمش؛ ويزيغوتلر ايسه طونه-يى تجاوزله، ميسيا % يعنى صربيه و بلغارستان \$ طرفلرنده اقامته مساعد آلمش؛ و بعده ايمپراطورلرك ضعفى كوردكجه تراكيه و مكدونيه جهتلرينه تجاوزه باشلامش؛ و نهايت رئيسلرى بولنان برنجى آلاريق سردارلق عنوانيله ايليريا محافظلغنى استحصال ايدوب، اورادن ايتاليايه مسلط اوله-رق، بشنجى قرن ميلادى اوائلنده دفعاتله رومايى يغما ايتمش؛ و بونك برادرى و خلفى (آتولف) غاليانك جنوبيله اسپانياده ويزيغوتلر دولتنى تاسيس ايتمشدر. اوستروغوتلر ايسه هونلرك حكمدارى (آتيلانك) وفاتنده، پانونيه و تراكيه جهتلرنده اقامته مساعد آلمش؛ و بعده ايتاليايه كچوب، اوراده اوستروغوتلر دولتنى

تشکیل ایتمشلردر. [(اوستروغوت)) و ((ویزیغوت)) ماده-لرینه مراجعت. [غوتلر او زمانلرده خروج ایدن اقوام وحشیه-نک اک معقول و مستعدلری اولوب، قسطنطینک زماننده خرسیتیانلغی و بعده آربوسک مذهبنی قبول ایتمشلردی.

1-3301-5

غوتارد

سنت-*. #1 خرسیتیانلرک عزیزلرندن اولوب، باویره-ده طوغمش؛ و 1021دن 1038 تاریخنه-دک هیلد سهام پسیقوسی اولوب، بر چوق مناسترلر تأسیس ایتمشدر. مایسک 4نده یورطیسی اجرا اولنور. *- [(سنت غوتارد) ماده-سنه مراجعت بیوریله.]

2-3301-5

غوتلاند

#1

بالطیق دکیزنده اسوجک %قالمار\$ ایالتی قارشیسنده و ساحلندن 80 کیلومتره وسعتنده بر قنال ایله ایرلمش بر جزیره اولوب، جنوبدن شماله $56^{\circ}55'$ ایله 58° عرض شمالی آره-لرنده ممتد اولور. بویی 120 و اک کنیش یرنده اکی 50 کیلومتره-در. شمالی اوجنده %فارو\$ و ده ایلریده %غوتسقه ساندون\$ اسملریله ایکی کوچک آطه بولنیور. مذکور ایکی کوچک آطه ایله برابر بر سنجاق اتخاد اولنوب، مساحه سطحیه-سی 3116 مربع کیلومتره و اهالیسی 55000 کشیدر. مرکزی ساحل غربیسنده واقع %ویسی\$ قصبه-سیدر. طوپراغی کلسی اولوب، 60 متره-یه قدر مرتفع تپه-لری، بر طاقم کوللری و بر قاچ نهری واردر. تپه-لرینک برنده بر چوق غریب مغاره-لر بولنیور. وقتیله اورمانلرله مستور ایکن، زیاده اتلاف اولندیغندن، شمدی اودون قطعک منعه لزوم کورلمشدر. محصولات حبوبات متنوعه ایله سبزه-دن عبارتدر. حیوانات اهلیه-سی زیاده-جه-در. همان دایما قیرده یاشایان نیم وحشی بر جنس آتلرده واردر. باشلیجه اخراجاتی: باصدیرمه، قوری بالیق، طون یاغی، سبزه، قطران و سائره-در. وقتیله تجارتی پک زیاده ایکن، شمدی دوشمشدر. طوپراغنده بعض آثار عتیقه بولنیور.

3-3301-5

غوتنبورغ

[(کوتبورغ) ماده-سنه مراجعت بیوریله.]

4-3301-5

غوته

#1

آلمانیای وسطیده %صاقسه قوبورغ غوته\$ دوقه-لغنک مرکزی و اک مهم شهری اولوب، قوبورغک 72 کیلومتره شمال غربیسنده و %وسر\$ ایرماغی حوضه-سنده %لینه\$ چایی اوزرنده و بر قاچ دمیر یول خطنک نقطه تقاطعنده اوله-رق، $50^{\circ}56'5''$ عرض شمالی ایله $22^{\circ}24'$ طول شرقیده واقعدر. علوم و

معارفيله مشهور بر شهر اولوب، 29134 اهالي سي، مكممل رصدخانه-سي، بيوك بر جمعيت جغرافيه-سي، اك مكممل خريطه و آطلاسلرك و مشهور غوته سالنامه عمومي سنك طبع اولنديغي واسع و مكممل مطبعه-سي، بيوك و قيمتدار آثاري حاوي كتبخانه-سي، نباتات باغچه-سي، متعدد مکتبلريله مؤسات خيريه-سي، اطرافنده كوزل كوشكلرله باغچه-لري، اولولرك احراقنه و كوللرينك دفننه مخصوص مزارستاني، دميرخانه-لري، ابيك قماشلرله پانيسقه، بويه-لي كاغد، چيني، بوياء، شكر، آلات هندسيه و موسيقيه و مرانغوزلغه متعلق مشهور معمولات فابريقه-لري واردر.

5-3301-5

غوتيا

#1

اسوجك قسم جنوبي سنك اسم قديميدر. ((كوتالاند)) ماده-سنه مراجعت.]- *- غوتيا جدولي #2 اسوجده استوقهولمدن كوتبورغه كيدين و اوراده بولنان بيوك كوللري بربرينه ربط ايدن جدولك اسميدر. بو جدول 1832ده اكمل اولنمشدر. *- غوتيا دكيزي #3 اسمي دخي بعضاً بالطبق دكيزينه ويريلير.

1-3302-5

غوتيه

تئوفيل - *- #1 فرانسه اعظم ادباسندن اولوب، 1808ده %تاربه\$ده طوغمش، و 1872ده وفات ايتمشدر. ابتدا رساملق اوكرنمكه باشلايوب، بعده بو صنعتي تركله، ادبياته قوبيله-رق، (رومانتيسم) تعبير اولنان اصول جديده-نك اك خواهشلي طرفدارلري زمره-سنه داخل اولمش؛ و 1830 تاريخنده نشرياتيه باشلايوب، بر طاقم اشعارله بر چوق تياترو و حكايه كتابلري ميدانه قويه-رق، كسب شهرت ايتمشدي. غزته-لرده و موقوت مجموعه-لرده دخي تياترو كتابلرينك تنقيدينه و سائر مباحث ادبيه-يه دائر بر چوق مقالات نشر ايتمشدي، كه محاكمتنك اصابتيله مشهور اولوب، آيريجه دخي جمع و نشر اولنمشدر. آثاري حسن تصوير و انتظام عباره-جه مشهور و پك مقبولدر.

2-3302-5

غوٹ اعظم

مشاهير اولياء اللهدن عبد القادر كيلاني حضرتلرينه و سائر بعض ذواته ويريلن عنواندر.

3-3302-5

غوٹ عالم، محمد كواليري

هندستانك اعظم مشايخندن و مظنة كرامدن بر ذات اولوب، شيخ فريد الدين عطارك نسلندن اولديغي مرويدر. 970 تاريخنده وفات ايدوب، %غازبيور\$ده ظهور آباد نام محلده مدفوندر. هندليلرك بو ذات حقتده اعتقاد بليغلري اولوب، تربيه-سي زيارتكايدر. ((الجواهر الخمسه)) و ((كلزار ابرار)) عنوانلريله ايكي تاليفي اولوب، ايكنجيسي هندستان مشاهير صوفيوننك تراجم احوالني جامعدر.

4-3302-5

غودارد

سنت -* - #1 قتلکړک عزیزلرندن اولوب، آلتنجی قرن میلادیده %روئن\$ پسقیوسی بولنمش؛ و او جهته خرستیانلغی نشر ایدوب، 511ده انعقاد ایدن %اورلیان\$ مجلس روحانیسنده بولنمش؛ و 530ده وفات ایتمشدر. حزیرانک 8نده یورطیسی اجرا اولنور.

5-3302-5

غوداوری

یاخود کوداوری #1 هندستان وسطیده بیوک بر ایرماقدر، که هندک سواحل غربیه-سنه متوازیامتمد اولان %کات\$ سلسله جبالندن $19^{\circ}58'$ عرض شمالی ایله $71^{\circ}10'$ طول شرقیده نبعان ایدوب، شرقه طوغری جریانله، نظام حکومت اسلامی-سی اراضیسنه داخل اوله-رق، مملکت مذکور-ه-نک قسم شمالیسنی شق ایله، صولدن %پورنه\$ و صاغدن %مابخیره\$ نهرلرینی و سائر بر چوق چاپلر اخذ ایده-رک، نظامک حدود شرقیه-سنه واصل اولنجه، منبعندن 1065 کیلومتره آشاغیده و منصبندن 320 کیلومتره یوقاریده نظامک حدود شمالیه-سنی آیره-رق و بر چوق انهارک صولرینی طولایه-رق کلن %پرانهییتا\$ نهر عظیمی دخی اخذ ایله، جنوب شرقیه طوغری دونر، وینه شمالدن کلن دیکر بر قاچ بیوک نهر اخذیله، نظامک شرق شمالی حدودینی آیردقن صکره، دکن ممالک مرتفعه-سنی ترکله، طار بر بوغازدن شدتله آشاغی اینوب، ساحل بوینجه متمد اولان اووه-یه دوشنجه، یتاغی زیاده توسع ایدر، و ایکی قوله آیریله-رق، بیوکی شرقه طوغری جریانله، فرانسه-نک %یانائون\$ مهجرینی اروا ایدر، و دیکری جنوبه طوغری آقه-رق، %ماداپولام\$ قصبه-سی یاننده بنکاله کورفرینه دوکیلور. مجراسی پک طولاشیقلی اولوب، قطع ایندیکی مسافه یالکز 750 کیلومتره-لک یر ایکن، 1437 متره-یه بالغ اولور. حوضه-سی 290000 مربع کیلومتره وسعتنده اولوب، پاموق و سائر محصولاتیله کمور معدنلری چوقدر. انکلیز حکومتی بو نهر عظیمی سیر سفاننه صالح اوله-جق حاله کتیرمکه پک چوق جهد ایتمش ایسه-ده، اوچ یرنده شلاله-لری بولندیغندن، کشادی ممکن اوله-مامشدر. صولری سقی اراضیده قوللانیلوب، بوندن اول خالی و بطل اولان بر چوق اراضی جدوللر واسطه-سیله اعمار اولنمشدر.

6-3302-5

غودبرت

#1

لومباردلرک حکمدارلرندن اولوب، 661 تاریخ میلادیسنده پدری (آریبرت)ه خلف اولمش؛ و برادری (برتاریت)ی حکومته تشریک ایده-رک، %پاویه\$یی مرکز اتخاذا ایتمش ایدی. بعده بینلرنده منازعه ظهور ایدوب، غودبرت %بنوان\$ دوقه-سی (غریموآلد)ی امداده دعوت ایتمش ایسه-ده، مرقوم بونلرک تفرقه-سندن بالاستفاده، 662ده کندی حکمدارلغنی اعلان ایتمش ایدی.

1-3303-5

غودونوف

بوريس-*-#1 روسيه چارلرندن اولوب، عن اصل تاتار اولديغي حالده، 1598دن 1605 تاريخنه-دك حكومت سورمشدر. همشيره-سى (ايانه) چار (فدور ابوا نوويچ)ه وارمغله، بو قرابته بناء كنديسى كسب نفوذ ايتمش ايدى.

2-3303-5

غوده

و نام ديكرله ترغوو و #1 فلمنك جنوبى هولانده ايلاننده و روتردامك 18 كيلومتره شمال غربيينده اوله-رق %رين \$ ايله %موزه \$ آره-سنده-كى جدولك و %غووه \$ ايله %ايسل \$ نهرلى اوزرنده بر قصبه اولوب، 17000 اهاليسى، پك چوق صولرى، اطرافنده كوزل باغچه و چاپرلى، متعدد مکتبلىله مؤسسات خيريه-سى، مصنع كليسالرى، مشهور بينيرى و طوغله و لوله فابريقه-لى واردر.

3-3303-5

غور

جزيرة العربده %غور التهامه \$ تهامه-نك اشاغى طرفلرينه و صحراى كبيرده و سائر جهتلرده دخى بعض منخط يرلره اطلاق اولنور. *- %غور اردن \$ دخى شام ايله قدس آره-سنده اردن يعنى شريعه نهرينك واديسندن عبارت يره اطلاق اولنوردى، كه و خامت هواسيله و شكر قامشى محصولاتيله مشهور ايدى.

4-3303-5

غور

افغانسانده هرات ايله غزنه آره-سنده طاغلق و صرب و متين بر ير اولوب، مركزى %فيروز كوى \$ قلعه-سى ايدى. آتى البيان غوريان سلاله-سنگ منشئدر.

5-3303-5

غوراره

ياخود غوراره #1 صحراى كبيرك شمال جهتنده و جزايرك جنوبنده بيوك بر واح اولوب، '28°50 ايله '29°50 عرض شمالى و '1°15 ايله '1°45 طول غربى آره-لرنده ممتد اولور. همنامى اولان كولك اطرافنده و شمال و شرق جهتنده اولوب، 90 قدر قريه-سى و مركزلى اولان %تيمومين \$ اسمنده بر قصبه-سى واردر. اهاليسى زناطه قبيله-سنه منسوب بربرلره عربلردن مركب اولوب، جمله-سى دين اسلامه منديندرلر. محصولاتى برنجى درجه-ده خرما و ايكنجى درجه-ده آريه، بغدادى، دارى، نخود، فصوليه، سبزه-لرك انواعى، اوزوم، انجير، بادم، نار و سائر ميوه-لرله پاموق، قنه، آناسون و سائره-دن عبارتدر. بربرلر كچى و مركب و عربلر قيون، دوه و آت يتيشديرلر. كويلرك اكثرى برجلرى حاوى سورلرله محاطدر. ابن خلدون بو يرك معموريتندن بحث ايدر. مقدا اهاليسى مراکش حاكمنه تابع

ایدیلرسه-ده، بعده تابعیت روابطی کوشیوب، شمیدیکی حالده مستقل چکمکه چالیشیور.*- غوراره کولنک شمالدن جنوبه بویی 120 و اک کنیش یرنده اکی 40 کیلومتره اولوب، صویی طوزلیدر.

6-3303-5

غورانی، امام ابو القاسم عبد الرحمن بن محمد المروزی

مشاهیر فقهاء شافعیه-دن اولوب، ((اسرار الفقه)) و ((الابانة فی الفقه الشافعی)) عنوانرلیله ایکی اثر براقمش؛ و 461ده وفات ایتمشدر.

7-3303-5

غورچاقوف

آکساندر.*- #1 روسیه-نک اک مشهور دیپلوماتلرندن اولوب، 1798ده طوغمش؛ و استوتغارد و ویانه-ده ایلیچیک ایندکدن صکره، 1857دن 1867یه قدر اون سنه خارجییه ناظری و 1861دن 1881 تاریخنه-دک باش وکیل بولنه-رق، برلین قونغر-سندده دخی روسیه طرفندن مرخصک ایتمش؛ و نهایت شیخوختندن طولایی کوشه استراحته چکیلوب، 1883ده وفات ایتمشدر.*- (میشل غورچاقوف) آنف الترجمه-نک عم زاده-سی اولوب، روسیه-نک مشهور جنراللرندندر. 1861ده فوت اولمشدر.

8-3303-5

غوردیان

#1

روما ایمپراطورلرندن اوچ کشینک اسمیدر:
برنجیسی ((قدیم)) و ((آفریقالی)) لقبیله ملقب اولوب، 157 تاریخ میلادیسنده روماده طوغمش؛ و آفریقاده قوماندان اولوب، 80 یاشنده اولدیغی حالده، 237 تاریخنده عسکر طرفندن، آرزوسی خلافنه اوله-رق، ایمپراطورلغه انتخاب اولنوب، اوغلیله مشترکاً آلتی هفته حکم سوردکن صکره، اوغلنک (قاپلیان) طرفندن قتل اولندیغنی ایشیدنجه، کندی بوغازینی صیقه-رق اتلاف نفس ایتمشدر.*- ایکنجیسی برنجیسنک اوغلی اولوب، آنفاً بیان اولندیغی اوزره، آلتی هفته پدریله مشترکاً حکم سوردکن صکره، قارتاجده قاپلیانله ایتدیکی محاربه-ده مقتول اولمشدر.*- اوچنجیسی برنجیسنک قیزینک اوغلی اولوب، 238 تاریخنده 13 یاشنده ایکن، تخته اقعاد اولنمش؛ و 244ده ایران شاهی شاپورله ایتدیکی محاربه-ده مقتول اولمشدر.

1-3304-5

غوردیانه

یاخود کردیه #1 کردستانک شمال جهتنه یعنی وان و بتلیس و درس جهتلرینه یونان قدیم جغرافیونی طرفندن ویریلن اسمدر.

2-3304-5

غوردیوس

#1

کرمیان جهتندن عبارت اولان فریجیا خطه قدیمه-سنگ حکمداری اولوب، کندیسی عن اصل کویلی بر چفتجی اولدیغی حالده، کاهن اک اول مشترینگ معبدینه کیره-جک آدمک منحل بولنان حکمدار لغنه انتخابنی خبر ویرمش اولدیغندن، تصادفاً صاحب ترجمه معبد مذکوره کیرمکله، خطه مذکوره-نگ مرکزی اولان %غوردیوم\$ شهرنده تخته اقعاد اولنمش. اوغلی (میداس) بو خبری آنجه سورمکده اولدیغی آرابه-یی معبد مذکوره وقف ایتمش؛ و بو آرابه معبدک ستوننه اوسته-لقلی بر دوکومله باغلانوب، بو دوکومی چوزه-بیلنگ بتون آسیا حکمداری اوله-جغنی ینه کاهن خبر ویرمشیدی. بیوک اسکندر غوردیومدن کچرکن بو دوکومی حلدن عاجز قالوب، قلیجیله اوره-رق کسمشیدی.

3-3304-5

غوردیوم

#1

آناطولیده-کی کرمیاندن عبارت اولان فریجیا خطه قدیمه-سنگ اک بیوک معمورهلرندن بر شهر قدیم اولوب، غالاتیه حدودنده و سقاریه نهری کنارنده واقع ایدی. مشترینگ عبادتنه مخصوص معبدنده-کی حلی مشکل دوکومیله مشهور ایدی. [ماده آنفه-یه مراجعت بیوریله].

4-3304-5

غورس

مورخین عرب اسقالبیوس ایله بقراط آره-سندده-کی مدته ظهور ایدن اطبای یونان بیننده بو اسمده برینی دخی ذکر ایدوب، اک اول تجربه-یه تطبیق حرکت ایدن بو ذات اولدیغنی بیان ایدیورلر.

5-3304-5

غوره

آرناؤدلقده مناستر ولایتنگ کوریجه سناغنده و کوریجه قصبه-سنگ شمال غربیسنده بر یر اولوب، اهالیسی همان کامله مسلم و جسارتلریله مشهور، و الماسی کوزلدر.

6-3304-5

غوره

#1

آفریقای غربیده سناغمیا ساحلی قارشیسندده و یشیل برونگ 3 کیلومتره جنوبنده اوله-رق 14°40' عرض شمالی ایله 19°45' طول غربیده واقع و فرانسه دولتته تابع بر کوچک آطه اولوب، قسم اعظمی همنامی

اولان قصبه اشغال ایدیور. اهالیسی 3000 راده-لرنده اولوب، سنت میشل اسمیله بر قلعه-سی و ضمغ، فیل دیشی و آلتون توزی تجارتی واردر. برلیلر عننده اسمی %پیرر \$ اولوب، 1619ده آطه-یی کشف و ضبط ایدن فلمنکیلیر بو اسمله تسمیه ایتمشلردر.

7-3304-5

غوری

#1

قافقاسیه-نک تفلیس ایالتنده و تفلیسک 93 کیلومتره شمال غربیسنده و کور نهری کنارنده واقع قضا مرکزی بر قصبه اولوب، 5180 اهالیسی واردر. قصبه و قضانک اهالیسی کرجی و اوست قوملرینه منسوب اولوب، چوق حیوانات و اوزوم ایله میوه-لر یتیشدیرلر.

8-3304-5

غوریان

غوریلر دولتی خراسان و افغانستان طرفلرنده حکومت سورمش بر دولت اسلامیه اولوب، 545 تاریخندن 607 تاریخنه-دک 62 سنه دوام ایدوب، سلطنتلرینی اوج قباله ایصال ایدن دردنجیلری اولان شهاب الدین غوریلر. اک اول دولته نائل اولان علاء الدین حسن بن حسین بن سامدر. مرقوم سام غور مملکتی حاکمی بولنمش اولان (سوری)نک تورونی اولوب، جدی سلطان محمود غزنوی طرفندن مغلوب و مقتول اولدقده، پدري هندستانه قاچمش؛ و کندیسی اوراده دنیایه کلوب، تجارتله مشغول ایکن، کمیسی قیریلوب، مغروق اولمغله، اوغلی حسین ساحل سلامتیه چپقه-رق، خرسز ظنیله بر خیلی مدت محبوس قالدقن صکره، غزنویلردن سلطان ابراهیمه چاله-رق، اقرباسندن بر خاتون تزوج ایتمش، و حاجیلری زمره-سنه داخل اولمش ایدی. بعده سلطان مسعود غزنوی طرفندن غور حکومتیه نصب اولنه-رق، وفاتنده اوغلی علاء الدین حسن خلفی اولمش؛ و بونک زماننده غزنویلر دولتک قوتنه خلل کلمکله، مومی ایله خروج ایدوب، غزنه-یی و خراسانک بعض طرفلرینی ضبط ایله، 545ده نامنه خطبه اوکوده-رق، دولت غوریانی تأسیس، وهراتی پایتخت اتخاذ ایتمشدی. اوغلی و خلفی سیف الدین بلخی دخی ممالکنه ضم ایتمشدی. بونک خلفی و عم زاده-سی غیاث الدین محمد پایتختی غزنه-یه نقل ایدوب، خراسانک مرو و نیشاپور جهنلرینی دخی ضبط ایتمشدی. بونک برادری و خلفی شهاب الدین ابو المظفر خوارز مشاهانله مصالحه ایدوب، خراسانی مقاسمه ایتدکدن صکره، غزای هنده عزم ایدوب، هندستانک قسم شمالیسنی فتح ایله، غوریان دولتی حدودینی پک زیاده توسیعه موفق اولمشدی. غوریلرک اسملریله تاریخ جلوسلری بر وجه آتیدر:

###

علاء الدین حسن بن حسین بن سام

545

سیف الدین محمد بن علاء الدین

551

غیاث الدین محمد بن سام بن حسین بن سام

558

شهاب الدین ابو المظفر بن سام

598

محمود بن غیاث الدین

602

الی

609

\$

1-3305-5

غوریسنکار

#1

هندستان ایله تیبب آره-سندھ اولان %هیمالایا\$ سلسله جبالنک اک مرتفع ذروه-سی و بتون کره ارضک اک یوکسک نقطه-سی اولوب، 8889 متره ارتفاعی واردر. تپه-سنه چیقلمسی محال اولان بو جبل عالی هندستانک شمالنده واقع %نیال\$ مملکت مستقله-سیله تیبب حدودنده واقع اولوب، ذروه-سی " 27°50' 12 عرض شمالی ایله 84°38' طول شرقیده واقعدر. بو طاغک ارتفاعی 1855 تاریخنده انکلیز میرالای (اورست) طرفندن تقدیر و تعیین اولمشدر. کره ارضده غوریسنکار طاغندن صکره ارتفاعده ایکنجی قره قوروم طاغنک %دپسنگ\$ ذروه-سی اولوب، 8719 متره ارتفاعی واردر. ینه %هیمالایا\$ سلسله-سنگ %کینتشلیند جینغا\$ ذروه-سی خیلی وقت ارضک اک یوکسک ذروه-سی عد اولنمش ایسه-ده، ارتفاعی 8582 متره-دن عبارتدر. آمریقای جنوبیده-کی %آند\$ سلسله-سنگ اک یوکسک ذروه-لرندن اولان %آقوراغوا\$نک-ده 6834 متره ارتفاعی واردر.

2-3305-5

غوزو

یاخود غوجو #1 آق دکیزده مالطه آطه-سنه ملحق و مالطه-نک شمال غربیسنده واقع بر کوچک آطه اولوب، شمال شرقیدن جنوب غربیه بوی 14 و اکی 7 کیلومتره-در. مساحه سطحیه-سی 95 مربع کیلومتره اولوب، ملحق اولان %قومینو\$ آطه-جغیله برابر 17400 اهالیسی واردر. منتهای جنوبنده (رأس القلعه) اسمیله بر برون تشکیل ایدیور. اهالیسی مالطزلر کبی غلط بر لسان عربی ایله متکلمدرلر. باغچه-لریله چمنلری چوق اولوب، بر مقدار یغدا ایله میوه-لرک انواعی حاصل اولور. اسم قدیمی %غاولوس\$ اولوب، فنیکه-لیلر زمانندن قالمه بر قله-سی-ده واردر.

3-3305-5

غوزون

#1

فرانسه-نک اک مشهور هیکنتراش و معمارلرندن اولوب، 1510ده طوغمش، و 1572ده وفات ایتمشدر. قرون وسطی اصولنی ابطال ایله اسکی یونان و روما اصولنی احیا ایده-رک، بو صنعتلرک اک بر طرز جدیده-ده ترقیسنه سبب اولمشدر. پروتستان مذهبنه تابع اولوب، سنت بارتلمی قتل عام مشهورنده، ایش باشنده ایکن، اتلاف اولندیغی مرویدر.

4-3305-5

غوسپورت

#1

انكلتره-نك %هانتس\$ نونتلغنده و ينجسترك 32 كيلومتره جنوب شرقيسنده و لوندراه-نك 106 كيلومتره جنوب غربيسنده اوله-رق، پورچموت خليجك مدخلنده بر قصبه اولوب، 7420 اهاليسي و بر چوق فابريقه-لري واردر. بورچموتك بر محله-سي حكمنده-در.

5-3305-5

غوستوار

#1

ارناؤلقده قوصوه ولايتك پرزرين سناغنه تابع قالقاندن قضااسنده و قالقاندنك 48 كيلومتره جنوب غربيسنده و دبره-نك 55 كيلومتره شمال شرقيسنده شار طاغنك شرقي اتكنده و %واردار\$ نهري اوزرنده ناحيه مركزي بر قصبه اولوب، 3500 اهاليسي واردر.

6-3305-5

غوسلار

#1

پروسياه-نك %هانوره\$ ايلتنده %هيدنهايم\$ سناغنك %ليببورغ\$ قضااسنده و ليببورغك 12 كيلومتره جنوبيه بر قصبه اولوب، 9130 اهاليسي، اسكين قالمه بعض قلاع و ابنيه-سي و كار قديم طرز و منظره-سي واردر.

1-3306-5

غوسينه

#1

ارناؤدلقده قره طاغ حدودي قربنده قوصوه ولايتك اييك سناغنده اييك 30 كيلومتره غرب جنوبيسنده، ياقووه-نك 48 كيلومتره غرب شماليسنده و اشقودره-نك 65 كيلومتره شرق شماليسنده واقع قضا مركزي بر قصبه اولوب، 4000 اهاليسي، ايكي جامع شريقي، 50 قدر دكاندن عبارت چارشيسي و سنه-ده بر كره تشرين اولده قوريلور بيوك پنايري واردر. جنوب و غرب جهتنده-كي يوكسك طاغلردن اينن بر چوق دره-لر غوسينه-نك قربنده برلشه-رك، ليم نهريني تشكيل ايدرلر. خانه-لري سيرك و اخشاب اولوب، باغچه-لرله محاط اولديغندن، قصبه پك بيوك كورينور. اهاليسندن يالكز اللي خانه-سي خلقى خريستان و قصوري كاملاً ارناؤد جنسيته منسوب مسلمدر.

*- غوسينه قضااسي قوصوه ولايتك منتهاي غرب شماليسنده واقع اولوب، غرب جنوبي جهتندن اشقودوره ولايتيله، جنوب شرقي طرفندن مناستر ولايته ملحوق پرزرين سناغنك ياقووه قضااسيله، شرقاً نفس اييك سناغيله، شمالاً برانه قضااسيله، شمال غربيه جهتندن دخي قره طاغ حدوديله محدوددر. بر قضا همان هر طرفدن بر تقسيم ميايه خطي تشكيل ايدن يوكسك طاغلرله ايرلمش اولوب، بو طاغلردن اينن صولر %ليم\$ نهريني تشكيل ايدرلر، كه ابتدا شرق شماليه و بعده شمال غربيه طوغري آقه-رق، %درينه\$ نهري واسطه-سيه طونه-يه دوكلمك اوزره، قره طاغه و اورادن بوسنه-يه كييرر.

مذکور طاغلك اتكلرى كوزل مرعالره مستور اولوب، نهرك مجراسى بويجه ممتد اولان طار و اوزون اووه-ده و دره و بايرلرده قابل زراعت اراضيسده چوقدر. بناءً عليه قضانك ذخيره متعلق محصولاتى احتياجات محليه-يه مع زياده كافي اولديغى كى، خيلى حيواناتى دخى وارد. و ياقوه طاغليلى دخى اكثرى سوريلرلى بو قضانك مرعالرنده بسلرلر. بر خيلى مقدار پتاتس دخى زرع اولنور. صيغير، قيون، درى، يوك، ياغ و پينير اخراجاتى وارد. اورمانلرده چوق اولوب، كراسته-لك كوزل آغالرلى وار ايسه-ده، يول فقدانندن استفاده اولنه-ميور. قضانك غوسينه-دن بشقه پلاوه اسميله بر قصبه-سى وارد، كه ليم نهرى اوكنده آچيلوب، كنيشجه بر كول تشكيل ايدر. بو كوله خيلى باليق چيقار. قضاء مذکور قصبه ايله 9 قريه-دن مركب اولوب، 15000 قدر اهاليسى وارد، كه جمله-سى مسلم و آرنأود و جسارت و شجاعتله مشهوردرلر. قضا داخنده 9 جامع شريف، 221 دكان و مغازه و 8 مكتب وارد. بو قضانك برلين قونغر-سى طرفندن قره طاغه تركنه قرار و يرلمش ايسه-ده، اهاليسنك ممانعت و مقاومتى اوزرينه، تسليمى ممكن اوله-ميوب، بوكا بدل اولكونك تركنه قرار و يرلمش؛ و اورانك-ده ضبطنه قره طاغليلى مقتدر اوله-ميوب، متوفى مشير درويش پاشا سلاحه صارلمش اولان اهاليسنى حرباً و جبراً قره طاغه تسليم ايتمشدر.

2-3306-5

غوشفينج

خوارزنده يعنى شمديكى خيوه خانلغنده جرجانيه-دن 20 فرسخلق مسافه-ده معمور و كوزل بر قصبه اولديغى، 616 تاريخنده كنديسى بو حالحه كوروب تاتارلك دخولندن صكره نه حال كسب ايتديكى بيله-مديكى باقوت حموى ((معجم))نده بيان ايدور.

3-3306-5

غوشو

#1

آمريقاي جنوبيده برازيليا ايله اوروغاي و آرجنتين حكومتلرينك واسع اووه-لرنده ساكن و پورتكيز ويا اسپانيول مهاجرلرله يرلى قاريلر ازدواجندن متولد آدملره ويريلن اسمدر. بونلر او واسع و يوكسك اولتلى اووه-لرده نيم وحشى بر حالحه صيغير و آت يتيشديرمكله مشغول اولوب، پك توانا و ايرى آدملردر.

4-3306-5

غوطة دمشق

شامده دمشق شهرينك شرقتنده ممتد اولان واسع و اكثر طرفلردن طاغلكله محاط نهايت درجه-ده منبت و كوزل و مياه جاريه كثيره ايله اسقا اولنان اووه-يه ويريلن اسمدر. بو اووه اليوم باغ و باغچه-لردن عبارت اولديغى كى، دمشقك مركز خلافت و بعده كرسى علم و مدنيت بولنديغى و اهاليسنك بر قاچ يوز بيكه بالغ اولديغى زمانلرده غوطة دمشق ير يوزنده جنتدن بر نمونه حكمنده ايدى. عربلر بيننده ير يوزنده-كى جنتلك درت اولديغى مشهور اولوب، بونلك برنجيسى اشبو غوطة دمشق، ايكنجيسى بخارا ايله سمرقند آره-سنده وزرفشان واديسندن عبارت اولان صغد، اوچنجيسى بصره قرينده-كى ايله

(!) و دردنجیسی فارسده-کی شعب بوان ایدی. غوطه دمشق و قتیله معمور و بیوک قریه-لری چوق اولوب، اورالردن پک چوق علما و سائر مشاهیر اسلام یتیشمشدر.

1-3307-5

غوغ

و ماغوغ و دها طوغریسی جوج و ماجوج #1 ((یأجوج)) و ((مأجوج)) ماده-لرینه مراجعت بیوریله.]

2-3307-5

غوغول

#1

روسیه-نک اک مشهور محررلرندن اولوب، روسلرک بعض مساوی اخلاق و عاداتنی اصلاح نیتیله تصویر ایدر بر طاقم حکایه و تیاترو و کتابلری یازه-رق اکتساب شهرت ایتمش؛ و اصول اداره-نک-ده بعض سؤ استعمالاتی میدانله قوبدیغندن، بر مدت وطنی ترکله، رومایه چکلمکه مجبور اولمش؛ و وطنه عودتندن صکره 1847-ده بر نوع قره سودایه مبتلا اولوب، هنوز نشر اولنماش آثارینی یاقمش؛ و 1852-ده ظن اولندیغنه کوره، اتلاف نفس ایده-رک، وفات ایتمشدر. 1808-ده طوغمشیدی. تألیفاتنک اکثری اروپا لسانلرینه ترجمه اولنمشدر. روس ادبیاتنک مجددلرنددر.

3-3307-5

غولبورن

#1

اوسترالیانک و یقتوریه حکومتنده بر نهردر، که %دویویدینغ رانجه\$ سلسله جبالندن نبعانله، ابتدا شرق شمالیه و بعده غرب شمالیه طوغری آقه-رق، 420 کیلومتره-لک پک طولاشیقلی بر جریانندن صکره، %مورای\$ ایرماغنه دوکیلور. مجراسی 17000 مربع کیلومتره وسعتنده اولوب، منبت و کوزل ایشلمش یرلردن عبارتدر. *-ینه اوسترالیانک یکی جنوبی والس حکومتنده دخی بو اسمله بر نهر واردر.

4-3307-5

غولبورن

#1

اوسترالیانک یکی جنوبی والس حکومتنده، %سیدنی\$ک 205 کیلومتره جنوب غربیسنده و سیدنیدن ملبورنه کیدن دمیر یول خطی اوزرنده و 645 متره ارتفاعنده اوله-رق کوزل و منبت بر وادیده واقع ایالت مرکزی بر قصبه اولوب، 4455 اهالیسی، کوزل منظره-سی و ایشلک تجارتی واردر. سبب تأسیسی اولان آلتون معدنلری متروکدر.

5-3307-5

غولنه

#1

تونسك اسكله-سى اولان حلق الوادى قصبه-سنه فرنكلر طرفندن ويريلن اسمدر. [(حلق الوادى)) ماده- سنه مراجعت بيوريله.]

6-3307-5

غولديرغ

#1

پروسيه-نك سيلزيا خطه-سنده %اينبچ\$ سناغنده و اينبچك 17 كيلومتره جنوب غربيسنده قضا مركزى بر قصبه اولوب، 6475 اهاليلى و يوك منسوجات و ايپليك فابريقه-لريله بوياخانه-لرى واردر.

7-3307-5

غولدسمات

#1

انكلتره-نك اك مشهور ادباسندن اولوب، 1728 تاريخنده ايرلانده-ده طوغمش، و 1774ده وفات ايتمشدر. ابونى طرفندن رهبانلغه سوق اولنمش ايسه-ده، بو مسلكى تركله، اديمبورغه كيدوب، فن طبك تحصيلنه قويلمش؛ و بعده داينلرك تضييقندن بو شهرى تركله، بر چوق وقت مجرد قلارنته چاله-رق قزانه بيلديكى آچه ايله فلمنك، فرانسه، آلمانيه و اسويچره-ده سياحت ايدوب، 1758ده انكلتره-يه غودتله، نشر آثاره باشلايه-رق، بيوك بر شهرت و خيلى ثروت قزانش ايسه-ده، مسرفلكندن خير كوره-ميوب نهايت بر حزن و مراقه ميتلا اولوب، كنج ياشنده وفات ايتمشدر. آثارى بر چوق حكايه كتابريله انكلتره و روما و يونان تاريخلرينه دائر تأليفات مقبوله-دن عبارتدر.

8-3307-5

غولدفوست

#1

يعنى ((آلتون ساحل)). [(آلتون ساحل)) ماده-سنه مراجعت بيوريله.]

9-3307-5

غولغوته

ياخود جلجته #1 قدس شريفك غرب جهتنده وقتيله مجرملرك اعدامنه مخصوص بولنمش بر تپه اولوب، حضرت عيسى (عم)ك دخى اوراده خاچه كرلمش اولديغى خرستيانلرك جمله معتقداتندندر.

10-3307-5

غولف استريم

#1

بحر محيط آتلاسينك بيوك بر آقنديسيدر، كه مكسيقه كورفزندن خروجله آمريقای شمالينك سواحل شرقيه-سی بويجه شمال شرقيه طوغری چيقه-رق، %ترنو\$ جزيره-سی حذاسنه واصل اولنجه، شرقه يعنى اوروپايه طوغری دونر، و ايکی قوله آيريلوب، بری انكلتره و نوروج سواحليله ايسلانده جزيره-سی آره-سنده قطب شماليه طوغری چيقار؛ و ديکری غاسقونيه کورفزينه کيروب، فرانسه و اسپانيا و پورتکيز سواحلنی طولاشه-رق، جنوبه طوغری دونر. بو آقندينك مبدئی خط استوايه قریب اولمغله، صویی صیجاق و زياده طوزلی و قویو مائی رنکنده-در. مکسيقه کورفزندن يعنى فلوریده بوغازندن خروجنده اکی الی ايله سکسان کیلومتره آره-سنده، درینلکی 670 متره و سرعتی ساعتده 6½ کیلومتره اولوب، حرارتی 30 درجه-در. بعده یلپازه کبی قوللره یاییله-رق، حرارت و سرعتی کیتدکجه آزالیر، و غرائبدن اوله-رق بو قوللردن بعضلری ديکرلرندن ده صیجاق و ده سريع الجرياندر. بو آقندينك سببی خط استوايه قریب اولان دکیزلر صولرینک حرارت شمسن ايصینوب توسع ایتدکجه قطبک صوئوق و منجمد صولرینه طوغری یایلمق استعداد طبعیسندن ایلری کلوب، اوروپای غربینک اصل معموریت و تمدنه مستعد اوله-جق بر هوايه مالک اولمسنی موجب اولان بوآقنديدر؛ زیرا بونک صیجاق صولری اوروپای غربینک سواحلنه اوردقجه، و بونکله برابر کیدن صیجاق و بخارلی هوا بو مملکتلره چوکیدکجه، عرضک اقتضاسی اولان برودتى قیروب، نباتات و محصولاته تازه جان ویرر. انكلتره و فلمنک و آلمانیه ممالکنک او عرضه برلنن روسیه و سیبرییه و آمريقای شمالی ممالکندن هواجه اولان فرق کلیسی و انكلتره-نک سیسلریله دائما زمرد آبادچایرلری بو آقندينک تأثیرندندر. بو آقنديی اون آلتنجی قرن میلادیده جیلبرت کشف ایدوب، قرن حاضرده دخی %موری\$ بو بابده تحقیقات فنیه اجرا ایتمشدر.

1-3308-5

غوله

#1

انكلتره-نک یورق قونتلغنده و یورقک 32 کیلومتره شرق جنوبیسنده %اوس\$ ايله %دون\$ نهرلرینک ملنقاسنده بر قصبه اولوب، 7680 اهالیسی، نهرده کوچک کمیلرک دخولنه مساعد لیمانی و ایشلک تجارتی واردر.

2-3308-5

غولیات

#1

اجنبیلرک جالوته ویردکلری اسمدر. [(جالوت)) ماده-سنه مراجعت بیوریله].

3-3308-5

غولیوس

#1

فلمنك مشاهير مستشرقيندن اولوب، 1596ده %لاهای\$ده طوغمش، و 1667ده وفات ایتمشدر. 1622ده سفارتله مراکشه کیدوب، عودتنده عربی معلمکنه نصب اولنمش؛ 1225دن 29 تاریخنه-دک شام و جزیره العرب و ممالک عثمانیه-ده سیاحت ایتمشدر. عربیدن لاتینجه-یه مفصل بر لغت کتابی یازمش؛ و عربشاهک تیمورلنک تاریخنی و سائر بعض آثار عربیه-یی لاتینجه-یه ترجمه ایتمشدر.

4-3308-5

غومرا

#1

اسپانیایه تابع قناریه آله-لرندن یعنی جزایر خالداادن بری اولوب، تتریف جزیره-سنگ جنوب غربی ساحلی قارشیسنده واقع و ساحل مذکور دن 27 کیلومتره کنیش بر بوغازله آیرلمشدر. بر قطع ناقص شکلنده اولوب، مساحه سطحیه-سی 378 مربع کیلومتره و اهالیسی 12000 کشیدر. اراضیسی برکانی و عارضه-لی اولوب، اک یوکسک ذروه-سی 1340 متره ارتفاعنده-در. سواحلی دیک و صرب اولوب، بعض یرلرنده بر قاچ یوز متره یوکسک قیالردن عبارتدر. میاه جاریه-سی چوق اولوب، طاغلی طافلانله و دوز یرلری خرما آغاجلریله مستورددر. طوپراغی زراعته پک مساعد ایسه-ده، اهالیسی تنبل و جاهلدر. حیواناتی زیاده-در. بر مقدار بتاته اخراج اولنور. وقتیله یتیشدیریلن قامش شگری، اپیک قوزه-سی و قرمز شمدی متروکدر. مرکزی ساحل شرقیسنده واقع و 1500 اهالیسی جامع %سان سباستیان ده غومرا\$ اولوب، صاغلام لیمانی واردر. آله-نک دیکر بعض صاغلام قویلرده واردر.

5-3308-5

غونا

یاخود غوناقوا #1 آفریقای جنوبیده انکلتره-نک مهجرلرنده ملز بر قوم اولوب، قافر ایله هوتنتوت جنسیتلرینک اختلاطندن متولد اولدقاری مظنوندر.

6-3308-5

غوناییو

#1

آمریقانک آنتیل جزائر کبیره-سندن %هایتی\$ جزیره-سنگ مستقل اولان قسم غربیسنده و ساحل غربیده- کی همنامی اولان قویک ایچنده بر قصبه و اسکله اولوب، 6000 اهالیسی و کوزل لیمانی واردر.

7-3308-5

غونتران

#1

فرانسه قرالردن برنجی (قلوتر)ک ایکنجی اوغلی اولوب، 561 تاریخ میلادیسده حصه-سنه بور غونیه و اورلیان حکومتی دوشمشیدی. برادرلری بیننده ظهور ایدن اختلافاتی تسویه ایله، لومباردلری مغلوب ایدوب، تجاوزلرینه برسد چکلمش ایدی. برادرلرینک وفاتنده یکنلرینک حقوقنی مدافعه، و کندی ملکنی

ایکنجی شیلدیرته ترک ایتمشدی. 593ده وفات ایدوب، اعزه-دن عد اولنمغله، مارتک 28نده یورطیسی اجرا اولنور.

1-3309-5

غوندار

#1

حبشک و سطرلنده یینه غوندار ویا امهاره دینلن خطه-نک مرکزی بر قصبه اولوب، '34°12 عرض شمالی ایله '10°35 طول شرقیده واقعدر. وقتیله بیوک بر شهر اولوب، 50000 اهالیسی وار ایکن، شمدی 10000 اهالیسی، متعدد کلیسالری و نجاشیه مخصوص بولنمش خراب بر سرایی واردر.

2-3309-5

غوندبود

1

بور غونیه قرالرنندن اولوب، پدری غوندیوک و فاتنده 463ده یالکز جنوب جهتی حصه-سنه دوشمش ایسه-ده، بعده الکاسنی رین مجراسندن آق دکیز ساحلنه و آلپ سلسله-سندن یوقاری لوآره-یه قدر توسیع ایتمشدی. برادرلرندن برینک دامادی اولان (قلوویس) صاحب ترجمه-یی مغلوب ایدوب، ذاهب بولندیغی (آربوس)ک مذهبنی ترکله قتلویک اولمق شرطیله مصالحه ایتمشدی. غوندبود بر قانون مخصوص وضع، و 516ده وفات ایتمشدر.

3-3309-5

غوندریق

#1

واندالریک حکمدارلرندن اولوب، میلادک 406 تاریخندن 427 تاریخنه-دک حکم سورمشدر.

4-3309-5

غوندمار

#1

بور غونیه قرالرنندن ایکی کشینک اسمیدر:
برنجیسی قوندیوک اوغلی و فوندبودک برادری اولوب، 463ده پدرینک وفاتنده فرانسه-ده-کی ویانه جهتی حصه-سنه دوشمش ایدی.
*- ایکنجیسی مذکور غوندبودک ایکنجی اوغلی اولوب، 524ده بیوک برادری سجیسمونده خلف اولمش؛ و او سنه فرانقلری مغلوب ایده-رک، حکمدارلری اولان قلودومیری قتل ایتمش؛ و تئودوریه بر قاچ قصبه ترک ایله، ایتالیا ایله مصالحه ایده-رک، بر مدت ممالکنی محافظه ایده-بیلمش ایسه-ده، 534ده قلوویس طرفندن مغلوب اولوب، الکاسی فرانسه-یه الحاق اولنمش؛ و کندیسی 541ده وفات ایتمشدر.

5-3309-5

غونديكر

#1

بور غونلرك ايلك حكمداری اولوب، 406 تاریخ میلادیسنده غالیا یعنی اسکی فرانسه-یه دخول ایله رین مجراسندن آلیپ سلسله-سنه قدر اولان قسم شرقیسنی ضبط ایده-رك، ابتدا رومالیلره اظهار مطاوعت ایتمش؛ و صکره بر آره-لق عصیان ایتمش ایسه-ده، مغلوب اولدقدن صکره، یکیدن عرض اطاعت ایدوب، بونلرك معیتنده (آتیلایه) قارشی حرب ایتمش؛ و 436ده رین وادیسنده هونلرله ایتمشکی محاربه-ده قتل اولنوب، اوغلی غوندیوق خلفی اولمش ایدی.

6-3309-5

غوندیوق

#1

بور غونلرك ایکنجی حکمداری اولوب، آنف الترجمه قوندیكر اوغلیدر. 436ده پدرینه خلف اولوب، ممالکنی توسیع ایله 463 تاریخنه-دك حکم سورمش؛ و وفاتنده ممالکنی درت اوغلنه تقسیم ایتمش ایدی.

7-3309-5

غوران

#1

اسقوجیه-نك % لانارق \$ قونتلغنده و غلاسقووك 5 کیلومتره غربنده % کلون \$ ایله % قلیده \$ نهرلرینك ملتقاسنده بر قصبه اولوب، 19180 اهالیسی، سفائن اعمالنه مخصوص دستکاهلری، اون کرمنلری، کاغد، پاموق منسوجات، باصمه و ایپک قماشلر فابریقه-لری و بیوک بر ایپکخانه-سی وارد. اسقوجیه-نك اک اسکی قصبه-سیدر.

8-3309-5

غویاز

یاخود ویلا بو آ ده غویاز #1 برازیلیا ممالک مجتمعه-سنده همنامی اولان جمهوریتک مرکزی بر قصبه اولوب، ریو ده یانیرونك 1050 کیلومتره شمال غربیسنده اوله-رق، '20°16 عرض جنوبی ایله "30'54°52 طول غربیده واقع و 8000 اهالیسی جامعدر. آراغو آنی ایرماغنه تابع % ورملو \$ نهری قصبه-نك ایچندن کچوب، یازین آنجق قصبه-یه کفایت ایده-جك قدر صو آقیتدیغی حالده، قیشین قصبه-نك اطرافنی صو باصار سوقاقلری کنیش ایسه-ده، غیر منتظم و قالدیرمسزدر. کوندوزین هوا پک صیجاق و کیجه پک سرین اولدیغندن، خسته-لقلری چوقدر.

9-3309-5

غویاز

برازیلیا ممالک مجتمعه-سنی ترکیب ایدن یکر می حکومتک بر اولوب، فرانسه-نک بر بچی وسعتنده اوله-رق، شرقاً پارانان، تاباتینغه و مانغا بیراس سلاسل جبالیه غرباً ریوگرانده و ریو آروغاینه مجرالری آره-سنده غیر منتظم و مستطیل شکلنده اوله-رق جنوبدن شماله اوزانه-رق، و منتهای شمالنده سیوریلنه-رک، توفانتین ایرماغنک پک اوزون اولان خلیجی منتهاسنه اصل اولور. $6^{\circ}10'$ ایله $20^{\circ}20'$ عرض جنوبی و 48° ایله 54° طول غربی آره-لرنده ممتد اولوب، بویی 14 واکی 4 درجه جغرافیه-در. مساحه سطحیه-سی 747311 مربع کیلومتره اولوب، اهالیسی ایسه آنجق 211721 کشیدر، که بهر درت مربع کیلومتره-یه بر کشیدن آز زیاده دوشیور. شمال غربی جهندن غراؤپارا، شمال شرقی طرفندن پارانه‌ؤ و پیاؤهی، شرقاً باهیا و مباس جرائس، جنوب شرقی طرفندن ینه میناس جرائس، جنوب غربی جهندن و غرباً دخی ماتوغروسو حکومتلریله محاط و محدوددر. حدود شرقیه-سنده بر وجه مذکور بربرینی متعاقب بر قاچ سلسله جبال اوزانوب، برازیلیانک اولدقجه معموریت و مدنیه استعداد کوسترن قسم غربیسی بو قابلیتدن ده‌ا چوق وقت ایچون محروم کورینن قسم غربیسندن آیرر بر خط فاصل حکمنده-در. بو سلسله-لردن بشقه جمهوریتک قسم جنوبیسنده %بیرنه\$ اسمیله ارتقاعلری 3000 متره-یه قریب اولان بر صره طاغیر بولنوب، برازیلیانک شمالی مانله-سنی جنوب مانله-سندن آیریور. بو طاغیرک جنوبی اتکلرندن اینن بر چوق نهرلر %پارانه\$ ایرماغنه دوکلمک اوزره جنوبه طوغری آدیغی حالده، ینه مذکور طاغیرک شمالی اتکلرندن @1 اینن صولر شماله طوغری جریانله آمزون ایرماغنک منصبی قربنده دوکیلن %توفانتین\$ ایرماغنی و اوکا تابع اولان آراغوی نهر عظیمی تشکیل ایدیور. توفانتین ایرماغی بو وجهله غویاز حکومتنده نبعان و تشکل ایدوب، مملکتک اورته-سندن جنوبدن شماله طوغری آقار، و نهایت جمهوریتک شمال شرقی حدودینی تشکیل ایدر. آراغوی ایسه حکومتک حدود شرقیه-سنی تشکیل ایده-رک، ینه شماله طوغری آقار، و مملکتک اورته-لرنده شرقه طوغری بر قول آیره-رق، بعده بو ایکی قول برلشمکله، %بانامال\$ اسمیله پورتکیز دولتی وسعتنده بر جزیره تشکیل ایدرلر. نهایت غویازک منتهای شمالنده توفانتین ایرماغنه دوکیلور. اراضیسی قسم شرقیسنده عمومیت اوزره طاشلق و چاقیللق ایسه-ده، قسم غربیسی اوزون اوتلرله مستور اولوب، حیوانات یتیشدیرمکه پک الویریشلیدر. طاغیرنده اورمانلری و کراسته و مرانغوزلغه و بویاجیلغه الویریشلی آغاجلرک انواعیله نباتات طبیه-سی دخی چوق ایسه-ده، هنوز اخراج اولنه-میور. اهالیسی ذاتاً پک آز مقدارده اولمغله برابر پک-ده چالیشقان اولدقلرندن زراعت پک کری اولوب، یالکز احتیاجات محلیه-یه کوره حبوبات و سائره زرع اولنور. انواع معادنی و علی الخصوص آلتون، الماس و بلوری چوق ایسه-ده، هیچ بری اخراج اولنمیور. پورتکیز مهاجرلری وقتیه آلتون و قیمتلی طاشلر تحری ایدوب، بونلری بولمغده ویا چیقارمغده قوللاندقلری بیچاره برلیرلی اتلاف ویا اسیر ایده-رک، اللرنده-کی معدنلری قایمغله انواع مظام مدهشه اجرا ایتدکن صکره، شمدی او واسع اراضینک صاحبسز قالدیغنی کوره-رک، و اعمارینه مقتدر اوله-میهرق، عجز و حیرنله باقه قالمغده-درلر. باشلیجه اخراجاتی شکر قامشی، آناناس، پاموق، توتون، بقم حیوانات و سائره-در.

1-3310-5

غویانه

یاخود کویانه #1 آمریقای جنوبینک شمال شرقی جهتنده بیوک بر بر اولوب، بش دولت بیننده منقسمدر. موقعی، حدود و مساحه-سی -* غویانه بحر محیط اطلاسی ساحلنده %اورنوق\$ منصبندن آمزون منصبنه-دک ممتد اولوب، قره-دن بو ایکی عظیم ایرماغک و آمزونه تابع %ریونغرو\$ نهر کبیرینک مجرالریله آیرلمشدر. ریونغرو ایله اورنوقک بعض تابلرینک منابعی بربرلرینه پک قریب اولدیغندن، بو وجهله غویانه همان هر طرفدن صو ایله محاط بر عظیم جزیره حکمنده-در. بحر محیط اطلاسیده

مذکور منصبلك آره-سنده-كى سواحلى 1800 كيلومتره-دن زياده اولوب، اورنوق منصبلك جنوبى ساحلنده واقع اك شمالى نقطه-سى اولان %موقوموقو\$ برونى 8°45' عرض شمالیده و ريونغرونك آمازونه دوكلديكى محلهه واقع اك جنوبى نقطه-سى 3°30' عرض جنوبيده كائن اولغه، غويانه خط استوانك آلتنده بولنيور. اك شرقى نقطه-سى آمازونك منصبلك شمالنده 52°17' طول غربيهه %رازو دونورت\$ يعنى برونى و اك غربى يري %اورنوق\$ ايله %غوآويارى\$ نهرلرينك 70°40' طول غربيهه واقع ملتقاسيدر. شرق جنوبيدن غرب شماليهه طوغرى ممتد بيضى الشكل بر مملكت واسعه اولوب، بويى 20 و اكى حد وسطى اوزره 10 درجه جغرافيه-در، كه فرانسه-نك درت مثلى ديمكدر. شرق شمالى جهتدن بحر محيط آطلاسى ايله، شمالاً و غرباً ونزوللا ايله، جنوباً دخى برازيليا ايله محاطدر.

حال طبيعىسى، جبال و انهارى. -*. غربدن شرقه پك طولاشيقللى بر صورتده ممتد اولان بر صره طاغلىر غويانه-نك اورتہ-سنده بر تقسيم مياہ خطى تشكيل ايدوب، بو طاغلىر جنوبى اتكلرندن نبعانله جنوبه طوغرى آقان نهرلر آمازون ايرماغنه دوكلور. شمالى اتكلرندن آقان صولر ايسه مملكتك نصف غربيسنده %اورنوق\$ ايرماغنه منصب اولور، و نصف شرقيسنده ايسه طوغرىدن طوغرىيه بحر محيطه دوكلور نسبة كوچك بر قاچ ايرماق تشكيل ايدر. تقسيمات سياسيه-سى. -*. غويانه-نك تقسيمات طبيعىه-سى تقسيمات سياسيه-سنه اساس اولوب، آمازون حوضه-سى داخلنده و خط استوانك ايكى طرفنده بولنان نصف جنوبيسى برازيليايه تابعدر، و برازيليا ممالك مجتمعه-سندن آمازوناس ايله غراؤپارا حكومتلىر بيننده منقسمدر. مائله شماليه-ده قالان نصف ديكرينك ايسه %اورنوق\$ حوضه-سنه داخل اولان نصف غربيسى يعنى بتونك بر ربعى %ونزوللا\$ حكومته تابع اولوب، درت بش ايالت تشكيل ايدور. بحر محيط آطلاسى ساحلى بويجه اوزانان و صولرى طوغرىدن طوغرىيه بحر مذكوره دوكلين ربع ديكرى ايسه انكلتره، فلمنك و فرانسه دولتلىر بيننده منقسم اولوب، اوچ مهجر تشكيل ايدور. برازيليايه و ونزوللايه تابع اولان غويانه-نك اوچ ربعدن برازيليا و ونزوللا ماده-لرنده بحث اولنوب، بوراده يالكز بر وجه مذکور آلان اوروپا دولتلىر بيننده منقسم اولان ربع باقيسندن بحث ايدہ-جکز.

1-3311-5

غويانه

مهجرلرى #1 آنفا بيان اولنديغى اوزره، اوروپا دول تله-سى بيننده منقسم اولان غويانه مهجرلرينك حدود جنوبيه-سى تقسيم مياہ خطيله ايرلمش اولوب، آنجق شرق و غرب حدودى هنوز منازع فيهدر. اورتاده بولنان فلمنك غويانه-سى حدود اختلافندن برى ايسه-ده، شرق جهتنده بولنان فرانسز و غرب طرفنده واقع انكليز غويانه-لرينك مختلف فيه يرلرى خيلى بيوكدر. فرانسزلر حدودى آمازون منصبلك اوست طرفنه دوكلين %آراغوارى\$ مجراسنه قدر سورمك ايستدكلرى حالده، برازيليا ممالك مجتمعه-سى اورادن چوق يوقارى اولان %اوياپوق\$ نهرينى خط حدود عد ايدور. منازع فيه اولان بو ير ايسه فرانسز غويانه-سنك منازعه-سز اولان قسمى قدر بيوكدر. انكليزلر دخى كندى مهجرلرينى اورنوق منصبنه قدر توسيع ادعاسنده بولندقلرى حالده، ونزوللا حكومتى %اسكيبو\$ نهرى مجراسنى خط حدود اعتبار ايتمك ايستور.

غويانه مهجرلرينك اراضيسى ساحله متوازيأ اوچ منطقه تشكيل ايدوب، برنجيسى ساحل بويجه ممتد اولان دوز و آلچق اووه-در، كه نهرلك دوكدكلرى قوملردن كيتدكجه دكيزك ايچنه اوزانوب، توسع ايتمكده-در. ايكنجيسى بو اووه-نك منتهاسنده بولنان تپه-لر و جزئجه مرتفع يرلر منطقه-سيدر، كه بو تپه-لر اشجار و نباتاتله مستور اولوب، آنجق چاپلر كنارلرينك طوپراغنى سوروكملكله، بعض طرفلىر كيتدكجه صربلاشمقده-در. بو تپه-لر اوستنده يعنى جنوبيده مهجرلر ك حدودينى تشكيل ايدن طاغلىر منطقه-سيدر، كه بو طاغلىر دخى بر تقسيم مياہ خطى تشكيل ايتدكلرى حالده، ارتفاعلى 350 متره-دن

زیاده اولمیوب، تپه-لری غرانیتدن عبارت و اتکلری بالطه کورمه-مش و اسع اورمانلرله مستورددر. بو اورمانلر صرتک او بر طرفنده دخی برازیلیانک هنوز مجهول اراضی و اسعه-سندده الی ماشاء الله ممتد اولورلر. اووه منطقه-سنگ اکلی الی ایله یوز کیلومتره آره-سندده اولوب، طوپراغی مائیمتراق بالچیقندن عبارتدر. مهجرلرک اک معمور و مسکون جهتی اوراسیدر. هواسی صیجاق و آغر اولوب، میزان الحراره نادرأ 20 درجه-دن آشاغی اینر، و چوق دفعه 35 درجه-دن یوقاری چیقار. ایکی یاغمور و ایکی قوراقلق موسمی اولوب، یاغمور موسملرینک بری مایس ابتداسندن تموزک نهایتته-دک سورر، و دیگر کیلومترله شباطده اولور. قوراقلق دخی ایلک و صوک بهارلرده حکم سورر. سواحله قریب یرلرده و انهارک منصبلرنده صیتمه-لر چوق و صاری صیتمه علت مدهشه-سی کثیر الوقوعدر. ده مرتفع یرلرده هوا صاغلام ایسه-ده، زراعت ایشلری اهالیی آچق یرلرده اسکانه جلب ایدوب، مرتفع یرلری همان خالیدر. هله آروپالیلر او هوالرله امتزاج ایدمه-مدکلرندن، آنجق اوتوز قرق نفوسده بر آروپالی بولنور، و اکثر عمله زنجی و چینلیدن عبارتدر. نباتاتی و علی الخصوص اشجاری پک چوق و پک متنوع اولوب، کراسته-یه، مرانغوزلغه و طاوشانلغه یارار مختلف اللون آنوس و آقاژو کبی بزجه اسملری دخی مجهول پک چوق اشجارله بویاجیقده و میوه ویا یاپراق و قبوقلرندن بعض یاغور و عطریات اخراج اولنور ویا ضمغلی آلنیر و صنایع و طیده استعمال اولنور حسابسز آغاجلری واردر. اکمک یرینه مستعمل بیوک بر میوه ایله سوده مشابه بر مایع ویرر ایکی جنس آغاجده واردر، که انسان ایچون زحمتسز و حاضر ایکی مدار معیشت اوله-بیلیر. اشجار مختلفه-سندن پک چوق اخراجات اولیور. حیواناتی دخی چوق اولوب، ژاغار دینلن آمریکا قاپلانیه تاپیر دینلن طوموزه مشابه بر حیوان، میمونلرک انواعی، حشرات و بیلانلرک انواعی، قره و دکیز قاپلومباغه-لری، پاپاغانلرک انواعی، سینک قوشلری و سائر طیورک اجناسی، انهارده بالیقارک انواعی و یوز کیلویه قدر کلن بر نوع بیلان بالیغی، سیوری سینک و سائر حشرات مضره بولنور. بو حشراتدن بر جنسی یمورطه-سنی انسانک طیرناغی آلتنه و دیگر بر جنسی برون دلیکلرنده براقوب، بو یمورطه-دن چیقان قوردلر انسانی اتلاف ایدنجه-یه قدر اتلرینی یرلر.

اون آلتنجی قرن میلادی اوائلنده اسپانیوللر دفعاتله غویانه-یی ضبط و اعمار ایتمه کیدوب، 1581 تاریخنده فلمنکیلر دخی سواحلك بعض طرفلرینه یناشمشلر؛ و در عقب اسپانیوللرله یرلیلر طرفندن طرد و اخراج اولنمشلرسه-ده، 1596ده یکیدن کیدوب، ((یک زلنده)) تسمیه ایتدکلری بر مهجر تأسیس ایتمشلردی. اون یدنجی قرن اوائلنده فرانسولر دخی ساحلده غویانه قصبه-سنی بنا ایدوب، بعده اللرندن چیقان قناده-یه بدل غویانه-ده بیوک بر مهجر تأسیسنه چالیشمشلرسه-ده، نقل ایتدکلری اون بش بیوک کشیدن اون اوچ بیکی تلف اولمغله، مقصدلرینه نائل اوله-مامشلردی. بو صوک ایکی قرن طرفنده اسپانیوللر، پورتکیزلیلر، فلمنکیلر، فرانسولر، انکلزلر، یرلیلر و زنجی کوله-لر آره-سندده لایققطع محاربه و منازعه-لر وقوع بولوب، فرانسه-نک انقلابات داخلیه-سی صره-سندده انکلتزه بتون سواحلی ضبط ایتمش ایسه-ده، 1817 تاریخنده عقد اولنان بر معاهده ایله شمیدکی تقسیم تقرر ایتمشدر. عموم غویانه مهجرلری حقتده بو قدر معلومات عمومیه ویردکدن صکره، اوچ مهجردن بهرینک دخی زیرده تعریفنه کیریشه-جکز.

1-3312-5

غویانه

انکلز-سی *سی 1# آفاً بیان اولنان اوچ آروپا مهجرینک اک غریبسی اولوب، وقتیله %دردمراره\$ اسمیله معروف ایدی.

موقعی، حدود و مساحه-سی. *- بو مهجر حقتده انکلز مدعیاتیله ونزوئلا و برازیلیا مدعیاتی آره-سندده بیوک بر فرق اولوب، انکلتزه دولتی %اورنوق\$ ایرماغنک منصبی حدود عد ایتدکی حالده، ونزوئلا حکومتی %اسکیبو\$ و بوکا تابع %روبونونی\$ نهرلری مجراسنه قدر اولان یرلری یعنی مملکتک همان

نصفی مقدارینی تملك ادعاسنده-در. كذلك برازيليا ممالك مجتمعه-سى تقسيم مياه خطنه قدر قناعت ايتميوب، مذکور %اسکيوو\$ نهرينک صوک تابعی %سپارونی\$ مجراسنه-دک اولان قسم جنوبیسنی بنمسه-مک ايتستور. انگلیزرک اعتبار رسميسنه کوره، بو مهجرک مساحه سطحیه-سى 221243 و نزونلا ایله برازيليانک مدعالرنجه يالکز 51857 مربع کیلومتره-دن عبارتدر. برنجی تقدیرده انگلیز غویانه-سى اوچ مهجرک اک بیوکی و ایکنجی تقدیرده اک کوچکیدر. هر حالده شمالاً بحر محیط آطلاسی ایله، غرباً و نزونلا، جنوباً برازيلیا، شرقاً دخی فلمنک غویانه-سیله محدوددر.

حال طبیسیعی، انهاری،*- طبیعت اراضیسیله اووه و تپه و طاغلرندن ماده آفنه-ده بحث اولندیغندن، بوراده يالکز انهارینی ذکر ایده-جکز. خیلی بیوک بر قاچ ایرماق انگلیز غویانه-سنگ منازع فیه اولمیان قسمنده اوزون و درین خلیجلر تشکیل ایده-رک بحر محیطه دوکیلور. بونلرک اک بیوکی %اسکيوو\$ ایرماغیدر، که حدود جنوبیه-ده-کی ارتفاعلردن نبعانله، شماله طوغری آفه-رق، صولدن حدود شرقیه-ده-کی طاغلردن و منازع فیه يرلرندن کلن بش آلتی بیوک و بر چوق کوچک نهرلرک صولرینی جمع ایله آغزی 30 کیلومتره کنیش و آنجق اورمانلرله مستور بر طاقم آطه-لرله مسدود بر خلیجندن دکیزه دوکیلور. بونک کنیشلکی 120 کیلومتره یوقارییه قدر دوام ایدر.

ایکنجیسی %دمراره\$ ایرماغیدر، که خلیجی 2 کیلومتره کنیشلکنده ایسه-ده، خیلی بیوک کمیئر مجراسنگ آغزندن 150 کیلومتره یوقارییه قدر چیقار. اوچنجیسی %برببسه\$ نهریدر، که آغزی 5 کیلومتره وسعتنده اولوب، بیوک کمیئر 75 و کوچکلری 200 کیلومتره یوقارییه قدر چیقار. دردنجیسی حدود شرقیه-سنی ایران %قورنتین\$ ایرماغیدر، که بیوکلکه ایکنجی اولوب، آغزی 15 کیلومتره وسعتنده-در، و بیوک کمیئر 50 کیلومتره یوقارییه قدر چیقار. انهار مذکور-ه-نک آشاغیلری متعدد جدوللر و ریختملرله اعمار اولنه-رق، فائده-لری تعمیم و تکثیر اولنمشدر. بو نهرلر پک کوزل طرق تجارت و وسائط نقلیه تشکیل ایدوب، مملکتک طوپراغنک قوه انباتیه-سیله منابع طبیعیه ثروتنه منضم اولنجه، بو یرک استقبالانی تأمینه کافیدر. نزونلا حدودینک منتهاسنده %رورایما\$ طاغی بولنیور، که 2250 متره ارتفاعنده اولوب، اتکلرندن اینن صولر بر طرفدن اسکيوو، بر طرفدن اورنوق و بر طرفدن-ده آمازون ایرماققرینه کیدر.

زراعتی، صنایع و تجارتی.-*- اک برنجی محصولاتی شکر قامشی، قهوه، پاموق، پرنج اولوب، کرک بونلرک استحضاری و شکر، روم و سائره اخراجیچون و کرک اورمانلرنده قطع و نقل اولنان قیمتلی آغاچلرک ایشلدلمسیچون سواحلده و انهارک کنارلرنده انگلیزلر بر چوق فابریقه-لر تأسیس ایله، اوراسنده بر ایکنجی انکلتزه صورتته قویمشلردر. اوزون اولتری حاوی واسع اووه-لرنده خیلی مقدار صیغیر و آت یتیشدیریلیر. طاتلی پتاته، مصر، موس و سائر بعض حبوبات دخی احتیاجات محلیه-یه کوره زرع اولنور. سنوی اخراجاتی 63 و ادخالاتی 54 ملیون فرانق راده-لرنده اولوب، تجارتی برنجی درجه-ده انکلتزه و ایکنجی درجه-ده ممالک مجتمعه ایله اولور.

اهالیسی، جنسیت و لسان و مذهبلی.-*- انکلتزه بو مهجری ضبط ایتدیکنده یعنی 1812 تاریخنده اهالی محلیه بر قاچ بیک اروپا مهاجری طرفندن حیوان کبی چالیشدیریلان 100000 زنجی اسراسندن عبارت ایدی. انگلیزلر 1838 تاریخنده اسارتی لغو ایتمشلردر. شمديکی حالده اهالیسی 284877 کشی اولوب، آنجق اونده بری اروپالی و بونلرک-ده چوغی پورتکیزی و قصوری یرلی، زنجی، ملز، چینلی، هندلی و سائره-در.

اصول اداره-سی، تقسیماتی.-*- بو مهجر: اسکيوو، دمراره و بریبسه اسملریله اوچ قونتلق یعنی سنجاغه منقسم اولوب، مرکزی %جورجتون\$ شهیدر، که 50000 قدر اهالییی جامعدر. بوندن بشقه يالکز بر قصبه-سی واردر، که بریبسه سنجاغنک مرکزی اولان %نیو آمستردام\$ قصبه-سی اولوب، یدی سکز بیک اهالیسی واردر. انکلتزه طرفندن نصب اولنمش بر والی بشی اهالیدن منتخب و دردی والی طرفندن منصوب طقوز اعضادن مرکب بر مجلس ادراه-نک استشاره-سیله اداره مملکت ایدوب، ینه اهالیدن منتخب برمالیه و بودجه قومیسیننده واردر. اکثر نظاماتی فلمنکیلرندن قالمه اولوب، بعض جهنتری تعدیل اولنمشدر. واردات و مصارفی اون ملیون فرانق راده-لرنده اولوب، باشلیجه وارداتی ادخالاتدن آنان کمرکن عبارتدر. مکتبلی چوق اولوب، دار المعلمینی، یتیم خانه-سی، فقیرخانه-سی، مسکین

خانه-سی، تیمار خانه-سی، خسته خانه-سی و ایچریده بر حبسخانه عمومی وارد. عساکر موظفه-سی زنجیلردن مرکب اوچویز نفردن عبارت اولوب، عساکر ملیه-سی-ده وارد.

1-3313-5

غویانه

فلمنک-*. سی 1# غویانه مهجرلرینک اورته-ده بولنانی اولوب، سورینام 2# اسمیله دخی معروفدر. موقعی، حدود و مساحه-سی. *- فلمنک دولتنک غویانه-ده-کی مهجری غرباً %قورنتین\$ مجراسندن شرقاً %مارونی\$ مجراسنه و شمالاً ساحل بکردن جنوباً تقسیم میاه خطنه-دک ممتد اولوب، شرقاً فرانسز، غرباً انکلیز غویانه-لریله، شمالاً بحر محیط اطلاسی ایله، جنوباً دخی برازیلیا ممالک مجتمعه-سیله محدوددر. برازیلیا جهتندن حدودی پک-ده معین اولمیوب، فرضیدر. 6° ایله 1°30' عرض شمالی و 59°50' ایله 55°50' طول غربی آره-لرنده ممتد اولوب، شمالدن جنوبه بویی تقریباً 500 و شرقدن غربه وسطی اکی 35 کیلومتره-در. مساحه سطحیه-سی 129100 مربع کیلومتره اولوب، 71000 اهالیسی وارد.

حال طبیعیسی، جبال و انهاری. *- فلمنک غویانه-سی احوال اراضیجه انکلیز غویانه-سنه مشابه اولوب، آنجق ساحل بوینجه ممتد اولان اووه بوراده دهآلچق اولمغله، دکیزک مدی حالنده انهار صولرینک کریه تیمسندن اکثر پرلری صو آلتنده و بطاقلق حالنده بولنور؛ و بیقلمش آغاجلرله مملو اولوب، ملیونلرله صو قوشلری چامورلرده ینکج و قورباغه طویلار؛ و هواده بلوط کبی سیوری سینکلر اوچشور. بو آلچق اووه-نک آرقه-سنده-کی تپه-لر ایسه انکلیز غویانه-سنک-کیلردن مرتفعجه و کوزلدر. مملکتک ایکی طرفنده حدودینی تمدید ایدن %قورنتین\$ و %مارونی\$ ایرماقلرندن بشقه مهجریک اورته-لرنده دخی بر قاچ ایرماق بولنوب، جمله-سنک اک بیوکی بو مملکته اسمنی دخی ویرن %سورینام\$ ایرماغیدر. نهرلرینک جمله-سی جنوبدن شماله اینوب، آنجق حدودده-کیلردن ماعداسی اووه-یه دوشدکن صکره، غربه طوغری دونرلر. بو انهارک جمله-سی کنیش و صولری چوق اولوب، آشاغی طرفلری ایکی اوچ کیلومتره وسعتنده-در؛ و شلاله-لرک مانع اولمدقلری یرلرده مختلف جسامتده-کیلر خیلی یوقاریه قدر چیقار. بو کبی عملیاتده آلیشیق و پک ماهر اولان فلمنکیلر بو مجرالرک آره-سنده جدولر دخی آچوب، طرق بحریه-یی تکثیر ایتمشلرسه-ده، آلچق اووه-نک بطاقلقرینی قوروتمغه موفق اوله-مامشدر. سورینام مجراسی اوزرنده بولنان مرکزی %پاراماریبو\$نک اوکنده یوزلرجه سفائن استیعبانه کافی لیمان و کوزل ریختلر وارد. مملکتک یاغمورلری پک چوق اولمغله، نهرلرینک صویی هیچ بر وقت آزماز. محصولات و زراعتی. *- فلمنک غویانه-سنک معمور یرلری انهارک و بولنر بیننده-کی جدولرک کنارلردن عبارت اولوب، باشلیجه محصولاتی شکر قامشی، قاقائو، قهوه و پاموقدر. مقدا بو یردن سنوی سکز اون ملیون کیلویه قریب شکر چیقمقده ایکن، بعده وقوع بولان محاربات داخلیه و زنجی کوله-لرک حریتلرینی استرداد ایچون بر عصر سورن اختلاللر و نهایت بو صوک زمانلرده بعض انهارینک صولرنده کوزل آلتون ریزه-لری کشف اولنمغله، اکثر عمله-نک زراعتی ترک ایدوب، آلتون اخراجنه طمع ایتملری زراعتک کلی تدنیسنی موجب اولمش؛ و هله قهوه محصولی احتیاجات محلیه نسبتنده یتیشمکه باشلابوب، پاموق دخی جزئیات مقدارنده قالمشدر. زنجی و چینلی عمله استخدامیچون بیوک سرمایه-لرک فقدانی و اروپا مهاجرلرینک مملکتک صیجاق و آغر هواسیله امتزاج ایده-مه-مسی، بو مهجریک اعمار و ترقیسنه مانع اولمقده-در. وسائط تجارت و اختلاط طرق مائیه-دن عبارت اولوب، نهرلرده و جدوللرده کمی و مائونه و صندالله موارد اولنیور.

اهالیسی. *- وسعت اراضیسنه کوره پک جزئی اولان اهالیسنک قسم کلیسی زنجی اولوب، اروپا مهاجرلری آنجق بیک کشی راده-لرنده-در. اسکی یرلیلر دخی بو مقداردن آشاغیدر. زنجیلر زنجار طرفلردن منقول اولوب، چالیشقان و عقل سلیم صاحبیلریدر. 1836ده حریتلرینی استرداد ایدوب، ایشلدکلری یرلرک و اوتورقلری خانه-لرک صاحبیلری اولمشلردر. اروپالیلرک اراضیسنی دخی اجرته

ایشلر لر. آغاجلر آلتنده كوزل اخشاب خانه-لری و مزر و عاتله محاط كویلیری واردر. بر طاقملر بده نیم مستقل بر حالده و كندی رئیس لرینك تحت اداره-سنده اورمانلرك كنارلرنده یاشایوب، باشلیجه كراسته قطعيله كچینیرلر. بونلره ((اورمان زنجیلری)) معناسیله (پوش نكر) نامی ویریلیور. آوروپالیلر باشلیجه فلمنك لسانیه و زنجیلر انكلیز، پورتگیز، فلمنك و زنجی لسانلرندن مركب غلط بر لسانله متكمدرلر. اصول اداره-سی. *- بو مهجر فلمنك دولتی طرفندن تعیین اولنان بر والی و برمكتوبجی و بر حاكم ایله اهلیدن 6 سنه مدته انتخاب اولنان 9 اعضادن مركب بر مجلس اداره معرفتیه اداره اولنور. مجلس اداره ایله والی آره-سنده اختلاف ظهورنده والی، لاهایده-کی مستعمرات نظارتته جواب ویرمك و مسئولیتی اوزرینه ألمق شرطیه، حرکت ایدر. بر قاچ قضایه منقسم اولوب، مرکزی 24000 اهالیی جامع اولان % باراماریبوو \$ اسكله-سیدر.

5-3314-1

غویانه

فرانسز *-سی #1 غویانه مهجرلرینك اك شرقی سیدر. موقعی، حدود و مساحه-سی. *- هر نه قدر فرانسه-نك مدعیاتی آراغو آری مجراسنه قدر اولوب، مملكتك بر مثلنی دخی كندی تابعی عد ایتمك ایستورسه-ده، رسماً و متفقاً طانینمش اولان فرانسز مهجری % اوپوپوق \$ نهری مجراسنه-دك اولوب، بو نهر شرق جنوبی جهتندن برازیلیا حدودینی آیریور. جنوباً دخی تقسیم میاه خطیه برازیلیان و غرباً % مارونی \$ مجراسیله فلمنك غویانه-سندن آیرلمشدر. شمال شرقی طرفی دخی بحر محیط آطلاسی ایله محاطدر. مساحه سطحیه-سی 78900 مربع کیلومتره و اهالیسی 29769 كشیدر. حال طبیعیسی، انهاری. *- بو مهجرك دخی اراضیسی دیگر ایکیسنك كینه مشابه اولوب، هنوز مجهول حالنده اولان قسم جنوبیسی طاغلق و اورمانلق، قسم وسطیسی اوزون اوتلرله مستور و بعض اورمانلری حاوی مرعالق، ساحل جهتی دخی بطاقلدر. فرانسز حكومتی بو بطاقللری قوروتمغه و خندقلر و جدوللر اچمغه دخی همت ایتدیكندن، آروپا مهاجرلریچون واسع بر مزارستان اولمغه شهرت بولان غویانه-نك اصل بو جهتیدر، كه بطاقللرك عفونتی هوایی تسمیم ایدوب، ناقابل اسكان بر حاله قویبور. فضله اوله-رق، فرانسز غویانه-سنگ سواحلی دخی پك صیغ اولوب، آمازون نهر عظیمنك متصل دوكدیكی قوملر قعر بحری طولدیرمش اولمغه، بش متره-لك عمق بولمق ایچون اون اون بش کیلومتره اچلمق اقتضا ایدر. سواحلك اوكنده بر طاقم قیالق و قوملق آطه-جقلمر دخی بولنیر. حدودینی تحدید ایدن مذکور ایکی ایرماغك آره-سنده بر قاچ ایرماغی و بونلره دوکیلور چایلری اولوب، بو ایرماقلرك باشلیجه-لری شرقدن باشلایه-رق: آپار اغوا، سیناماری و مانا نهرلریدر. بو ایرماقلرك یالكز آشاغیكی 80 ویا 100 کیلومتره-لك یرلری سیر سفاننه صالحدر. جنوب جهتنده-کی تقسیم میاه خطنك اك یوكسك محللری 400 متره ارتفاعنده-در. اقلیم و هواسی. *- اك صیجاق هواسی تموز و اغستوس ایله ایلول و تشرین اولده اولوب، میزان الحراره 35 درجه-یی كچر؛ اك سرین موسمی دخی كانونلرله شباط و مارتده اولوب، بو موسمه چوق یاغمور یاغار، و مع هذا میزان الحراره 22 درجه-دن آشاغی اینمز. زراعتی، محصولات و منابع ثروتی. *- فرانسز غویانه-سنگ % آپورو آغ \$ وادیسنده بولنان بر مقدار آلتون معدنی اهالی و عمله-یی زراعتدن آیره-رق، آلتون تحریسنه دوشورمش اولمغه، هوانك آغرلغنه و اهالینك آزلغنه منضم اوله-رق، بو مهجرك فقر و تدنیسنی موجب اولمشدر. بالطه كورمه-مش اورمانلرنده كراسته و بویاجیلغه و مرانغوزلق و طاوشانلغه یاران پك چوق اشجار وار ایسه-ده، ینه چالیسه-جق قوللرك فقدانندن پك آز استفاده اولنیر. یالكز نیم مستقل بر حالده اورمانلرده یاشایان زنجیلر مارونی نهریله كراسته ایندیروب، بونلر دخی فلمنك غویانه-سی اسكله-لرینه كوتورورلر. زراعتی پك جزئی اولوب، باشلیجه محصولاتی: شكر قامشی، قهوه، قاقاو، بهارات متنوعه و جزئی پاموق و

پرنجدن عبارتدر. اوزون اوتلرله مستور واسع اووه-لرنده نيم وحشى حالنده صالحه حيوانات بولنوب، خيلى مقدار درى و سائر محصولات حيوانيه اخراج اولنور. آلتون معدنلرندن بعض سنه-لر درت بش مليون فرائق قيمتنده معدن چيقار.

اهاليسى. *- اهاليسنك قسم اعظمى زنجى و ملز اولوب، اسكى برليلر بقيه-سى دخی 2500 نفوسه قريبدر. آوروپالى مهاجرلرك مقدارى آنجق 1150 كشييه بالغ اولور. قصورى عمله-لك ايتمك اوزره سوق و ادخال اولنمش هندلى، چينلى و سائره-در. اصول اداره-سى. *- مركزى 8000 اهاليى جامع %قايينه\$ اسكله-سى اولوب، 14 ناحيه-يه منقسمدر. پارسدن كوندريلىن بر والى بر مجلس اداره و 16 مبعوثدن مركب بر مجلس منتخب معاونتيله اداره مملكت ايدر. بر محكمه استيناافنده واردر. بو مهجر فرانسه مجلس مبعوثاننه بر مبعوث كوندرك حقتى حائزدر. راهب و راهبه-لر طرفندن اداره اولنور ذكور و اناثه مخصوص ايكي داخلى مكتبيله بر مكتب صنايعى و ايكي مكتب ابتدائيسى، اوچ خسته-خانه-سى و بر مسكينخانه-سى واردر.

1-3315-5

غياث

ايران شعرا سندن درت كشينك مخلصيدر:
برنجيسى يزدلى اولوب، نقاشقله مشغول ايدى. شو رباعى اونكدر:

@@@

بيچاره كسى كه شهر يزدش وطن است
بيچاره تر آن كه نقش بنديش فن است
زين هر دو بتر كسى كه زاهل سخن است
ناچار كسى كه هر سه دارد چومن است
\$

*- ايكنجيسى (غياث الدين محمد كجى) شاه طهماسبك دفتردارى امير بيكك برادرى ايدى. شو بيت اونكدر:

@@@

خمو شيم شب هجران زببو فائى نيست
كه ناله-را بليم قوت رسائى نيست
\$

*- اوچنجيسى (مولانا غياث الدين) امير برهان ابرقوهينك برادرى ايدى. شو بيت اونكدر:

@@@

در سرم باز آتشى از عشق آن دلبر گرفت
باز عشق كرمى ديرينه ام از سر گرفت
\$

- درنجيسى (مولانا-) (مشهدلى اولوب، بوياجيلقله مشغول ايدى. شو رباعى اونكدر:

@@@

خوبان كه زجام حسن مستند همه
هر عهد كه بستند شكستند همه
با عاشق خويش آشنابى نكنند
بيكانه و بيكانه پرستند همه
\$

1-3316-5
غیاث الدین، سلطان-*

خوارزمشاهان سلاله-سنگ سکزنجی حکمداری اولوب، پدری سلطان قطب الدین محمد زماننده کرمان والیسی ایدی. پدری چنکیزک اوکندن فرار ایدوب، وفات ایتدکن صکره، صاحب ترجمه کرمانه عودت ایتمک ایستمش ایسه-ده، دخول ایده-میوب، فارس جهتلرینی تخریبه قویلمشیدی. برادری جلال الدین هنددن عودت ایتدکده، غیاث الدین ابتدا عرض اطاعت ایتمش ایسه-ده، بعده طغیان ایله، کرمانه کیده-رک، براق حاجب طرفندن استقبال اولنمش؛ و نهایت اوراده مسموماً وفات ایدوب، ملکی برادری جلال الدینک ایینه کچمش ایدی.

2-3316-5
غیاث الدین

کرت ملوکندن ایکی حکمدارک اسمیدر:
برنجیسی ملوک مذکورہ-نک درنجیسی اولوب، رکن الدینک اوغلی و دولت مذکورہ-نک مؤسی اولان شمس الدین محمدک تورویدر. 706 تاریخنده، برادری ملک فخر الدینک وفاتی اوزرینه، الجایتو خان فرمانیله غور و خراسان امیری اولمشیدی. 721 تاریخنده ایفای حج شریف ایچون، حجازه واروب، عودتده سلطانیه-یه اوغرایه-رق، سلطان ابو سعید خان و امیر چوبان طرفندن رعایت کورمشدی. بعده امیر چوبان سلطان ابو سعید خاندن فرار ایتدیکنده، صاحب ترجمه-یه التجا ایتدیکی حالده، خیانت ایدوب، کندیسنی اوغلی هلو خانله برابر قتل ایده-رک، نعلترینی سلطان ابو سعیده کوندرمشدی. اوتوز ایکی سنه حکومت سوروب، 729 تاریخنده وفات ایتمشدر. اوغللری شمس الدین و حافظ و معز الدین ابو الحسین صره ایله حکومت سورمشلدر.
*- ایکنجیسی (غیاث الدین پیر علی) ملوک کرتک سکزنجی و اخیرری اولوب، معز الدین ابو الحسن محمد بن غیاث الدینک اوغلیدر. 771 تاریخنده پدرینه خلف اولوب، 12 سنه حکومت سوردکن صکره، تیمورلنک خروج ایتمکله، هراتده تحصن ایدوب، بر خیلی وقت مقاومت ایتمش ایسه-ده، نهایت بو جهانکیرک ایینه کچوب، اقربا و تعلقاتیله برابر اسیراً ماوراء النهره کوندرلمش؛ و اوراده اعدام اولنه-رق، بونکله کرت دولتی منقرض اولمشدر.

3-3316-5
غیاث الدین، محمد -* - بن جلال الدین

اون اوچنجی قرن هجری هندستان مشاهیر علما و شعرا سندن اولوب، 1242 تاریخنده ((غیاث اللغه)) عنوانیله فارسی بر لغت کتابی یازمشدر. ((مفتاح الكنوز))، ((شرح سکندر نامه)) و ((نسخة باغ و بهار)) عنوانلریله اوچ منظومه-سی و بر چوق قصائد و سائر اشعاری واردر. هندک مصطفی آباد قصبه-سندھ یاشامشدر.

4-3316-5
غیاث الدین، میر- * - بن میر صدر الدین

ایران مشاهیر شعرا و حکماسندن و شیراز ساداتندن اولوب، فلسفه و علوم مختلفه-یه متعلق بعض آثاری و خیلی اشعاری وارد. شو قطعه اونکدر:

@@@

کرفتم که خود مرک لذت ندارد

نه کسرا خلاصی دهد جاودانی

اگر قلبتان نیست از قلبتانان

و کر قلبتا نست از قلبتانی

\$

5-3316-5

غیاث الدین بلبان

دهلی حکمدارلرندن اولوب، عن اصل سلطان التمشک رجالندن ایکن، بعده دامادی اولمشیدی. مشار الیهک وفاتیه اوغلی ناصر الدین محمودک جلوسنده بونک وزیر ی اولمش؛ و 664 تاریخنده بونک وفاتی اوزرینه، تختی ضبط ایده-رک، 20 سنه حکومت سوردکن صکره، 685ده 80 یاشلرنده وفات ایدوب، تورونی معز الدین کیقباد بن بغرا خان خلفی اولمشدی.

1-3317-5

غیاث الدین بن حمید الدین

[[خواندمیر]](ماده-سنه مراجعت بیوریه).

2-3317-5

غیاث الدین بن بهمنی

هندستانک جنوبنده-کی دکن قطعه-سنده حکم سورن بهمنیان دولتی ملوکندن اولوب، سلطان محمود شاه اولک بیوک اوغلدر. 799 تاریخنده، پدرینک وفاتی اوزرینه، یدی یاشنده ایکن، تخته کچوب، ایکی آی صکره، ترک کوله-لرندن وزیر اتخاذ ایتمش اولدیغی (لالچین) طرفندن اسقاط، و کوزلری جیقاریله-رق بر قلعه-یه حبس، و عمی شمس الدین اقعاد اولنمشدی.

3-3317-5

غیاث الدین پوربی

هندستانده بنکاله ملوکندن اولوب، 775 تاریخنده پدری سکندر یوربیه خلف اولمش؛ و یدی سنه حکومت سوردکن صکره، وفات ایدوب، اوغلی سلطان السلاطین پرینه کچمشدی.

4-3317-5

غیاث الدین تغلق

هندستانده دهلی شهرنده حکومت سورن تغلق شاهان سلاله-سندن ایکی حکمدارک اسمیدر:
برنجیسی سلاله مذکور-نک برنجی حکمداری اولوب، پدری تغلق سلطان غیاث الدین بلبانک کوله-سی
ایکن، صاحب ترجمه 721 تاریخنده خسرو شاهی قتل ایله، حکومتی ضبط ایتمش؛ و اوچ بچق سنه
حکومت سوردکدن صکره، 725ده مقتولاً وفات ایدوب، اوغلی محمد شاه تغلق خلفی اولمشدر. شاعر
شهیر خسرو دهلری صاحب ترجمه-نک معاصری اولوب، احسانلرینه نائل اولمش؛ و ((تعلق نامه))
عنوانیله منظوم تاریخنی یازمشدر.
*- ایکنجیسی ملوک مذکور-نک بشنجیسی اولان فتح خانک اوغلی و فیروز شاهک تورونیدر. 790
تاریخنده جدینک وفاتی اوزرینه، دهلی تختته کچوب، سفاوته طاله-رق، امور دولتی اهمال ایتمشدر،
آلتی آی صکره کندیسنی اسقاط، و عم زاده-سی ابو بکر تغلق شاه بن ظفر خانی اقعاد ایتمشدر.

5-3317-5
غیاث الدین جهانگیر

[[جهانگیر]] ماده-سنه مراجعت بیوریله.]

6-3317-5
غیاث الدین چلبی

سلطان بایزید خان ثانی دوری علماسندن اولوب، مشهور آق شمس الدینک برادر زاده-سیدر. خواجه
زاده و خیالی کبی عصری مشاهیر علماسندن تحصیل ایدوب، درسعادت و بروسه و ادرنه-ده بعض
مدارسه مدرسک ایتمشدر. صکره، آماسیه-ده تدریس و افتا ایله مشغول ایکن، 927 تاریخنده وفات
ایتمشدر. طریق صوفیونه دخی انتسابی وار ایدی. علوم متداوله-ده بر قاچ رساله یازمشدر. (پاشا چلبی)
دینمکله دخی معروفدر.

7-3317-5
غیاث الدین خلجی

هندستانک کجرات خطه-سنده حکومت سورن خلجی سلاله-سی ملوکندن اولوب، 872 تاریخنده پدری
سلطان محمود خلجیه خلف اولمش؛ و 906 تاریخنده ایکی اوغلنک منازعاتی آر-سنده وفات ایدوب،
ظنه کوره تسمیم اولنمشدی.

8-3317-5
غیاث الدین غوری

غوریان سلاله-سندن بابا اوغل ایکی حکمدارک اسمیدر:
برنجیسی (محمد) ملوک مذکور-نک اوچنجیسی اولوب، بهاء الدین سامک اوغلی و مؤسس دولت علاء
الدین حسینک یکنیدر. 552 تاریخنده برادری سیف الدین محمد خلف اولوب، هرات تختته جلوس، و
برادری شهاب الدین ابو المظفری غزنه والیکنه نصب ایتمشدی. بو ذات برادری نامنه خراسانی و

هندك بعض طرفلارنى ضيظ ايتمشدى. غياث الدين 47 سنه حكومت سورددكن صكره 599ده وفات ايدوب، برادرى مشار اليه شهاب الدين خلفى اولمشدر.

*- ايكنجيسى (محمود) برنجينك اوغلى و سلاله-نك صوك حكمدارى اولوب، 602 تاريخنده عمى شهاب الدين ابو المظفره خلف اولمش؛ و كنديسى عاجز و غير مقتدر بر آدم اولمغله، هراتله اکتفا ايدوب، غزنه-يى تاج الدين ايلدكره ويرمش؛ و سائر امراسى دخى برر طرفده اعلان استقلال ايتمكله، 607 تاريخنده قتل اولنه-رق، بونكله غوريان دولتى منقرض اولمشدر.

1-3318-5
غياث الدين كيخسرو

رومده يعنى قونيه و اناطولىده حكومت سورن ملوك سلجوقيه-دن اوچ ذاتك اسميدر:

برنجيسى سلاله مذكوره-نك آلتنجى حكمدارى اولوب، عز الدين قليج آرسلانك اوغلى و ولى عهدى اولمغله، 578 تاريخنده، پدريتك وفاتى اوزرينه، تخته جلوس ايتمش ايسه-ده، بر بچق سنه صكره بيوك برادرى ركن الدين سليمان شاه قيام ايدو-رك، صاحب ترجمه مقاومت ايدو-ميوب، قسطنطينيه-يه قاچمش؛ و 23 سنه صكره 603 تاريخنده، برادرينك وقوع وفاتى اوزرينه، ملك موروثى استرداد ايدوب، بو دفعه دخى آلتى سنه حكم سورددكن صكره، 609 تاريخنده لاذقيه-ده اهل صليبيه قارشى حرب ايدرکن شهيد اولمشدر.

*- ايكنجيسى روم سلاجقه-سنگ اون برنجيسى اولوب، برنجى غياث الدين كيخسروك تورونيدر. 636 تاريخنده پدري علاء الدين كيقياده خلف اولوب، او صره-ده مغوللر خروج ايتمش اولمغله، كنديسى يتمش بيك عسكرله قرق بيك مغول طرفندن مغلوب اولمش؛ و سكرز سنه اسماً حكمدارلق ايدوب، 614 تاريخنده وفات ايتمشدر.

*- اوچنجيسى ملوك مذكوره-نك اون اوچنجيسى اولوب، ايكنجينك تورونيدر. 664 تاريخنده، پدري ركن الدين سليمانك قتلى اوزرينه، ابقا خان فرمانيله مسند حكومته كچيريلوب، اون سنه اسماً حكمدارلق ايتدكدن صكره، 682ده كيخاتو خان فرمانيله قتل اولنمشدر.

2-3318-5
غياث الدين محمد

[((غياث الدين غورى)) و ((محمد سلجوقى)) ماده-لرينه مراجعت بيوريله.]

3-3318-5
غياث الدين محمود

[((غياث الدين غورى)) ماده-سنه مراجعت.]

4-3318-5
غياث الدين مسعود

قونیه و اناطولیده حکم سورن سلاجقه رومک اون دردنجی حکمداری اولوب، عز الدین کیکاوسک اوغلی و غیاث الدین کیخسرو ثانینک تورونیدر. پدری قربمه قاچمش اولمغله، اوراده وفات ایتدیکنده، صاحب ترجمه سینوب طریقيله آذربيجانه کچوب، ابقا خانه التجا ایتمش؛ و بر مدت صکره 682ده آرغون خانک فرمانيله عم-زاده-سی غیاث الدین کیخسرو ثالثک برینه روم حکومتنه نصب اولنه-رق، 14 سنه اسماً حکومت سوردکدن صکره، 697ده وفات ایتمشدر.

5-3318-5
غیاث حلوايي

مشاهیر شعرای ایراندن اولوب، عن اصل شیرازلی اولدیغی حالده، اصفهانه کیده-رک، بر وقت اوراده یاشامش؛ و اوخر عمرنده کوزلرینه عماطاری اولمش ایدی. شو بیت اونکدر:

@@@
خوشم بشورش محشرکه کس نخواهد دید
که کرد من زکدام آستانه بر خیزد
\$

6-3318-5
غیاثی

ایران شعراسندن اولوب، استربادلیدر. اکثر عمرینه سیاحتله کچیرمشدر. شو بیت اونکدر:

@@@
شر مسارم زرفیق شب هجران تاکی
او کریبان مرا دوزد و من پاره کنم
\$

7-3318-5
غیرت

فرس متأخرین شعراسندن ایکی ذاتک مخلصیدر:
برنجیسی (میرزا جعفر) اصفهان ساداتندن اولوب، شو بیت اونکدر:

@@@
افسوس که تابوی کلی بود بکلشن
صیاد نیاویخت بکلشن قفس ما
\$

*- ایکنجیسی (خواجه عبد اللطیف خان بن خواجه ابو الفتح خان) شیخ افضل ثابت اله آبادینک شاکردی اولوب، شو رباعی اونکدر:

@@@
هر جا باری و آشنایی ست ترا
دریاب که خضر رهنمایی ست ترا
ضایع نبود بخلق احسان کردن

هر دست كرفته عصايي ست ترا

\$

هندستان كبرا و ادباسندن ((جهانكير نامه)) عنوانيله بر اترك صاحبي اولان بر غيرت خان دخي واردر.
بونك عيني اولمق احتمالي واردر.

8-3318-5

غيرتي، محمد عاقل

كشمير شعراسندن اولوب، دهلي حكمدار لرندن شاه محمدك زماننده ياشامشدر. شو بيت اونكدر:

@@@

بي مزده وصال نخيزد شهيد عشق

صد باركر فرشته رحمت ندا كند

\$

9-3318-5

غيلان، بن سلمة الثقفي

صحابه-دن و رؤساء بنى ثقيفدن اولوب، طائفك فتحندن صكره اسلامه كلمش؛ و جاهليتده اون زوجه-
سى اولمغله، ايچلرندن درديني انتخاب ايدوب، آلتيسنى تطليق ايتمهكه جانب حضرت نبويدن مأمور
بيورلمشيدى. كسرى ايله ملاقات ايتديكى و حكمدار مشاراليه ايله بعض ماجر الرى مرويدر. اواخر
خلافت جناب فاروقيده وفات ايتمشدر. *- بو اسمله صحابه-دن ديكر ايكي ذات دخي اولوب، برى
رسول الله (صلى الله عليه و سلم) افندمرك آز ادليلرندن ايدى.

1-3319-5

غيلان، ابو الحرث ذوالرمة *- بن عقبه

مشاهير شعراء عربدن اولوب، فرزدقك معاصرى ايدى. (ميه بنت مقاتل بن طلبه المنقرى)يه عاشق
اولمغله، اكثر اشعارى بو محبوبه-سى حقنده-در. شو ايكي بيت جمله اشعارندندر:

@@@

اذا هبت الارواح من نحو جانب

به اهل مى هاج قلبى هبوبها

هوى تذرف العينان منه و انحا

هوى كل نفسى اين حل حبيبها

\$

2-3319-5

غيور، نواب اشجع الدوله غيور جنك بهادر

هندستان کبرا و شعراسندن اولوب، 1145ده طوغمشیدی. نسلی حضرت اویس القرانیه منتهی اولدیغی
مرویدر. شو رباعی جمله اشعارندندر:

@@@

سحر چو برق بت سرخ پوش رفت و گذشت
بیک کرشمة او عقل و هوش رفت و گذشت
طریق عشق زیروانه می توان آموخت
که سوخت جان عزیز و خموش رفت و گذشت
\$

3-3319-5

غیوری، ویردی جان بیک بن علی قلی بیک
قرس شعراسندن اولوب، عن اصل اتراکدن اولدیغی حالده، کابله طوغمش؛ و هندستانه عزیزمتله اکبر
شاهه انتساب ایدوب، معیننده بر محاربه-ده مقتول اولمشدر. شو بیت اونکدر:

@@@

شر می بارد زابر تیغش
اینست نشان قاتل من
\$